

K 169387
3



ალეზრიან ითონიშვილი

ქავკასიის
ხალხთა
საოჯახო ყოფა



«მეცნიერება»-1977

საქართველოს სსრ მეცნიერებათა აკადემია
ივ. ჯავახიშვილის სახ. ისტორიის, არქეოლოგიისა და
ეთნოგრაფიის ინსტიტუტი

ვალერიან ითონიშვილი

კავკასიის ხალხთა საოჯახო ყოფა
ისტორიობრაჟიული ნარკვევი

K 169384
3

სკმგ-2000
ფეროფერულია



გამომცემლობა „მეცნიერება“
თბილისი — 1977



9027(c) (= 9996) + 392(c 9)



902.7 (C4)
392 (47.9)
o 409

1) კავკასიის ეთნოგრაფია
2) კავკასიის ხეხია საოჯახო ყოფა

ნაშრომის მიზანს შეადგენს მკითხველს გააცნოს კავკასიის ხალხთა საოჯახო ყოფის შესწავლის მდგომარეობა როგორც რევოლუციამდელი, ისე საბჭოთა პერიოდის ეთნოგრაფიული და ისტორიული ლიტერატურის მიხედვით. მასში განხილული და გაანალიზებულია არსებული სამეცნიერო მემკვიდრეობა ოჯახის ფორმებისა და მისი ძირითადი კომპონენტების შესახებ, რასაც მეცნიერულ-თეორიულ მნიშვნელობასთან ერთად აქვს პრაქტიკული მიზანდასახულობაც, რამდენადაც საქართველოს კომპარტიის ცენტრალური კომიტეტის დადგენილება „მავენ ტრადიციებისა და წეს-ჩვეულებების წინააღმდეგ ბრძოლის გაძლიერების ღონისძიებათა შესახებ“ სერიოზულ მნიშვნელობას ანიჭებს ძველი ტრადიციების გენეზისის, ფესვებისა და გამძლეობის ფაქტორების მეცნიერულ საფუძველზე კვლევას.

Автор поставил целью ознакомить читателей с состоянием изучения семейного быта народов Кавказа по этнографической и исторической литературе как дореволюционного, так и советского периодов. В труде рассмотрено и проанализировано существующее научное наследство о формах семьи и ее основных компонентах, что имеет как научно-теоретическое, так и практическое значение, постольку постановление Центрального комитета Коммунистической партии Грузии «О мерах по усилению борьбы с вредными традициями и обычаями» придаёт большое значение исследованию на научной основе генезиса старых традиций.

შესავალი

ცნობები საოჯახო ყოფის, ისევე როგორც ყოფისა და კულტურის შესახებ საერთოდ, უძველესი დროიდანვე ჩნდება. ამ რიგის ცნობები მით უფრო უხვი და მრავალფეროვანია, რაც უფრო მდიდარია ხალხის კულტურული და ისტორიულ-ლიტერატურული მემკვიდრეობა. საოჯახო ურთიერთობისა და ყოფის სხვა ელემენტების შესახებ საინტერესო მონაცემები გავაჩნია საისტორიო მწერლობაში, სამართლის ძეგლებში, მხატვრულ ნაწარმოებებში, ეთნოგრაფიულსა და ფოლკლორულ მასალებში. შეიძლება ითქვას, რომ უძველეს წერილობით წყაროებში ყველაზე უხვი ცნობები სწორედ საოჯახო და საქორწინო ურთიერთობის შესახებ გვხვდება. ამის დამადასტურებელია ძველი აღმოსავლეთის სამართლის ძეგლები, რომლებშიც უმნიშვნელოვანესი ადგილი უჭირავს საოჯახო და საქორწინო კოდექსებს. ამ თვალსაზრისით არანაკლებად საინტერესოა ქართული და სომხური სამართლის წიგნები, ისევე როგორც ქართველი ხალხის საოჯახო ყოფის რიგი თავისებურების შესწავლისა და ოჯახის ისტორიული განვითარების სურათის დადგენისათვის მრავლისმეტყველ წყაროებად წარმოგვიდგებიან ისტორიული წყაროები და მხატვრული ლიტერატურის ძეგლები.

საუკუნეების განმავლობაში ასე გროვდებოდა დიდძალი ეთნოგრაფიული მასალა საოჯახო ყოფის შესახებ, მაგრამ თვით ეთნოგრაფია, როგორც სამეცნიერო დისციპლინა, გვიან გაჩნდა. დამოუკიდებელ დარგად ის ჩამოყალიბდა XIX საუკუნის მეორე ნახევრიდან და ამ დროიდან იწყება საოჯახო ყოფის მეცნიერული შესწავლა, რაშიც თავიდანვე დიდი მნიშვნელობა მიენიჭა კავკასიის ეთნოგრაფიულ მასალას. ამის საბუთად საქმარისია აღინიშნოს, რომ მ. კოვალევსკის შრომების მეშვეობით კავკასიის ეთნოგრაფიული მონაცემების გაცნობის საფუძველზე ფ. ენგელსმა თავისი ერთ-ერთი ნაშრომის მეოთხე გამოცემაში (1891 წ.) კიდევ უფრო მკაფიოდ აჩვენა „პატრიარქალური თეორიის“ უნიადგობა და განავითარა თვალსაზრისი, რომ ინდივიდუალური ოჯახის წინამორბედ

ერთეულს წარმოადგენდა „პატრიარქალური სახლისეული რომელიც თავისი ძირითადი ნიშნებით, მაგრამ „შეცვლილი ფორმით“ XIX საუკუნის მეორე ნახევარში განვითარების კაპიტალისტურ სტადიაზე მყოფ ევროპის მთელ რიგ ქვეყნებში ჯერ კიდევ ინარჩუნებდა არსებობას¹.

საოჯახო თემის შესახებ ლიტერატურაში ასახული ფაქტობრივი მონაცემების ესოდენ ღრმა განაღვივების შედეგად მკვიდრი საძირკველი ჩაეყარა ერთადერთ სწორ შეხედულებას იმის შესახებ, რომ XIX საუკუნემდე შემონახული დიდი ოჯახი წარმოადგენდა საოჯახო თემის გადმონაშთურ სახეობას. საბჭოთა ენთოგრაფია დღეს ამ მიმართულებით ავითარებს ოჯახის ისტორიის კვლევას, რომელიც თანდათან უფრო აქტიუალური ხდება ამ თვალსაზრისისადმი დაპირისპირებულ ბურჟუაზიულ შეხედულებებთან ბრძოლაში. ბუნებრივია, რომ ასეთ ვითარებაში დღითი დღე იზრდება კავკასიის ეთნოგრაფიული მასალის, როგორც პირველხარისხოვანი წყაროს მნიშვნელობა, რომლის გამოყენების საფუძველზე მ. კოვალევსკიდან დღემდე მრავალი საინტერესო ნაშრომით გამდიდრდა სოციალურ ურთიერთობათა კვლევა-ძიების სფერო. პირველ რიგში ეს ეხება საოჯახო ყოფის შესწავლას, რაც XIX საუკუნის პირველ ნახევარში უმთავრესად მასალების შეგროვებით დაიწყო, XIX საუკუნის მეორე ნახევრიდან ცალკეულ შემთხვევებში გამოკვლევებიც ჩნდება, ხოლო საბჭოთა ეთნოგრაფიაში ამ საკითხის კვლევას ინტენსიური ხასიათი მიეცა. საბჭოთა ეპოქაში გამოქვეყნებულ მრავალრიცხოვან ნაშრომთაგან განსაკუთრებით აღსანიშნავია მ. კოსვენის ფუძემდებლური შრომები², რ. ხარაძის მონოგრაფიები³, ე. კარაპეტიანის გამოკვლევა⁴ და არაერთი სხვა ავტორის ნაშრომი, რომლებსაც ამ ნარკვევში ცალკეული რეგიონების მიხედვით ვიხილავთ. ქართველი და კავკასიელი ხალხების საოჯახო ურთიერთობის საკითხები ადრე შესწავლილი გვექონდა სპეციალურ შრომებში⁵, რომლებშიც მოცე-

¹ ფ. ე ნ გ ე ლ ს ი, ოჯახის, კერძო საკუთრებისა და სახელმწიფოს წარმოშობა, თბ., 1953, 77—80.

² М. Косвен, Этнография и история Кавказа, М., 1961; მ ი ს ი ე ე, Семейная община и патронимия, М., 1963.

³ რ. ხ ა რ ა ძ ე, დიდი ოჯახის გადმონაშთები სვანეთში, ტფ., 1939; მ ი ს ი ე ე, Грузинская семейная община, I, Тб., 1960, II, Тб., 1961.

⁴ Э. Карапетян, Армянская семейная община, Ереван, 1958.

⁵ ვ. ი თ ლ ნ ი შ ვ ი ლ ი, ქართველ მთელთა საოჯახო ურთიერთობის ისტორიიდან, თბ., 1960; მ ი ს ი ე ე, Пережитки семейной общины в горной Ингу-

მულია გამოყენებული ლიტერატურის განხილვა-შეფასების
ბიჯ, მაგრამ შედარებით სრული სურათის წარმოსადგენად
როდ ჩავთვალეთ კავკასიის ხალხთა საოჯახო ყოფის ისტორიოგრა-
ფიული შესწავლა. ამ თვალსაზრისით, ნაშრომში განხილულია კავ-
კასიის თითქმის ყველა ხალხის საოჯახო ყოფა. ნაშრომის განსაზღვ-
რული მოცულობის გამო ქართველი ხალხის საოჯახო ყოფის ისტო-
რიოგრაფიიდან ჯერჯერობით ვეხებით ივანე ჯავახიშვილის, სიმონ
ჯანაშიას და ნიკო ბერძენიშვილის ღვაწლს, ხოლო ქართველი ხალხის
საოჯახო ყოფის შესახებ შექმნილი ეთნოგრაფიული, ისტორიული
და იურიდიული მემკვიდრეობის შეფასება მომავლისათვის გადა-
იდო.

საკითხის განხილვის შედეგად გამოჩნდა, რომ კავკასიის ხალხ-
თა საოჯახო ყოფის შესწავლა თანდათანობით გაფართოვდა, მაგ-
რამ ამ მიმართულებით მუშაობა ჯერ კიდევ საბჭოთა ეთნოგრაფიუ-
ლი მეცნიერების ამოცანას შეადგენს. ამისი საჭიროება განსაკუთ-
რებით იგრძნობა იმის გამო, რომ საოჯახო ყოფისა და საქორწინო
წეს-ჩვეულებების შესწავლას თეორიულ-მეცნიერულ მნიშვნელო-
ბასთან ერთად აქვს პრაქტიკული მიზანდასახულობაც.

ოჯახისა და ქორწინების გენეზისის კვლევას საგანგებო მნიშვ-
ნელობას ანიჭებს საქართველოს კომპარტიის ცენტრალური კომი-
ტეტის დადგენილება „მაგნე ტრადიციებისა და წესჩვეულებების
წინააღმდეგ ბრძოლის გაძლიერების ღონისძიებათა შესახებ“. ეს
ღრმა მეცნიერული შინაარსის დოკუმენტი გარკვეულ მიმართულე-
ბას სახავს სოციალურ ურთიერთობათა ფორმებისა და სულიერი
კულტურის შესწავლის, შეფასებისა და თანამედროვეობის ინტერე-

шети (состав семьи), КЭС, II, Тб., 1968; მ ი ს ი ე ვ ე, ცენტრალური კავკასიის
მთელის საოჯახო ყოფა, I, ნახებისა და ოსების საოჯახო ყოფა (რეზიუმე რუსულ
ენაზე), თბ., 1969; მ ი ს ი ე ვ ე, ვ. ი. ლენინი ოჯახის შესახებ, „მნათობი“, 1970, № 9;
მ ი ს ი ე ვ ე, საოჯახო ყოფა მთიულეთ-გუდამაყარში (რეზიუმე რუსულ ენაზე), კეკ, III,
თბ., 1971; მ ი ს ი ე ვ ე, Семейный быт горцев Центрального Кавказа, Авторе-
ферат докт. дисс., Тб., 1971; მ ი ს ი ე ვ ე, Пережитки семейной общины у гру-
зин-горцев Ксанского ущелья, КЭС, IV, Тб., 1972; მ ი ს ი ე ვ ე, ქართლის მთი-
ელთა ყოფა-ცხოვრებიდან, თბ., 1974; მ ი ს ი ე ვ ე, ამიერკავკასიის ხალხთა საოჯა-
ხო ყოფის საკითხები საბჭოთა ეთნოგრაფიულ მეცნიერებაში, „მაცნე“ (ისტორიის...
სერია), 1975, № 1; მ ი ს ი ე ვ ე, ოჯახის ეკონომიური საფუძვლები წოვა-თუშებში,
„ივანე ჯავახიშვილის დაბადების 100 წლისთავისადმი მიძღვნილი საიუბილეო კრებუ-
ლი“, თბ., 1976; მ ი ს ი ე ვ ე, ოჯახის გაყრის წესი და ქონების განაწილების პრინცი-
პი წოვა-თუშებში, „ნიკო ბერძენიშვილის დაბადების 80 წლისთავისადმი მიძღვნილი
საიუბილეო კრებული“, თბ., 1976.

სებთან შეფარდების საქმეში. დადგენილებაში აღნიშნულია, გარკვეული პროფილის მქონე სამეცნიერო-კვლევითმა დაწესებულებებმა „კომპლექსურად, მეცნიერულ საფუძველზე გამოიკვლიონ ქართველი ხალხის ძველი ტრადიციების გენეზისი, ფესვები და გამძლეობის ფაქტორები“. ამ ამოცანის წარმატებით განხორციელებაში განსაკუთრებით დიდი როლი ეკისრება ეთნოგრაფიულ მეცნიერებას, რამდენადაც ტრადიციებსა და წეს-ჩვეულებებს, რასაც დადგენილება ეხება, ძირითადად ეთნოგრაფია სწავლობს. დადგენილება თანაბარ მნიშვნელობას ანიჭებს როგორც ძველი ტრადიციების გენეზისის კვლევას, ისე მისი გამძლეობის ფაქტორების შესწავლას და ახალ ყოფაში მათი გარდაქმნის თუ ახალი ტრადიციების წარმოშობის გზების დადგენას. ამდენად, ქართული ეთნოგრაფიის სადღეისო ამოცანას შეადგენს მუშაობის გაძლიერება როგორც სოციალური ურთიერთობისა და სულიერი კულტურის ძველი ფორმების კვლევის, ისე ახალი ყოფისა და კულტურის თავისებურებათა შესწავლის მიმართულებით.

დადგენილებაში დასახულ ღონისძიებათა შუქზე ქართველი ხალხის სოციალურ ურთიერთობათა კვლევის გაფართოვება გულისხმობს ისეთი საკითხების დაწინაურებას, როგორიცაა ქორწინების ფორმები და საქორწინო წეს-ჩვეულებები, ოჯახის ფორმები და საოჯახო ყოფა, ჩვეულებითი სამართალი, სტუმრობა-მასპინძლობის ტრადიციები, სუფრის კულტურა და მენიუ, ერთობლივი შრომის ფორმები, ურთიერთდახმარების წესები, ნათესაური და მეზობლური ურთიერთობის ნორმები. დადგენილების პასუხად ასევე საჭიროა მუშაობის გაძლიერება რელიგიური რწმენა-წარმოდგენების, დღეობების, მიცვალებულის გლოვის, დასაფლავების წესის და რიგი სხვა სახის რიტუალის გენეზისისა და განვითარების ისტორიის შესწავლის მიმართულებით. ამასთან დაკავშირებით ეთნოგრაფიული მეცნიერების წინაშე დგება ტრადიციებისა და გადმონაშთების შინაარსის დაზუსტების საკითხი და იზრდება გადმონაშთების კვლევის მნიშვნელობა, რაც, თავის მხრივ, მოითხოვს თეორიული საკითხების დამუშავებას. მხოლოდ მაშინ იქნება შესაძლებელი მავნე ტრადიციების გამიჯვნა დადებითი ეროვნული ტრადიციებისაგან, როდესაც სათანადო სიმაღლეზე იქნება დაყენებული სოციალური თუ რელიგიური ინსტიტუტების გადმონაშთური ფორმების კვლევა. მხოლოდ ამის შემდეგ იქნება შესაძლებელი როგორც გადმონაშთების, ისე ყოფაში წარმოქმნილი ნეგატიური მოვლენების დანახვა და მის წინააღმდეგ ბრძოლის ღონისძიებათა დასახვა. ძველი ტრადი-



ციების მეცნიერული შესწავლით ნიადაგი მზადდება იმის გამოსაყვანად, თუ პროგრესულმა ეროვნულმა ტრადიციამ როგორ და რა ახალი შინაარსი შეიძინა, დრომოქმული ჩვეულების ადგილას როგორ და რა სახით წარმოიქმნა ახალი ჩვეულება ან ეროვნულ ტრადიციულობათა ნიღბით როგორ იქნა შემონახული მავნე წეს-ჩვეულება და როგორ და რა მიზეზით მოხდა მისი შინაარსის შემდგომი დასახიჩრება.

საქართველოს კომპარტიის ცენტრალური კომიტეტის დადგენილებაში დასახულ ამ ესოდენ მნიშვნელოვან ამოცანათა განხორციელება საჭიროებს კვლევის დაწინაურებას ოჯახის წარმოშობისა და განვითარების ისტორიის საკითხებზე, რაც შესაძლებელია განხორციელდეს როგორც არსებული თეორიებისა და შეხედულებების კრიტიკული გაზრების, ისე ცალკეული რეგიონებისათვის დამახასიათებელი კონკრეტული ისტორიულ-ეთნოგრაფიული მასალების ანალიზის საფუძველზე. სწორედ ეს ფაქტორებია გათვალისწინებული ჩვენს ნაშრომში, რომლის მიზანს შეადგენს არსებული სამეცნიერო მემკვიდრეობის მიხედვით აჩვენოს კავკასიის ხალხთა საოჯახო ყოფის ძირითადი კომპონენტები.

I. ქართველი ხალხის საოჯახო ყოფის საკითხები ქართველ ისტორიკოსთა შრომებში

(საოჯახო ყოფის შესწავლა პირველ რიგში ეთნოგრაფიის ამო-
 ცანას შეადგენს და ქართული ოჯახის შესახებ არსებული სამეცნიერ-
 რო მემკვიდრეობაც უმთავრესად ქართველ ეთნოგრაფთა ხელით
 არის შექმნილი.) მაგრამ ამ საკითხის კვლევაში მათთან ერთად სათა-
 ნადო წვლილი შეიტანეს ქართველმა ისტორიკოსებმა და იურის-
 ტებმა. (ისტორიკოსთა შორის ამ მხრივ განსაკუთრებით აღსანიშნავია
 დიდი ივანე ჯავახიშვილისა და მისი ღირსეული მოწაფეების
 სიმონ ჯანაშიას და ნიკო ბერძენიშვილის ღვაწლი.) თავიანთ მუშაო-
 ბაში ისინი უხვად სარგებლობდნენ ეთნოგრაფიული მასალებით და
 სხვა რიგის წყაროებთან ერთად მას დიდ მნიშვნელობას ანიჭებდნენ
 განსაკუთრებით სოციალურ ურთიერთობათა ფორმების კვლევაში.
 ამ რიგის საკითხების ძიებაში ისინი ხშირად ეხებოდნენ, ხოლო სა-
 ქიროების შემთხვევაში საგანგებოდაც სწავლობდნენ ოჯახის ისტო-
 რიის საკითხებს, საოჯახო ურთიერთობის ფორმებს და მის შესაბა-
 მის წეს-ჩვეულებებს, რაშიაც შეიძლება დავარწმუნდეთ თითოეული
 მათგანის სამეცნიერო მემკვიდრეობის განხილვის შედეგად.

ივანე ჯავახიშვილი. (ივ. ჯავახიშვილის სამეცნიერო მემკვიდ-
 რეობაში დიდი ადგილი უჭირავს ქართველი ხალხის ყოფისა და
 კულტურის საკითხების კვლევას.) მის სახელთან არის დაკავშირებუ-
 ლი პირველი ფუძემდებლური შრომების შექმნა ქართველი ხალხის
 სამეურნეო ყოფის, მატერიალური კულტურის, სოციალურ ურთი-
 ერთობათა და სულიერი კულტურის სფეროში, რითაც მყარი მეც-
 ნიერული ნიადაგი მომზადდა ქართული საბჭოთა ეთნოგრაფიის შემ-
 დგომი განვითარებისათვის. ივ. ჯავახიშვილი ამომწურავი სისრუ-
 ლით იყენებდა და აანალიზებდა ისტორიული ეთნოგრაფიის მონა-
 ცემებს წერილობითი წყაროებიდან და ფართო მეცნიერულ მიმოქ-
 ცევაში შემოჰქონდა სხვადასხვა კუთხეში და სხვადასხვა დროს
 გამომზეხურებული სხვაელები ეთნოგრაფიული მასალები. ივ. ჯავახი-
 შვილმა შეიმუშავა სხვაელები და სამეცნიერო-კვლევითი მეთოდი და

მომზადა სპეციალური გეგმა-კითხვარები, რასაც არაერთი სპეციალისტი სახელმძღვანელოდ იყენებდა საველე მასალის (უმთავრესად შინამრეწველობის) შეგროვების დროს. ამასთან ერთად, ქართველ საბჭოთა მკვლევართა შორის პირველმა მან განსაზღვრა ეთნოგრაფიული მასალის სპეციფიკა და გამოიჩინა მისდამი კრიტიკული დამოკიდებულება. მისი შეხედულებით, „უეჭველია, ხალხურს მესხიერებასა და ზეპირსიტყვაობას უძველესი ხანის ზნე-ჩვეულებანი, მსოფლმხედველობა და რწმენა, ზღაპრები და თქმულეები, ლოცვა-სავედრებლობითი წარსათქმელები და წარმართული ხანის სიმღერა-ლექსები [შემონახული აქვს] მაგრამ, თუ წერილობითი ძეგლებიც-კი დროის გავლენის სიდუხჭირეს ვერ გადაურჩა, წარმოუდგენელია, რომ ზეპირსიტყვაობის სახით დაცულს გადმოცემასა და ტექსტს საუკუნეთა განმავლობაში ჩვენამდის უცვლელად მოეღწია და სხვადასხვა დროისა და წრის შენაერთი ადგილის არაერთი ფენით არ იყოს აჭრელებულ-შეცვლილი“¹.

ივ. ჯავახიშვილი ეთნოგრაფიულ მასალებს დიდ მნიშვნელობას ანიჭებდა უძველესი კულტურულ-ისტორიული მოვლენების ასახსნელად, იგი საჭიროდ თვლიდა ქართულ-კავკასიური ეთნოგრაფიული მასალების გამოყენებას არა მარტო საქართველოს, არამედ ძველადმოსავლურ წერალობით წყაროებში დაცული ცნობების შინაარსის გასარკვევად. ამასთან ერთად, ივ. ჯავახიშვილი უძველესი ქართული წეს-ჩვეულებებისა და წარმართული რიტუალების შესწავლისათვის იყენებდა როგორც ქართულ, ისე ძველადმოსავლურ წყაროებს) საკმარისია აღვნიშნოთ, რომ საქართველოში XX საუკუნის დამდეგამდე გადმონაშთის სახით შემორჩენილი „მელია ტელეფიას“ დღესასწაულის შესწავლაში ივ. ჯავახიშვილმა გამოიყენა ძვ. წ. XVI საუკუნის ხეთურ ლურსმულ საბუთებში დაცული ცნობები ღვთაება ტელეფინუმის შესახებ და ამ შორეულ პარალელურ მოვლენებში რეტროსპექტული ანალიზის საფუძველზე ამოიკნონაყოფიერება-შვილიერების ღვთაების რწმენისა და მის სახელზე შესრულებულ საგალობელ-რიტუალთა არსებობის ანარქელი².

ივ. ჯავახიშვილი ისტორიულ-ლიტერატურული ძეგლის ეთნოგრაფიული ანალიზის უცილობელ პირობად თვლიდა მასში ასახული

¹ ივ. ჯავახიშვილი, საქართველოს, კავკასიისა და მახლობელი აღმოსავლეთის ისტორიულ-ეთნოგრაფიული პრობლემები, თბ., 1950, 171.

² ივ. ჯავახიშვილი, ქართული ენისა და მწერლობის ისტორიის საკითხები, თბ., 1956, 94.

წეს-ჩვეულებების ცოდნას. მაგალითად (როდესაც იგი ეხება საქორწინო ვალდებულებათა ხასიათს V საუკუნეში იაკობ ხუცესის თხზულების მიხედვით, აღნიშნავს, რომ „იაკობ ხუცესის შემომოყვანილი ცნობის მთელი შინაგანი მნიშვნელობის გასაგებად ქართული ძველი ქორწინების წესების ცოდნა საქირო“³)

ასეთი პასუხისმგებლობით იკვლევდა ივ. ჯავახიშვილი ყოფისა და კულტურის პრობლემებს, მათ შორის საოჯახო და საქორწინო ურთიერთობის საკითხებს. ამ საკითხებს იგი იმდენად დიდ მნიშვნელობას ანიჭებდა, რომ განუზრახავს მონოგრაფიის დაწერა საქორწინო წეს-ჩვეულებების შესახებ⁴, მაგრამ, სამწუხაროდ, აღარ დასცალდა ამ ჩანაფიქრის განხორციელება. სამაგიეროდ, ქორწინების რიგი თავისებურებების განხილვას სპეციალური პარაგრაფი დაუთმო „ქართული სამართლის ისტორიის“ პირველ წიგნში, ხოლო სხვადასხვა ეპოქის წყაროებსა და ეთნოგრაფიულ მონაცემებზე დაყრდნობით თავის არაერთ ნაშრომში შეეხო ოჯახისა და ქორწინების ისტორიის მრავალ საკითხს, რომელთაგან აქ ზოგიერთზე შევჩერდებით.

(საქართველოს ისტორიულ წარსულში ოჯახის) სტრუქტურის ზოგიერთ თავისებურებას ივ. ჯავახიშვილი მოკლედ გვაცნობს იაკობ ხუცესის თხზულების მიხედვით. ამ წყაროზე დაყრდნობით საოჯახო ყოფის ერთ-ერთ მნიშვნელოვან თავისებურებად თვლის მშობლებისა და შვილებისაგან შედგენილი სახლობის არსებობას, ე. ი. გაყრილი ძმების ცალ-ცალკე ცხოვრებას. ივ. ჯავახიშვილი, ამასთან ერთად, ყურადღებას აქცევს საოჯახო ყოფის ისეთ კომპონენტებს, როგორცაა მამა-მამუქესთან და დედა-მამუქესთან გასაზრდელად შვილების გაზარება, ოჯახში მამაკაცის პატრიარქალური უფლებამოსილება, ქმრისადმი ცოლის მორჩილება, ქალის უფლებრივი მდგომარეობის გამომხატველი საწოლი მოწყობილობისა და შემოსილობის ელემენტები, მამაკაცისა და დედაკაცის უფლებები ჭამა-სმის დროს და ა. შ.⁵

ამ საკითხების ინტერპრეტაციის მიზნით საისტორიო მწერლობის ძეგლებს ქართველ საბჭოთა მკვლევართაგან პირველად ყუ-

³ ივ. ჯავახიშვილი, ქართული სამართლის ისტორია, წიგნი I, ტფ., 1928, 162.

⁴ იქვე, 170.

⁵ ივ. ჯავახიშვილი, ქართველი ერის ისტორია, I, თბ., 1951, 282—284.

რადღებდა მიაქცია ივ. ჯავახიშვილმა. მისივე დამსახურებაა აღნიშვნა, რომ V საუკუნის საქართველოში უკვე არსებობდა ინდივიდუალური ოჯახი, რომელიც კლასობრივ საზოგადოებაში იქცა ოჯახის ძირითად ფორმად, ხოლო მის პარალელურად, როგორც ეს ივ. ჯავახიშვილის სხვა გამოკვლევებიდანაც ნათლად ჩანს, ქართველი ხალხის ყოფაში არსებობას ინარჩუნებდა საოჯახო თემის გადმონაშთური სახეობა დიდი ოჯახის სახით.]

როდესაც ოჯახის ამ ორი ტიპის თანაარსებობის დადგენაში ივ. ჯავახიშვილის ღვაწლს აღვნიშნავთ, მხედველობაში გვაქვს მისივე ნათქვამი, რომ გიორგი მერჩულეს ნაწარმოებით ცნობილ ხანაში „სახლობა მრავალ-რიცხოვანიცა და პატარაც ყოფილა“, ხოლო „სახლობის წევრნი „სახლეულ“-ად იწოდებოდნენ“⁶. დიდი და პატარა ოჯახების თანაარსებობა ასევე კარგად ჩანს უფრო ადრეულ პერიოდშიც, არაბთა ბატონობის დროს. ივ. ჯავახიშვილი აღწერს არაბებსა და ქართველებს შორის დადებული ხელშეკრულების პირობებს არაბთათვის საკომლო გადასახადის მიცემის შესახებ. სადაც გათვალისწინებული ყოფილა, რომ ქართველებს არ დაეწყოთ ოჯახების ფიქტიური შეყრა-შეერთება, ხოლო არაბებს არ მოეთხოვათ არსებული ოჯახების ხელოვნური დაყოფა-დაქუცმაცება⁷. ხელშეკრულებაში ამგვარი პირობების გათვალისწინება ლოგიკური უნდა ყოფილიყო მხოლოდ დიდი და პატარა ოჯახების თანაარსებობის შემთხვევაში.]

სხვადასხვა ტიპის ოჯახების თანაარსებობა ასევე ნათლად ჩანს გვიანდყოფილი ხანის აღმოსავლეთ საქართველოს მოსახლეობის აღწერის მასალებიდან, რომლის საკმაოდ დიდი ნაწილი თვით ივ. ჯავახიშვილმა შეისწავლა, ხოლო მისი გარდაცვალებიდან დიდი ხნის შემდეგ კიდევაც გამოქვეყნდა⁸. XVII-XVIII სს. ამ აღწერებში ნაჩვენებია მოსახლეობის რაოდენობა, საქმიანობა, ადგილმონაცვლეობის ხასიათი, სოციალური სტრუქტურა, ცალკეულ გვართა წარმომავლობა, ოჯახის შემადგენლობა და ა. შ. ოჯახის შემადგენლობის ჩვენებისას აღწერაში გათვალისწინებულია მხოლოდ მამრობი-

⁶ ივ. ჯავახიშვილი, ქართული სამართლის ისტორია, წიგნი II, ნაკვეთი II, ტფ., 1929, 378.

⁷ ივ. ჯავახიშვილი, ქართველი ერის ისტორია, III, თბ., 1948, 72, 82.

⁸ ივ. ჯავახიშვილი, საქართველოს ეკონომიური ისტორიის ძეგლები, I, თბ., 1967; მისივე, საქართველოს ეკონომიური ისტორიის ძეგლები (13—19 სს.), წიგნი II, თბ., 1974.



ბითი სქესის წარმომადგენელთა აღრიცხვა. (XVII საუკუნის მეორე ნახევრის ზემო ქართლის სადროშოს აღწერაში ჩამოთვლილია თად მცხოვრებ მამაკაცთა რაოდენობა თაობების ჩვენებით. პირველ რიგში დასახელებულია ოჯახის უფროსი, შემდეგ მისი ძმები და ბოლოს ძმათა ვაჟები⁹. აღწერის ამ პრინციპისაგან განსხვავებით ყოფილი არაგვის საერისთავოს¹⁰ ანუ ხევისა და მთიულეთ-გუდამაყრის (1774 წლის აღწერაში, რომელიც ე. თაყაიშვილმა გამოაქვეყნა¹⁰. ჯერ დასახელებულია კომლი, ხოლო შემდეგ ნაჩვენებია კომლში შემავალ „თავთა“ რიცხვი. ერთ შემთხვევაში კომლში შედის მხოლოდ ერთი „თავი“, მეორე შემთხვევაში ორი, სამი და ა. შ. დასახელებულია ბევრი ისეთი კომლი, რომელიც აერთიანებს ოთხ, ხუთ და ექვს „თავს“) მთელი აღწერილობა ემყარება რა ამ პრინციპს, აღმწერთ სიაში შეჰქონდათ მხოლოდ კომლთა და „თავთა“ რიცხვი გვარების, მამის სახელებისა და საკუთარი სახელების აღნიშვნით. არსად ოჯახის სრული აღწერა არ გვხვდება, ქალებისა და ბავშვების სახელები და მათი რიცხვი სავსებით უგულებელყოფილია.

(ოჯახის შემადგენლობის დასადგენად განსაკუთრებით საინტერესოა კომლისა და მასში შემავალი „თავი“¹¹ მნიშვნელობა, რის შესახებაც ივ. ჯავახიშვილი წერს: „თავი“ კომლში ოჯახის უფროსს უნდა ნიშნავდეს) მამა-ქმარს.. (კომლში შეიძლება რამდენიმე ოჯახი იყოს, თვითეულ ოჯახს ეყოლება „თავი“ ანუ უფროსი — „მამა“) ამნაირად მებატონის ყმების სიაში რომ გვარი და სახელია მოხსენებული. ის მთელი კომლის უფროსს ეკუთვნის, ხოლო დავთარში ნაჩვენებია, რამდენი ოჯახი სახლობს თვითეულ კომლში“¹¹.)

ამგვარი ახსნა-განმარტებისა და არსებული სტატისტიკური მასალებით გათვალისწინების შედეგად კომლი ერთ შემთხვევაში წარმოგიდგება ინდივიდუალურ ოჯახად, რომელსაც სათავეში ედგა ერთი მამაკაცი—ე. წ. „თავი“. მეორე შემთხვევაში კომლი იყო ისეთი სოციალური ერთეული. რომელშიც ირიცხებოდა ორი, სამი, ოთხი, ხუთი და, ზოგიერთ შემთხვევაში, ექვსი „თავი“. თუ „თავი“ ყველა

⁹ ივ. ჯავახიშვილი, საქართველოს ეკონომიური ისტორიის ძეგლები, II, 41 და შმდ.
¹⁰ ე. თაყაიშვილი, მასალანი საქართველოს სტატისტიკურის აღწერის-ლობისა მეთვრამეტე საუკუნეში, ტფ., 1907.
¹¹ ივ. ჯავახიშვილი, ხალხის აღწერის და შემოსავლის დავთრები საქართველოში, ქურნ. „მოამბე“, ტფ., 1901, № 4, განყ. II, 10.

გარიანტში ოჯახის უფროსს ანუ ცოლ-შვილის პატრონს (მამა-ქმარს) ნიშნავდა, მაშინ გამოდის, რომ რამდენიმე „თავის“ გამაერთიანებელი კომლი იყო რამდენიმე ოჯახის ერთობლიობა, კოლექტიური უჯრედი. მაშასადამე, თანამედროვე ეთნოგრაფიულ მეცნიერებაში მიღებული ტერმინოლოგიის მიხედვით, კომლი, რომელშიც მხოლოდ ერთი „თავი“ ირიცხებოდა, წარმოადგენდა ინდივიდუალურ ოჯახს, ხოლო კომლი, რომელშიც რამდენიმე „თავი“ ითვლებოდა, უნდა ყოფილიყო დიდი ოჯახი (საოჯახო თემის გადმონაშთური სახეობა), რამდენადაც მის ფარგლებში შედიოდა რამდენიმე საქორწინო წყვილი თავისი შთამომავლობით.

როგორც ვხედავთ, ივ. ჯავახიშვილმა მიაკვლია სტატისტიკური მასალის დიდ ნაწილს, რომელიც საყურადღებო მონაცემებს შეიცავს ოჯახის სტრუქტურის შესწავლისათვის. ამასთან ერთად, მან გაანალიზა ადრე გამოქვეყნებული ასეთივე შინაარსის მასალები და შექმნა იმის მტკიცების საფუძველი, რომ გვიანფეოდალური ხანის მოსახლეობის აღწერის დავთრებში ფიქსირებულია მეტ-ნაკლები სიდიდის ოჯახები, რაც ერთხელ კიდევ ააშკარავებს დიდი და პატარა ოჯახების თანაარსებობას.

ოჯახის შემადგენლობისა და საოჯახო საკუთრების ფორმების შესწავლისათვის ასევე მრავლისმეტყველი წყაროა შეყრილობის წიგნები, რომელთა მიკვლევა-გამომხეურება და გაანალიზება კვლავ ივ. ჯავახიშვილის სახელთან არის დაკავშირებული. მართალია, ივ. ჯავახიშვილი ოჯახების შეყრილობის საბუთებს იმის დასამტკიცებლად იყენებდა, რომ „გვაროვნული წესწყობილება ერთხელ დამოლილი შეიძლება კვლავ განახლდეს და სოციალური ცხოვრების ისევ ძირითად მოვლენად და ქვათყუთხედ დაწესებულებად იქცეს“¹², მაგრამ შემდგომი მეცნიერული კვლევა-ძიების შედეგად უარყოფილ ამ შეხედულებას ამჟამად მთავარი მნიშვნელობა როდი ენიჭება. ოჯახების შეყრილობის საბუთების შესწავლის შედეგად ივ. ჯავახიშვილმა დაადგინა ის ფრიად საყურადღებო კანონზომიერება, რომ ქართველი ხალხის ისტორიულ წარსულში „შეყრილობისადმი მისწრაფება და პროცესი ქართველი ერის ყველა წრეში იყო უმაღლესითავე მოყოლებული სოფლელებამდე“. მისივე მტკიცებით, „ცხოვრების უშიშროების შესაქმნელად გაყრილ-დაშორებული წევრები საერთო გასაჭირის დასაძლევად შეერთება-შე-

¹² ივ. ჯავახიშვილი, ქართული სამართლის ისტორია, I, 157.

კავშირებაზე ზრუნავდნენ¹³. ივ. ჯავახიშვილმა დასასაბუთო, ოჯახების შეყრა წარმოადგენდა გაყრილობის საპირისპირო მოვლენას, ხოლო ეს გარემოება თავისთავად იმის უტყუარი მაჩვენებელია, რომ ქართველ ხალხში ხანგრძლივად იყო შემონახული გაუყრელად ცხოვრების ტრადიცია. პირველ ყოვლისა ამის დამამტკიცებელია ივ. ჯავახიშვილის მიერ დამოწმებული XVI—XVIII სს. შეყრილობის წიგნები, რომლებშიც აღნიშნულია, რომ შეყრილობით აღადგენდნენ ოდინდელ ერთობას, ე. ი. დიდ ოჯახს, რომელიც აერთიანებდა ძმების, ბიძაშვილებისა და მათი შთამომავლობის რამდენიმე თაობას.

ივ. ჯავახიშვილის მიერ გამომზეურებული საბუთების, თვით ამ დოკუმენტებზე დაყრდნობით მის მიერვე გამოთქმული საყურადღებო შეხედულებებისა და საოჯახო ყოფის შემდგომი შესწავლის შედეგად დადასტურდა, რომ ოჯახების შეყრით დამყარებულ ურთიერთობაში გამოყენებული იყო ისტორიულად არსებული ქართული დიდი ოჯახის ცხოვრებისათვის დამახასიათებელი ტრადიციები, ხოლო ამგვარი ურთიერთობის დამყარება მიზნად ისახავდა მდგომარეობის შემსუბუქება-გაუმჯობესებას. ოჯახების შეყრილობას აპირობებდა კონკრეტული სოციალურ-ეკონომიური ვითარება, ხოლო კანონზომიერ ისტორიულ პროცესად გვესახება დიდი ოჯახების დაშლა ინდივიდუალურ ოჯახებად. ამდენად, შეყრილობა წარმოადგენდა ძველ ტრადიციებზე დამყარებულ დროებით ღონისძიებას და არა საოჯახო თემის რესტავრაციის საშუალებას.

ოჯახის ისტორიული განვითარებისა და მისი შესაბამისი ფორმების დადგენისათვის უაღრესად დიდი მნიშვნელობა ენიჭება საოჯახო საკუთრების სახეობათა გარკვევას, რასაც ივ. ჯავახიშვილმა „ქართული სამართლის ისტორიის“ მეორე ტომის მეორე ნაკვეთში სპეციალური თავი დაუთმო. ისტორიული წყაროების ქრონოლოგიური თანამიმდევრობით გაანალიზების შედეგად მან დაადგინა საოჯახო ქონების სამი ძირითადი სახეობა: „მამული“ (ოჯახის სამემკვიდრეო ქონება), „დედული“ (ქალის მიერ მიტანილი მზითევი) და „მონაგები“ (ოჯახში საერთო გარჯით შექმნილი ქონება)¹⁴. ივ. ჯავახიშვილის გამოკვლევით, IX საუკუნემდე არსებულ წყაროებში „მამული“ და „დედული“ იხმარებოდა აღამიანის მოდგმა-წარმო-

¹³ ივ. ჯავახიშვილი, დასახ. ნაშრომი, 156.

¹⁴ ივ. ჯავახიშვილი, ქართული სამართლის ისტორია, წიგნი II, ნაკვეთი II, 373—374.

მავლობის მნიშვნელობით და ნიშნავდა მამისეულ თუ დედისეულ სამშობლოს. IX საუკუნის შემდგომ პერიოდში „მამულის“ შინაარსი გაფართოვდა, „რომელშიაც მამის უძრავ-მოდრავის გარდა, რასაკვირველია, დედის ნამზითვი და მონაგებიც შეიძლება რეულიყო, რამდენადაც შვილები თავიანთი დედის საკუთრების, დედულის, კანონიერ მემკვიდრეებად ითვლებოდნენ“¹⁵.

საოჯახო საკუთრების ზემოხსენებულ სახეობათა არსებობა ივ. ჯავახიშვილმა დაუკავშირა დიდი ოჯახის დაშლისა და ინდივიდუალური ოჯახის ფორმირების საფეხურს: „მემკვიდრეობის სამართალი შეიძლებოდა მხოლოდ მაშინ გაჩენილიყო, როცა კერძო საკუთრება გაჩნდა, ესე იგი მას შემდეგ, რაც საგვარეულო სახლი პატარ-პატარა სახლობებად დაიყო“¹⁶. ამის კონკრეტულ მაგალითად მკვლევარი ასახელებს ვარსკენ პიტიახშის ოჯახს იაკობ ხუცესის, ხოლო ზენონის ოჯახს გიორგი მერჩულეს თხზულებათა მიხედვით. ივ. (ჯავახიშვილის აზრით, ცალ-ცალკე ოჯახებად მცხოვრებ ვარსკენ პიტიახშსა და მის ძმას „თუ უძრავი გაყოფილი არა ჰქონდათ, თვითეულს მაინც თავისი საკუთარი მეურნეობა და საკუთარი მონაგები უნდა ჰქონოდა“¹⁷) მკვლევარი დაახლოებით ასეთსავე სურათს ხედავს გიორგი მერჩულეს ეპოქაში, როდესაც მშობლები შვილებს უნაწილებდნენ მხოლოდ მონაგებს, რამდენადაც შვილებს შორის ქონების გაყოფა მიღებული ყოფილა მხოლოდ მშობლების გარდაცვალების შემდეგ¹⁸. მამასადამე, ივ. ჯავახიშვილმა საოჯახო საკუთრების სახეობათა შესწავლის შედეგად გარკვევით თქვა, რომ ოჯახში ქონების მემკვიდრეობით გადაცემის წესი უკავშირდება კერძო საკუთრების გაჩენას (ე. ი. კლასობრივი საზოგადოების წარმოქმნას), საოჯახო თემის დაშლას და ინდივიდუალური ოჯახის ფორმირებას. ამასთან ერთად, ივ. ჯავახიშვილის მსჯელობაში აშკარად გამოიკვეთა შეხედულება იმის შესახებაც, რომ V თუ VIII—IX საუკუნეების საქართველოში არსებული ინდივიდუალური ოჯახი ჯერ კიდევ ინარჩუნებდა მისი წინამორბედი საოჯახო თემის ცალკეულ ელემენტებს (უძრავის გაუყოფლობა, მშობლების გარდაცვა-

¹⁵ ივ. ჯავახიშვილი. ქართული სამართლის ისტორია, წიგნი II, ნაკვეთი II, 389.

¹⁶ იქვე, 376.

¹⁷ იქვე.

¹⁸ იქვე.

ლებამდე შვილების გაუყრელობა). ბუნებრივია, რომ საოჯახო მის კომპონენტები გაცილებით მდგრად მდგომარეობას ინარჩუნებდნენ იმდროინდელ დიდ ოჯახებში, რომლებიც უსათუოდ თანა-არსებობდნენ პატარა ოჯახებთან ერთად.

საოჯახო ქონებაზე ვაჟის სამემკვიდრეო უფლებებთან ერთად ივ. ჯავახიშვილი განიხილავს ქალის მდგომარეობასაც. მას მიაჩნია, რომ „ქართული მემკვიდრეობის სამართალი ქალებსაც აძლევდა მშობლების საკუთრების დამკვიდრების უფლებას“¹⁹. ამის ერთ-ერთ საბუთად მკვლევარი იმოწმებს გიორგი მერჩულეს ცნობას, რომ განსვენებული დედ-მამის „მონაგები“ დარჩათ ზენონს და მის დას, მაგრამ იქვე მხედველობაში იღებს რა იმ გარემოებას, რომ ზენონის და გათხოვილი არ ყოფილა, დაასკვნის: „მშობლების მონაგების დამკვიდრების უფლება ამ დას სწორედ იმიტომა ჰქონდა, რაკი იგი „იყო სახლსა შინა“ და გათხოვილი არ ყოფილა. გათხოვილ ქალსა და დას, ვითარცა ზითვიანს, მშობლების მემკვიდრეობიდან, როგორც ეტყობა, წილი არ სდებია“²⁰

ივ. ჯავახიშვილის დაკვირვებით, თვით გაუთხოვარ ქალსაც მხოლოდ იმ შემთხვევაში ენიჭებოდა ქონებაზე მემკვიდრეობის უფლება, „როდესაც საგვარეულოთგან არცერთი წევრი აღარ იყო შემორჩენილი, რომელსაც დარჩენილი ქონების დამკვიდრების უფლება ჰქონდა“²¹. სამაგიეროდ ქალის საკუთრებად ითვლებოდა მზითევი. ივ. ჯავახიშვილის აზრით, „პირველ ხანებში „ზითევი“ მოძრავი ქონებისაგან შედგებოდა. VIII—XIII ს. მაინც-და-მაინც მზითვად მოძრავი ქონების მიცემა ჩვეულებრივი საქმე იყო და მტკიცე წესად იყო გამხდარი“²². სათანადო მონაცემების უქონლობის გამო ამ წესის დამკვიდრების დროის განსაზღვრაზე ივ. ჯავახიშვილი თავს იკავებს, მაგრამ აღნიშნავს, რომ „ზითევი“ ტერმინად დაბადების თარიღსაში გვხვდება (გამოსვლათა 22), ხოლო უძრავად უკვე VIII—IX ს. არსებობდა და მას ამ დროს „დედული“ რქმევია, ე. ი. იმგვარივე სახელი, რომლითაც მამის საგვარეულო უძრავ ქონებას აღნიშნავდნენ („მამული“), ამიტომ შეიძლება გვეფიქრა, რომ უკვე VIII—IX ს-ითგან მოყოლებული ზითვად უძრავი ქონებაც უნდა ეძლიათ“²³.

¹⁹ ივ. ჯავახიშვილი, ქართული სამართლის ისტორია, წიგნი II, ნაკვეთი II, 378.

²⁰ იქვე, 378.

²¹ იქვე, 379.

²² იქვე, 374.

²³ იქვე.



K169.387

აქ მოცემულ მტკიცებასთან ერთად საყურადღებოა ივ. ჯავახიშვილის მიერ დამოწმებული სხვა შინაარსის ისტორიული მონაცემებიც, რომელთა მიხედვით მზითვის მიტანა შუა საუკუნეების საქართველოში მაინცდამაინც საქორწინო ურთიერთობის მოწესრიგების მტკიცედ განსაზღვრულ ვალდებულებად არ წარმოგვიდგება. ივ. ჯავახიშვილს მხედველობაში ჰქონდა გიორგი VIII-ის პასუხი 1451 წ. ბიზანტიის მეფის დესპანისადმი. „მისი ასულის ბიზანტიის მეფისათვის საცოლედ მთხოვნელ დესპანისათვის გიორგი მეფეს განუცხადებია: ჩვენი ქვეყნის ზნეჩვეულებების თანახმად საქმროს მოაქვს საცოლისთვის ქონება და არა საცოლოს საქმროვის. ამიტომ მე ჩემს ასულს მზითევს ვერ გამოვატან, მაგრამ სხვაფორც ქონებრივად უზრუნველვეყოფო“²⁴.

გარკვეული დიპლომატიური მოსაზრების გამო შესაძლებელია ამ პასუხში ეთნოგრაფიული სიზუსტე არ იყოს დაცული, მაგრამ რა მიზნითაც არ უნდა ყოფილიყო ეს თქმული, უსათუოდ სარწმუნოდ მისაჩნევია მეფის განმარტება საქმროს უპირატესი ქონებრივი მოვალეობის შესახებ. აღნიშნული ვითარების დასაბუთებისათვის ივ. ჯავახიშვილმა მიმართა როგორც უფრო ადრინდელ, ისე გვიანდელ წყაროებს. იაკობ ხუცესის თხზულებაზე დაყრნობით მან განმარტა, რომ V საუკუნის საქართველოში საქორწინო კავშირის ერთ-ერთ თავისებურებას წარმოადგენდა ქმრის მიერ ცოლისთვის ნივთების მირთმევის წესი. მისივე დაცვირვებით, ცოლ-ქმარს შორის გაცხეთქილების შემთხვევაში ამ ნივთებს ქმარი უკან იბრუნებდა და მეორე ცოლს მიართმევდა. იაკობ ხუცესის ცნობათა შინაარსის გარკვევის მიზნით ივ. ჯავახიშვილმა გააანალიზა აგრეთვე XVII—XVIII სს. მონაცემები, სახელდობრ, ვახტანგ ერეკლეს ძე ბატონიშვილის „ისტორიებრი აღწერა“, არქანჯელო ლამბერტის ცნობები თუ რიგი სხვა წყაროები და საცოლესთვის საქმროს მიერ მატერიალური ვალდებულებების წესში დაინახა ურვადის კვალი და ანარეკლი²⁵. ე. ი. სუიღვითი ქორწინების გადმონაშთი, რომლის ლოკალური ვარიანტები საქართველოში, განსაკუთრებით კი მის მთიან ზოლში (სვანეთი, ხევი), XIX საუკუნის ეთნოგრაფიული მონაცემებითაც თვალნათლივ დადასტურდა²⁶.

²⁴ ივ. ჯავახიშვილი, ქართული სამართლის ისტორია, I, 162; მისივე ი, ქართველი ერის ისტორია, წიგნი IV, თბ., 1948, 49—50.

²⁵ ივ. ჯავახიშვილი, ქართული სამართლის ისტორია, I, 163.

²⁶ რ. ხარაძე, დიდი ოჯახის გადმონაშთები სვანეთში, ტფ., 1939, 87—98; მ. ითონიშვილი, ქართველ მთიელთა საოჯახო ურთიერთობის ისტორიიდან, თბ., 1960, 211—232.



საოჯახო საკუთრების ფორმების, ოჯახის ეკონომიური საფუძვლებისა და განაყრებს შორის ქონების განაწილების პრინციპებს დადგენა ითვალისწინებს საოჯახო დოვლათის ფაქტობრივი მაჩვენებლების ფიქსაციას. ამიტომ ეთნოგრაფი აღწერს ხოლმე არა მარტო ოჯახის საცხოვრებელ სახლს, სამეურნეო ნაგებობებს, სამეურნეო სავარგულებსა და პირუტყვს, არამედ ოჯახის კუთვნილ დგამ-ჭურჭელსაც მათი განლაგება-გამოყენების ჩვენებით. წერილობითი წყაროების მონაცემებზე დაყრდნობით სწორედ ამ სახის მასალები აღწერა და გამოავლინა ივ. ჯავახიშვილმა თავის ერთ-ერთ ნაშრომში²⁷, რომელიც მისი გარდაცვალების შემდეგ გამოქვეყნდა. ამ ნაშრომში აღწერილია საფენელ-საგებელი, ავეჯი, ჭურჭელი და სხვადასხვა დამხმარე საოჯახო ნივთები, ნაჩვენებია თითოეული მათგანის ფუნქცია.

საოჯახო ყოფის ძირითადი კომპონენტების კვლევაში განსაკუთრებული მნიშვნელობა ენიჭება ივ. ჯავახიშვილის მიერ გამოვლენილსა და კვალიფიცირებულ ფაქტობრივ მონაცემებს საწოლ-საჯდოში ავეჯის განლაგება-მოხმარების ხასიათის შესახებ, რასაც გვერდს ვერ აუვლის ოჯახის ისტორიის მკვლევარი. ივ. ჯავახიშვილმა დაადგინა საწოლთა სახეობა-სახელწოდებანი და მოგვცა მათი სოციალური შინაარსის ახსნა. ოჯახში არსებული სქესობრივ-საკობრივი დიფერენციაციის ჩვენებისათვის (საყურადღებოა ივ. ჯავახიშვილის დაკვირვება საჯდოში ავეჯის შესახებ. მან გააჩვია, რომ „ოჯახში საჯდოში ავეჯი საერთო არ იყო. მამაკაცისა და დედაკაცისათვის — სამამაკო და სადედაკო არსებობდა, და უმცროს-უფროსისათვისაც — სხვადასხვა იყო“). მკვლევარი იქვე მიმართავს ეთნოგრაფიულ სინამდვილეს და აღნიშნავს საქართველოს მთიანეთში ამ მოვლენის შემონახულობას. ამასთან ერთად, დიდ მეცნიერს მხედველობიდან არ გამოორჩენია, რომ (საჯდოში ავეჯი პატივსაცემი სტუმრისათვისაც განსაკუთრებულად განკუთვნილი და მისი შესაფერისი უნდა ყოფილიყო“²⁸).

საოჯახო ყოფის რიგი თავისებურების გარკვევისათვის ასევე საყურადღებოა ივ. ჯავახიშვილის მიერ გამოვლენილი მონაცემები სხვა სახის საჯდოში ავეჯის, სასადილო მაგიდების სახეობათა და ჭურჭლის შესახებ. მზითვის წიგნებისა და სხვა წყაროების მიხედ-

²⁷ ივ. ჯავახიშვილი, მასალები საქართველოს მატერიალური კულტურის ისტორიისათვის, თბ., 1965.

²⁸ იქვე, 25.



ვით ივ. ჯავახიშვილი დიფერენცირებულად გვაცნობს პრივილეგირებული ფენების გიურ ფენებში ყოველდღიურად სახმარ („ჭურჭელი სახმარებლად სანადაგოდ“) და სანადიმო-სამეჯლისო ჭურჭელს²⁹.

მზითვის წიგნების ხსენებასთან დაკავშირებით აქვე უნდა აღინიშნოს ამ დოკუმენტების მრავალმხრივი მნიშვნელობა საქორწინო ურთიერთობის ნორმების, საკუთრების ფორმებისა თუ ოჯახის ეკონომიური საფუძვლების შესწავლისათვის და ივ. ჯავახიშვილის წვლილი მათი დიდი ნაწილის აღმოჩენა-გამომხეურების საქმეში³⁰.

საოჯახო ყოფისა და საქორწინო ურთიერთობის სრულფასოვანი შესწავლა წარმოუდგენელია ნათესაობის, ასაკისა და სქესის აღმნიშვნელი ტერმინების თავდაპირველი თუ მერმინდელი შინაარსის ცოდნის გარეშე, ისევე როგორც შეუძლებელია ისტორიულად არსებული აღზრდის სისტემის ხასიათის გაუთვალისწინებლობა. აღნიშნულ გარემოებათა საჭიროება ყველაზე უკეთესად იცოდა თვით ივ. ჯავახიშვილმა და პირველად სწორედ მან შეისწავლა როგორც ნათესაური და სქესობრივ-ასაკობრივი ურთიერთობის გამომხატველი ცნებების დედააზრი, ისე აღზრდის სისტემის ზოგიერთი თავისებურება, სახელდობრ, მამა-მძუღეობის ინსტიტუტის ძირითადი კომპონენტები.

ივ. ჯავახიშვილი ავლენს ადამიანთა ორივე სქესის ასაკის შესაბამის სახელწოდებებს და ერთმანეთისაგან მიჯნავს ყრმობას და ჰასაკს, რომელთაგან პირველი გამოხატავდა ბავშვობის ასაკს, ხოლო სქესობრივი მომწიფების პერიოდიდან იგულისხმებოდა ჰასაკად მოსვლას³¹. აღნიშნული ვითარების გარკვევას არსებითი მნიშვნელობა ენიჭება პირველ რიგში საქორწინო კავშირის დამყარებისათვის სავალდებულო წინაპირობების განსაზღვრაში, რომლის ერთ-ერთ უმთავრეს ელემენტს წარმოადგენდა საქორწინო ასაკი.

ადამიანის სქესობრივ-ასაკობრივი მდგომარეობის გამომხატველ ტერმინებს, ნათესაობის სახეობათა აღმნიშვნელ ცნებებს და ურთიერთშორის სიტყვიერი მიმართვის ფორმებს კიდევ უფრო დიდი მნიშვნელობა ენიჭება ოჯახის შემადგენლობის დადგენისა და ოჯახის წევრთა ურთიერთობის ნორმების გარკვევისათვის. ასეთი

²⁹ ივ. ჯავახიშვილი, დასახ. ნაშრომი, 44 და შმდ.

³⁰ ივ. ჯავახიშვილი, საქართველოს ეკონომიური ისტორიის ძეგლები, II, 16—25.

³¹ ივ. ჯავახიშვილი, ქართული ენისა და მწერლობის ისტორიის საკითხები, 130—138.

კატეგორიის ტერმინთაგან აღსანიშნავია: ქმარი და ცოლი, მამა და დედა, მამრი და მდედრი, მამანი და დედანი, სიმამრი და სიდედრი, მამაკაცი და დედაკაცი, კაცი და ქალი, მამასახლისი და დიასახლისი, სახლი და სახლუფი, სახლიკაცი და სახლისმეილი და ა. შ.

ოჯახის წევრთა ურთიერთდამოკიდებულებისა და ნათესაობის გამომხატველი ამ ცნებების გარკვევის საშუალებით, რაც მისთვის ჩვეული სისრულითა და სიღრმით განახორციელა ივ. ჯავახიშვილი-მა³², შესაძლებელი ხდება დავადგინოთ თუ რა ტიპის ოჯახში იყენებდნენ ამ ცნებებს, რა სახის ურთიერთობა აკავშირებდათ ერთ ჭერქვეშ მცხოვრებთ და ამგვარი ურთიერთობის დამყარებაში რამდენი თაობისა და საქორწინო წყვილის მონაწილეობა იყო შესაძლებელი. ერთი სიტყვით, ივ. ჯავახიშვილის მიერ გამოყენებული ცნებების მეშვეობით და ეთნოგრაფიული მასალის გამოყენებით შესაძლებელია ნათესაური ურთიერთობის იმ ფორმათა აღდგენა, რომელიც დამახასიათებელი იყო ოჯახის თავდაპირველი ტიპის ანდა მისი ვადმონაშთური სახეობისათვის. იმის წარმოსადგენად კი თუ რაოდენ დიდი მნიშვნელობა ენიჭება ნათესაობის გამომხატველ ცნებათა გაშიფვრას ოჯახის ისტორიული ფორმების შესწავლისათვის, კლასიკური ეთნოგრაფიიდან ამის საუკეთესო მოწმობაა ლ. მორგანის ფუძემდებლური გამოკვლევა³³, სადაც დავიწყებას მიცემული ძველი სოციალური ინსტიტუტების თავდაპირველი ფორმების აღდგენის ცდა მოცემულია სწორედ უძველესი ნათესაური ურთიერთობის აღმნიშვნელი და XIX საუკუნის ყოფაში ჯერ კიდევ შემორჩენილი ტერმინების რეალური შინაარსის დადგენის საფუძველზე.

როგორც ზემოთ აღვნიშნეთ, ოჯახის სტრუქტურის შესწავლაში სათანადო ადგილი უჭირავს აღზრდის სისტემას, სახელდობრ მამამძღვრობის ჩვეულებას, რომლის დედააზრი საქართველოს ისტორიულ წარსულში ის იყო, რომ მთავართა შვილები წარჩინებულთა სახლებში უნდა გაზრდილიყვნენ.

ივ. ჯავახიშვილის შეხედულებით, ეს ჩვეულება, რომელიც წერილობითი წყაროების დიდი ნაწილის მიხედვით პრივილეგიური ფენის ცხოვრებისათვის დამახასიათებელ მოვლენად მოჩანს, უძვე-

³² ივ. ჯავახიშვილი, ქართული და კავკასიური ენების თავდაპირველი ბუნება და ნათესაობა, ტფ., 1937, 182, 183, 224—229; მისივე, ქართული სამართლის ისტორია, I, 144—148, 196 და შმდ.

³³ Л. М о р г а н, Древнее общество, Ленинград, 1934.

ლეს პერიოდში მთელი მოსახლეობის სოციალურ ინსტიტუტს წარმოადგენდა. „მოქცევაჲ ქართლისაჲს“ სათანადო მონაცემებზე დაყრდნობით ივ. ჯავახიშვილი ფიქრობს, რომ „ეს წესი თავდაპირველად ცხოვრების იმ უცილობელ კანონად ყოფილი მოვლენის ანარეკლს წარმოადგენს, როდესაც ბავშვი თავისი ღვიძლი მამის სახლსა და საგვარეულოში არამცთუ არ იზრდებოდა, არამედ არც იბადებოდა აქ, მას ღვიძლი მამა გვერდით არ ჰყავდა, არამედ დედა, რომელიც მამინ აგრეთვე ჯერ კიდევ თავისი ქმრის ოჯახში არ იყოფებოდა, არამედ თავისსავე საგვარეულოში რჩებოდა“³⁴. ივ. ჯავახიშვილის აზრით, ასეთ ურთიერთობას განსაზღვრავდა ეგზოგამიის წესი, როდესაც მამაკაცს თავისი საცოლზე უსათუოდ სხვა საგვარეულოში უნდა მოეძებნა³⁵. მამასადამე, ივ. ჯავახიშვილმა მამამთქმეობის ინსტიტუტი დაუკავშირა მატრილოკალური ქორწინების საფუძვლად, როდესაც ქალი მამაკაცთან შეუღლების შემდეგ კვლავ თავისი მამის სახლშივე რჩებოდა და შვილსაც იქ ზრდიდა. ამდენად, ივ. ჯავახიშვილის მიერ განხილული წყაროებისა და მასზე დამყარებული მსჯელობის მნიშვნელობა არა მარტო ქართველი ხალხის უძველესი სოციალური ინსტიტუტების შესწავლის ამოცანებს პასუხობს, არამედ ეხმაურება ზოგადი ეთნოგრაფიის აქტუალურ პრობლემებს, რასაც ამჟამად ესოდენ დიდ მნიშვნელობას ანიჭებს საბჭოთა ეთნოგრაფიული მეცნიერება.

საოჯახო ყოფის ამსახველ ფაქტობრივ მონაცემებს ივ. ჯავახიშვილი რიგ შემთხვევაში იმოწმებდა და აანალიზებდა პოლიტიკური ისტორიის საკითხების გაშუქების მიზნით. მკვლევარი ამ თვალსაზრისით განიხილავდა ქართული საისტორიო მწერლობის ცნობებს ქართველ მეფეთა საოჯახო ყოფისა და საქორწინო ურთიერთობის შესახებ. მაგალითად, ულუ-დავითის დროინდელი საქართველოს პოლიტიკური ისტორიის ცალკეული ეპიზოდების წარმოჩენის მიზნით მკვლევარმა ცხადპყო, რომ ულუ-დავითი ოთხგზის იყო დაქორწინებული. მისი პირველი ცოლი და საქართველოს დედოფალი იყო ჯიგდა-ხათუნი, მისსავე სიცოცხლეში სასახლეში მეორე ცოლად—ხასად მოიყვანა ოსის ქალი ალთუნი, ჯიგდა-ხათუნის გარდაცვალების შემდეგ ცოლად შეირთო ავაგ ათაბაგის ქვრივი, რაჭის ერისთავის ასული გვანცა, ხოლო გვანცა დედოფლის მონღოლთაგან

³⁴ ივ. ჯავახიშვილი, ქართული სამართლის ისტორია, I, 169.

³⁵ იქვე, 170.

მოკვლის შემდგომ მან ცოლად დაისვა ჭორმალო-ნოინისა და სემეძღველის ნოინის და ესუქნა³⁶.

ივ. ჯავახიშვილის მიერ დამოწმებული ფაქტები თავისთავად იმაზე მეტყველებენ, რომ შუა საუკუნეების საქართველოში მეფეს შეეძლო რამდენჯერმე დაქორწინება არა მარტო დაქვრივების შემდეგ, არამედ ერთდროულად ორი ცოლის ყოლაც. ამასთან დაკავშირებით საინტერესოა ეამთაღმწერლის შემდეგი ცნობა:

„ამათ ეამთა შინა მწუხარე იყვნეს წარჩინებულნი მეფისანი, რამეთუ ჯიგდამან არა შვა შვილი. ამისთვის ინება მეფემან მოყვანა, შვილიერებისა ძლით, ალთუნ, ნათესავით ოსი, მეუღლედ, აღმთქმელმან, უკეთუ მიეცეს ყრმა-წული, არღარა შეიწყნაროს, არამედ განუტეოს. და ვითარ გამოჯდა მცირე ეამი, მუცლად იღო ალთუნ ძე, და შვა, და უწოდეს სახელი გიორგი, რომელი აღიქუა და შეიყვანა შვილად დედოფალმან ჯიგდა-ხათუნ და შემდგომად მცირეებისა კუალად მიუდგა და შვა ასული, და უწოდა სახელი თამარ. და აქა შინა განიშორა საყუარელი თვისი ალთუნ, ნათესავით ოვსი, რომელი ფრიად ქმნულ-კეთილ იყო.“³⁷

საისტორიო წყაროდან ამ ადგილის დამოწმება ივ. ჯავახიშვილს უმთავრესად ისტორიულ მოვლენათა დადგენა-დათარიღებისათვის დასჭირდა, მაგრამ მეკლეფარი გზადგზა საქორწინო და საოჯახო ურთიერთობის ამ საინტერესო მოვლენასაც სათანადო კვალიფიკაციას აძლევს. იგი გარკვევით ამბობს, რომ „ულუ-დავითს საყვარელი მხოლოდ მაშინ შეუყვანია სახლში, როდესაც ჯიგდა-ხათუნმა არა შვა შვილი“³⁸. ივ. ჯავახიშვილი აქ ხედავს საქართველოში საყოველთაოდ მიღებული ჩვეულების კონკრეტულ გამოვლინებას, რამდენადაც მოსახლეობის ყველა ფენაში მიზანშეწონილად ითვლებოდა უშვილო ქალის დათხოვა და მის ნაცვლად მეორე ცოლის შერთვა, ანდა უშვილო ცოლთან ერთად მეორე ქალთან თანაცხოვრება მემკვიდრის გაჩენის მიზნით. ასეთი გადაწყვეტილების განხორციელება კაცს შეეძლო პირველი ცოლის მოყვანიდან ორი-სამი წლის გასვლის შემდეგ, როდესაც გამოჩნდებოდა ქალის უნაყოფობა. სწორედ ეს გარემოება ჰქონდა მხედველობაში ივ. ჯავახიშვილს.

³⁶ ივ. ჯავახიშვილი, ქართველი ერის ისტორია, III, თბ., 1949, 145—149.

³⁷ ქართლის ცხოვრება, II, თბ., 1959, 236—237; შდრ. ქართლის ცხოვრება, მარიამ დედოფლის ვარიანტი, ტფ., 1906, 667.

³⁸ ივ. ჯავახიშვილი, ქართველი ერის ისტორია, III, 146.



როდესაც წერდა: „ცხადია, რომ ჯიგდაზე ჯვარის დაწერისა და თუნის საყვარლად მოყვანის შორის ისეთი მანძილი უნდა ვიგულისხმოთ, რომელი ხნის განმავლობაშიაც დედოფლის უნაყოფობა სრულებით უეჭველ გარემოებად უნდა ქცეულიყო. მართალია, მაშინ ამაზე სხვანაირად მსჯელობდნენ ხოლმე, მაგრამ თამარ მეფის ისტორიკოსებისაგან ვიცით, რომ ქორწინების შემდგომ ორი წლის განმავლობაში უშვილობა უკვე მწუხარებაში აგდებდა ხოლმე ცოლქმარსაცა და მეტადრე მახლობლებსაც. ამ შემთხვევაშიც საქმის ვითარება უნდა ამგვარადვე ვიგულისხმოთ და 1249-50 წ., როდესაც ულუ-დავითმა საყვარელი მოიყვანა, ჯიგდა-ხათუნი დაახლოებით უკვე 2—3 წლის განმავლობაში ულუ-დავითის თანამეცხედრე უნდა ყოფილიყო“³⁹.

ივ. ჯავახიშვილის განმარტებით, ასეთი გარჩევა ხდებოდა ხასად მოყვანილი ქალისაგან ვაჟიშვილის შეძენისა და მის შემდგომ ქალის გაშვების პირობით, რაც ულუ-დავითს ზუსტად არ შეუსრულებია და ალთუნი მას მხოლოდ იმის შემდეგღა დაუთხოვია, როდესაც ასულიც უშვია, მაგრამ ამითი არ იცვლებოდა აღწერილი ჩვეულების შინაარსი. ულუ-დავითის მიერ ალთუნის დაგვიანებით გაშვება, ალბათ, იმან განაპირობა, რომ ალთუნი „ფრიად ქმნულკეთილ იყო“. წინააღმდეგ შემთხვევაში ულუ-დავითი მას ვაჟის დაბადებისთანავე გაუშვებდა და არსებულ ჩვეულებასაც, რაც ქართველთა ცხოვრების პრაქტიკაში ვაჟის შეძენის მოტივით იყო შენარჩუნებული, დათქმული პირობის მიხედვით შეპარულებდა.

მაშასადამე, ჟამთააღმწერლის ცნობათა საფუძველზე ივ. ჯავახიშვილმა, სხვა საკითხების კვლევის პარალელურად, ყურადღება მიაქცია ორცოლიანობის თავისებურებას, აქედან გამომდინარე ურთიერთობის ნორმებს და აღნიშნული ჩვეულების საფუძველებს სოციალურად დაწინაურებულ პირთა საოჯახო ცხოვრებაში. როგორც ისტორიული წყაროს შინაარსიდან, ისე ივ. ჯავახიშვილის მსჯელობიდან სრულიად აშკარად გამოჩნდა, რომ შუასაუკუნეების საქართველოში მრავალცოლიანობა არ წარმოადგენდა ცხოვრებისეულ კანონს და მას მხოლოდ შვილიერების საშუალებად იყენებდნენ. პირველ კანონიერ ცოლთან შვილების ყოლის შემთხვევაში კი მეფის მიერ სხვა ქალების მოყვანა და რამდენიმე ცოლთან თანა-

³⁹ ივ. ჯავახიშვილი, დასახ. ნაშრომი, 146.



ცხოვრება ქართველთა ყოფისათვის შეუსაბამო და უცხო მოვლენად ითვლებოდა, რაც ძალიან კარგად ჩანს დიმიტრი მეორეს რადი ცხოვრების შესახებ ქამთაალმწერლის შემდეგი ცნობიდან: „აქამომდე მეფე დიმიტრი, კეთილად მმართველი, სკიპტრათა სამეფოთა შემკობილი, და მოწყალებისა და მოსამართლეობისა, მონაზონთა და ეკლესიათა, ყოველთა წესთა საღმრთოთა და კაცობრივთა კეთილად ზედამიწევნით მმართველი, სისრულისაგან მცირედ მიდრკა, და აღერია წარმართთა. და ისწავნა საქმენი მათნი, უძღებებისა და სიძვისა, გულის-სიტყუსა უკანა შედგომილმან მოიყვანნა ცოლნი სამნი, ერთი ბექას ასული, და სხუა რომელი დედათა შეაცთუნეს სოლომონისებრ, და ურიცხუთა კეთილთა მიერ აღესებული მცირედ სიბოროტედ მიდრკა, რომლისათუსცა ნიკოლოზ კათალიკოსი განრისხებული უთქმიდავე და ამხილებდა მრავლად, და ვერ არწმუნა. ამისთვის დაუტევა კათალიკოსობა“⁴⁰.

ქამთაალმწერლის ამ ცნობას ივ. ჯავახიშვილი იყენებს, მაგრამ არა საოჯახო ყოფის თავისებურების ჩვენებისათვის, არამედ თვით მომხდარი ამბების დადგენისა და სხვა ისტორიული მოვლენების გარკვევის მიზნით. ამიტომ მკვლევარი დაკმაყოფილდა მხოლოდ იმის აღნიშვნით, რომ „აქამომდე დიმიტრი ერთცოლიანობას მტკიცედ იცავდა, ხოლო ამ დროითგან მოყოლებული კი სხვების მაგალითს აპყვა და მეორე და მესამე ცოლიც მოიყვანა“⁴¹. ამ მოკლე განმარტებით ივ. ჯავახიშვილმა გვამცნო, რომ ქამთა-ალმწერელი უარყოფითად აფასებდა დიმიტრი II-ის საქციელს, რამდენადაც მან თავის პირად ცხოვრებაში შემოიტანა ქართული ყოფისათვის უცხო მრავალცოლიანობის წესი. ქართველი მემატიანის გულისწყრომაც სწორედ ამან განაპირობა. ქამთაალმწერელი დიმიტრი II-ეს მრავალრამეს უქმებს, მაგრამ სასტიკად ჰკიცხავს მას სამ ცოლთან ერთდროულად ცხოვრებისათვის, რითაც ის „აღერია წარმართთა და ისწავნა საქმენი მათნი“. მამასადავე, მემატიანის ცნობა, რომელიც ივ. ჯავახიშვილმა მეფის ოჯახის აღწერილობის მიზნით გამოიყენა, საფუძველია იმის მტკიცებისა, რომ შუა საუკუნეების საქართველოში მრავალცოლიანობა ქართული ქრისტიანული ტრადიციისათვის უჩვეულო მოვლენას წარმოადგენდა და ის იმდენად „წარმართულ“ (ე. ი. გარედან შეთვისებულ უცხო) წეს-ჩვეულებად ითვლებოდა.

⁴⁰ ქართლის ცხოვრება, II, 282; იხ. აგრეთვე, ქართლის ცხოვრება მარია დედოფლის ვარიანტი, 729—730.

⁴¹ ივ. ჯავახიშვილი, დასახ. ნაშრომი, 219.

რომ ამ მოვლენას წინააღმდეგ ქადაგებით დამამუვრალმა ნიკოლოზ კათალიკოსმა რაკი მეფე თავის შეცდომაში „ვერ არწმუნა, ამისთვის დაუტევა კათალიკოსობა“.

ივ. ჯავახიშვილმა სხვა ნაშრომშიც ცხადპყო, რომ ქართული ზნე-ჩვეულება და საეკლესიო სამართალი ჰგომბდა ცოლქმრული ერთგულების დარღვევას და განსაკუთრებით მკაცრად სჯიდა მოღალატე ცოლს. სამართალი შედარებით ლომობიერად ეცილებოდა ქმრის მიერ ხარჭის ყოლას. ივ. ჯავახიშვილს ქართველ მეფეთა მიერ საყვარლის ყოლის ფაქტებიც მოყავს (ამოტ კურაპალატი, მისი შვილი აღარნასე, გაორგი III), მაგრამ იმასაც შენიშნავს, რომ ტრადიციულად მეფე ერთ ცოლს ირთავდა, მრავალცოლიანობის შემთხვევები მონღოლთა გავლენის შედეგი იყო და, ამდენად, ქართული სამართალი მსგავს მოქმედებას სქესობრივი ზნეობის დარღვევად თვლიდა და დანაშაულთა იმ კატეგორიას მიაკუთვნებდა, რომელსაც ერქვა „დანაშაულებანი ბუნებითნი“⁴².

ამგვარად. (ივ. ჯავახიშვილის მიერ განხილული წყაროებისა და მათი ინტერპრეტაციის საფუძველზე გარკვევით შეიძლება ითქვას, რომ შუასაუკუნეების საქართველოს პრივილეგიურ ფენებში ოჯახი ემყარებოდა ერთცოლიანობის კანონს, მრავალცოლიანობა ითვლებოდა კანონსაწინააღმდეგო მოვლენად, ხოლო კანონიერ მეუღლესთან ერთად ხასასთან თანაცხოვრების უფლება დროებით ხასიათს ატარებდა და განპირობებული იყო მემკვიდრე ვაჟიშვილის ყოლის აუცილებლობით.)

საზოგადოებისა და სამართლის მიერ დაგმობილ ზემოხსენებულ მოვლენებთან ერთად ივ. ჯავახიშვილი ეხება საოჯახო ურთიერთობისათვის შეუთავსებელ ზოგიერთ ჩვეულებასაც, რომელსაც სახელმწიფო კანონმდებლობა კრძალავდა. ივ. (ჯავახიშვილის ინტერპრეტაციით, ერთ-ერთ) ასეთ (უწესო და უჯერო საქმეთა წყებას განეკუთვნებოდა რძლის შერთვა) „რომლის აღმოსაფხვრელად, ან ასალაგმავად საკანონმდებლო კრების მიერ კათალიკოსთა სამართლის წიგნი იქმნა შედგენილი“⁴³. XVI საუკუნის ამ ძეგლის ანალიზისა და ხალხურ ზნე-ჩვეულებათა გათვალისწინების საფუძველზე ივ. ჯავახიშვილმა დაასკვნა, რომ რძლის შერთვა სქესობრივ აღრევასთან გათანასწორობებულ მოვლენად იყო მიჩნეული, რის გამო დამ-

⁴² ივ. ჯავახიშვილი, ქართული სამართლის ისტორია, წიგნი II, 187, 296—297.
⁴³ ივ. ჯავახიშვილი, ქართული სამართლის ისტორია, I, 55.

ნაშავენი მკაცრად ისჯებოდნენ როგორც სახელმწიფო (დაკირვა), ისე ჩვეულებითი რჩულით (ჩაქოლვა)⁴⁴.

ქათალიკოსთა სამართლის წიგნში გარკვევით ითქვა, რომ რძალზე დაქორწინება ეკრძალებოდა ყველა წოდების კაცს, მაგრამ იქ აღნიშნული არ არის ოჯახისა და ნათესაობის ფარგლებში ეს აკრძალვა კონკრეტულად ვის ეხებოდა — მახლოს, მამამთილს თუ სხვა პირს. სამაგიეროდ ეთნოგრაფიულ ლიტერატურაში გარკვეულია, რომ დაქვრივებულ რძალზე ქორწინდებოდა მისი ქმრის ძმა ან ბიძაშვილი, ე. ი. რომელიმე მახლოთაგანი, საქართველოსა და კავკასიაში ეს ჩვეულება თავისი ფესვებით უკავშირდებოდა ლევირატს და წარმოადგენდა გვიანობამდე შემორჩენილ მის შორეულ გადმონაშთს⁴⁵, რომლის შესწავლაში გვერდს ვერ ავუვლით ივ. ჯავახიშვილის აქ დამოწმებულ ნაშრომს.

✱ ივ. ჯავახიშვილი საზოგადოებრივად მიუღებელ მოვლენათა რიგში განიხილავს აგრეთვე ქალის მოტაცების ჩვეულებას. წერილობითი წყაროების მონაცემებზე დაყრდნობით მკვლევარი დაასკვნის, რომ „ისტორიულად ცნობილ ხანაში ქალის წაგვრით, ანუ მოტაცებით ცოლად შერთვა უწესობადა და უკანონობად ითვლებოდა და ქართული სამართალი ასეთ მოვლენას ებრძოდა“⁴⁶. წყაროების ანალიზის შედეგად ივ. ჯავახიშვილი იმ დასკვნამდე მივიდა, რომ მოტაცებით ქორწინება საქართველოში XII საუკუნისა და მისი შემდგომი პერიოდისათვის მიუღებელი იყო და თვით X—XI საუკუნეებშიც საქორწინო კავშირის დამყარება ხდებოდა მშობლების მოლაპარაკების გზით, ხშირ შემთხვევაში საქორწინო წყვილის სურვილების გათვალისწინებლად⁴⁷. მოტაცებით ქორწინება მით უფრო ადრე გადავარდნილი ჩანს, რომ ქორწინების ამ ჩვეულებისათვის მზითევი არ იყო დამახასიათებელი. მზითევი კი გაჩნდა მაშინ, როცა საქორწინო კავშირის დამყარების საქმეში განმსაზღვრელი ფაქტორი იყო მშვიდობიანი გარიგება⁴⁸. ივ. ჯავახიშვილის აზრით, შუა საუკუნეების საქართველოში მოტაცების აქტი შეიძლება მომხდა-

⁴⁴ ივ. ჯავახიშვილი, ქართული სამართლის ისტორია, 1, 55—56.

⁴⁵ ვ. ი თ ნ ი შ ვ ი ლ ი, ქართველ მთიელთა საოჯახო ურთიერთობის ისტორიიდან, 153—179 (აქვე, იხ. ლიტერატურა).

⁴⁶ ივ. ჯავახიშვილი, ქართული სამართლის ისტორია, I, 160.

⁴⁷ ივ. ჯავახიშვილი, ქართული სამართლის ისტორია, წიგნი II, ნაკვ. II, 359—366.

⁴⁸ იქვე, 374.



რიყო, მაგრამ ქართული სამართალი და საზოგადოებრივი აზრი ასეთ შემთხვევებს ებრძოდა. ბრძოლის საფუძველს წარმოადგენდა აღნიშნული ჩვეულების დრომოქმედობა და საქორწინო ურთიერთობის მდგრად ფორმებთან მისი შეუთავსებლობა, მაგრამ ეს ჩვეულება ფეოდალურ საქართველოში მაინც ინარჩუნებდა არსებობას. მეცნიერს სწორედ ეს გაეგებება ჰქონდა მხედველობაში, როდესაც დაასკვნა, რომ „წაგვრის წესი ოდესღაც ქართველ ერსაც უნდა სცოდნოდა, როგორც სრულებით ბუნებრივი ჩვეულება“⁴⁹. ამის მნიშვნელოვან საბუთად მკვლევარს მიაჩნია ეთნოგრაფიულ ყოფაში მოქმედი ჩვეულებანი. მას მხედველობაში აქვს შეიარაღებული მაცრების ცხენებით სვლის წესის აღწერილობა ვახტანგ ბატონიშვილის მიერ. ამ ჩვეულებაში, რაც ფეოდალური ხანისა და შემდეგდროინდელ საქართველოში უკვე მშვიდობიანი ქორწილის ერთ-ერთ მხატვრულ დეტალს წარმოადგენდა, ივ. ჯავახიშვილი ხედავს მოტაცებით ქორწინების ოდინდელი წესების სიმბოლურ გამოხატულებას, მშვიდობიანი ქორწინების სამკაულად ქცეულ შორეულ გადმოცემას⁵⁰.

ზემოთ განხილულს გარდა ივ. ჯავახიშვილი სწავლობდა საოჯახო ყოფისა და საქორწინო ურთიერთობის სფეროში შემავალ ისეთ საკითხებს, როგორცაა საქორწინო ასაკი, ზნეობრივ-მორალური ნორმები, დანაშაულთა ხასიათი და სასჯელთა სახეობანი, ცოლქმრის უფლება-მოვალეობანი, მამაკაცისა და დედაკაცის საოჯახო და საზოგადოებრივი მდგომარეობა და ა. შ. ოჯახისა და ქორწინების საკითხებს ივ. ჯავახიშვილი ისტორიულ ქრილში განიხილავდა და ერთმანეთისაგან მიჯნავდა ქრისტიანობამდელსა და ქრისტიანობის მიერ შემოღებულ წეს-ჩვეულებებს. მას მიაჩნდა, რომ ქორწინების სფეროში ქრისტიანობამ წარმართობის მრავალი წესი აღმოგვხვრა და მის ადგილას თავისი დაამკვიდრა, რის შედეგადაც, ქრისტიანობის გავრცელების შემდეგდროინდელი საისტორიო წყაროების საფუძველზე, უკვე შეუძლებელია ქორწინების პირვანდელი ფორმების სრული სახით აღწერა, მაგრამ მკვლევარი ამასთან ერთად ითვალისწინებდა ახალ გარემოში უძველეს ჩვეულებათა შემონახვის ფაქტორს. XV-XVI სს. წყაროების შესწავლის შედეგად ივ. ჯავახიშვილმა დაასკვნა, რომ ქართველები ზოგჯერ საეკლესიო ქორწინებისა და ჯვარისწერის წესებსაც არ ასრულებდნენ, ხოლო

⁴⁹ ივ. ჯავახიშვილი, ქართული სამართლის ისტორია, I, 161.
⁵⁰ იქვე, 164.



სახელმწიფო კანონმდებლობა ამ დარღვევათა წინააღმდეგ სასჯელის სათანადო ფორმებს იყენებდა. აღნიშნული ვითარებიდან ჩანს, რაოდენ სიცოცხლისუნარიანია საზოგადოებრივ ურთიერთობათა აღრინდელ საფეხურებზე წარმოქმნილი წეს-ჩვეულებები და გამოწონათური ფორმით როგორ ხანგრძლივად ინარჩუნებენ არსებობას ახალ საზოგადოებრივ გარემოში. ტრადიციებისა და მათი გამოწონათური ფორმების აღნიშნულ თავისებურებებს, რაც ზოგჯერ ხელაღებითაა უგულებელყოფილი ქართულ საბჭოთა ეთნოგრაფიაში, ივ. ჯავახიშვილი ყოველთვის დიდ მნიშვნელობას ანიჭებდა. ისტორიული წყაროების ნაკლებობით არსებულ ხარვეზს ის შესაბამისი ეთნოგრაფიული მასალით ავსებდა, დოკუმენტური მასალების წინააღმდეგ გახსნაშიც არაერთგზის მიმართავდა ეთნოგრაფიულ მონაცემებს და ასე გამრავალფეროვებული წყაროების ანალიზის საფუძველზე მოვლენათა სრულფასოვან შესწავლას აღწევდა. ივ. ჯავახიშვილი ეთნოგრაფიული მასალის გამოყენების საჭიროებას ხედავდა თვით საქორწინო წეს-ჩვეულებების შესწავლისათვის. მისი შეხედულებით, „ქრისტიანობის გავლენით შეცვლილ ქორწინების ზნე-ჩვეულებებსა და წესებში ბევრი რამეა შენახული, რაც შორეული წარსულის ნაშთს წარმოადგენს და ცოლქმრობის დამყარების ძველის-ძველი წესების ისტორიის ერთ-ერთი საფეხურის დამახასიათებელია... ამიტომ მკვლევარი ვალდებულია ყველა, მცირეოდენი ცნობებიც კი გამოიყენოს, რომელიც ამ საკითხის გაშუქებას ცოტად თუ ბევრად ხელს შეუწყობს“⁵¹.

დამოწმებული მსჯელობა კიდევ ერთი საბუთია იმისა, რომ ივ. ჯავახიშვილი საქორწინო წეს-ჩვეულებებს და საოჯახო ყოფას, როგორც ქართველი ხალხის ყოფისა და კულტურის შემადგენელ კომპონენტს, ისტორიულ განზომილებაში სწავლობდა. დასახული ამოცანის წარმატებით განხორციელების მიზნით იგი ისტორიულ წყაროებთან ერთად ამომწურავი სისრულით იყენებდა ეთნოგრაფიულ მასალებს. კვლევის ამგვარი მეთოდით ივ. ჯავახიშვილმა ცხადყო ეთნოგრაფიული მასალის მრავალმხრივი მნიშვნელობა და პირველწყაროდ მისი ფართოდ გამოყენების საჭიროება. ამასთან ერთად, მან გვიჩვენა ეთნოგრაფის მიერ ისტორიული წყაროების შესწავლისა და ეთნოგრაფიულ კვლევაში ისტორიზმის დანერგვის აუცილებლობა, რითაც ჯერ კიდევ სათანადოდ უზრუნველყოფილი ვერ არის თანამედროვე ქართული ეთნოგრაფია.

⁵¹ ივ. ჯავახიშვილი, ქართული სამართლის ისტორია, I, 160.



იდასასრულ შეიძლება დავასკვნათ, რომ ივ. ჯავახიშვილიმა ქართველი ხალხის საოჯახო ყოფისა და საქორწინო ურთიერთობის ისტორიიდან მრავალი მოვლენა გამოიკვლია, რითაც გეზი მისცა მათ შემდგომ ეთნოგრაფიულ შესწავლას. ქართველი ხალხის ყოფისა და კულტურის რიგი სხვა პრობლემის კვლევასთან ერთად ზემოთ განხილული საკითხების შესწავლით ივ. ჯავახიშვილიმა უდიდესი როლი შეასრულა ქართული ეთნოგრაფიის მეცნიერულ ნიდადაგზე დაყენება-განვითარების საქმეში. თავისი ფუძემდებლური შრომებითა და მეთოდოლოგიით ივ. ჯავახიშვილიმა განსაკუთრებული ადგილი დაიმკვიდრა ქართული ეთნოგრაფიის ისტორიაში.

სიმონ ჯანაშია (ქართველი ხალხის უძველესი სოციალური ისტორიის საკითხების კვლევის პროცესში საოჯახო ყოფის შესწავლას სათანადო მნიშვნელობას ანიჭებდა ს. ჯანაშია), რომელიც საზოგადოებრივ ურთიერთობათა განვითარების სხვადასხვა საფეხურზე ოჯახს უმნიშვნელოვანეს მოვლენებთან კავშირში განიხილავდა. სამისოდ ის ეთნოგრაფიულ მასალას ისევე უხვად იყენებდა და მას ისეთსავე პირველხარისხოვან წყაროდ მიიჩნევდა, როგორც საისტორიო მწერლობას, არქეოლოგიურ მონაპოვრებს და ლინგვისტურ მონაცემებს. ესოდენ მრავალფეროვანი წყაროების პირდაპირი ჩვენებისა თუ მერმინდელი ანალოგიების რეტროსპექტული ანალიზის საფუძველზე ს. ჯანაშია სწავლობდა სოციალურ მოვლენათა როგორც თავდაპირველ, ისე გადმონაშთურ ფორმებს და წარმატებით აღწევდა მათ შორის უწყვეტი გენეტიკური კავშირის დამყარებას. სოციალური სტრუქტურის ამ გზით შესწავლის შედეგად ს. ჯანაშიამ, ივ. ჯავახიშვილთან და ნ. ბერძენიშვილთან ერთად, თვალნათლივ გვიჩვენა ტრადიციული ეთნოგრაფიული მოვლენების შესწავლის მნიშვნელობა. ამ რიგის ტრადიციულ მოვლენებს ს. ჯანაშია ეძებდა ქართული გვარისა და ოჯახის სტრუქტურაში. ამითი აიხსნება ის გარემოება, რომ ქართველ ტომებში წინაკლასობრივი საზოგადოების დახასიათებისას მკვლევარი სხვა რიგის წყაროებთან ერთად ქართული დიდი ოჯახისა და გვარის შესახებ შემონახულ ეთნოგრაფიულ მონაცემებსაც უხვად იყენებდა. ამ მხრივ პირველ რიგში აღსანიშნავია მისი ნაშრომი — „გვაროვნული წყობილება ქართველ ტომებში“, რომელიც პირველად დაიბეჭდა 1933 წელს, ხოლო შემდეგ შევიდა ავტორის შრომების მეორე ტომში (1952 წ.). ამ ნაშრომში ჯერ მოცემულია წინაკლასობრივ საზოგადოებრივ ურთიერთობათა წარმოშობა-განვითარების ზოგადი მონახაზი, ხოლო შემდეგ ნაჩვენებია ქართველ ტომებში



გვაროვნული წყობილების ძირითადი თავისებურებანი, მისი რღვევის შედეგად კლასობრივი საზოგადოების წარმოქმნის პროცესი და უძველესი სოციალური ინსტიტუტების გადმონაშთები.

გვაროვნული წყობილების ზოგადი დახასიათებისას ს. ჯანაშია გზადგება ეხება ოჯახის წარმოშობა-განვითარების საკითხებსაც. მარქსისტული მეთოდოლოგიით აღჭურვილი მკვლევარი ავითარებს იმ დროისათვის საბჭოთა ისტორიოგრაფიაში უკვე განმტკიცებულ თვალსაზრისს საზოგადოებრივ ურთიერთობათა ევოლუციის შესახებ. ამ თვალსაზრისის შესაბამისად, საზოგადოების განვითარების იმ საფეხურზე, როდესაც ვ. ი. ლენინის მიერ პირველყოფილ ჯოგად სახელდებული ურდო ჯერ შეგროვებით მეურნეობას ეწეოდა, ხოლო შემდეგ მონადირეობას და პირველყოფილ „მეზოსტენობას“ ეკიდებოდა, ს. ჯანაშია გამოირიცხავს ოჯახის არსებობას. მისი მსჯელობის თანახმად, ოჯახი ჩნდება გვაროვნულ წყობილებაში, სადაც „ურდოს ადგილი გვარს უჭირავს, სისხლით მონათესავე პირების ბუნებრივ საზოგადოებრივ დაჯგუფებას“, ხოლო გვართა კავშირი შეადგენდა ტომს¹. ამგვარი ერთეულების გვერდით ს. (ჯანაშია ასახელებს დიდ ოჯახს) როგორც უმცირეს უჯრედს იმდროინდელ სოციალურ სტრუქტურაში. ეს ნათლად ჩანს დიდი ოჯახის შესახებ მის მიერვე მოცემულ განმარტებიდან: „ასე ეწოდება იმ დროინდელ უკნინეს საზოგადოებრივ ერთეულს, რამდენიმე მონათესავე ოჯახის კრებულს, რომელიც ერთ სახლად ცხოვრობს“².

მოცემული განმარტება შეეხება დიდი ოჯახის თავდაპირველ სახეობას — საოჯახო თემს, რომლის ერთ-ერთ ძირითად თავისებურებას წარმოადგენდა მრავალრიცხოვანი ნათესაური გაერთიანების ერთ ჰერქვეშ ცხოვრება. ამ თავისებურებას მეტ-ნაკლები სისრულით ინარჩუნებდა აგრეთვე საოჯახო თემის გადმონაშთური სახეობა მისი არსებობის მთელ სიგრძეზე. ახლო ნათესავეების ასეთ ერთობლიობას ს. ჯანაშიამ უწოდა „რამდენიმე მონათესავე ოჯახის კრებული“³, რაშიაც უსათუოდ იგულისხმება სხვადასხვა თაობის რამდენიმე საქორწინო წყვილის გაუყრელად ყოფნა თავიანთი შთამომავლობით. თანამედროვე ეთნოგრაფიულ ლიტერატურაში მიღებული ნომენკლატურის შესაბამისად მიზანშეწონილი არ არის

¹ ს. ჯანაშია, გვაროვნული წყობილება ქართველ ტომებში, „შრომები“, II, თბ., 1952, 110.
² იქვე. 111.

დიდი ოჯახის შემადგენლობაში გაერთიანებულ საქორწინო წყვილებს ოჯახები ელწოდოთ, რამდენადაც ოჯახის შიგნით ოჯახის ყველა წევრი შეუთავსებელია ნებისმიერი ტიპის ოჯახის სტრუქტურისათვის. მაგრამ ზემოხსენებულ ფორმულირებაში დამზებელი ხარვეზის მიუხედავად ს. ჯანაშიამ სწორად განსაზღვრა როგორც დიდი ოჯახის შემადგენლობა, ისე მისი ადგილი წინაკლასობრივ საზოგადოებაში.

ს. ჯანაშიას მართებული გაგებით, გვაროვნულ წყობილებაში წარმოქმნილი დიდი ოჯახის ფორმირება მიმდინარეობდა ამ წყობილებისათვის დამახასიათებელი საზოგადოებრივი ურთიერთობის განვითარების შესაბამისად. როდესაც იგი ეხება გვაროვნული წყობილების განვითარების ეტაპებს და გადმოასცემს მარქსიზმის კლასიკოსთა შრომებში თუ საბჭოთა მეცნიერებაში განმტკიცებულ თვალსაზრისს მატრიარქატის პირველადობისა და პატრიარქატის მეორადობის შესახებ, წერს: „ვიდრე შინაურ მეურნეობაში ქალი მეთაურობს (სანამ მიწისმოქმედება სუსტადაა განვითარებული, იგი ქალის საქმიანობის სფეროა), დიდი ოჯახის მეთაურადაც ქალი გამოდის. ზოგჯერ ეს მდგომარეობა მატრიარქატად ანუ დედამთავრობადაც უწოდებდა. მაგრამ მეურნეობაში მამაკაცის როლის გაძლიერებამ (მეჭოგეობა და ფართო მიწისმოქმედება მისი საქმიანობის სფეროა) სოციალურ ცხოვრებაშიც უპირატესობა მამაკაცს არგუნს საბოლოოდ. უწოდებდა ე. წ. პატრიარქატი ანუ მამამთავრობა, რომელიც სხვადასხვა ტომში, რა თქმა უნდა, სხვადასხვაანირა“³.

დამოწმებული ადგილიდან სრულიად აშკარად ჩანს, რომ ს. ჯანაშია დიდი ოჯახის განვითარებაში გამოყოფს ორ ეტაპს: ჯერ უწოდებდა მატრიარქალური დიდი ოჯახი, ხოლო გვაროვნული წყობილების შემდგომ საფეხურზე მის ადგილს იჭერს პატრიარქალური საოჯახო თემი.

გვაროვნული წყობილების ძირითადი ნიშნების დახასიათების მიზნით ს. ჯანაშიამ საჭიროდ სცნო დიდი ოჯახის ფორმებისა და შემადგენლობის გარკვევასთან ერთად ეჩვენებინა საკუთრების ფორმებიც. როგორც ის წერს, გვაროვნულ წყობილებაში, გვარისა და საოჯახო თემის თანაარსებობის პირობებში „მთავარი საწარმოო საშუალება არის მიწა. იგი საერთო — ტომის და გვარის — საკუთრებაა, შრომის იარაღები კი კერძო საკუთრებას შეადგენენ —

³ ს. ჯანაშია, დასახ. ნაშრომი, 112.



დიდი ოჯახისას და ცალკე ინდივიდისას“⁴. აღნიშნულს გარდა, მისი მიზანია, რომ გვაროვნული წყობილების გარკვეულ საფეხურზე, კერძოდ კი იმ ეტაპზე, „რაც იწყებენ მიწის დამუშავებას, მიწა იყოფა ცალკე ნაჭრებად, რომლებსაც ცალკე დიდი ოჯახები ჰფლობენ და ამუშავებენ“⁵. ამის საფუძველზე იგი დაასკვნის, რომ „მიწა საგვარეულო საკუთრებისა და საოჯახო მფლობელობის საგანია“⁶. მამსაჰადამე, ს. ჯანაშია ფიქრობდა, რომ მიწის საკუთრების უფლებით სარგებლობდა გვარი, ხოლო მისი მფლობელობის უფლებით — ოჯახი. ამგვარი კვალიფიკაცია გვაფიქრებინებს, რომ მკვლევარს „მიწის მფლობელობა“ ნახმარი აქვს „მიწით სარგებლობის“ შინაარსით. თუ ასეთ ვარაუდს გამოვრიცხავთ და „მფლობელობას“ პირდაპირი შინაარსით გავიაზრებთ, ძალაუნებურად გამოვა, რომ ერთდროულად მიწის მესაკუთრეა როგორც გვარი, ისე ოჯახი, რამდენადაც „მფლობელობა“ საკუთრების გამომხატველი სიტყვაა. გვაროვნული წყობილების საფეხურზე კი, როდესაც ძირითად სოციალურ-ეკონომიურ ერთეულს გვარი წარმოადგენდა და საკუთრებაც გვაროვნული არსებობდა, მიწის მფლობელად ანუ მესაკუთრედ ოჯახის გამოცხადება შეუძლებელია. ამიტომ უყოყმანოდ შეიძლება ითქვას, რომ ს. ჯანაშია „მფლობელობაში“ გულისხმობდა „სარგებლობას“, რაც კარგად ჩანს მისივე მომდევნო მსჯელობიდან: „სრულ თანასწორობის განხორციელებისათვის ხდება მიწის ხელახალი პერიოდული განაწილება: ერთიდაიგივე მიწის ნაკვეთი სხვადასხვა ოჯახს შორის მოძრაობს“⁷. ოჯახებს შორის სრული თანასწორობის შენარჩუნების მიზნით მიწების პერიოდული განაწილება თავისთავად იმის მაჩვენებელია, რომ ასეთ ვითარებაში ოჯახი მიწის მესაკუთრე ერთეული არ არის, იგი აღჭურვილია მხოლოდ მიწით სარგებლობის უფლებით, რაც თანასწორად განაწილების პრინციპს ემყარება, ხოლო გვაროვნულ წყობილებაში ამ განაწილებული მიწის მესაკუთრეა გვარი და, ამდენად, გვაროვნული წყობილების ერთ-ერთ უმთავრეს ნიშნად კვლავ გვაროვნული საკუთრება რჩება.

ს. ჯანაშიას სავსებით სწორად აქვს გააზრებული საოჯახო საკუთრების წარმოშობის პროცესი. მისი ნაშრომიდან გამოკვეთი-

⁴ ს. ჯ ა ნ ა შ ი ა, დასახ. ნაშრომი, 110—111.
⁵ ი ქ ე ე, 111.
⁶ ი ქ ე ე.
⁷ ი ქ ე ე.

ლად ჩანს, რომ საოჯახო საკუთრება იქმნება გვაროვნული წყობი-
ლების წიაღში ქონებრივი უთანასწორობის გაჩენის, საგვარეულო
საკუთრების რღვევისა და თვით გვაროვნული წყობილების დაშლის
საფეხურზე. მარქსიზმის კლასიკოსების დებულებებზე დაყრდნო-
ბით ს. ჯანაშია ავითარებს იმ შეხედულებას, რომ მეჯოგე ტომებში
საქონელი, ხოლო მიწისმოქმედ ტომებში მიწა იქცა კერძო საკუთ-
რებისა და ალებ-მიცემის საგნად, რამაც გააღრმავა ქონებრივი
უთანასწორობა ცალკე ჯგუფებს შორის. „ქონებრივ უთანასწორო-
ბის ზრდას თან სდევდა საგვარეულო საკუთრების რღვევაც. ეს პრო-
ცესი ყველაზე ადრე, როგორც ფიქრობენ, ჯოგებზე ვრცელდება.
ჯოგები გვარისა და ტომის საერთო საკუთრებიდან ცალკე ოჯახების
კერძო საკუთრებად იქცევიან“⁸. ს. ჯანაშია ანალოგიურ პროცესს
გვაცნობს მიწისმოქმედ ტომებში, როდესაც „ცალკე ოჯახები, რო-
მელნიც თავიანთ მიწის ნაკვეთებზე განსაკუთრებულ ენერგიას
ხარჯვენ და იქ ზოგჯერ საკმაოდ მაღალ კულტურებს აშენებენ, ამ
ნაკვეთებზე უფრო მყარ უფლებების მოპოვებას ცდილობენ, წინა-
აღმდეგობას უწევენ გვარის უფლებას მოახდინოს მიწების პერიო-
დული ხელახალი დაყოფა და, დასასრულ, ამ მიწებს საკუთრებადაც
იმკვიდრებენ“⁹.

ს. ჯანაშიას შეხედულებით, გვარის დაშლისა და საოჯახო სა-
კუთრების წარმოშობის საფუძველი თვით გვარის შინაგან სტრუქ-
ტურაში არსებობს. გვარის დაშლის მნიშვნელოვან ფაქტორად მას
ვიაჩნია ნამატი პროდუქტების დაგროვება ცალკე ოჯახებში, გვარ-
ში მისი უთანაბრო განაწილება და დიდ ოჯახებს შორის ქონებრი-
ვი უთანასწორობის ზრდა. ასეთი ტენდენციის საფუძვლად მკვლე-
ვარი თელის საზოგადო (საგვარეულო) საკუთრების გვერდით
კერძო (საოჯახო) საკუთრების არსებობას, ე. ი. საზოგადო და კერ-
ძო საკუთრების თანაარსებობას.¹⁰

როგორც ვხედავთ, ს. ჯანაშიამ თანმიმდევრულად გვიჩვენა
გვაროვნული წყობილების დაშლის საფეხურზე საზოგადო საკუთ-
რების პარალელურად საოჯახო საკუთრების წარმოშობის პროცესი;
მაგრამ სათანადო განმარტებას მოითხოვს ერთი საკითხი. საქმე
იმაშია, რომ ს. ჯანაშიას ნაშრომში საოჯახო საკუთრება და კერძო
საკუთრება იდენტური შინაარსის მატარებელია, ისევე როგორც

⁸ ს. ჯ ა ნ ა შ ი ა, დასახ. ნაშრომი, 113.

⁹ იქვე, 115.

¹⁰ იქვე, 112—113.



საზოგადო საკუთრებაში ნაგულისხმევია საგვარო საკუთრება. მაგრამ რამდენადაც საზოგადო და საგვარო საკუთრება იგივეა, დაზუსტებას მოითხოვს კერძო და საოჯახო საკუთრების გაერთმნისშენიანება. ეს მით უფრო საჭიროდ მიგვაჩნია, რომ ს. ჯანაშიას მსჯელობა ეხება დიდ ოჯახს ანუ საოჯახო თემს მისი არსებობის პირობებზე საფუძვლზე, ე. ი. გვაროვნულ საზოგადოებაში, როდესაც ამ ტიპის ოჯახის ერთ-ერთ ყველაზე უფრო ნიშანდობლივ კომპონენტს წარმოადგენდა საოჯახო ქონების ერთობლივი საკუთრება. საკუთრების ამგვარი წესი რამდენადმე შეცვლილი სახით საოჯახო თემის გადმონაშთურმა სახეობამაც კი შემოინახა. XIX საუკუნეში ამ სახით შემონახული დიდი ოჯახის ქონება კვლავ საერთო-საოჯახო იყო და მასზე კერძო საკუთრების უფლებით ოჯახის არც ერთი წევრი, თვით ოჯახის უფროსიც კი, არ სარგებლობდა. უფრო მეტიც, დიდი ოჯახის შენარჩუნების ყველაზე უფრო მტკიცე საფუძველს წარმოადგენდა საოჯახო-თემური საკუთრების ნოღშლელობა. როგორც კი ოჯახის ცალკეული წევრები საკუთარი ქონების მოხვეჭით დაინტერესდებოდნენ, ერთპიროვნული განკერძოებისაკენ მიდრეკილებას გამოიჩენდნენ, კერძო-მესაკუთრულ ტენდენციას გააღრმავებდნენ და ამით ერთობლივ საოჯახო საკუთრებას საფუძველს მოურღვევდნენ, საოჯახო-თემურ საკუთრებაზე დაფუძნებული ეს ნათესაური გაერთიანება კერძო საკუთრებაზე დამყარებულ ინდივიდუალურ ოჯახებად დაიყოფოდა. ამიტომ საესებით სამართლიანადაა მიჩნეული, რომ საოჯახო-თემური საკუთრება ყველაზე მნიშვნელოვანი ფაქტორია იმის დასამტკიცებლად, რომ XIX საუკუნეში არსებული დიდი ოჯახი გენეტიკურად უკავშირდებოდა საოჯახო თემს და წარმოადგენდა მის გადმონაშთურ სახეობას. თუ ყოველივე ამას მივიღებთ მხედველობაში და განსაკუთრებულ მნიშვნელობას მივანიჭებთ იმ გარემოებას, რომ გვაროვნულ წყობილებაში საოჯახო თემი ანუ დიდი ოჯახი საოჯახო-თემურ საკუთრებას ემყარებოდა, ასეთ საზოგადოებაში კერძო საკუთრების გაიგივება საოჯახო თემის საკუთრებასთან გაუმაართლებელი იქნებოდა. კერძო საკუთრებას შეიძლება გაუთანაბროთ მხოლოდ ინდივიდუალური ოჯახის საოჯახო საკუთრება, სადაც ერთპიროვნული კერძო მესაკუთრის უფლება მოპოვებული აქვს ერთ პიროვნებას — ოჯახის უფროსს. მაშასადამე, უნდა ვიგულისხმოთ, რომ ს. ჯანაშიას მიერ ერთმანეთისადმი დაპირისპირებაში განხილული საზოგადო და კერძო საკუთრება ეს არის, ერთი მხრივ, საზოგადო ანუ საგვარო საკუთრება, ხოლო, მეორე მხრივ,

დიდი ოჯახის საკუთრება ანუ საოჯახო-თემური საკუთრება, რომლის შიგნით კერძო საკუთრების ინსტიტუტი არ არსებობდა.

როგორც ვხედავთ, გვაროვნული წყობილების შესწავლისადმი განკუთვნილი ნაშრომის ზოგად-თეორიულ ნაწილში, რომელშიც მოცემულია საზოგადოებრივი ურთიერთობის ამ უძველესი საფეხურის დახასიათება მისი განვითარების უმთავრესი ეტაპებისა და ნიშანდობლივი მხარეების ჩვენებით, ს. ჯანაშია შემოიფარგლა საოჯახო ყოფის ზოგიერთი თავისებურების განხილვით. მას არ მოუცია ოჯახის ისტორიული ფორმებისა და მისი შესაბამისი ნიშნების სრული მიმოხილვა. მკვლევარს ეს არც მოეთხოვებოდა, რამდენადაც საოჯახო ყოფის ცალკეულ ელემენტებს იგი ეხებოდა გვაროვნული წყობილების ძირითადი კომპონენტების ჩვენების მიზნით. ერთ-ერთ ასეთ კომპონენტად კი მან წარმოგვიდგინა დიდი ოჯახი და ცხადყო, რომ გვაროვნულ წყობილებაში ის იყო უმცირესი სოციალური უჯრედი, რომლის სტრუქტურა დროთა ვითარებაში ცვალებადობას განიცდიდა საზოგადოებრივ ურთიერთობაში მომხდარ ცვლებადობათა შესაბამისად. ასეთი ცვალებადობა თავდაპირველად მიმდინარეობდა თვით გვაროვნული წყობილების ძირითადი ეტაპების (მატრიარქატი, პატრიარქატი, გვაროვნული წყობის რღვევის საფეხური) მიხედვით, ხოლო არსებითი ხასიათის გარდაქმნას ოჯახი განიცდის გვაროვნული წყობილების დაშლის შემდგომ, ე. ი. კლასობრივ საზოგადოებაში.

ასეთნაირად წარმოგვიდგება ს. ჯანაშიას ზემოხსენებულ ნაშრომში ჩამოყალიბებული ზოგად-თეორიული კონცეფცია ოჯახის ფორმებისა და საზოგადოებრივ ურთიერთობათა სისტემაში მისი ადგილის შესახებ, მაგრამ ამ ნაშრომის ღირსება ზემოთქმულით არ ამოიწურება. მარქსისტულად გამართულ შეხედულებებთან ერთად, რაც საბჭოთა ეთნოგრაფიული მეცნიერების პოზიციიდან ზოგადი ეთნოგრაფიის აქტუალურ პრობლემებს ეხმაურება, ს. ჯანაშია ოჯახისა და საზოგადოების განვითარების ამ საერთო კანონზომიერებათა ფონზე განიხილავს კონკრეტულ მონაცემებს ქართველი ხალხის ისტორიული ეთნოგრაფიის სფეროდან და ამით ქართული ეთნოგრაფიული მასალის ზოგად-თეორიულ მნიშვნელობასაც ზრდის. მხედველობაში გვაქვს ნაშრომის ის ნაწილი, რომელიც უშუალოდ ქართველ ტომებში გვაროვნული წყობილების მიმოხილვას ეძღვნება და ავტორის მსჯელობა უმთავრესად ემყარება გადმონაშთურ ეთნოგრაფიულ მასალას ქართველ მთიელებში (კერ-

ძოდ სევანებში) XIX საუკუნემდე შემორჩენილი სოციალური, ტუტების ტრადიციული ფორმების შესახებ.

ს. ჯანაშია საგანგებოდ ეხება ტერიტორიული თემის გადმონაშთებს XIX საუკუნის სევანეთში, აღწერს მისი მმართველობის შესაბამის ფორმებს და ამ რიგის მოვლენებთან კავშირში ყურადღებას აქცევს საოჯახო ყოფის ზოგიერთ არქაულ ელემენტსაც. სევანეთის სოციალური სტრუქტურის დახასიათებისას ს. ჯანაშია საკმაო სისრულით გვაცნობს თემის ყრილობის ფუნქციებს და მის როლს საოჯახო და საქორწინო ურთიერთობის სფეროში. მკვლევარმა დაგვანახა, რომ თემის ყრილობა, მთელ რიგ საზოგადოებრივად მნიშვნელოვან საკითხებთან ერთად, არეგულირებდა მექორწინე მხარეთა ურთიერთობას, აწესრიგებდა ზნეობრივ ნორმებს, განსაზღვრავდა ნათესაური კავშირის ფარგლებს და ევზოგამიის დარღვევის შესაძლებლობას, ხოლო ტრადიციის შემლახველთა მიმართ დასჯის საშუალებებსაც იყენებდა. თემის ყრილობის აღნიშნული ფუნქციების შესახებ ს. ჯანაშია წერს: „განსაკუთრებულ ყურადღებას აქცევდა ყრილობა სქესობრივ ზნეობის დაცვას. მაგ., ქორწინების გარეშე ბავშვის გაჩენისათვის თემი დამნაშავე ქალის მშობლებს ან მის მეურვეებს ან ნათესავეებს ჯარიმად წაართმევდა ხოლმე ერთ დღიურს სახნავ-სათიბს ან ტყეს, რაც სამუდამოდ იქცეოდა თემის საკუთრებად და საზოგადოებრივ შემოსავლის წყაროდ. ზნეობრივი სასჯელი კიდევ სხვა იყო. ისჯებოდა აგრეთვე სისხლის შერევაც. აკრძალული იყო ნათესავეების დაქორწინება ათი თაობის ფარგლებში, ერთი თაობის სახლიკაცებს-კი შეუღლეება სრულიად აკრძალული ჰქონდათ, რაგინდ შორეული ნათესაობაც არ ყოფილიყო მათ შორის“¹¹.

აქედან სრულიად აშკარად ჩანს, რომ ს. ჯანაშიას უმთავრეს ამოცანას შეადგენდა სევანეთში XIX საუკუნემდე ტრადიციულად შენარჩუნებული თემური მმართველობის სისტემის დახასიათება. ამაზე მსჯელობისას თავისთავად წამოტივტივდა საოჯახო და საქორწინო ურთიერთობის ზოგიერთი საკითხიც, ვინაიდან თემური ყოფისათვის დამახასიათებელი ტრადიციების ხანგრძლივად არსებობის პირობებში თემის ყრილობა საოჯახო ცხოვრებისა და ზნე-ჩვეულებების სფეროშიც აქტიურად იყო ჩარეული. საოჯახო და საქორწინო ურთიერთობის რეგულირებაში თემის ყრილობის ფუნქციების ჩვენების საფუძველზე ს. ჯანაშიამ გამოამხეურა საოჯახო

¹¹ ს. ჯ ა ნ ა შ ი ა, დასახ. ნაშრომი, 120—121.

სამართლის ნორმების ერთი ნაწილი, რომელთა გაუთვალისწინებლად შეუძლებელია საოჯახო ყოფის სრულფასოვანი შესწავლა.

ასევე საყურადღებოა ს. ჯანაშიას დაკვირვება XIX საუკუნის სვანეთში გადმონაშთის სახით შემონახული დიდი ოჯახის რიცხო-ბრივი შემადგენლობის, მისი უფროსის უფლებამოსილებისა და ამ ტიპის ოჯახში არსებული ერთობლივი საკუთრება-მონაპირების წესის შესახებ. სვანური დიდი ოჯახის ამ თავისებურებათა გამო ს. ჯანაშია წერს: „აქ აღებულ ხანაში (იგულისხმება XIX საუკუნე — ვ. ი.) მოიპოვებოდნენ ოჯახები, 50 სულის შემადგენლობით, რომლებშიც მეთაურობა განსაკუთრებულ უფლებებით აღჭურვილს ოჯახის მამას ეკუთვნოდა; ოჯახის წევრების მონაგარი საერთო საკუთრებას შეადგენდა და თავის მოთხოვნილებებსაც ოჯახი უმეტესწილად საკუთარ პროდუქტებით იკმაყოფილებდა“¹².

ოჯახისა და ქორწინების არქაული ფორმების შესწავლისათვის არანაკლებად მნიშვნელოვანია ს. ჯანაშიას დაკვირვება სვანთა ყოფაში გადმონაშთის სახით შენარჩუნებული ისეთი ჩვეულების შესახებ, რომელიც გენეტიკურად ლევირატის ინსტიტუტს უკავშირდება. ს. ჯანაშიას განმარტებით, ასეთი სახის გადმონაშთად წარმოგვიდგება „ძმის ან სხვა მახლობელ ნათესავის უფლება შეერთოთ გარდაცვლილ ოჯახის წევრის ქვრივი, რათა ეს უკანასკნელი გარდაცვლილის ქონებითურთ ისევ ოჯახში დარჩენილიყო“¹³.

ქართველ ტომებში გვაროვნული წყობილების პრობლემებისადმი მიძღვნილ ნაშრომში ზემოხსენებულ გადმონაშთურ მოვლენებზე ყურადღების გამახვილება იმან განაპირობა, რომ ს. ჯანაშია ამ წყობილების ნაკვალევს ამჩნევდა მთიელთა „ოჯახის წყობაში“, „შეუღვლების წესებში“, „სისხლის აღების ადათში“, „უფროს-უმცროსობის წესებში“¹⁴ და ა. შ. წეს-ჩვეულებათა მთელ ამ სისტემასა და თემის სტრუქტურაზე დაკვირვების შედეგად მკვლევარმა ამოიცნო უძველესი საზოგადოებრივი ყოფის მერმინდელი ანალოგიები, რომლებიც მას, პირველ ყოვლისა, ქართველ მთიელთა ყოფაში ეგულებოდა. ეს კონკრეტულად გამოჩნდა სვანეთის მაგალითზე, სადაც XIX საუკუნემდე შემორჩენილ ამგვარ მოვლენებში ს. ჯანაშია ხედავდა თემური ყოფის გადმონაშთებს და არა მის თავდაპირველ ფორმებს. ამიტომაც აღნიშნავდა იგი, რომ „აღწერილ დაწესებულე-

¹² ს. ჯანაშია, დასახ. ნაშრომი, 123.

¹³ იქვე.

¹⁴ იქვე.



ბებიდან გამოკრთის გვაროვნული ორგანიზაციის სახე. ამ პირველყოფილ მდგომარეობის კვალი¹⁵. ეს გამოთქმები: „გამოკრთის გვაროვნული ორგანიზაციის სახე“, ანდა „პირველყოფილ მდგომარეობის კვალი“ თავისთავად გადმონაშთურ მოვლენებზე მსჯელობის მაჩვენებელია. ამ პოზიციაზე მდგომი მკვლევარი რომ XIX საუკუნის სვანეთში მხოლოდ ამგვარ ვითარებას ხედავს, ეს ნათლად ჩანს მისი შემდეგი სიტყვებიდანაც: „შეცდომა იქნებოდა, რომ ახალი სვანური თემი გაქვავებულ პირველყოფილ გვარად წარმოგვედგინა. მას უკვე დიდი ცვლილებები ჰქონდა განცდილი. საკმარისია იმისი აღნიშვნაც, რომ უკვე მისი საძირკველი იყო გარღვეული: მოცემულ პერიოდში უძრავი ქონება აქ უკვე კერძო საკუთრების საგნად ითვლებოდა. სახნავ-სათესი, სათიბი, ტყე და საძოვავარი ცალკე ოჯახებს ეკუთვნოდათ. მესაკუთრეს თავის მამულის გასხვისების (მაგ., გაყიდვის მის მიერვე დანიშნულ ფასებში) უფლება ჰქონდა. გაყიდული მამული მყიდველის სამუდამო და სამემკვიდრეო საკუთრებად იქცეოდა“¹⁶.

ზემოთქმულის საფუძველზე შეიძლება დაეასკვნათ, რომ გვაროვნული წყობილების შესწავლისათვის განკუთვნილ ნაშრომში ს. ჯანაშიამ სათანადო ადგილი მიუჩინა მონაცემებს ოჯახის სტრუქტურის შესახებ და ეს მონაცემები საზოგადოებრივ ურთიერთობათა ფორმებთან კავშირში განიხილა. ოჯახის თავდაპირველი თუ გადმონაშთური ფორმების, ისევე როგორც საზოგადოებრივ ურთიერთობათა სხვა ელემენტების, განხილვის დონით ს. ჯანაშიას ეს ნაშრომი პასუხობს როგორც ზოგად ისტორიულ-ეთნოგრაფიული კვლევის ამოცანებს, ისე ქართველ ხალხში (სახელდობრ სვანებში) უძველესი სოციალური ყოფის შესწავლის ინტერესებს.

ამ მიმართულებით კვლევა-ძიებას ს. ჯანაშია აღრმავებს მომდევნო შრომებშიც. საზოგადოებრივ ურთიერთობათა ფორმებთან კავშირში ოჯახის არქაული ფორმების განხილვას მან სერიოზული ყურადღება მიაქცია ჯერ 1933 წელს გამოქვეყნებულ ნაშრომში („ადრეული ფეოდალიზმი“), ხოლო აქ ჩამოყალიბებული დებულებები შეავსო, დახვეწა და განამტკიცა 1937 წელს გამოცემულ მონოგრაფიაში — „საქართველო ადრინდელი ფეოდალიზაციის გზაზე“. ძირითად წყაროდ გამოყენებული ენობრივი და ეთნოგრაფიული მონაცემების რეტროსპექტული მეთოდით გაანალიზების

¹⁵ ს. ჯანაშია, დასახ. ნაშრომი, 123.

¹⁶ იქვე.



საფუძველზე იგი ავითარებს იმ თვალსაზრისს, რომ ქართველ ტომთა წინაპრები ბინადარ ცხოვრებას იწყებენ მიწათმოქმედებაზე, კერძოდ პრიმიტიულ მებოსტნეობაზე გადასვლასთან დაკავშირებით. „სოციალურად ამ ცვლილებას შეეფარდებოდა „სახლ“-ის, როგორც ძირითად სოციალურ ერთეულის, ჩამოყალიბება. „სახლი“ (ჭანურ-მეგრული „ოხორი“, სვანური „ლახორ“ ანუ „ლალხორ“) არის გარკვეული საზოგადოებრივი ერთობა, რომელიც დასახელებულ სამეურნეო ფაქტისა (მებოსტნეობა) და წინა პერიოდიდან მიღებულ ტრადიციების ნიადაგზე მატრიარქალურ წესის მიხედვით ეწყობა. „სახლ“-ის სათავეში დგას ქალი, დელათმთავარი, „ღიასახლისი“. სახლის წევრები ანუ „სახლისშვილები“ ურთიერთნათესაობას დედის ხაზით ანგარიშობენ. ამიტომ არის, რომ დასავლეთ საქართველოში დღესაც „სახლისშვილი“, ისევე როგორც ჭანური „ოხრასკირი“ (სკირი ნიშნავს შვილს) და „ოხრასურე“, მეგრული (ამჟამად, მხოლოდ ნაწილობრივ) „ოხორასკილი“ ისეთი ტერმინებია, რომელნიც აღნიშნავენ ნათესაობას დედის, ქალის ხაზით. ხოლო „სახლის“ ჩამოყალიბების კავშირი ბინადარ ცხოვრებაზე გადასვლასთან მიზეზია იმისა, რომ ეს სიტყვა, ასევე ტრადიციულად, მერმინდელ ხანებშიც „მიწაზე ჯდომის“, „მკვიდრობის“, „მოსახლობის“ მნიშვნელობის მომენტს შეიცავდა. შემდეგ, ეს „სახლი“ არის, ეთნოგრაფების ენით რომ ვთქვათ, „დიდი ოჯახი“ — ისეთი ერთობა ადამიანებისა, რომელიც ერთს ჭერ ქვეშ, ერთ ბინაში ცხოვრობს. ამიტომ გახდა შესაძლებელი, რომ „სახლი“ ადამიანთა საცხოვრებელ შენობასაც დაერქვა, და დღეს ხომ ეს ტერმინი უბირატესად სწორედ ამ მნიშვნელობით იხმარება. სახლისშვილების სოციალური ერთობა დამყარებულია მათს ეკონომიურ ერთობაზე. ერთ ჭერ ქვეშ ერთად ცხოვრება სწორედ ამ ეკონომიკურ ერთობის ერთ-ერთი მომენტია¹⁷.

ს. ჯანაშია შემდეგ ეხება საზოგადოებრივი ურთიერთობის განვითარების პატრიარქალურ საფეხურს, სახელდობრ სამხედრო დემოკრატიის ხანას, როდესაც უბირატესობა მამაკაცს ეკუთვნის, „მამასახლისის“ სახით ის სათავეში უდგას „სახლს“ (დიდ ოჯახს, გვარს), ახლა უკვე მამის ხაზით ანგარიშობენ „სახლისკაცობას“ (გვარიშვილობას), ხოლო ყველა „სახლისშვილი“ (იგივე „ერისკაცი“) მეომარი და საზოგადოების თანასწორუფლებიანი წევრია¹⁸.

¹⁷ ს. ჯ ა ნ ა შ ი ა, საქართველო აღრინდელი ფეოდალიზაციის გზაზე, „შრომები“, I, თბ., 1949, 131—132.

¹⁸ ი ქ ვ ე, 133—134.



საზოგადოებრივ ურთიერთობათა უძველესი საფეხურებისა და მათი განვითარების შესახებ ს. ჯანაშიამ ამ შემთხვევაში კვლავ ის თვალსაზრისი განავითარა, რაც ჩამოყალიბებული ჰქონდა გვაროვნული წყობილებისადმი მიძღვნილ ნაშრომში. მკვლევარი აქაც იმ შეხედულებას იცავს, რომ დიდი ოჯახი წარმოიშვა გვაროვნული წყობილების მატრიარქალურ საფეხურზე, მისი სტრუქტურა თავდაპირველად დედის უფლებებზე დამყარებულ ტრადიციებს შეესატყვისებოდა, ხოლო განვითარების შემდგომ საფეხურზე გვაროვნული წყობაც და დიდი ოჯახიც პატრიარქალური წესის მიხედვით ეწყობა. ს. ჯანაშიას ორი სხვადასხვა ნაშრომის მიხედვით ამ დებულებათა შორის განსხვავება არ შეინიშნება, მაგრამ არსებითი მნიშვნელობა უნდა მივანიჭოთ ამ დებულებათა ფორმულირების საფუძვლებს. საქმე იმაშია, რომ გვაროვნული წყობილებისადმი მიძღვნილ ნაშრომში ს. ჯანაშიას კონცეფცია ოჯახისა და საზოგადოების წარმოშობა-განვითარების შესახებ შეფარდებულია საბჭოთა ისტორიულ მეცნიერებაში მარქსისტულ-ლენინური მეთოდოლოგიით განმტკიცებულ თვალსაზრისთან. ფაქტიურად აქ საქმე გვაქვს მეცნიერებაში დამკვიდრებულ დებულებათა გადმოცემასთან. რაც შეეხება მეორე ნაშრომს, მასში გავლილი მსჯელობა ემყარება მხოლოდ ქართულ მონაცემებს და მისი ანალიზის შედეგად მიღებული დებულებები ქართველთა წინაპრების საზოგადოებრივი ურთიერთობის მატრიარქალურსა და პატრიარქალურ სტადიაზე დიდი ოჯახის სტრუქტურის შესახებ, ორიგინალური და ავტორისეულია. თანაც უნდა ითქვას, რომ ქართულ მონაცემებზე დაყრდნობითა და მარქსისტული მეთოდოლოგიის გამოყენებით შემუშავებული ესოდენ საყურადღებო თვალსაზრისი დიდი ოჯახის თუ სხვა უძველესი სოციალური ინსტიტუტებს წარმოქმნა-განვითარების შესახებ ქართულ ისტორიოგრაფიაში პირველად სწორედ ს. ჯანაშიამ ჩამოაყალიბა.

აღნიშნულ დებულებათა დაფუძნება ეთნოგრაფიულსა და ენობრივ მონაცემებზე იმის უტყუარი მოწმობაა, რომ უძველესი სოციალური ინსტიტუტების შესწავლას წინ უძღოდა მოსამზადებელი ეთნო-ლინგვისტური ძიებანი. ასეთი წინასწარი მუშაობის ნიმუშად შეიძლება დავიმოწმოთ ს. ჯანაშიას ერთ-ერთი ადრინდელი გამოკვლევა („მრავლობითი რიცხვის-თა/-თ სუფიქსის ეტიმოლოგიისათვის“), რომელიც, ავტორის მესამე ტომში მოთავსებულ შრომათა ბიბლიოგრაფიაში მოცემული განმარტების თანახმად, „დაწერილი უნდა იყოს დაახლოებით ოციანი წლების ბოლოს“¹⁹.

¹⁹ ს. ჯანაშია, „შრომები“, III, თბ., 1959, 364.

საქართველოს მრავალი კუთხის ენობრივსა და ეთნოგრაფიული მასალებზე დაყრდნობით, ს. ჯანაშია ამ ნაშრომში განიხილავს გვარის, სახელების მწარმოებელ ფორმანტებსაც და არცგვეს, რომ გვარის შემადგენლობაში არსებობს ესა თუ ის განშტოება, რომელიც უახლოესი წინაპრის სახელს ატარებს და ბოლოვდება თა, თ, ენ, თი და ა. შ. სუფიქსით. ასეთ განშტოებებს, ვიწრო ნათესაობის გამაერთიანებელ ერთეულებს, ს. ჯანაშია უწოდებს „მეტსახელებს“ ან „მეტგვარებს“, რომლებიც „იხმარება გვარის განაყოფ შტოთა აღსანიშნავად და მცხოვრებნი ერთმანეთს თურმე უმთავრესად ამ სახელებით იცნობენ“²⁰. გვარის ფორმა-დაბოლოების შესახებ გამოკითხვით მოძიებული სავსე მასალების, წერილობითი წყაროებისა და ლიტერატურული მონაცემების მიხედვით გაირკვა, რომ ქართული გვარი თავისი აგებულებით პატრონიმიულ ერთეულს წარმოადგენდა. ამასთან ერთად, ს. ჯანაშიამ საგანგებოდ გამოყო თი სუფიქსის მნიშვნელობა იმ მხრივ, რომ „აქ უნდა გვეკონდეს ოდეს-ღაც თავისთავად არსებული სიტყვა, რომელსაც საფუძვლად დადებული ექნებოდა „ოჯახის“, „გვარის“ ცნება. სათანადო ძიების შედეგად ასეთი რამ მართლაც აღმოჩნდა. პროფ. იოს. ყიფშიძე თავის მეგრულ-რუსულ ლექსიკონში უჩვენებს თი სიტყვას, რომელსაც მისი განმარტებით აქვს შემდეგი მნიშვნელობანი: „ოჯახი“, „სახლი“, „სახლ-კარი“ (თუ „კომლი“ ДВОР „საგვარეულო“). აქედან: „მიდართვ მუში თიშა“-წავიდა თავის სახლში, თავისიანებში; „ჩქიმი თი“-ჩემი ოჯახი; „ჩქიმი თური“-ჩემიანი, ჩემი ოჯახის წევრი; „თური კათა“-მეზობლები, სახლიკაცები“²¹.

ქართულ მონაცემებთან ერთად აფხაზური და ჩრდილო კავკასიური პარალელების გამოყენებით ს. ჯანაშიამ ამ ნაშრომში გვარის პატრონიმიულ სტრუქტურასთან ერთად ისიც ცხადჰყო, რომ მეგრულში თი ნიშნავს ოჯახს, სახლს, საგვარეულოს. შემდგომ პერიოდში ტოპონიმიკური მასალითაც დადასტურდა, რომ სამეგრელოში თი ნიშნავდა დიდ ოჯახს, სახლს, სახლკარობას, მახორობას, ხოლო თი-ზე დაბოლოებული ტიპონიმები დაკავშირებული არიან დიდი ოჯახისა და პატრონიმიული ერთეულის ნაკვალებთან²².

²⁰ ს. ჯანაშია, მრავლობითი რიცხვის-თა/-თ სუფიქსის ეტიმოლოგიისათვის, „შრომები“, III, 148.

²¹ იქვე, 152.

²² გ. ელიავა, სამეგრელოს ტოპონიმიკური მასალა დიდი ოჯახის სტრუქტურის შესახებ, „მაცნე“, (ისტორიის... სერია), 1972, № 3, 177—181.



ოჯახის ისტორიის ცალკეულ საკითხებს ს. ჯანაშია სხვა გამდგომი პოეტური ნაწარმოებებშიც ეხება. ერთ-ერთ მათგანში მკვლევარი საინტერესო ვირებებს ვეთავაზობს საოჯახო და საქორწინო ურთიერთობის უძველეს საფეხურზე წარმოქმნილი ისეთი ჩვეულების შესახებ, როგორც იყო პოლიანდრია (მრავალქმრიანობა). იგი განიხილავს ქართულ ისტორიულ წყაროებს საქართველოს მთიანეთში ქრისტიანობის გავრცელების შესახებ, მთისა და ბარის სოციალური განვითარების დონეებს შორის შედარებას ახდენს და მთაში სოციალური განვითარების დაბალი დონის რიგ მაჩვენებლებთან ერთად იმოწმებს თამარ მეფის ისტორიკოსის შემდეგ ცნობას ფხოველებისა და დიდოელების შესახებ: ისინი „მშთავარსა და უხარშავსა ჭამენ და მრავალნი ძმანი ერთსა დედაკაცსა მიიყუანებენ ცოლად, რომელიმე უჩინარსა რასამე ეშმაკსა თაყუანისცემენ, და ზოგნი — უნიშნოსა შავსა ძაღლსა. და ამას ჰყოფენ, ხოლო ფხოველნი ჯვარის მსახურნი არიან და ქრისტიანობას იჩემებენ“ (ქცხ. მარ. 527). ამის საფუძველზე ს. ჯანაშია დაასკვნის: „როგორც აქ გადმოცემული ცნობები ფხოველებისა და დიდოელების ზნე-ჩვეულებათა შესახებ (მაგ., უაღრესად საყურადღებო ცნობა პოლიანდრიის შესახებ), ისე სხვა მოსაზრებებიც სრული უეჭველობით გვარწმუნებს, რომ აღნიშნული ტომები ამ დროს თემურ-გვაროვნულ ყოფას განიცდიან“²³.

მთის სოციალური სტრუქტურის აქ მოცემული დახასიათებიდან ამ შემთხვევაში საოჯახო ყოფის შესწავლისათვის განსაკუთრებით საყურადღებოა აზრი იმის შესახებ, რომ შუა საუკუნეების საქართველოსა და დაღესტანში მთიელთა ყოფის ერთ-ერთ ნიშანდობლივ ატრიბუტს წარმოადგენდა მრავალქმრიანობის წესი, რაც მკვლევარმა, არქაულობის მაჩვენებელ სხვა ჩვეულებებთან ერთად, იმის მტკიცების საფუძველად მიიჩნია, რომ ქართველი და დაღესტნელი მთიელები XII საუკუნეში ჯერ კიდევ „თემურ-გვაროვნულ ყოფას განიცდიან“.

ოჯახის სტრუქტურის შესწავლისათვის გასათვალისწინებელია ს. ჯანაშიას მსჯელობა პრივილეგიურ ფენებში საოჯახო ურთიერთობის ზოგიერთი თავისებურების შესახებ. ამ რიგის მოვლენებიდან მისი ყურადღება მიუქცევია „მსახურის“ მოვალეობას პიტიახნის ოჯახში, რასაც მნიშვნელობა ენიჭება კლასობრივ საზოგადოებაში, ოჯახის ძირითად წევრებთან ერთად, ოჯახის მომსახურე პერსონა-

²³ ს. ჯ ა ნ ა შ ი ა, საქართველო აღრინდელი ფეოდალიზაციის, გზაზე, „შრომები“, I, 239.



ლის შემადგენლობისა და ფუნქციების გარკვევისათვის. ს. ჯანაშიას შემხედვლევით, იაკობ ხუცესის თხზულებაში (V ს.) ხსენებული „მსახურნი“ ანუ „ტაძრეულნი“ უმეტესწილად „წვრილი ერისაგან“ წარმოშობილი პირები იყვნენ, „რომელნიც მეფის ან დიდი აზნაურის კარზე რაიმე სამსახურს ასრულებდნენ“²⁴. ს. ჯანაშიამ ყურადღება მიაქცია იმ გარემოებას, რომ მსახურს საერთოდ ეცისრებოდა ადმინისტრაციულ-პოლიციური მოვალეობის შესრულება, ხოლო იაკობ ხუცესის მიერ აღწერილი კონკრეტული სიტუაციის მიხედვით მსახური გამწესებული იყო პატიმრობაში მყოფი შუშანიკის — პიტიახშის მეუღლის — მცველად. „გარდა ამისა, მსახურნი შინაურ წესრიგს იცავენ პიტიახშის „ტაძარში“, წმინდა საყოფაცხოვრებო დავალებებსაც ასრულებენ იქ და სხვა“. მკვლევარი ამის საბუთად იმორწმებს პიტიახშის ბრძანებას თავის მსახურთა მიმართ („იღეს მე და ჯოჯიკ და ცოლმან მისმან ერთად პური ვჭამოთ, ხოლო სხვააა ნუ ვის უფლიედ ჩვენ თანა შემოსვლად“) და დაასკვნის: „პიტიახშის ტაძარში პურისჭამის გარიგება და გარკვეული წინასწარი წესების დაცვა მსახურებს ჰქონდათ დაეცისრებული“²⁵.

პრივილეგიური ფენის საოჯახო ყოფის ისტორიიდან ს. ჯანაშიას გამოყოფილი აქვს აგრეთვე ოჯახის ერთობა, როგორც მისი ძლიერების შენარჩუნების პირობა. ფეოდალური სახლების გაუყრელობის შესახებ იგი იმორწმებს ვახუშტის შემდეგ ცნობებს: „გარნა ამათ მთავართა შორის აწინდელთა ქამთა უწარჩინებულესნი და შემძლებელნი ესენი იყვნენ და გაუყრელნი სახლნი აქუნდათ: პირველი მუხრანის ბატონი, არაგვის ერისთავი, ქსნის ერისთავი, ამილახორი და ყაფლანიშვილი, ზემო ციციშვილი, ოდეს გაუყრელი იყო, და სომხითის მელიქი“. ს. ჯანაშიას იქვე მოყავს ვახუშტის შემდეგი სიტყვები: „გააზნაურშვილებულნი: ვითარცა რატიშვილი, ქსნის ერისთავის განაყოფი, ვით იხილებების მამულითა, ხოლო აწ დამცივრებულნი. ხოლო ზედგინიძე, სააკაძე, ელიოზისშვილი, ამათგან გამთავრებულნი ესრეთ, რომელიმე ამადლებულან და რომელნიმე დამდაბლებულან ქამთა ცვლილებითა ანუ გაყრითა ძმათათა“²⁶.

ვახუშტის შრომიდან დამოწმებული ამ მონაცემების ანალიზის შედეგად ს. ჯანაშიამ დაასკვნა, რომ ფეოდალური სახლის (ოჯახის,

²⁴ ს. ჯ ა ნ ა შ ი ა, აღრეული ფეოდალიზმი, „შრომები“, II, 229.

²⁵ იქვე, 230; შდრ. მ ი ს ი ვ ე, საქართველო აღრინდელი ფეოდალიზაციის გზაზე, „შრომები“, I, 278—279.

²⁶ ვ ა ხ უ შ ტ ი, აღწერა სამეფოსა საქართველოსა, თბ., 1941, 25.



გვარის) ძლიერების საფუძველს შეადგენდა მამულის სიდიდე, ხელ-
ლო ასეთი მდგომარეობის შენარჩუნების პირობად ითვლებოდა²⁷ ში-
სი გაუყოფლობა, რაც, თავის მხრივ, დამოკიდებული იყო სახლის
გაუყრელობაზე²⁷.

საოჯახო ყოფის კვლევაში გასათვალისწინებელ იმ კომპონენ-
ტებს შორის, რომელთა მიხედვითაც შესაძლებელია შესასწავლი
ოჯახის ტიპის დადგენა, განსაკუთრებით დიდი მნიშვნელობა ენი-
ჭება საკუთრების ფორმას, რასაც ს. ჯანაშია სხვადასხვა ასპექტში
ეხება. მკვლევარი აღწერს „მესამე გენეს — „ერის“ შემდგომი
განვითარება-დიფერენციაციის პროცესს, მის შეიარაღებას, საგან-
გებოდ ეხება იარაღზე საკუთრების ხასიათს და დაასკვნის: „იარაღი
ყველაზე ადრე იქცევა კერძო საკუთრების საგნად და ის, როგორც
მამაკაცის კერძო საკუთრების საგანი, მტკიცე მემკვიდრეობის (მა-
მიდან შეიღზე) განსაკუთრებით საყურადღებო და საზრუნავი ობი-
ექტია“²⁸, რაც მკაფიოდ ჩანს მერმინდელ ფეოდალურ ადათსა და
კანონშიც. მკვლევარი ამის საბუთად იმოწმებს ბექასა და აღბუღას
კანონებს, რომლის მიხედვით არკვევს, რომ „ქალის დაქვრივების
შემთხვევაში მზითევი ქალს ან მის მშობლებს ეკუთვნოდა. მხო-
ლოდ აბჯარი უთუოდ ვაჟს უნდა დარჩენოდა“²⁹. ს. ჯანაშია იყენებს
აგრეთვე ბარათაანთ დიდი გვარის გაყრის XVI საუკუნის საბუთს და
ბექა-აღბუღას სამართლის მუხლების მონაცემებთან მისი შეჯერე-
ბის საფუძველზედაც აღნიშნავს: „აბჯარი უთუოდ ვაჟებს უნდა
დარჩენოდათ, მაგრამ, როგორც სავსებით ინდივიდუალური საკუთ-
რების საგანი, მამას თავისი იარაღი შეეძლო, რომელიც უნდოდა, იმ
ვაჟისათვის მიეცა“³⁰.

აქ მოცემული მსჯელობა ინდივიდუალური საკუთრებისა და
მისი სამემკვიდრეო ხასიათის შესახებ ზუსტად ასევეა ფორმულირე-
ბული ს. ჯანაშიას მერმინდელ ნაშრომში — „საქართველო აღრინ-
დელი ფეოდალიზაციის გზაზე“³¹, რომელიც „ადრეული ფეოდა-
ლიზმის“ გამოქვეყნებიდან (1933 წ.) ოთხი წლის შემდეგ (1937 წ.)
დაიბეჭდა.

²⁷ ს. ჯანაშია, ვახუშტი ქართული ფეოდალიზმის შესახებ, „შრომები“
II, 451.
²⁸ ს. ჯანაშია, ადრეული ფეოდალიზმი, „შრომები“, II, 187.
²⁹ იქვე, 188.
³⁰ იქვე.
³¹ ს. ჯანაშია, „შრომები“, I, 194—195.



საზოგადოებრივი განვითარების განსაზღვრულ საფეხურზე არსებული საოჯახო საკუთრების ფორმის შესახებ რამდენადმე სრულყოფილად წარმოდგენისათვის გასათვალისწინებელია სათემო მიწების მითვისებისა და კერძო საკუთრებად გადაქცევის ხანგრძლივად მიმდინარე პროცესი, რის შესახებაც ს. ჯანაშია წერს: „ეს პროცესი ერთბაშად არ ხდება. საზოგადოდ, ყველაზე ადრე კერძო საკუთრების საგნად სამოსახლო და ნაშენები (საბაღ-ბოსტნე) ადგილები იქცევა. შემდეგ ამას, ერთგვარი მოგვიანებით, სახანაე-სათესი მიწები მისდევს. ბუნებრივია, რომ ფეოდალური საკუთრება თავდაპირველად სწორედ აქ ჩნდება. საძოვრებზე თემი შედარებით ძალიან დიდ ხანს ინარჩუნებს თავის უფლებებს, მთლიანად ან ნაწილობრივ. ყველაზე ბოლოს და ყველაზე გვიან თემს ხელიდან ტყე ეცლება“³².

აღნიშნული პროცესის ჩვენების მიზნით ს. ჯანაშია ახალი-ზებს ბასილ ზარზმელის მონათხრობს ზარზმის მონასტრის აშენებისა და იმ ბრძოლის შესახებ, რასაც ადგილი ჰქონდა ბერებსა (სერაპიონი და მისი ამხანაგები) და ფეოდალს (გიორგი ჩორჩანელი) შორის. ბასილ ზარზმელის თხზულებაში ასახულია ბრძოლა თემურ და ფეოდალურ საკუთრებას შორის. ზარზმის ტყეს ხალხი საერთო საკუთრებად თვლის, ზოგს იქ ახოებიც გაუჟაფავს და ჩასახლებულა. ფეოდალს კი ეს ტყე თავის საკუთრებად და გასართობ (სანადირო) ობიექტად მიაჩნია. „იღებენ ამ ტყეს ბერები ფეოდალისაგან, რომელიც მას თავისი „საბრძანებლის“ ნაწილად და თავის საკუთრებად თვლის. მაგრამ სხვანაირად უყურებს ამ საქმეს ხალხი: აშკარაა, რომ ფეოდალის ამ უფლებებს არ სცნობს, რომ იგი ჯერ კიდევ არ შერიგებია ტყის დაკარგვასაც, მასზე თავისი უძველესი თემური უფლების გაუქმებას. ამ ნიადაგზე ჩნდება აღწერილი მწვავე ბრძოლა. ცხადია, რომ ჩვენ თვალთა წინ ის ხანაა, როდესაც მიწისათვის ბრძოლის უკანასკნელი მოქმედება სრულდება, სათემო ადგილმამულის ფეოდალთა მიერ მოტაცების უკანასკნელი ეტაპი. ამაშია სწორედ მოცემული ცნობების ღრმა მნიშვნელობა“³³.

ბასილ ზარზმელის თხზულების აქ მოცემული ახალიზის მნიშვნელობა საოჯახო საკუთრების ფორმების გარკვევისათვის იმაში მდგომარეობს, რომ იგი გვაცნობს მიწის დასაკუთრების ეტაპებს სამეურნეო სავარგულების სახეობათა მიხედვით (საბაღბოსტ-

³² ს. ჯანაშია, ბრძოლა მიწის ფეოდალური მითვისებისათვის ძველ საქართველოში, „შრომები“, II, 438.

³³ იქვე, 448.



ნე ადგილები, სახნავ-სათესი მიწები, საძოვრები, ტყე). ფეოდალურ საზოგადოებაში მიმდინარე ამ პროცესის მეორე მნიშვნელოვანი მომენტს წარმოადგენდა სათემო საკუთრების გვიანობამდე შენარჩუნება, რასაც ს. ჯანაშია XIX საუკუნის მონაცემებითაც ადასტურებს. ის გარემოება, რომ „საძოვრებზე თემი შედარებით ძლიერად დიდ ხანს ინარჩუნებს თავის უფლებებს, მთლიანად ან ნაწილობრივ“, ხოლო „ყველაზე ბოლოს და ყველაზე გვიან თემს ხელიდან ტყე ეცლება“, ს. ჯანაშიას როდი მიაჩნია მხოლოდ საქართველოსათვის დამახასიათებელ მოვლენად. მისი შეხედულებით, „თითქმის ყველა ქვეყანაში ხალხის შეგნებაში, სულ უკანასკნელ ხანებამდის, ღრმად იყო გამჭვრელი შეგნება, რომ ტყე მთელი თავისი პროდუქციით საზოგადო, სახალხო საკუთრებას შეადგენს“³⁴. მკვლევარს სწორედ ეს გარემოება აქვს მხედველობაში, როდესაც, იმის აღნიშვნასთან ერთად, რომ სათემო მიწების მითვისებისათვის ბრძოლის ბოლო მოქმედება ასახულია ბასილი ზარზმელის თხზულებაში, იმასაც ამტკიცებს, რომ თემი ხანგრძლივად ინარჩუნებს უფლებებს საძოვრებსა და ტყეზე. ამის საბუთად იგი იმოწმებს მონაცემებს XIX საუკუნის ვითარების შესახებ: „მკითხველი მოიგონებს, რომ ეგნ. ნინოშვილის „მონადირეს“ „ძლიერ აჯავრებს“ ერთი გარემოება: „ტყე, რომელიც ბატონყმობის დროს თითქმის სოფლის საკუთრებას შეადგენდა, იქ ნადირობას და ხე-ტყის მოჭრას ვერავინ დაუშლიდა, რამდენიმე კაცმა — თავად-აზნაურმა „დაისაკუთრა და უბაჟოდ გარეშე პირს აღარ შეეძლო გაქაჭანება“. ამ „ახალი კანონის შემოღებით“ აღფშოთებული გურული გლეხი ერთი პირობა თავს ანებებს კიდევაც ნადირობას, მაგრამ ბოლომდის ვერ ითმენს: „აილო ნება ერთი თავადისაგან და ხელახლა მიჰყო ხელი ნადირობას“. ახალი კანონის მთელი შინაარსი ამ მონადირისათვის მაინც გაუგებარი რჩება, რაც მას დასასრულ მკაცრად დასჯის კიდევაც“³⁵.

ეპოქით დიდად დამორებული აღნიშნული მონაცემების საფუძველზე ს. ჯანაშია შენიშნავს: „თუ მეცხრამეტე საუკუნეში გურიის გლეხობა, გულის სიღრმეში, ტყეს ისევ თავის საკუთრებად სთვლიდა, ადვილი წარმოსადგენია თუ როგორი უნდა ყოფილიყო ხალხის დამოკიდებულება ამ საგნისადმი იმ ხანაში, რომელსაც ჩვენ ახლა ვსწავლობთ“³⁶.

³⁴ ს. ჯ ა ნ ა შ ი ა, დასახ. ნაშრომი, 438.

³⁵ ი ქ ვ ე, 439.

³⁶ ი ქ ვ ე.

მოვლენებისადმი ასეთი დამოკიდებულებით ს. ჯანაშიამ დაგვი-
ნახა, თუ როგორ ხანგრძლივად ინახავდა თავს ხალხური ტრადიცი-
კლასობრივ საზოგადოებაში რა სახით ინარჩუნებდა არსებობას თუ-
მური ყოფის კომპონენტები, რაოდენ დიდი მნიშვნელობა ენიჭება
ამგვარი მოვლენების ცოდნას საკუთრების ფორმების გარკვევისათ-
ვის, ამ რიგის მონაცემები რამდენად გასათვალისწინებელია საოჯა-
ხო საკუთრების დადგენისა და ოჯახის ტიპის განსაზღვრისათვის და
როგორ ბევრის მთქმელია ძველი ყოფის მრავალი თავისებურების
შემნახველი გვიანდელი ეთნოგრაფიული სინამდვილე, რომლის გათ-
ვალისწინების საფუძველზე ს. ჯანაშია ყოველ ხელსაყრელ მომენტ-
ში ღრმად იჭრებოდა ისტორიული წყაროებით ხელმიუწვდომელი
შორეული წარსულის ლაბირინთებში და სასურველ შედეგებსაც
აღწევდა.

დასკვნის სახით უნდა ითქვას, რომ ს. ჯანაშია საოჯახო ყოფის
ცალკეულ კომპონენტებს სწავლობდა ქართველი ხალხის სოცია-
ლურ ურთიერთობათა ფორმებთან მჭიდრო კავშირში, წერილობით-
სა და ლინგვისტურ მონაცემებთან ერთად ფართოდ იყენებდა ეთ-
ნოგრაფიულ მასალებსაც და მოვლენების ისტორიულ ჭრილში გან-
ხილვის შედეგად აღწევდა ოჯახის თავდაპირველი და გადმონამოთური
ფორმების განსაზღვრას. საოჯახო ყოფის შესწავლის თანამედროვე
ეტაპზე განსაკუთრებით დიდი მნიშვნელობა ენიჭება ს. ჯანაშიას
დაკვირვებებს ოჯახის უძველესი ფორმების გადმონამოთურ სახეობა-
თა შესახებ, რაც აქტუალურად უკავშირდება საბჭოთა ეთნოგრაფი-
ის ინტერესებს სოციალურ ურთიერთობათა შესწავლის მიმართუ-
ლებით.

ნიკო ბერძენიშვილი. ჩვენთვის საინტერესო ისტორიოგრა-
ფიულ მიმოხილვაში აღსანიშნავია ნ. ბერძენიშვილის დაკვირვე-
ბები ქართული ოჯახის სტრუქტურის ზოგიერთი დეტალის შესახებ,
რაც მას მოცემული აქვს საქართველოს ისტორიის სოციალური
პრობლემების შესწავლასთან დაკავშირებით. ნ. ბერძენიშვილი
ოჯახს, როგორც უმცირეს სოციალურ უჯრედს, მასზე დიდ ნათე-
საურ კავშირებთან ერთად განიხილავს და საზოგადოებრივ ურთი-
ერთობათა განვითარების დონის განსაზღვრაში ოჯახის სტრუქტურას
გარკვეულ მნიშვნელობას ანიჭებს. სხვადასხვა სოციალური ერ-
თეულების გენეზისის კვლევა, თავის მხრივ, განაპირობებს ოჯახის
წარმოშობისა და მისი ისტორიული განვითარების შესწავლის შე-
საძლებლობას. ნ. ბერძენიშვილი ამ მხრივ ივ. ჯავახიშვილის მიერ
დამკვიდრებულ ტრადიციას მიყვება და სოციალურ ურთიერთო-

ბათა შესწავლისათვის საგანგებოდ იკვლევს ისეთი ცნებების ნაარსს, როგორცაა „სახლი“, „გვარი“, „ნათესავი“ და ა. შ. ლითისათვის აქ შეიძლება დავიმოწმოთ მისი მსჯელობა ბორჯომის ხეობის უძველესი საცხოვრებლების შესახებ, სადაც დასმულია „სახლის“ გენეზისის საკითხიც. როგორც მკვლევარი ფიქრობს, „ბუნებრივად სავარაუდებელია, რომ ადამიანის უძველესი საცხოვრისის ქართული (და ზოგად ქართული, თავდაპირველი) სახელი „ქვაბი“ იყო, რომ „სახლი“ მამასადამე, ადამიანის ხელოვნურ საცხოვრისს შემდეგ, „გვიან“, შეერქვა; რომ თავდაპირველად „სახლი“ სისხლით მონათესავე ადამიანთა ერთობას ერქვა და ეს „სახლი“ „ქვაბში“ ცხოვრობდა; შემდეგ, გვიან, როცა „სახლმა“ „ქვაბი“ დატოვა და ხელოვნურად აგებულ საცხოვრისში მოთავსდა, ამ საცხოვრისს, ბუნებრივია „სახლივე“ ეწოდა. ქვაბი კი იმ უძველესი საცხოვრისის, ან უკვე მიტოვებულის, სახლადვე დარჩა“¹.

ნ. ბერძენიშვილის თვალსაზრისი „სახლის“ გენეზისის შესახებ ამ შემთხვევაში განსაკუთრებით საყურადღებოა ოჯახის წარმომშობის პრობლემასთან დაკავშირებით, რამდენადაც სხვა სახის სოციალურ ერთეულებთან ერთად „სახლი“ ოჯახსაც ნიშნავდა. „სახლის“ გენეზისის საკითხებს მკვლევარი კიდევ უფრო უღრმავდებდა თავის დაუმთავრებელ ნაწერებში², რომლებშიც უმთავრესად გაშუქებულია გორების სოციალური ბუნება. ამასთან დაკავშირებით დამაფიქრებელია ნ. ბერძენიშვილის დებულებები სოციალური ერთეულების გენეზისის, მათი თავდაპირველი და მერმინდელი განსახლების სტრუქტურის შესწავლისათვის. აღნიშნულ საკითხებს ენათესავება ოჯახის წარმომშობა-განვითარების პრობლემაც, მაგრამ იმის გამო, რომ ნ. ბერძენიშვილი ამ შრომებში ჩვენთვის საინტერესო პრობლემას უშუალოდ არ შეეხო და პირველ რიგში გვიარის სტრუქტურისა და გვაროვნული დასახლების საკითხებით შემოიფარგლა, მათ შესახებ გამოთქმულ მოსაზრებათა განხილვა უმჯობესი იქნება მომავალში, როდესაც გვარის სტრუქტურის შესწავლის სფეროში მეცნიერის ღვაწლი შეფასდება.

დასახლების ტიპზე მსჯელობისას ნ. ბერძენიშვილმა ოჯახის ფორმას ყურადღება მიაქცია ბორჯომის ხეობის შესწავლისადმი

¹ ნ. ბერძენიშვილი, ბორჯომის ხეობა (დღიური, 1947 წ.), „საქართველოს ისტორიის საკითხები“, I, თბ., 1964, 231.

² ნ. ბერძენიშვილი, საქართველოს ისტორიის საკითხები, VIII, თბ., 197.

მიძღვნილ ზემოხსენებულ ნაშრომში. მისი აზრით, სოფ. სადგურის უძველესი ხანის მკვიდრთა სამოსახლოს წარმოადგენდა მეგალითური სადგური, ხოლო „ფეოდალური ურთიერთობის ხანაში სადგურები ერთი მეორეს მოშორებულ უბნებად ცხოვრობდნენ (დიდი ოჯახები, ფეოდალური გვარები, საფიქრებელია ასეთ უბნებსა ქმნიდნენ)“³.

დამოწმებულ სტრიქონებში ნათლად გამოიკვეთა ნ. ბერძენიშვილის შეხედულება კლასობრივ საზოგადოებაში დიდი ოჯახის არსებობის შესახებ, რაც ჰარმონიულად უკავშირდება საბჭოთა ეთნოგრაფიულ მეცნიერებაში აღიარებულ თვალსაზრისს, რომ კლასობრივ საზოგადოებას მრავალ შემთხვევაში ახასიათებდა წინაკლასობრივი ინსტიტუტების გადმონაშთური სახით შენარჩუნება. უძველესი სოციალური ინსტიტუტების შესახებ ამ შეხედულებას მყარი მეცნიერული არგუმენტებით სანიშნოდ ასაბუთებდა თვით ნ. ბერძენიშვილი. ამიტომ მის კონცეფციასთან სრულ შესაბამისობაშია ფიქრი იმის შესახებ, რომ დიდი ოჯახი ფეოდალური ურთიერთობის ხანაშიც ჯერ კიდევ ისეთ სოციალურ უჯრედს წარმოადგენდა, ფეოდალურ გვართან ერთად, რომ ის ცალკე უბანს ქმნიდა. ბუნებრივია, რომ ასეთი მსჯელობის მიხედვით იგულისხმება პატრიარქული დასახლების წარმოქმნა, რისი საფუძველიც იყო დიდი ოჯახის დაყოფა ინდივიდუალურ ოჯახებად და დედა-სახლის ირგვლივ მათი ერთ უბნად დასახლება.

შეხედულება ფეოდალურ საზოგადოებაში დიდი ოჯახების არსებობის შესახებ ნ. ბერძენიშვილმა იმავე ნაშრომში განავითარა XII საუკუნის თორის სოციალურ-ეკონომიური მდგომარეობის შესწავლის საფუძველზედაც. მკვლევარმა ამ კუთხის ყოველმხრივი შესწავლის ამოცანა მომავლის საქმედ დასახა, მაგრამ მიზანშეწონილად მიიჩნია, სხვა მოსაზრებებთან ერთად, ისიც აღენიშნა, რომ „ძველი თორელები დიდ ოჯახებად და შედარებით პატარა სოფლებად მოსახლეობდნენ“⁴. ამასთან ერთად, ნ. ბერძენიშვილი შეეხო თორელთა მეურნეობას და საქმიანობას, რასაც არსებითი მნიშვნელობა აქვს ოჯახის ეკონომიური საფუძვლების გარკვევასათვის. მკვლევარის წარმოდგენით, „მარცვლელი კულტურის გვერდით თორელთა მეურნეობის უმთავრესი დარგი მეცხოველეობა უნდა

³ ნ. ბერძენიშვილი, ბორჯომის ხეობა, „საქართველოს ისტორიის საკითხები“, I, 270.

⁴ ნ. ბერძენიშვილი, დასახ. ნაშრომი, 253.



ყოფილიყო; სელი აგრეთვე დიდი მნიშვნელობის დარგი ჩანს თორელთა მეურნეობაში. ტყის მეურნეობა და მშენებელი (ხელოვნება) ლატოხები უნდა ყოფილიყვნენ იმ დროის თორელები და არც ისე „კარჩაკეტილი“, საფიქრებელია, ცხოვრობდნენ, როგორც ეს ზოგიერთ სოციოლოგს იმ დროისათვის ჩვეულებრივ წარმოუდგენია“⁵.

გაუყრელად ცხოვრების ტრადიციას ნ. ბერძენიშვილი დამახასიათებელ მოვლენად თვლის ჯავახეთის ისტორიული წარსულისთვისაც. იგი დაჰკვირვებია ნასოფლარების რიცხვს და უცდია მოსახლეობის რაოდენობის განსაზღვრა. მისი ვარაუდით, სოფლების გავერანებად ჯავახეთში უნდა ეცხოვრა 75 000 სულს. მეკლევარი ამის საფუძვლად თვლის იმ გარემოებას, რომ „ჯავახეთის ისტორიულ წარსულში იყო დრო, როცა 240-250 ცოცხალი სოფელი მაინც ითვლებოდა“. ნ. ბერძენიშვილს ამასთან ერთად მხედველობაში აქვს „მამინდელი ჯავახი გლეხის ოჯახის გაუყრელობა“ იმ ანგარიშით, რომ თითო კომლში 10 სულს მაინც უნდა ეცხოვრა, ხოლო თითოეულ სოფელში საშუალოდ 30 კომლი უნდა ყოფილიყო⁶.

ისტორიული მოვლენების ასეთნაირად შესწავლა იმის მაჩვენებელია, რომ მოსახლეობის რაოდენობის დადგენის ერთ-ერთ წინაპირობად ნ. ბერძენიშვილი თვლის ოჯახის რიცხობრივი შემადგენლობის ცოდნას, ხოლო როდესაც ჯავახეთის ისტორიულ წარსულში საშუალო სიდიდის ოჯახში ათი სულის ერთად ყოფნა ვარაუდობს, ამის საფუძველს იგი ხედავს გაუყრელად ცხოვრების ტრადიციში.

ოჯახის წარმოშობისა და ფეოდალურ საზოგადოებაში დიდი ოჯახების შემონახულობის შესახებ გამოთქმულ მოსაზრებებთან ერთად დამაფიქრებელია ნ. ბერძენიშვილის შეხედულება სამეურნეო დარგების განვითარებისა და ქართველი ხალხის ყოფაში მათი როლის შესახებ. ამგვარი დაკვირვების კონკრეტულ შემთხვევას ზემოთ უკვე გავეცანით თორის მაგალითზე და აღვნიშნეთ მისი მნიშვნელობა ოჯახის ეკონომიური საფუძვლების შესწავლისათვის. მეკლევარი აქ შემოიფარგლა ერთი კუთხის სამეურნეო პირობების დახასიათებით. სამაგიეროდ, ამ საკითხზე თავის შეხედულებათა განზოგადობას იგი იძლევა ჯერ ჯავახეთის მაგალითზე, ხოლო შემდეგ

⁵ ნ. ბერძენიშვილი, დასახ. ნაშრომი, 253.

⁶ ნ. ბერძენიშვილი, ჯავახეთის 1933 წლის ექსპედიციის დღიური (სანგარიშო მოხსენება), „საქართველოს ისტორიის საკითხები“, I, 166.

„შრომების“ მერვე ტომში, რასაც სახელმძღვანელო დებულებები მნიშვნელობა აქვს ოჯახის ეკონომიურ საფუძვლებზე მსჯელობისთვის. ამ დებულებათა გათვალისწინების საჭიროება პირველ რიგში იგრძნობა მაშინ, როდესაც საოჯახო მეურნეობის აღწერასთან ერთად დგება მეურნეობის წამყვანი თუ დამხმარე დარგის განსაზღვრის საკითხი. კვლევა-ძიების შედეგად უმთავრეს შემთხვევაში ირკვევა, რომ მთიელთა საოჯახო მეურნეობაში წამყვანი ადგილი ეკირა მესაქონლეობას, რაც ზოგიერთ ეთნოგრაფს მეურნეობის ჩამორჩენილობისა და დაბალი კულტურის მაჩვენებელ ფაქტორად წარმოუდგენია. ყველა მკვლევარი როდი ითვალისწინებს იმ გარემოებას, რომ მეურნეობის წამყვანობას განსაზღვრავს ამა თუ იმ კუთხის სამეურნეო-ეკონომიური და გეოგრაფიული პირობები. ამის შესაბამისად მესაქონლეობის დაწინაურება არა ჩამორჩენილობის, არამედ მეურნეობრივ-კულტურული განვითარებულობის შედეგია. ამაზე სრულიად გარკვეულ პასუხს ეპოულობთ ნ. ბერძენიშვილის საანგარიშო მოხსენებაში ჯავახეთის შესახებ, სადაც მეურნეობის განვითარების დინამიკა განხილულია ქვეყნის პოლიტიკურ ისტორიასთან კავშირში. მკვლევარი საგანგებოდ ეხება ჯავახეთის წარსულს, ასახელებს მთელ რიგ მიზეზებს, რომელნიც ქვეყნის პოლიტიკური და კულტურული მომავლის განსაზღვრასთან ერთად „შესაფერის გავლენას ახდენენ საქართველოს თვითეული კუთხის მეურნეობის სახეობის შემდგომ განვითარება-დაცემაზე“⁷, აღნიშნავს, რომ ასეთი მიზეზების გამო „XV-XVI საუკუნიდან, საფიქრებელია, მეტად გაძლიერდა აქამდისაც სააღებ-მიცემო ურთიერთობის შესუსტებით საკმაოდ შერყეული ძველი რენტაბელური მეურნეობის მოშლის პროცესი“⁸, ხოლო საკუთრივ ჯავახეთის შესახებ წერს: „ჯავახეთის მოსახლეობაც იძულებული იყო ახალ პირობებთან შეგუებით მეურნეობის ძველი სახე შეეცვალა. არახელსაყრელად შექმნილ მესაქონლეობისა და ხელის წარმოების ხარჯზე პურეულის თესვა გაძლიერებია, რაც ჯავახეთის პირობებში სამეურნეო რეგრესს მოასწავებდა და საბოლოო ანგარიშით ძველი მოსახლეობის საგრძნობ შემცირებას გულისხმობდა“⁹.

როგორც ვხედავთ, ნ. ბერძენიშვილს ჯავახეთში, როგორც გარკვეული პირობების მქონე ლოკალურ ერთეულში, სამეურნეო რე-

⁷ ნ. ბერძენიშვილი, დასახ. ნაშრომი, 104.
⁸ იქვე.
⁹ იქვე.



ვრესის საფუძვლად მიაჩნია მესაქონლეობის დაქვეითება, რამდენადაც ამ კუთხეში, მეურნეობის ნორმალური განვითარების შემთხვევაში, რენტაბელური დარგი სწორედ მესაქონლეობა იყო და არა მიწათმოქმედება.

ნ. ბერძენიშვილი სხვა ნაშრომშიც მიუთითებს, რომ მესაქონლეობის განვითარება დიდი სამეურნეო პროგრესის მომასწავებელი იყო. იგი ფიქრობს, რომ საქართველოს არა მარტო მთიანეთში, არამედ ბარის რაიონებშიც მეურნეობის თავდაპირველ სახეს მესაქონლეობა წარმოადგენდა და ის მომთაბარული ხასიათისა უნდა ყოფილიყო. შემდეგ, როდესაც ორსახოვანი მეურნეობა ვითარდება მესაქონლეობისა და მიწათმოქმედების თანაარსებობის სახით, ქართულში „უპირატესობა საბოლოოდ მიწათმოქმედებას დარჩა (ქართული ფეოდალიზმი) და მესაქონლეობა მეურნეობის დამხმარე დარგად იქცა და მხოლოდ უკიდურეს მთიანეთში შეინარჩუნა მან უპირატესი მნიშვნელობა“¹⁰.

ესოდენ ნათლად და დამაჯერებლად ჩამოყალიბებულ დებულებათა ფონზე აბსოლუტურად კარგაეს მნიშვნელობას ზოგიერთი ეთნოგრაფის მიერ იმის მტკიცების სურვილი, რომ მიწათმოქმედება ყველა კუთხესა და სამეურნეო-გეოგრაფიულ პირობებში წარმოადგენდა ქვეყნის კულტურული დაწინაურების მაჩვენებელ ფაქტორს. მეცნიერულ დასაბუთებას მოკლებულ ამგვარ განცხადებათა საპირისპიროდ ნ. ბერძენიშვილის განმარტება მოითხოვს დიფერენცირებულ მიდგომას რეგიონის სამეურნეო-ეკონომიური პირობების მიხედვით და ამის შესაბამისად მეურნეობის ამა თუ იმ დარგის როლის შეფასებას. მხოლოდ ამ გზით არის შესაძლებელი საოჯახო მეურნეობაზე რეალური სურათის შექმნა და ოჯახის სტრუქტურის სრულფასოვანი შესწავლა. ამდენად, ნ. ბერძენიშვილის თვალსაზრისი მეურნეობის წამყვანობისა და როლის შესახებ სწორ მეთოდოლოგიურ საყრდენს წარმოადგენს როგორც სამეურნეო ყოფის მთლიანი შესწავლისათვის, ისე საკუთრივ ოჯახის ეკონომიური საფუძვლების ზუსტად დადგენისათვის. ნ. ბერძენიშვილის როგორც ეს დებულება, ისე მისი დაკვირვებები ოჯახის გენეზისისა და ფეოდალურ ურთიერთობაში დიდი ოჯახის არსებობის შესახებ, მნიშვნელოვანი წვლილია ქართული ოჯახის ისტორიული განვითარების კვლევის საქმეში, განსაკუთრებით კი კლასობრივ საზოგადოებაში შენარჩუნებული დიდი ოჯახის შესწავლის სფეროში.

¹⁰ ნ. ბერძენიშვილი, საქართველოს ისტორიის საკითხები, VIII, 230.

II. სომხების, აზერბაიჯანელებისა და ამიერკავკასიის ზოგიერთი სხვა ხალხის საოჯახო ყოფის საკითხები საბჭოთა ეთნოგრაფიულ მიცნობებში

როგორც ცნობილია, ამიერკავკასიის მრავალეროვან საბჭოთა სოციალისტურ რესპუბლიკებში უმსხვილესი ეთნოსების (ქართველები, სომხები, აზერბაიჯანელები) გვერდით ცხოვრობენ მეტ-ნაკლები სიდიდისა და სხვადასხვა წარმომავლობის ხალხები თუ ეთნიკური ერთეულები, რომელთა შორის, ეთნოგრაფიული შესწავლის თვალსაზრისით, საქართველოდან განსაკუთრებით გამოყოფენ აფხაზებსა და ბერძნებს, აზერბაიჯანიდან — თათრებს, თალიშებს, უღებს, ბუღუგებს, კრიზებს და ხინალუგებს, ხოლო სომხეთიდან — ქურთებსა და ასირიელებს. აქ არ ვასახელებთ საქართველოში მცხოვრებ ოსებს, ვინაიდან მათი საოჯახო ყოფის შესწავლის მდგომარეობა ჩრდილოელ ოსთა საოჯახო ყოფის კვლევის შედეგებთან ერთად განიხილება. ეთნოგრაფიულ კომპენდიუმში¹ ასეთი თანმიმდევრობით ამ ხალხთა ყოფისა და კულტურის განხილვას საფუძვლად დაედო თითოეულ რესპუბლიკაში მათი რიცხოვრივი სიდიდე. საქართველოს მოსახლეობის ეთნოგრაფიულ შესწავლაში ბერძნების შეყვანა განაპირობა კავკასიის სხვა რესპუბლიკებთან შედარებით საქართველოში მათმა მეტმა რაოდენობამ, ისევე როგორც სომხეთის ეთნოგრაფიულ განხილვაში ქურთების მოქცევა განსაზღვრა იმ ფაქტმა, რომ სომხეთში უფრო მეტი ქურთები ცხოვრობენ, ვიდრე რომელიმე მეზობელ რესპუბლიკაში. ამ ხალხთა საოჯახო ყოფის შესწავლის მდგომარეობის ჩვენება შეესაბამება ისტორიო-გრაფიულ ჭრილში საკითხის განხილვის ინტერესებს, მაგრამ არსებული შედეგების მიხედვით საკმაოდ განსხვავებული ვითარება შეინიშნება. ერთ შემთხვევაში საოჯახო ყოფის შესწავლას მიეძღვნა მრავალრიცხოვანი სოლიდური გამოკვლევები (ქართველები, აფხაზები, სომხები), მეორე შემთხვევაში საკითხი შედარებით ნაკლები

¹ Народы Кавказа, II. М., 1962.



სისრულითაა შესწავლილი (აზერბაიჯანელები), ხოლო ამიერკავკასიის ტერიტორიაზე მცხოვრები სხვა ხალხებისა და ეთნიკურ-ეროვნების საოჯახო ყოფის კვლევის შედეგების შესახებ, მცირეოდენი გამოხატვისის გარდა, ჯერჯერობით რაიმეს თქმა შეუძლებელია.

როგორც ზემოთ აღვნიშნეთ, ნაშრომის განსაზღვრული მოცულობის გამო ამიერკავკასიის ხალხთაგან, ქართველების გამოკლებით, ქვემოთ შევვხებით ძირითადად სომხების, აზერბაიჯანელებისა და აფხაზების საოჯახო ყოფის საკითხებს. აფხაზთა საოჯახო ყოფის შესახებ არსებულ ეთნოგრაფიულ მემკვიდრეობას განვიხილავთ XIX საუკუნის მეორე ნახევრიდან დღემდე, ხოლო სომხებისა და აზერბაიჯანელების საოჯახო ურთიერთობის სფეროდან გამოვყოფთ საოჯახო თემის გადმონაშთების შესწავლის მდგომარეობას უმთავრესად საბჭოთა ეპოქაში რუსულ ენაზე დაწერილი ძირითადი ნაშრომების მიხედვით. მაგრამ ვიდრე სომხებისა და აზერბაიჯანელების შესახებ რაიმეს ვიტყვოდეთ, საჭიროდ მიგვაჩნია მოკლედ გავეცნოთ იმ ლიტერატურას, რაც ამიერკავკასიაში მცხოვრები ზოგიერთი მცირერიცხოვანი ეთნიკური მასივების საოჯახო ყოფის შესახებ გავაჩნია.

საქართველოში მცხოვრები არაქართველი მოსახლეობიდან ამ მხრივ შეიძლება გამოვყოთ ბერძნები და ურუმები. კავკასიელი ბერძნების საოჯახო ყოფა დღემდე სპეციალურად შესწავლილი არ არის, მაგრამ ზემოხსენებულ კომპენდიუმში მოკლედ ითქვა, რომ რევოლუციამდელ ეპოქაში მათ ყოფაში შეიმჩნეოდა პატრიარქალურ-გვაროვნული წყობის გადმონაშთები. ამ რიგის ისეთ მოვლენებთან ერთად, როგორიც იყო სოფელში გვარის სახელის მატარებელი უბნის არსებობა, სასაფლაოზე გვარისთვის ნაკვეთის ცალკე გამოყოფის წესი, საგვარო წისკილი, საგვარო სალოცავი, ჩვეულებითი სამართალი, კოლექტიური შრომა და ნათესავებს შორის ურთიერთდახმარების ჩვეულება, აღსანიშნავია ისიც, რომ კავკასიელი ბერძნების საოჯახო წყობა ხასიათდებოდა პატრიარქალური საწყისებით და მამის მკვეთრად გამოხატული ძალაუფლებით. მამა ერთდროულად იყო როგორც ოჯახის მმართველი, ისე მთელი საოჯახო ქონების ბატონ-პატრონი. მისი ძალაუფლება ოჯახის ყველა წევრის მიმართ ვრცელდებოდა და არაიშვიათად დესპოტურ ხასიათს ღებულობდა. თვით შვილების დაქორწინების საქმეშიც გადამწყვეტი მნიშვნელობა მის ნება-სურვილს ენიჭებოდა. მასთან და ოჯახის სხვა უფროს წევრებთან უმძრახობა რძლის მოვალეობას შეად-



გენდა, რაც ზოგჯერ 15 წლამდე გრძელდებოდა და ეს ტაბუ მხოლოდ უფროსების ინიციატივით ისპობოდა. უფროსების წინააღმდეგობა რძლის მორიდება გამოსატულლებას პოულობდა რიგი სხვა ჩვეულებების შესრულებამაც. რძალი სახლში ფაქტიურად შინამოსამსახურის როლს ასრულებდა².

ბერძნების საოჯახო ყოფის ამ ზედპირული დახასიათებისაგან განსხვავებით ურუმთა საოჯახო ყოფა მონოგრაფიულად იქნა შესწავლილი მისი ძირითადი კომპონენტების (ოჯახის შემადგენლობა, ეკონომიური საფუძვლები, მმართველობა, შრომის ორგანიზაცია, საკუთრების ხასიათი) მიხედვით³. XIX საუკუნის მეორე ნახევრისა და XX საუკუნის დასაწყისის ეთნოგრაფიული მასალებისა და საარქივო მონაცემების საფუძველზე გაირკვა, რომ ხსენებულ ეპოქაში ურუმები, ეროვნული შემადგენლობით ესოდენ ჭრელი კონფესიონალური ეთნიკური ერთეული, ინდივიდუალურ ოჯახებად ცხოვრობდნენ, ხოლო ზოგიერთი ოჯახი 3-4 თაობას მოიცავდა და 25 სულზე მეტს აერთიანებდა. ოჯახის ეკონომიური საფუძვლები ურუმებში იქმნებოდა ქართული სამეურნეო ყოფის ნიადაგზე, რის გამო ოჯახის მატერიალურსა და მეურნეობრივ სფეროში მკაფიოდ შეინიშნება ყველა ის ელემენტი სახლის, სამეურნეო ნაგებობის, დგამ-ჭურჭლისა და მეურნეობის ფორმების სახით, რაც დამახასიათებელი იყო წარსულში წალკის რაიონის მოსახლეობის ყოფისა და კულტურისათვის. ოჯახის წევრთა ფუნქციებს განსაზღვრავდა სქესი და ასაკი, რაც, პირველ ყოვლისა გამოკვეთილ სახეს ღებულობდა გაუყოფელ ოჯახში. ასეთ ოჯახს მართავდა ხნით უფროსი მამაკაცი, რომლის გარდაცვალების შემდეგ ამ მოვალეობას ასრულებდა მისი მომდევნო ძმა ან უფროსი შვილი. ავტორს დადასტურებული აქვს ისეთი ფაქტებიც, როდესაც სიბერით ან ავადმყოფობით მოტყუილ უფროსს ჯერ კიდევ მის სიცოცხლეშივე სხვა უფრო ენერგიული პირი სცვლიდა, რაც ნაკარნახევი იყო ოჯახის პრაქტიკული ინტერესებით. ქალთა შრომა-საქმიანობას ხელმძღვანელობდა ოჯახის უფროსის მეუღლე, რომელიც მინდვრის სამუშაოებში არ მონაწილეობდა და ოჯახის შინააქმეს უძღვებოდა. ოჯახის დანაწევრებას საფუძვლად ედო მუხლობრივი დაყოფის პრინციპი, ხოლო ქონების

² Народы Кавказа, II, 429.

³ Л. П а ш а е в а, Семья и семейный быт цалкских урумов, Автореферат канд. дисс., Тб., 1972; მისივე, Порядок раздела в семье урумов в прошлом, КЭС, IV, Тб., 1972.



მოწილეებად ითვლებოდნენ უფროსი თაობის მამაკაცები. ქონების გაყოფაში დაცული იყო მათი თანასწორუფლებიანობა, მაგათა, ანასთან ერთად, დასაშვებად ითვლებოდა უფროსისათვის ზედმეტი ქონების გამოყოფა უმთავრესად საქონლის, ხოლო შედარებით იშვიათად სახლის ნაწილის ან მიწის ნაკვეთის სახით. კუთვნილ წილს გარდა, უმცროს ძმასაც ზედმეტ დოვლათს აძლევდნენ საქორწილო ხარჯებისათვის, ხოლო მოხუცებულთათვის გამოყოფდნენ საქონელს საქმელსო საქიროებისათვის. ზოგჯერ ზედმეტი ქონების მიცემა მომხდარა პიროვნების შრომითი დამსახურების მოტივითაც, მაგრამ ყველა შემთხსენებულ ვარიანტში კუთვნილ წილზე მეტის გაცემას განსაზღვრავდა ოჯახის წევრთა ნებაყოფლობითი შეთანხმება. ქალის პირად საკუთრებად ითვლებოდა და საოჯახო ქონების გაყოფაში არ შედიოდა მისი მზითვეი (ლოგინი, ტანსაცმელი, სკივრი, ზოგიერთი დგამ-ჭურჭელი, მისი ხელით ნაქსოვი ხალიჩები და ჭეჯიმები). დადასტურებულია ისეთი შემთხვევებიც, როდესაც მამა ქალს მზითვად აძლევდა ფუტკრის სკას, ხოლო ვისაც ვაჟიშვილი არ ჰყავდა, ის ქალის მზითვად წისქვილსაც კი ყიდულობდა. წისქვილით სარგებლობდა ქალის ქმრის ოჯახი, მაგრამ ოჯახის გაყრის დროს ის, როგორც ქალის პირადი საკუთრება, გასაყოფ ქონებაში არ შედიოდა. ასევე რძლის პირად საკუთრებად ითვლებოდა მის მიერ მზითვად მოყვანილი საქონელი, რომლის თავნი, ოჯახის გაყრის შემდეგ, მასვე რჩებოდა, ხოლო ნამატი, სხვა ქონებასთან ერთად, მოწილეებს შორის იყოფოდა.

ამიერკავკასიის ტერიტორიაზე მცხოვრები მცირერიცხოვანი ეთნიკური ერთეულებიდან აქვე შეიძლება დავასახლოთ ქურთები, რომელთა საოჯახო ყოფის ზოგიერთი მომენტის შესწავლის ცდა საბჭოთა და რევოლუციამდელ ეთნოგრაფიულ ლიტერატურაში მოცემულია სომხეთის ქურთების მაგალითზე. საბჭოთა ეთნოგრაფებს შორის ამ საკითხით დაინტერესდა ა. ავდალი, ხოლო XIX საუკუნის ეთნოგრაფთაგან — ს. ეგიაზაროვი. ვინაიდან ს. ეგიაზაროვის მიერ ბევრად ადრე გამოქვეყნებულ ნაშრომში დადგენილი ფაქტები რიგ შემთხვევაში ა. ავდალის ნაშრომშიც მეორდება, საჭიროდ მიგვაჩნია ა. ავდალის კვლევის შედეგების გაცნობამდე მისი წინამორბედი ეთნოგრაფის დაკვირვებებსაც გადავხედოთ.

ს. ეგიაზაროვის ნაშრომის მიხედვით, ქურთის ოჯახის შემადგენლობაში შედიოდნენ მშობლები, მათი შვილები, გასათხოვარი ქალები და შვილიშვილები. ოჯახს განაგებდა და ქონებას ერთპიროვნულად ფლობდა მამა, რომელსაც ოჯახის წევრები უსიტყვოდ



ემორჩილებოდნენ. მის უფლებამოსილებას შეადგენდა შვილებს შორის ქონების განაწილება, რომელიმე მათგანის მოსამსახურეება და ურჩი შვილის უარაფროდ გაგდებაც კი. მასზე იყო დამოკიდებული აგრეთვე ქალიშვილის გათხოვება და სიძისაგან სათანადო საფასურის აღება. მამაკაცი ოჯახში უმკაცრეს რეჟიმს ან-ხორციელებდა ცოლის მიმართ, რომლის ფუნქცია განისაზღვრებოდა საოჯახო შრომა-საქმიანობით. ნორმალური საოჯახო ურთი-ერთობის პირობებში სიბერის ქამს მამა თავის უფლებამოსილებას უანდერძებდა უფროს შვილს, რომელიც რაიმე მოუფევარებელ სა-კითხე კვლავ მამას ეთათბირებოდა. ოჯახის გაყრისა და ქონების გაყოფის მომენტში ვაჟები მეტი უფლებებით სარგებლობდნენ ქა-ლებთან შედარებით, ხოლო ვაჟებს შორის უპირატესობა უფროს ძმას ენიჭებოდა. მამასთან გაყრამდე კი ვაჟის პირად საკუთრებას შეადგენდა ცხენი ან იარაღი. პირადი საკუთრება ქალსაც გააჩნდა მზითვისა და ქორწინების დროს ნათესაებისაგან ნაჩუქარი ძროხის ან ცხენის ნამატის სახით, მაგრამ ფაქტიურად ამ ქონებითაც მისი ქმარი სარგებლობდა⁴.

ს. ეგიაზაროვი დაახლოებით ასეთსავე სურათს გვაცნობს იეზი-დებშიც (გარკვეული რელიგიური სექტის მიმდევარ ქურობებში). მისი ცნობით, ოჯახის უფროსი აქაც ერთპიროვნულ მესაკუთრეს წარმოადგენდა, მისი ცოლის პირად საკუთრებას შეადგენდა მხო-ლოდ ტანსაცმელი და ვერცხლის ნივთები, რაც გასაყოფ ქონებაში არ შედიოდა, ხოლო შკარტის (s'karī) — მამის ოჯახიდან და ნა-თესაებისაგან ქალისათვის საჩუქრად მიცემული ძროხის, თხის ან ცხვრის — ნამატი ქმრის ოჯახის ერთობლივ საკუთრებად ითვლე-ბოდა⁵.

ს. ეგიაზაროვის ცნობებთან ზოგჯერ სრულ შესატყვისობაშია ა. ავდალის კვლევის შედეგები, რაც აიხსნება ჯერ ერთი იმით, რომ ა. ავდალმა ს. ეგიაზაროვის ნაშრომით ისარგებლა, ხოლო, მეორე მხრივ, იმით რომ ა. ავდალის მიერ უფრო ვრცელი პროგრამით შეკრებილი მასალაც შინაარსობრივად თითქმის იგივეა, რაც ს. ეგი-აზაროვის ჩანაწერები XIX საუკუნის 90-იან წლებში. სომხურ ენა-ზე ვრცელი რუსული რეზიუმეთი გამოქვეყნებულ ნაშრომში ა. ავ-დალი ქურობების ყოფისა და კულტურის თითქმის ყველა ასპექტში

⁴ С. Егизаров, Краткий этнографический очерк курдов Эриванской губернии, ЗКОРО, XIII, вып. II, Тифлис, 1891, 31—35.
 იქვე, 214, 215.



განხილვისას ეხება რევოლუციამდელი და საბჭოთა ეპოქის ქაზხო ურთიერთობის ხასიათსაც. მისი დაკვირვებით, საბჭოთა სუფლების დამყარებამდე ამიერკავკასიის ქურობების საზოგადოებრივ სტრუქტურაში ყველაზე მსხვილ სოციალურ გაერთიანებას წარმოადგენდა ტომი, რომელიც შედგებოდა პატრონიმიებისაგან, ხოლო პატრონიმია მოიცავდა დიდსა და პატარა ოჯახებს, რომელთაგან დიდი ოჯახი („მალო-მან“) თავის შემადგენლობაში 30-დან 70-მდე კაცს ითვლიდა და რამდენიმე თაობას აერთიანებდა პაპებისა და ბებების, მათი შვილებისა და შვილიშვილების, ცოლშვილიანი ძმების სახით. გაუყრელად ცხოვრების ტრადიციას ქურობები XX საუკუნის 30-იან წლებამდე ინარჩუნებდნენ. ამ დროისათვის საბოლოოდ დამთავრებულა დიდი ოჯახის პატარა ოჯახებად დაყოფის პროცესი, რაც დაწყებულა ჯერ კიდევ XIX საუკუნის შუა პერიოდიდან და გაღრმავებულა იმავე საუკუნის ბოლოსათვის, როდესაც სავაჭრო-სამრეწველო კაპიტალმა კავკასიის ყველაზე შორეულ სოფლებშიც კი შეაღწია⁶. რაც შეეხება საოჯახო ყოფის ისეთ კომპონენტებს, როგორიც იყო ოჯახის მართვის საქმეში უფროსი მამაკაცის პრიორიტეტი, მისი ფუნქციები შრომის ორგანიზაციის სფეროში, დედაკაცთან შედარებით მამაკაცის მაღალი უფლებამოსილება და საოჯახო ქონების განაწილების პატრიარქალური პრინციპი, მათ შესახებ სიტყვას აღარ გვაგვრძელებთ, რამდენადაც ა. ავდალის ნაშრომში ამ საკითხებზე თითქმის იგივე ითქვა, რასაც ზემოთ გავეცანით ს. ეგიაზაროვის ნაშრომის მიხედვით.

როგორც ამ მოკლე მიმოხილვამ გვიჩვენა, ამიერკავკასიაში მცხოვრები მცირერიცხოვანი ეთნიკური მასივების დიდი უმრავლესობის საოჯახო ყოფა სავსებით შეუსწავლელია, ბერძენებისა და ქურობების საოჯახო ყოფის სფეროდან ჯერჯერობით საქმე გვაქვს მისი ზოგიერთი თავისებურების ზედაპირულ მიმოხილვასთან, ხოლო ურღმთა საოჯახო ყოფის შესწავლას მონოგრაფიული გამოკვლევა მიეძღვნა. აღნიშნული მონაცემები მეტ-ნაკლები სისრულით გარკვეულ წარმოდგენას გვიქმნიან ოჯახის ფორმებსა და სტრუქტურაზე, ინდივიდუალურ ოჯახებად ცხოვრების გაბატონებულ წესთან ერთად გაუყრელად ცხოვრების იმ ტრადიციებზე, რაც გენეტიკურად საოჯახო თემის აღრინდელ არსებობას უკავშირდება. მაგრამ ამ მიმართულებით საკითხის ძიება დღეს მხოლოდ საწყის სტადია-

⁶ ა. ავდალი, ამიერკავკასიის ქურობის ყოფა (სომხურ ენაზე, რეზიუმე რუსულ ენაზე), ერევანი, 1957, 218—222.

შია და მისი შემდგომი კვლევა საბჭოთა ეთნოგრაფიის პერსპექტი-
ულ ამოცანად წარმოგვიდგება. ამიერკავკასიის ხალხთა შორის, მათგან
თველების შემდეგ, ამ მხრივ უკეთესი შედეგები გვაქვს ჯერ სომ-
ხების, ხოლო შემდეგ აზერბაიჯანელების საოჯახო ყოფის შესწავ-
ლის საქმეში, რაც, ალბათ, ქვემოთ წარმოდგენილ მიმოხილვაში გა-
მოჩნდება.

1. საოჯახო თემის გადმონათობი სოხათები

კავკასიის ხალხთა საოჯახო ურთიერთობის ზოგადი და სპეცი-
ფიკური მხარეების შესწავლისა და ოჯახის ისტორიული განვითარე-
ბის საფუძვლების დადგენისათვის ისტორიულ წყაროებთან, სამართ-
ლის ძეგლებთან და მატერიალური კულტურის ნაშთებთან ერთად
მრავლისმეტყველი გამოდგა სომხური ეთნოგრაფიული მასალა,
რომლის შეგროვებას და პუბლიკაციას გასულ საუკუნეში უკვე საკ-
მაოდ ინტენსიური ხასიათი მიეცა. საოჯახო ყოფის სფეროდან აქაც
ავტორთა განსაკუთრებული ყურადღება მიიპყრო დიდმა ოჯახმა
(გერდასტან), რომელიც XIX საუკუნის ბოლომდე ინარჩუნებ-
და არსებობას, როგორც ისტორიული საოჯახო თემის გადმონაშ-
თური სახეობა. აღნიშნული ვითარების გამო საოჯახო ყოფის შე-
სახებ მასალის შეგროვება ხდებოდა უშუალო დაკვირვების გზით.
XIX საუკუნის ყველა მოღვაწეს, ვინც კი საოჯახო ყოფის შესწავ-
ლით იყო დაინტერესებული, შესაძლებლობა ჰქონდა თავისი თვა-
ლით ენახა გერდასტანი, გასცნობოდა მის კომპონენტებს და მისივე
წევრების გამოკითხვით მოეპოვებინა სათანადო ცნობები. ასე
მოპოვებული მასალა აისახა რევოლუციამდელ ეთნოგრაფიულ ლი-
ტერატურაში¹, რომელიც გვაცნობს გერდასტანის მრავალსულია-

¹ А. Гакстгаузен, Закавказский край. ч. I, СПб., 1857; С. Егизаров, Административно-экономический строй сельской общины в Эриванской губернии, СМИБГКЗК, т. I, Тифлис, 1887; მ. ს. ს. ვ. Исследования по истории учреждений в Закавказье. ч. I, Сельская община, Казань, 1889; С. Зелинский, Экономический быт государственных крестьян в Шорагяле, Александропольского уезда, Эриванской губернии, МИЭБГКЗК, т. I, Тифлис, 1885; მ. ს. ს. ვ. Экономический быт государственных крестьян в Бамбакском участке в северной части Шорагяльского участка, Александропольского уезда, Эриванской губернии, МИЭБГКЗК, т. III, ч. I, Тифлис, 1886; მ. ს. ს. ვ. Экономический быт государственных крестьян в Зангезурском уезде, Елисаветпольской губернии, МИЭБГКЗК, т. IV, ч. I, Тифлис, 1886; А. Парвицкий, Экономический быт государственных крестьян



ნობას, რამდენიმე თაობის გაუყრელად ცხოვრებას, მმართველობის დესპოტურ სისტემას, ამის შესაბამის ურთიერთობას და წარმოშობა მოხმარებისა და საკუთრების ხასიათს, მაგრამ XIX საუკუნის ლიტერატურა ვერც ამ საკითხში გასცდა აღწერილობის დონეს. სამაგიეროდ ეს ლიტერატურა, ახალ საველე მასალასთან, წერილობით წყაროებთან და მატერიალური კულტურის ძეგლებთან ერთად საფუძვლად დაედო საბჭოთა ეთნოგრაფების სპეციალურ გამოკვლევებს საოჯახო ურთიერთობის შესახებ.

ქრონოლოგიური პრინციპით საკითხის განხილვისას საბჭოთა ეპოქაში გამოქვეყნებულ ნაშრომთაგან პირველ რიგში შეიძლება დავასახელოთ გ. ჩურსინის ნაჩვენებ², რომელიც ემყარება ავტო-

юго-западной части Новобаязетского уезда, Эриванской губернии, МИЭБГКЗК т. I, Тифлис, 1885; მისივე, Экономический быт государственных крестьян северо-западной части Шарура и восточной части Даралагеца, Шаруро-Даралагезского уезд., Эриванской губернии, МИЭБГКЗК, т. IV, ч. II, Тифлис, 1886; მისივე, Экономический быт государственных крестьян северо-восточной части Новобаязетского уезда, Эриванской губернии, МИЭБГКЗК, т., IV, ч. II, Тифлис, 1886; Н Н и к и ф о р о в, Экономический быт государственных крестьян западной части Нахичеванского уезда, Эриванской губернии, МИЭБГКЗК, т. I, Тифлис, 1885; А. Д е к о н с к и й, Экономический быт государственных крестьян в западной части Шаруро-Даралагезского уезда, Эриванской губернии, МИЭБГКЗК, т. I, Тифлис, 1885; А. Е р и ц о в, Экономический быт государственных крестьян Казахского уезда, Елисаветпольской губернии, МИЭБГКЗК, т. II, ч. II, Тифлис, 1886; Ф. М а р к о в, Экономический быт государственных крестьян Эриванского уезда, МИЭБГКЗК, т. III, ч. I, Тифлис, 1886; А. Х а н - А г о в, Экономический быт государственных крестьян в Эчмиадзинском и Сурамалинском уездах, Эриванской губернии, МИЭБГКЗК, т. III, ч. I, Тифлис, 1886; И. Д а в и д б е к о в, Село Гадрут Елисаветпольской губернии Джебриальского уезда, СМОМПК, вып., V, Тифлис, 1888; Н. Г р и г о р о в, Село Татев. СМОМПК, вып. XIII, Тифлис, 1892; Е. М е л и к - Ш а х н а з а р о в, Село Арцеванк Зангезурского уезда, Елисаветпольской губернии, СМОМПК, вып. XXV, Тифлис, 1898; А. Х а х а н о в, Из жизни армян Новобаязетского уезда, Эриванской губернии, ЭО, 1893, № 2; Б. Х а л а т я н ц, Поездка в Аларан (Эчмиадзинский уезд, Эриванской губернии), ЭО, 1899, № 1—2; А. С а м у е л и, Очерки по обычному семейному праву армян, «Кавказский вестник», Тифлис, 1902, № 1-
 საოჯახო ყოფის შესახებ სისტემატურად ქვეყნდებოდა მასალები სომხურ ენაზეც. რაც სათანადოდაა შეფასებული საბჭოთა ეთნოგრაფიაში იხ. Э. К а р а п е т я н, Армянская семейная община, 1958, 5—24; А. Т е р - С а р к и с я н ц, Современная семья у армян, М., 1972, 5—12.

² Г. Ч у р с и н, Армяне Зангезура «Научные записки Закавказского

ჩრის მიერ XX საუკუნის დასაწყისში უშუალო დაკვირვების შედეგად მოპოვებულ მასალას და მანამდე გამოქვეყნებულ ზოგიერთ ეთნოგრაფიულ ნაშრომს. ასეთი მონაცემების მეშვეობით გ. ჩურსინი ზანგეზურის სომეხთა ყოფაში ადასტურებს გვაროვნული წყობის გადმონაშთების არსებობას, მათ შორის საოჯახო თემის გადმონაშთების შემონახულობას. როგორც ის წერს, ძველად ზანგეზურის სომხურ მოსახლეობაში ჩვეულებრივ მოვლენას წარმოადგენდა რამდენიმე ცოლშვილიანი ძმის მშობლებთან ერთად ცხოვრება. ასეთი საოჯახო თემი 40-50 წევრს ითვლიდა. გ. ჩურსინის იქ ყოფნის დროს პატრიარქალური წესით მცხოვრები ამგვარი ოჯახები, რომელთა რიცხობრივი შემადგენლობა 30-35 სულს აღწევდა, შემორჩენილი ყოფილა მხოლოდ ზანგეზურის ჩამორჩენილ კუთხეებში. ზანგეზურის სხვა ნაწილებში, საკუთრივ ზანგეზურსა და სისიანში, ამ დროისათვის დიდი ოჯახები უკვე აღარ არსებულან. თვით 1898 წელსაც კი, როგორც ეს ჩანს ე. ლალიანის აქ დამოწმებული ცნობიდან, სისიანში ყველაზე მრავალსულიანი ოჯახი 20-25 სულზე მეტს არ ითვლიდა და თითოეულ სოფელში სულ ორი-სამი ასეთი ოჯახი ყოფილა შემორჩენილი. ამის შემდეგ ოჯახების გაყრის პროცესი მუდმივ მოვლენად ქცეულა და სისიანსა და ზანგეზურში გ. ჩურსინის ეთნოგრაფიული მუშაობის პერიოდისათვის ოჯახი 6-7 სულისაგან შედგებოდა. ოჯახების გაყრის მიზეზად მკვლევარს მიაჩნია სამოვარზე სიარული და გარესამუშაოების გაფართოება, რასაც შედეგად მოსდევდა ამ საქმიანობაში ჩაბმულ პირთა დაინტერესება ნაშოვარის მითვისებით. ეს მოვლენა ეწინააღმდეგებოდა ყველა სახის შემოსავლის ერთობლივი საკუთრება-მოხმარების პრინციპს, რაც დიდი ოჯახის არსებობის აუცილებელ პირობას წარმოადგენდა. გ. ჩურსინი აქვე აღწერს პატრიარქალურ ოჯახში არსებულ რეჟიმს, ოჯახის წევრთა ურთიერთობის ფორმებს, უმცროსების დამოკიდებულებას უფროსებთან, უმცროსი რძლის უფროსებთან (დედამთილთან, მამამთილთან, მაზლებთან) უმძრახობის წესს, პატარძლის მძიმე შრომით მოვალეობას ოჯახში და საოჯახო ყოფაში მოქმედ მთელ რიგ რელიგიურ წეს-ჩვეულებებს.

სომხური საოჯახო თემის გადმონაშთური სახეობის ძირითადი ნიშნების დახასიათებას სავსაო ადგილი დაუთმო ს. ლისიციანმა რე-



ვოლუტამდელი სომხეთის ეთნოგრაფიის ნარკვევებში³. XIX საუკუნის დასაწყისში და XX საუკუნის დასაწყისის ეთნოგრაფიულ მასალებზე დაყრდნობით ავტორმა გვიჩვენა, რომ დიდი საოჯახო თემები, რომელთა შემადგენლობაში ახლო ნათესავეების რამდენიმე თაობა და 50-მდე სული შედიოდა, შედარებით იშვიათად, მაგრამ მაინც XIX საუკუნის ბოლომდე არსებობდნენ სომხეთის მიყრუებულ კუთხეებში. ს. ლისიციანის დაკვირვებით, ასეთი ოჯახის ერთ-ერთ დამახასიათებელ ნიშანს წარმოადგენდა უფროსი მამაკაცისა და ქალის პრიორიტეტი. ოჯახის ერთპიროვნულ მმართველად ითვლებოდა უხუცესი მამაკაცი, რომელსაც ყველა უყოყმანოდ უნდა დამორჩილებოდა. იგი თავს მოვალედ არ თვლიდა ვისთვისმე ანგარიში ჩაება-რებინა, მაგრამ მნიშვნელოვან საკითხებზე ხნიერ მამაკაცებს მაინც ეთათბირებოდა. მის უახლოეს თანაშემწედ ითვლებოდა უფროსი ქალი (ტ ა ნ ტ ი კ ი ნ), რომელიც საოჯახო საქმიანობას ხელმძღვანელობდა, რძლებს შორის ფუნქციებს ანაწილებდა და ოჯახის უფროსს საშინაო საქმეებს უთანხმებდა. ასეთი რეჟიმის მქონე ოჯახის გაყრა უფროსის გადაცვალებამდე ძველად მიუღებელი ყოფილა. მაგრამ თუ ოჯახი მამის სიცოცხლეში მაინც დანაწილდებოდა, მამა ქონების ისეთსავე წილს მიიღებდა, როგორსაც ცალკე გამოყოფის მსურველი მისი თითოეული შვილი. გარკვეული ნაწილი გათვალისწინებული იყო დედისთვისაც თუ ოჯახი მის გარდაცვალებამდე გაიყოფოდა. ჩვეულებრივად კი ოჯახის გაყოფა უნდა მომხდარიყო უფროსების გარდაცვალების შემდეგ. ასეთ ვითარებაში ყველა სახის ქონებას ძმები თანაბრად ინაწილებდნენ, ხოლო მათ შორის უფროსს აძლევდნენ ზედმეტს საუფროსოს სახით. ოჯახის გაყრის ყველა შემთხვევაში — უფროსების გარდაცვალებამდე თუ მათი გარდაცვალების შემდეგ — ქონების გაყოფა ხდებოდა წილისყრით, ოღონდ წილისყრამდე პირველ რიგში ცალკე გამოყოფდნენ რძლების მზითევს, ხოლო შემდეგ გასათხოვარი ქალებისთვის განკუთვნილ სამზათვო ქონებას, რომელიც განაწილებაში არ შედიოდა და ქალებისა და რძლების პირად საკუთრებად ითვლებოდა.

ს. ლისიციანის გამოცვლევით, სომეხთა ყოფაში გვიანობამდე შეინარჩუნა არსებობა სოფლის თემმაც, რომელიც ბოლო საუკუნეების სივრცეზე წარმოადგენდა დიდი ოჯახების ტერიტორიულ-მეზობლურ გაერთიანებას. რუსეთის ხელისუფლებამ ასეთ თემს მოუხ-

³ С. Лисициан, Очерки этнографии дореволюционной Армении, КЭС, I, М., 1955.



წრო სომხებით დასახლებულ ამიერკავკასიის იმ ოლქებში, რომლებშიც სპარსეთისა და თურქეთის ხელთ იყო. ავტორის შეხედულებით, ამგვარი ტიპის თემი წარმოადგენდა თურქულ-ირანული მოძალადეობისაგან თავდაცვის საიმედო ძალას. დიდი ოჯახი მას მიაჩნდა მხაგრელთა წინააღმდეგ ხალხის შეკავშირებისა და ყოველგვარი ურთიერთდახმარების ერთ-ერთ საშუალებად, რაც, თავის მხრივ, ხელს უწყობდა გაუყოფლად ცხოვრების წესის ხანგრძლივად არსებობას. გაუყოფლად ცხოვრებით ერთობისა და ძალის შენარჩუნების საჭიროება ერთხანს იგრძნობოდა რუსული თვითმპყრობელობისა და ცარიზმის განუკითხავი ძალაუფლების პირობებშიც, მაგრამ რუსეთის კულტურულ-ეკონომიურ სამყაროსთან დაახლოების შედეგად XIX საუკუნის ბოლო პერიოდში სომეხთა ყოფამ ძირეული ცვლილებები განიცადა, რამაც თავისი გამოხატულება ჰპოვა დიდი ოჯახების დაშლის პროცესის გაღრმავება-გაფართოებაშიც. პირველ რიგში ეს დამახასიათებელი ყოფილა აღმოსავლეთ სომხეთისათვის, სადაც დიდი ოჯახების დაყოფის შედეგად იქმნებოდა განაყოფიერებული დასახლებული უბნები, რომელთაც ეკონომიური მთლიანობის საფუძველი მოშლილი ჰქონდათ, ხოლო ადრინდელი ერთობის ტრადიცია ჯერ კიდევ ცოცხლობდა ნათესაური ურთიერთობის სფეროში.

როგორც წყაროების მრავალფეროვნებით, ისე მისი ანალიზით განსაკუთრებით მნიშვნელოვანია ე. კარაპეტჩანის გამოკვლევები სომეხთა უძველესი სოციალური ინსტიტუტების შესახებ⁴. 1958 წელს მან სპეციალური მონოგრაფიას⁵ მიუძღვნა სომხურ გერდასტანს და XIX საუკუნის მეორე ნახევრისა და XX საუკუნის დასაწყისის ეთნოგრაფიული მონაცემების მიხედვით, რაც უმთავრესად ავტორის საველე მუშაობის შედეგად იქნა მოპოვებული, მოგვცა მისი გადმონათესაური სახეობის დახასიათება. ამასთან ერთად, ავტორმა გამოიყენა ძველსომხური ისტორიული წყაროები, სამართლის ძეგლები, არქეოლოგიური მონაცემები, პერიოდული პრესის მასალები, სომხებისა და კავკასიის სხვა ხალხთა საოჯახო ყოფის შესახებ არსებული ნაშრომები და ზოგადი ეთნოგრაფიის მიღწევები, რომელთა ანალიზის საფუძველზე ისტორიული განვითა-

⁴ ალ. რობაქიძე, ორი გამოკვლევა სომეხთა სოციალური ყოფის ისტორიიდან, „მაცნე“, 1967, № 4, მისივე. Новые исследования по истории социальной организации у армян, СЭ, 1968, № 2.

⁵ Э. Карапетян, Армянская семейная община, Ереван, 1958.

რების კრილში განიხილა ძირითადი კომპონენტები: რიცხოვნობა, მუხლობრივი შემადგენლობა, საოჯახო მეურნეობა, საცხოვრებელი კომპლექსი, მმართველობის სისტემა, შრომის ორგანიზაცია, უფლებრივი ურთიერთობის ნორმები, საკუთრების ხასიათი, ოჯახის გაყარის წესი და ქონების განაწილების პრინციპი.

საოჯახო გენეალოგიების შესწავლის შედეგად ავტორმა დაადგინა, რომ სომხეთის სხვადასხვა კუთხეში არსებობდა სამი, ოთხი და, შედარებით იშვიათად, ხუთი თაობის მომცველი მრავალსულიანი ოჯახები. სომხეთის აღმოსავლეთ რაიონებში არსებული დიდი ოჯახების უმრავლესობა სამი თაობისაგან შედგებოდა, ხოლო ხუთი თაობის მომცველი ოჯახები შემორჩენილი ყოფილა მხოლოდ დასავლეთ სომხეთის მთიანეთში.

XIX საუკუნის მეორე ნახევარში დიდი ოჯახების რიცხოვნობა და მუხლობრივი შემადგენლობის ასეთი გამსხვავების მიზეზად ავტორს მიაჩნია სომხეთის რაიონების სოციალურ-ეკონომიური განვითარების სხვადასხვა დონე. მისი შეხედულებით, აღმოსავლეთ სომხეთის ეკონომიურად განვითარებულ რაიონებში ნატურალური მეურნეობის რღვევა და კერძო-მესაკუთრული ურთიერთობის განვითარება ხელს უწყობდა ოჯახის შიგნით წინააღმდეგობის გაჩენას, მისი მთლიანობის რღვევას და ნათესაური წრის დავიწროვებას მისი წევრების თანდათანობით გამოყოფის შედეგად. რაც შეეხება ეკონომიური განვითარების დონით შედარებით ჩამორჩენილ დასავლეთ სომხეთის მთიანეთს, სადაც უპირატესად ნატურალური მეურნეობა არსებობდა და ჯერ კიდევ მტკიცედ იყო შემორჩენილი პირველყოფილ-თემური წყობილების გადმონამუბები, ოჯახის რიცხოვნობა და ნათესაობრივი შემადგენლობის შემცირების პროცესიც უფრო ნელი ტემპით მიმდინარეობდა.

ავტორის დაკვირვებით, გერდასტანის ძირითად საარსებო საშუალებას წარმოადგენდა სომხეთის სხვადასხვა მხარეში განვითარების სხვადასხვა საფეხურზე მდგომი მიწათმოქმედება და მესაქონლეობა. მისივე მტკიცებით, როგორც სამეურნეო ნაკვეთები, ისე საქონელი, სამეურნეო იარაღები, საცხოვრებელი ნაგებობანი თუ საოჯახო ინვენტარი გერდასტანის საერთო საკუთრებაში შედიოდა. საოჯახო თემის ქონება გაუსხვისებელი იყო და მხოლოდ ოჯახის წევრთა სამემკვიდრეოდ ითვლებოდა. ამიტომ ერთად მცხოვრები ძმები საოჯახო ქონების იდეალური წილის პოტენციალური მფლობელები იყვნენ. იდეალური წილის მიმართ არსებული ეს პოტენციალური უფლება ძალაში შედიოდა ძმების გაყარის შემთხვევაში,



ხოლო ქონების გაყოფა ხდებოდა მუხლობრივი პრინციპის შესაბამისად, სადაც მემკვიდრეობის უფლებით სარგებლობდა განსაზღვრული თაობის წარმომადგენელი. ასეთებად გვევლინებოდნენ უმთავრესად გარდაცვლილი უფროსის შვილები, რომელთა შორის ქონების გაყოფა ხდებოდა მათი თანასწორუფლებიანობის ნიშნით. გაყოფა არ ეხებოდა მხოლოდ პირად საკუთრებაში არსებულ საგნებს (ტანსაცმელი, სამკაული, იარაღი).

როგორც ნაშრომშია დასაბუთებული, ამგვარი ქონებრივ-უფლებრივი ურთიერთობა შეესაბამებოდა საერთო-საოჯახო ქონებაზე კოლექტიური საკუთრების შენარჩუნების ინტერესებს. თავის მხრივ საერთო-საოჯახო საკუთრება წარმოადგენდა კოლექტიური წარმოების საფუძველს, ხოლო საოჯახო ურთიერთობის განვითარების გვიანდელ საფეხურზე კოლექტიური საკუთრების შენარჩუნება განპირობებული იყო კოლექტიური წარმოების აუცილებლობით. კოლექტიური წარმოება სორციელდებოდა შრომის ორგანიზაციის კოლექტიური ფორმის მეშვეობით, რაც იმაში გამოიხატებოდა, რომ ოჯახის შრომისუნარიანი წევრები სქესისა და ასაკის მიხედვით საოჯახო მეურნეობაში ერთობლივად მონაწილეობდნენ.

მმართველობის სისტემისა და შინასაოჯახო ურთიერთობის ნორმების მიხედვით ნაშრომში ნაჩვენებია სამი სახის საოჯახო თემის არსებობა. ავტორის შეხედულებით, მათ შორის ყველაზე უფრო გავრცელებული იყო დესპოტური ტიპის საოჯახო თემი, რომელიც ხასიათდებოდა ოჯახის უფროსის — ტანტიერის განუსაზღვრელი ძალაუფლებით და ოჯახის დანარჩენ წევრთა მისდამი მორჩილებით. დასაუღეთ სომხეთის მთიანეთში იშვიათი გამოჩენილი სახით არსებული მეორე სახის საოჯახო თემის ძირითად ატრიბუტს წარმოადგენდა მმართველობისა და შინასაოჯახო ურთიერთობის დემოკრატიული პრინციპი. რაც შეეხება მესამე სახის საოჯახო თემს, რომელიც შესწავლილია კაპიტალისტურ ურთიერთობაში ჩაბმული ცალკეული რაიონების მიხედვით, მის შიგნით მიმდინარეობდა მამის (ოჯახის უფროსის) ძალაუფლების შეზღუდვა-შესუსტებისა და ოჯახის წევრთა ინდივიდუალური უფლებების ზრდის პროცესი. ოჯახის სამივე სახეობა შეესაბამებოდა კლასობრივ საზოგადოებაში გადმონამოთური ფორმით არსებული საოჯახო თემის განვითარების სამ საფეხურს. ოჯახის ამგვარ სახეობათა შეპირისპირების შედეგად ავტორი იმ დასკვნამდე მივიდა, რომ კლასობრივი საზოგადოებისათვის უფრო მეტად დამახასიათებელი იყო დესპოტური ოჯახი, მეორე სახის ოჯახი წარმოადგენდა დემოკ-

რატიულიდან დესპოტური ოჯახისაკენ გარდამავალ ფორმას, ხოლო მეორე მესამე სახის ოჯახის არსებობა შეესაბამებოდა საოჯახო თემის ცემის სტადიას.

ასეთი თანმიმდევრობით საკითხის განხილვის საფუძველზე ავტორმა გვიჩვენა, რომ საოჯახო თემმა სომხეთში განვითარების გრძელი გზა განვლო. არქეოლოგიური მონაცემების მიხედვით, სახელდობრ საოჯახო თემისათვის დამახასიათებელი განათხარი საცხოვრებელი კომპლექსის შემგებობით, ავტორმა საოჯახო თემის ჩამოყალიბება დაუკავშირა ადრეული ბრინჯაოს ხანას, ხოლო ყველა მონაცემის ანალიზის შედეგად ნაშრომში დასაბუთებულია, რომ გერდასტანი წარმოადგენდა ისეთ სოციალურ-ეკონომიურ უჯრედს, რომელიც წარმოიშვა პატრიარქალურ-გვაროვნული წყობის დამლის საფეხურზე, იარსება ყველა ისტორიულ ფორმაციაში, კლასობრივი საზოგადოების განვითარების შესაბამისად სათანადო ცვლილებები განიცადა და თავისი ხანგრძლივი არსებობა განვითარებული კაპიტალიზმის ხანაში დაასრულა. მისი მოსპობის უმთავრეს მიზეზებად ავტორს მიაჩნია კერძო საკუთრების ჩასახვა და მისი შემდგომი განვითარება.

ე. კარაპეტიანის ამ მონოგრაფიის გამოქვეყნების შემდეგ გერდასტანის რიგ თავისებურებას შეეხო მ. კოსვენი, რომელმაც ე. კარაპეტიანის თუ მის წინამორბედ მკვლევართა ნაშრომებზე დაყრდნობით გაკეთებულ მოკლე მიმოხილვაში სომხური საოჯახო თემი დესპოტური ტიპის საოჯახო თემთა წყებას მიაკუთვნა⁶.

საოჯახო თემის შესწავლა შემდგომში ე. კარაპეტიანმა კვლავ განაგრძო. მან ჯერ გამოქვეყნა სპეციალური მონოგრაფია სომხური აზგის (პატრონიმიის) შესახებ⁷, სადაც მდიდარი ფაქტობრივი მონაცემების საფუძველზე ნაჩვენებია პატრონიმიის ძირითადი ელემენტები (პატრონიმიის ნათესაური სტრუქტურა, ერთ უბნად ცხოვრება, მეურნეობრივი და სულიერი ერთობის ელემენტები) და მისი გენეტიკური კავშირი გერდასტანთან. შემდეგ კი ე. კარაპეტიანმა გერდასტანისა და აზგისადმი მიძღვნილი მონოგრაფიები სადოქტორო დისერტაციის⁸ სახით გააერთიანა, რითაც კიდევ უფრო ნათლად გამოჩნდა ის გარემოება, რომ გერდასტანი წარმოადგენდა

⁶ М. Косвен, Этнография и история Кавказа, 100—102.

⁷ Э. Карапетян, Родственная группа «азг» у армян, Ереван, 1966.

⁸ Э. Карапетян, Семейная община и патронимия у армян, Автореферат докт. дисс., Тб., 1967.

საოჯახო თემის გადმონაშთურ ფორმას, ხოლო აზგი—გერდასტანის დაყოფა—დანაწილების შედეგად ჩამოყალიბებულ პატრონიმულ გაერთიანებას.

ს. ლისიციანისა და ე. კარაპეტინის მიერ შემოხსენებულ შრომებში გამოთქმული შეხედულებები მათივე ავტორობით ზუსტადაა ანოტირებული კავკასიის ხალხთა ეთნოგრაფიულ კომპენდიუმში⁹.

სხვა საკითხების კვლევასთან დაკავშირებითაც გამოითქვა მოსაზრება, რომ გაუყრელად ცხოვრების ტრადიციას განსაკუთრებით დიდხანს ინარჩუნებდნენ სომხეთის მთიანეთში, რაშიაც მნიშვნელოვანი როლი შეუსრულებია ადგილმონაცვლე მესაქონლეობის პრაქტიკას. ამ მოსაზრებას ი. მკრტუმიანი ასაბუთებს იმ გარემოებით, რომ მიწათმოქმედებასთან ერთდრულად ამ ტიპის მესაქონლეობის გაძლოა საჭიროებდა საკმაო რაოდენობის მუშახელს, რომლის დასაქმების შესაძლებლობა ისახებოდა დიდი ოჯახის არსებობის პირობებში¹⁰.

სომხების საოჯახო ყოფის კვლევის შემდგომი ეტაპი აღინიშნა ახალი საოჯახო ყოფის შესწავლით, რასაც სპეციალური მონოგრაფია მიუძღვნა ა. ტერ-სარქისიანცმა¹¹. მას მიზნად დაუსახავს სოფლის მოსახლეობის ახალი საოჯახო ყოფის ძირითადი კომპონენტების კვლევა. სპეციფიკურ თავისებურებათა გამოვლინებისათვის ავტორი მასალას განიხილავს ვერტიკალური ზონალობის მიხედვით. ამასთან ერთად, ცდილობს გვიჩვენოს კონტრასტები ახალსა და ძველ საოჯახო ყოფას შორის. თავის მიერ მოპოვებული მასალისა და გერდასტანის შესახებ არსებული ლიტერატურული მონაცემების ანალიზის საფუძველზე მკვლევარი გზადაგზა იძლევა ახალ ყოფაში შემონახული ძველი ტრადიციების დახასიათებას. ავტორის დაკვირვებათა შედეგად სრულიად აშკარაა, რომ ახალ საოჯახო ყოფაში შენარჩუნებული იყო რამდენიმე თაობის გაუყრელად ცხოვრების ტრადიცია. იგი აღწერს არაერთ ისეთ ოჯახს, რომელიც ჯერ კიდევ აერთიანებდა სამი თაობის წარმომადგენლებს. ამასთან ერთად, ავტორი დამაჯერებლად ასაბუთებს, რომ თანამედროვე ინდივიდუალურ ოჯახში ურთიერთობისა და ჩვეულების მრავალი ისეთი ნორმა მოქმედებდა, რაც დამახასიათებელი იყო ძველი სა-

⁹ «Народы Кавказа», II, М. 1962, 524—527.

¹⁰ Ю. М к р т у м я н, Формы скотоводства и быт населения в армянской деревне второй половине XIX в. СЭ, 1968, № 4.

¹¹ Л. Т е р - С а р к и с я н ц, Современная семья у армян, М., 1972.



ოჯახო ყოფისათვის. ავტორის დაკვირვებით, გაუყრელად ცხოვრების წესი და მისთვის ნიშანდობლივი ტრადიციები უმთავრესად მონახული ყოფილა სომხეთის მთიანეთში, აგრეთვე მთისძირა ზოლის მოსახლეობაში, ხოლო ოჯახების გაყრას გაცილებით ინტენსიური ხასიათი ჰქონია ქალაქებში, სამრეწველო რაიონებში და მასთან ახლოს მდებარე სოფლებში. ავტორის ამ დაკვირვებას სათანადო მნიშვნელობა ენიჭება ეთნოგრაფიულ კვლევაში, რამდენადაც სომხეთის მთიანეთში, ისევე როგორც კავკასიის სხვა რეგიონებში თუ სხვაგან, სოციალური განვითარების დონით მთასა და ბარს შორის მკვეთრ განსხვავებას ჰქონდა ადგილი. სამწუხაროდ, ეს უდავო ტემშარიტება ზოგჯერ სრულიად გაუგებარი მსჯელობის საგანს წარმოადგენს.

2. საოჯახო თემის გადმონათობი აზერბაიჯანში

კავკასიის ხალხთა საოჯახო თემის შესახებ არსებული ლიტერატურის მიმოხილვისას მ. კოსვენის არ შეხებია აზერბაიჯანელთა ყოფაში დიდი ოჯახის არსებობის საკითხს, რომლის მიზეზად იგი ასახელებდა სათანადო წყაროების უქონლობას. მისი მტკიცებით, რევოლუციამდელ ლიტერატურაში აზერბაიჯანული დიდი ოჯახის შესახებ ცოტად თუ ბევრად მნიშვნელოვანი ცნობაც კი არ მოგვეპოვება¹. მკვლევარი ასევე არასახარბიელო მდგომარეობას ხედავს ახალ ეთნოგრაფიულ ლიტერატურაშიც², რამდენადაც ავტორები მხოლოდ იმის აღნიშვნას დასჯერდნენ, რომ XIX საუკუნის ბოლოსა და XX საუკუნის დასაწყისში მათ მიერ შესწავლილ რაიონებში დიდი ოჯახები არ შემონახულა³.

მ. კოსვენმა ასე წარმოგვიდგინა საკითხის შესწავლის მდგომარეობა აზერბაიჯანის მაგალითზე ნაშრომში, რომელიც პირველად გამოაქვეყნა 1946 წელს⁴, ხოლო შევსებული სახით შეიტანა 1961 წელს გამოშულ წიგნში, რომლითაც ჩვენ ვსარგებლობთ.

¹ М. Косвен, Этнография и история Кавказа, 101—102.
² М. Атакишиева, Семейный быт азербайджанцев в прошлом и настоящем (по материалам Халданского района), Автореферат канд. диссер., М.; 1953; Г. Гулиев, Социалистическая культура и быт колхозного крестьянства Азербайджана (по материалам Кубинского района), Автореферат канд. дисс., М., 1953.
³ М. Косвен, დასახ. ნაშრომი, 101—102.
⁴ СЭ, 1946, № 2.

მ. კოსვენის ნაწრომის გამოქვეყნების შემდეგ მდგომარეობა არსებითად შეიცვალა, აზერბაიჯანელთა საოჯახო ყოფას არაერთი გამოყვლევა მიეძღვნა, რომელთაც მ. კოსვენი ველარ მოესწრო, მაგრამ ვიდრე მათ შესახებ რაიმეს ვიტყოდეთ, საჭიროდ მიგვაჩნია აღინიშნოს, რომ რევოლუციამდელი ლიტერატურის კოსვენისეული შეფასება მეტისმეტად მსჯავრად გამოიყურება. საკმარისია გავისხენოთ თუნდაც ა. არლუთინსკის ცნობა ბორჩალოელ თათართა გაუყრელად ცხოვრების წესად არსებობის შესახებ და მის მიერვე დიდი ოჯახის აღწერილობა, რომ ეკვის ქვეშ დაეყენოთ მ. კოსვენის თვალსაზრისი რევოლუციამდელი ლიტერატურის ღირსების შესახებ. როგორც ა. არლუთინსკი წერს, ოჯახის გაყრა თათრებს შორის ძალზე იშვიათია, ისინი ყოველმხრივ ცდილობენ ერთად ცხოვრებას და მხოლოდ მათთან შეიძლება ვნახოთ განაყარი ოჯახების კვლავ ერთად შეყრის შემთხვევები. ამის მიზეზად ავტორს მიაჩნია მათი ცხოვრების პირობები, ხოლო გაყრის საფუძველად თელის მხოლოდ მამის, ე. ი. ოჯახის უფროსის თანხმობას, ურომლისოდაც ცალკე გამოყოფის მსურველისათვის ქონების მიცემის შესაძლებლობა გამოირიცხული ყოფილა⁵.

ა. არლუთინსკი ეხება გაუყრელად ცხოვრების მრავალ სხვა მხარესაც. დიდი ოჯახის შესახებ საინტერესო ცნობები გვხვდება სხვა ავტორთა ნაწერებშიც⁶, რომლის ხელაღებით უარყოფა ყოვ-

⁵ А. Аргутинский-Долгоруков, Борчалинский уезд в экономическом и коммерческом отношениях. Тифлис, 1897, 83—84, 87—88.

⁶ Н. Дубровин, История войны и владычества русских на Кавказе. т. I, кн. 2, СПб, 1871, 368 და შმბ.; П. Р и с с, О талышцах, их образе жизни и языке, ЭКОРГО, кн. 3, Тифлис, 1885; П. Я г о д ы н с к и й, Экономический быт государственных крестьян в Бакинском уезде, МИЭБГКЗК, т. I, Тифлис, 1885; მ ი ს ი ვ ე, Экономический быт государственных крестьян западной части Бакинского уезда, МИЕБГКЗК, т. II, ч. I, Тифлис, 1886; მ ი ს ი ვ ე, Экономический быт государственных крестьян в южной части Кубинского уезда, Бакинской губернии, МИЭБГКЗК, т. II, ч. I, Тифлис, 1886; П. К о т л я р е в с к и й, Экономический быт государственных крестьян северной части Кубинского уезда, Бакинской губернии, МИЭБГКЗК, т. II, ч. I, Тифлис, 1886; Н. Қ а л а ш е в, Местечко Сальяны Джеватского уезда, Бакинской губернии, СМОМПК, вып. V, отд. I, Тифлис, 1886; Н. А б е л о в, Экономический быт государственных крестьян Геокчайского и Шемахинского уездов, Бакинской губернии, МИЭБГКЗК, т. VI, ч. II., Тифлис, 1887; С. А л и ф и н, Экономический быт государственных крестьян Джеватского уезда, Бакинской губернии, МИЭБГКЗК, т. VII, Тифлис, 1887; Д. К и с т е н е в,

ლად გაუმართლებელია. მაგრამ მიუხედავად იმისა, რომ ამ პერიოდში მთელი საქართველოს მთელი მოსახლეობის გარკვეული მნიშვნელობა აქვს საოჯახო ყოფის თავისებურების გასარკვევად, საოჯახო ყოფის შესწავლის მიზნით მათი გამოყენება ჩვენი საუკუნის 60-იან წლებამდე არავის უცდია. როგორც ზემოთ აღვნიშნეთ, ოჯახის ისეთმა დიდმა მკვლევარმაც კი, როგორც მ. კოსვენი იყო, რევოლუციამდელი ლიტერატურა აზერბაიჯანელთა საოჯახო ყოფის შესახებ განხილვის დირსად არ სცნო. მ. კოსვენის ზემოხსენებული ნაშრომის გამოქვეყნების შემდეგაც აზერბაიჯანელთა საოჯახო ყოფის, კერძოდ საოჯახო თემის გამომონათური სახეობის შესწავლას კიდევ დიდხანს არ ექცეოდა ყურადღება. ამ საკითხის კვლევას ინტენსიური ხასიათი მიეცა მხოლოდ 1960-იანი წლებიდან, რაც აღინიშნა, ერთი მხრივ, საოჯახო ყოფის სპეციალური შესწავლით, ხოლო, მეორე მხრივ, სხვა მონათესავე საკითხების დამუშავებასთან დაკავშირებით საოჯახო ურთიერთობის რიგი მომენტის გამოქვებით.

ლიტერატურის შესწავლისა და საველე მასალის ანალიზის საფუძველზე ყველა მკვლევარი, ვინც კი აზერბაიჯანის ტერიტორიაზე მცხოვრებ ხალხთა საოჯახო ყოფას შეეხო, იმ დასკვნამდე მივიდა, რომ XIX საუკუნეში და თვით XX საუკუნის დასაწყისში, როდესაც გაუყრელად ცხოვრების ტრადიცია ჯერ კიდევ ცოცხლობდა, ოჯახის ძირითად სახეობას წარმოადგენდა ინდივიდუალური ოჯახი, ხოლო გამომონათური ფორმით შემონახული საოჯახო თემი საბოლოო დაშლისა და მოსპობის სტადიაში იმყოფებოდა.

ვ. კობიჩევის დაკვირვებით, სწორედ ამ პროცესმა განაპირობა ნაგებობათა გაბარიტების შემცირება და კონსტრუქციული ცვლილებები. როგორც მან აღნიშნა, დიდი პატრიარქალური ოჯახების თანდათანობითი დაშლის შედეგად XIX საუკუნეში მიმდინარეობდა საცხოვრებელ და სამეურნეო ნაგებობათა მოცულობის შემცირება და კარ-ფანჯრების რაოდენობის ზრდა, ე. ი. ფართის სეგმენტაცია. ვ. კობიჩევის ცნობით, უდური სახლის ინტერიერიც აზერბაიჯანელის მსგავსი იყო, რაც ასევე ახსნილი აქვს XIX საუკუნის

Экономический быт государственных крестьян Ленкоранского уезда, Бакинской губернии, МИЭБГКЗК, т. VII, Тифлис, 1887; С. Е г и а з а р о в, Сельская община в Елисаветпольской и Бакинской губерниях, СМИБГКЗК, т. III, ч. II, Тифлис, 1887; А. З а х а р о в, Домашний и социальный быт женщин у закавказских татар, СМОПК, вып. XX, отд. I, Тифлис, 1894; М. Э ф е н д и е в, Селение Лагич, Геокчайского уезда, Бакинской губернии, СМОПК, вып. 29, отд. II, Тифлис, 1901 და სხვა.

ბოლომდე დიდი პატრიარქალური ოჯახების შემონახულობის ზით. ხინალუგების ნაგებობათა კონსტრუქციული ცვლილებების საფუძველდაც ავტორს მიაჩნია დიდი ოჯახების დამლა⁷. მამასადამე, აზერბაიჯანის ტერიტორიაზე მცხოვრებ ხალხთა ყოფაში XIX საუკუნის ბოლომდე სიცოცხლეს ინარჩუნებდა გაუყრელად ცხოვრების წესი, რომლის არსებობა თუ მოშლა ნაგებობასაც თავისებურ სახეს აძლევდა.

ამიერკავკასიის ხალხთა საცხოვრებლების (ქართული დარბაზი, სომხური გლახატუნი, აზერბაიჯანული ყარაღამი) სოციალური ფუნქციების განხილვისას საოჯახო თემის გადმონაშთური სახეობის არსებობას აღნიშნავს და ამ ტიპის ნაგებობებს გენეტიკურად დიდი ოჯახის საცხოვრებლად წარმოგვისახავს თავის მონოგრაფიაში თ. ჩიქოვანი⁸, რაზედაც ვრცლად ითქვა ჩვენს რეცენზიაში⁹ და ამის შესახებ აქ სიტყვას აღარ გავაგრძელებთ.

აზერბაიჯანის ერთ-ერთი რაიონის მცხოვრებთა (თათრები, ლეკები, მთიელი ებრაელები, ხინალუგები, კრიზები, ბუღდუგები) ეთნოგრაფიულ მასალებზე დაყრდნობით გ. გეიზულაევი ამტკიცებს, რომ რევოლუციამდელ ყოფაში ძირითად ერთეულს წარმოადგენდა პატარა ოჯახი, რომელსაც ჯერ კიდევ შენარჩუნებული ჰქონდა პატრიარქალური ყოფის ელემენტები. ამგვარი ოჯახის ერთ-ერთ თავისებურებად ავტორს მიაჩნია უფროსი მამაკაცისადმი, როგორც ქონების ერთპიროვნული მემპატრონისადმი, ოჯახის დანარჩენ წევრთა უყოყმანო მორჩილება. ასეთი ოჯახისათვის დამახასიათებელი იყო დაქორწინების შემდეგ შვილების ცალკე გამოყოფა შობლებთან უმცროსი შვილის დარჩენის პირობით. ძველი პატრიარქალური ყოფის ნიშნად მიჩნეულია ისიც, რომ ზოგჯერ გაყრილი ძმები კვლავ ინარჩუნებდნენ მეურნეობრივ ერთობას, მაგრამ პატრიარქალური საოჯახო წეს-რიგის შედარებით სრულ სურათს ავტორი ხედავს ყოფილი ყუბოს მაზრის მოსახლეობაში XIX საუკუნის ბოლომდე გადმონაშთის სახით შემორჩენილ დიდ პატრიარქალურ ოჯახში, რომელიც 3-4 თაობისაგან შედგებოდა და ზოგჯერ 60-65 სულს აერთინებდა.

⁷ В. К о б ы ч е в, Крестьянское жилище народов Азербайджана в XIX в. КЭС, III, Москва, 1962, 19, 57, 58, 60.

⁸ თ. ჩ ი ქ ვ ა ნ ი, ამიერკავკასიის ხალხურ საცხოვრებელ ნაგებობათა ისტორიიდან, თბ. 1967.

⁹ გ. ი თ თ ნ ი შ ვ ი ლ ი, მონოგრაფია ამიერკავკასიის ხალხთა საცხოვრებლების შესახებ, "მაცნე", 1964, № 4.

ამგვარი ოჯახის დახასიათების მიზნით ავტორი ეხება არა მარტო მის შემადგენლობას, არამედ ისეთ კომპონენტებსაც, როგორცაა საცხოვრებელი ნაგებობანი; ნაგებობის სოციალური ფუნქცია და დიდი ოჯახის საცხოვრებლად განკუთვნილ სათავსოთა სახელწოდებები; დიდი ოჯახის დაშლის შედეგად შექმნილი უბანი და პატრონ-მიუღი გაერთიანება მის სათავეში ყოფილი დიდი ოჯახის უფროსის ყოფნით; წინაპრის კულტთან დაკავშირებული საერთო სალოცავი, რომელიც ადრე გაუყოფელ ოჯახს ეკუთვნოდა; მმართველობის სისტემა და ოჯახის წევრებს შორის ფუნქციების განაწილება, დიდი ოჯახის მეთაურის უფლება-მოვალეობა და ამის გამომხატველი სახელწოდებები; თვით დიდი ოჯახის აღმნიშვნელი სახელწოდებები; ოჯახის გაყრის შემთხვევაში ინვენტარისა და საქონლის განაწილება, მაგრამ საერთო ხმარებაში მიწის დატოვება; ერთი დიდი ოჯახის დაყოფა ერთ შემთხვევაში შედარებით მცირერიცხოვან დიდ პატრიარქალურ ოჯახებად, ხოლო მეორე შემთხვევაში ინდივიდუალურ ოჯახებად და სხვა.

ავტორის შეხედულებით, დიდი ოჯახის შემონახულობას საკვლევ რაიონში, ისევე როგორც მთელ აზერბაიჯანში, ხელს უწყობდა ნატურალური მეურნეობის დიდხანს არსებობა და სასაქონლო-ფულადი ურთიერთობის სუსტი განვითარება. მნიშვნელოვან ფაქტორად მიაჩნია აგრეთვე კომლობრივი საგადასახადო სისტემა, როდესაც საგადასახადო ერთეულთა ზრდის შიშით მოსახლეობა გაუყრელად ცხოვრებისადმი მიდრეკილებას იჩენდა. სოფლად სასაქონლო-ფულადი ურთიერთობის განვითარებისა და ოჯახის შიგნით კერძო საკუთრებისადმი ლტოლვის შედეგად კი, როდესაც ოჯახის უფროსი დესპოტური ერთმმართველობისადმი კიდევ უფრო დიდი გულმოდგინებით ისწრაფვის, დიდი ოჯახის დაშლაც გარდუვალი ხდება¹⁰.

მ. გეიბულაევის ნაშრომების მიხედვით, აზერბაიჯანული დიდი ოჯახი თავისი ბუნებით დესპოტურია, მაგრამ როდესაც იგი შეეცადა დიდი ოჯახის ტიპის განსაზღვრას, არსებული მასალების საფუძველზე ზოგიერთი ოჯახისათვის დამახასიათებელ მომენტად მიიჩნია დემოკრატიული (სოლიდარული) წეს-რიგის მოქმედება იმ

¹⁰ Г. Гейбулаев, Современная семья и семейный быт азербайджанцев (по этнографическим материалам Кубинского района), Автореферат кан. дисс. Баку, 1966; მისივე, О пережитках большой семьи в Азербайджане в XIX в. (по материалам Кубинского района), АЭС, II, Баку, 1966.



არგუმენტით, რომ ოჯახის უფროსის — მამის ადგილს მისი უფროსი შვილი იკავებდა, რომელსაც მეურნეობის წარმოება ეკისრებოდა. მაგრამ ვინაიდან ნაშრომში ნაჩვენებია არ არის მმართველობის სისტემაში მათი უფლებრივი მდგომარეობა, მართო ზემოხსენებული ფაქტორით ოჯახის სოლიდარულ ბუნებაზე მსჯელობა დამაჯერებლობას მოკლებულია. ასევე მიუღებელია იმის მტკიცება, თითქოს აზერბაიჯანული დიდი ოჯახის შიგნით არსებული კუზნესური ქორწინება ჯგუფობრივი ქორწინების გადმონაშთია და რომ კუზნესური ქორწინება რამდენადმე დაკავშირებულია დიდ ოჯახთან¹². დიდი ოჯახი საქართველოშიც არსებობდა, მაგრამ მის შიგნით, ე. ი. ოჯახის წევრებს შორის ქორწინება წარმოუდგენელი იყო. ამიტომ აზერბაიჯანულ დიდ ოჯახში კუზნესური ქორწინების არსებობა აიხსნება არა ჯგუფობრივი ქორწინების გადმონაშთების შემონახულობით და დიდ ოჯახთან მისი კავშირით, არამედ აზერბაიჯანელთა ყოფაში მაჰმადიანური რელიგიის გაბატონებით, რომელიც ახლო ნათესავთა შორის ქორწინებას არ კრძალავდა.

შირვანის ეთნოგრაფიული მასალების მიხედვით გ. რაჯაბოვმა შეისწავლა რა სოფლის თემის სტრუქტურა გადმონაშთური ფორმით მისი არსებობის პირობებში, მის ერთ-ერთ დამახასიათებელ ნიშნად მიიჩნია პატრონიმიის არსებობა. ამასთან ერთად, მიუთითა, რომ სოფლის თემის ძირითად სამეურნეო და საზოგადოებრივ უჯრედს წარმოადგენდა ოჯახი, რომლის სახეობათაგან გაბატონებული მდგომარეობა ეჭირა ინდივიდუალურ ოჯახს, ხოლო XIX საუკუნის მიწურულში გადმონაშთის სახით ჯერ კიდევ არსებობდა საოჯახო თემიც¹³. როგორც ავტორმა აღნიშნა, XIX—XX საუკუნეების მიჯნაზე შირვანში შემორჩენილ საოჯახო თემს არქაული ნორმების უმრავლესობა დაკარგული ჰქონდა. მისთვის უცხო იყო მმართველობის დემოკრატიული (სოლიდარული) სისტემა, რამდენადაც ოჯახის უფროსი განუსაზღვრელი უფლებებით სარგებლობდა. მუსულმანური რელიგიის ბატონობის პირობებში ქალი უნუგემო მდგომარეობაში

¹¹ Г. Гейбулаев, О пережитках большой семьи в Азербайджане в XIX в., АЭС, II, 181.

¹² იქვე, 181.

¹³ Г. Раджабов, Пережитки сельско-общинного быта в дореволюционном Азербайджане (этнографическое исследование по материалам Ширвана), Автореферат канд. дисс., Баку, 1966; მისივე, некоторые этнографические данные о пережитках сельской общины в Азербайджане (по материалам Ширвана), АЭС, II.

რმყოფებოდა. მამაკაცთან შედარებით ასევე უმნიშვნელო უფრო
ბევრით სარგებლობდა უფროსი ქალი, რომელიც დიდი ოჯახის
მეურნეობას (საქალბო საქმიანობას) ხელმძღვანელობდა. სხვა
ქალებთან შედარებით მისი პრივილეგია იმაში მდგომარეობდა, რომ
მამაკაცები ზოგიერთ საკითხზე მასთანაც თათბირობდნენ და მის
აზრას ანგარიშს უწევდნენ¹⁴.

გ. რაჯაბოვის დაკვირვებით, საოჯახო თემის არქაული ნორმები-
დან მმართველობის სოლიდარული სისტემა შირვანელთა საოჯახო
ურთიერთობაში მოშლილი იყო, მაგრამ იმავე უძველესი ნორმები-
დან დესპოტური ტიპის ოჯახი გადმონაშთის სახით ინარჩუნებდა
წარმოებისა და მოხმარების კოლექტიურ პრინციპს. ეს პრინციპი
ისეთ ვითარებაშიც კი მოქმედებდა, როდესაც მამის გარდაცვალება-
მდე ძმებს შორის ქონება უკვე განაწილებული იყო, თითოეული
ძმა თავისი კუთვნილი წილის მესაკუთრედ ითვლებოდა, მაგრამ
მამის გარდაცვალებამდე კვლავ ერთ ჭერქვეშ განაგრძობდნენ
ცხოვრებას, კოლექტიური შრომით უძღვებოდნენ საოჯახო მეურ-
ნეობას და დოვლათსაც თანაბარი უფლებებით იყენებდნენ. ავტო-
რი ისეთ ვითარებაზედაც მიუთითებს, როდესაც მამის გარდაცვა-
ლების შემდეგ დიდი ოჯახის სემენტაცია ხდებოდა ძმების ერთი
ნაწილის გამოყოფით ქონების გაუყოფლად. ზოგიერთი ძმის გამო-
ყოფას, მაგრამ ქონებაზე ერთობის შენარჩუნებას ზოგჯერ ადგი-
გილი ჰქონია მამის გარდაცვალებამდეც. მაგრამ ოჯახის დაყოფა
რომელი ვარიანტიცაა არ უნდა მომხდარიყო, განაყრები პირველ
რიგში ძველ სახლშივე რჩებოდნენ საცხოვრებლად, თუ საცხოვ-
რებელი ადგილი მათთვის საკმარისი აღმოჩნდებოდა. ასე ეწყო-
ბოდნენ, უმთავრესად, შეძლებული ოჯახის განაყრები, რომელთაც
დიდი სახლიც ჰქონდათ. ფართის უკმარობის შემთხვევაში კი ოჯახი
გაყრამდევე აშენებდა სახლებს მომავალი ახალი ოჯახებისათვის და
განაყრები ცალ-ცალკე სახლებდობდნენ. ერთ-ერთ დამახასიათებელ
ნომენტს წარმოადგენდა ისიც, რომ ერთ უბნად დასახლებული გა-
ნაყრები მორიგეობით სარგებლობის პირობით კოლექტიურ საკუთ-
რებაში იტოვებდნენ წისქვილს, დიდ გუთანს და სხვა სახის დოვ-

¹⁴ Г. Раджабов, Пережитки сельско-общинного быта в дореволюционном Азербайджане, Баку, 1966, 84. საქანდიტო დისერტაცია. ხელნაწერი ინახება აზერბაიჯანის სსრ მეცნიერებათა აკადემიის ისტორიის ინსტიტუტის ბიბლიოთეკაში.

ლათს, რაც პატრონიმიის ფარგლებში მეურნეობრივი ერთობის საფუძველს ჰქმნიდა¹⁵.

გ. რაჯაბოვი შეეხო საოჯახო თემის მრავალ სხვა მხარესაც, მაგრამ მისი ნაშრომებიდან დამოწმებული ადგილებიდანაც ნათლად ჩანს, რომ XIX საუკუნის მიწურულში ავტორი აზერბაიჯანელთა საოჯახო თემის გადმონაშთური სახეობისათვის დამახასიათებელ მომენტად თვლის მის დესპოტურ ბუნებას, რაც საერთოდ ნიშანდობლივ მხარეს წარმოადგენდა მაჰმადიანური რელიგიის მიმდევარ ხალხთა საოჯახო ყოფისათვის.

ახალი ყოფის ტრადიციული წანამძღვრების გათვალისწინების შედეგად აზერბაიჯანულ ოჯახში მმართველობის დესპოტურ ხასიათზე მიუთითა აგრეთვე ა. უმუდოვი. მისივე დაკვირვებით, თანამედროვე აზერბაიჯანული ოჯახის საშუალო რიცხოვრივი შემადგენლობა 6-8 სულით განისაზღვრება, რაც ავტორს მიაჩნია ადრინდელი გაუყრელი ცხოვრების მემკვიდრეობად. მასასადამე, რეტროსპექტული ანალიზის საფუძველზე, მ. უმუდოვი ავითარებს იმ თვალსაზრისს, რომ აზერბაიჯანში ოჯახის ადრინდელ ფორმას წარმოადგენდა დიდი ოჯახი, რომლის დოვლათის ერთპიროვნულ მესაკუთრედ, რძლების მზითევის გამოკლებით, ითვლებოდა ოჯახის უფროსი მამაკაცი, ხოლო ოჯახის წევრთა ურთიერთობისათვის დამახასიათებელი იყო უთანასწორობა, რაც უმთავრესად გამოიხატებოდა ქალთა უუფლებობაში¹⁶.

ახალი და ძველი ყოფის ამსახველი მასალების შეპირისპირების შედეგად ტრადიციული ნორმების ხანგრძლივი არსებობა ასევე ნათლად გამოჩნდა აფშერონის ეთნოგრაფიული მონაცემების მიხედვით. ა. ტროფიმოვას შეხედულებით, საკვლევ რაიონში, ისევე როგორც აზერბაიჯანის სხვა კუთხეებში, დიდხანს არსებობდა მრავალსულიანი პატრიარქალური ოჯახი. მისი ერთპიროვნული მმართველი და ქონების მესაკუთრე იყო ოჯახის უფროსი — მამა, რომლის დესპოტური ნება-სურვილის გარეშე არავითარი გადაწყვეტილების მიღება არ შეიძლებოდა. მის გარდაცვალებამდე შვილები ვერ გაიყრებოდნენ. მათი ერთად ცხოვრება ზოგჯერ უფროსის გარდაცვალების შემდეგაც გრძელდებოდა, რასაც უმთავრესად ხელს

¹⁵ Г. Раджабов, *დასახ. დისერტაცია*, 86—87.

¹⁶ М. Умудов, *Быт и культура рабочих нефтедобывающей промышленности Азербайджана (по материалам Апшерона)*, Автореферат, канд. дисс., Баку, 1966, 16.



უწყობდა მათი ქვრივი დედა, რომელიც მეურნეობის ერთობლად წარმოებას და საერთო ქონების შენარჩუნებას ცდილობდა. ავტორის დაკვირვებით, ოქტომბრის რევოლუციის წინა პერიოდში აფშერონში სამ თაობამდე ერთად ცხოვრების შემთხვევები იშვიათობას წარმოადგენდა, ხოლო სხვა მაღალმთიან რაიონებში 1950 წლამდეც კი არსებობდა ზოგიერთი მრავალსულიანი ოჯახი¹⁷.

ცალკე აღებული რაიონების, კოლმეურნეობებისა და სამრეწველო ცენტრების მიხედვით, აზერბაიჯანელთა ახალი ყოფის შესწავლისადმი მიძღვნილ ნაშრომებშიც გამახვილებულია ყურადღება საოჯახო ყოფის ცალკეული მოვლენების შესახებ და აღნიშნულია, რომ რევოლუციამდე აზერბაიჯანში გადმონაშთური სახით არსებობდა დიდი ოჯახი, რომელიც საზოგადოებრივი ურთიერთობის სფეროში მომხდარ ცვლილებებთან ერთად, იცვლიდა სახეს, ხოლო საბოლოოდ ეს პროცესი მისი სრული მოსპობითა და ინდივიდუალური ოჯახის საყოველთაოდ გავრცელებით დამთავრდა¹⁸.

აზერბაიჯანელთა საოჯახო ყოფიდან ბოლო დროს ეთნოგრაფთა განსაკუთრებული ყურადღება მიიპყრო საოჯახო თემის გადმონაშთურმა სახეობამ, რასაც 1970 წელს ზედიზედ ორი საკანდიდატო დისერტაცია მიეძღვნა. ერთი მათგანი ეხება საქართველოს სსრ დმანისის რაიონში მცხოვრებ აზერბაიჯანელთა საოჯახო ყოფას¹⁹, ხოლო მეორე დაწერილია აღმოსავლეთ აზერბაიჯანის ეთნოგრაფიულ მონაცემებზე დაყრდნობით²⁰.

საქართველოში მცხოვრებ აზერბაიჯანელთა საოჯახო თემის

¹⁷ А. Трофимова, Из истории семьи Азербайджанцев Апшерона (1920—1950 гг.), КЭС, IV, М., 1969.

¹⁸ А. Назаров, Хозяйство и быт колхозников сельхозартели «Болгаристан», Геокчайского района Азербайджанской ССР, Автореферат канд. дисс., Тб., 1962; А. Измайлова, Социалистическое преобразование хозяйства, культуры и быта тальшей, Автореферат кан. дисс. М., 1964; И. Гаджиев, Социалистическое переустройство хозяйства, культуры и быта азербайджанского крестьянства (по материалам Казахского района). Автореферат кан. дисс., Баку, 1965; В. Чирагзаде, Социалистический быт рабочих-шелководов города Нухи, Автореферат кан. дисс., Баку, 1966.

¹⁹ А. Ахмедов, Семья и семейный быт азербайджанцев (историко-этнографическое исследование по материалам Дманисского района Грузинской ССР), Автореферат канд. диссерт., Баку, 1970.

²⁰ А. Садыков, Пережитки семейной общины в Восточном Азербайджане в конце XIX — начале XX в. Автореферат канд. диссерт., Баку, 1970.

გადმონაშთებს ა. ახმედოვმა სპეციალური წერილი²¹ მიუძღვნა 1967 წელს, ხოლო შემდეგ ეს საკითხი ვრცლად განიხილა საკვლევით-ფიკაციო მონოგრაფიაში²². ეთნოგრაფიული მასალისა და ლიტერატურული მონაცემების მიხედვით ორივე ნაშრომში ნაჩვენებია, რომ XIX საუკუნის დასასრულსა და XX საუკუნის დასაწყისში ინდივიდუალურ ოჯახთან ერთად ცოცხლობდა დიდი პატრიარქალური ოჯახი, რომლის შემონახულობას ხელს უწყობდა ნატურალური მეურნეობის არსებობა. ამ ტიპის ოჯახის ერთ-ერთ ნიშანდობლივ მხარედ ავტორს მიაჩნია 20-დან 60-მდე სულის ერთად ცხოვრება სამი-ოთხი თაობის სახით. ოჯახის რიცხოვრივი შემადგენლობისათვის დამახასიათებელი ყოფილა სულთა რაიადენობის თანდათანობით კლება ისე, რომ XX საუკუნის დასაწყისისათვის დიდი ოჯახის შემადგენლობა 20-25 სულს აღარ აღემატებოდა, ხოლო თაობებს ერთმანეთისაგან გამოყოფდნენ მამრობითი და მდედრობითი ხაზით არსებული შესაბამისი სახელწოდებებით. დიდი ოჯახის ეკონომიურ საფუძველს შეადგენდა კოლექტიური წარმოება და მოხმარება. ოჯახს მართავდა მამაკაცებს შორის უფროსი, ხოლო მეორე ადგილი ეჭირა მის მეუღლეს ან უფროს რძალს, რომელსაც ევალეობდა ქალთა შრომა-საქმიანობის ხელმძღვანელობა. ოჯახის უფროსობა გადადიოდა მომდევნო ხნით უფროსის ხელში, ჩვეულებისამებრ, მამიდან უფროსი შვილის ხელში. ოჯახის უფროსი სარგებლობდა განუსაზღვრელი უფლებებით. მას ნებისმიერი წევრის დასჯა და სახლიდან უწილოდ გაგდებაც კი შესძლებია, რაც დესპოტური მმართველობის არსებობაზე მიგვითითებს. ამაზე მეტყველებს ის გარემოებაც, რომ მის გარდაცვალებამდე ან მის დაუკითხავად ოჯახის გაყრა არ მოხდებოდა. გაყრის შემთხვევაში კი ქონებას თანაბრად იყოფდნენ შვილები და შვილებიანი ქვრივი. უშვილო ქვრივი მხოლოდ თავის მზითევს უნდა დასჯებოდა. თუ გაყრა მამის სიცოცხლეში მოხდებოდა, ის სხვების თანაბარ წილთან ერთად ზედმეტსაც მიიღებდა საქონლის სახით. თუ მამა აღარ იყო ცოცხალი, მის ქვრივს შედარებით ნაკლებ ქონებას შეახვედრებდნენ. გასათხოვარ ქალს წილს არ აძლევდნენ იმ შემთხვევაში, თუ მათი მამა ცოცხალი იყო, მაგრამ თუ გაყრა მამის გარდაცვალების შემდეგ მოხდებოდა,

²¹ А. Ахмедов, Семейная община у азербайджанцев в конце XIX и начале XX вв. (по материалам Башкечитского района Грузии), «Доклады Академии наук Азербайджанской ССР», т. 23, № 6, 1967.

²² А. Ахмедов, დასახ. ავტორეფრატი.



ქალი იმდენსავეს მიიღებდა, რამდენსაც თითოეული მისი ძმა, და თავისი წილი ქონებით გათხოვებამდე საცხოვრებლად რჩებოდა რომელიმე ძმასთან. უცოლო ძმას, კუთვნილ წილს გარდა, აღევდნენ ზედმეტ ქონებას ყალიბის გადასახდელად და საქორწილო სარგებისათვის. იარაღი, ტანსაცმელი და სხვა პირადი ნივთები ყველას თავისთვის რჩებოდა. წისქვილსა და ბაღს განაყრები საერთო საკუთრებაში იტოვებდნენ. ოჯახის გაყრისა და განაყრების ერთ უბნად დასახლების შედეგად იქმნებოდა პატრონიმია.

ზემოაღნიშნული მონაცემები საეჭვოს არ ხდის დიდი ოჯახის გადმონაშთების არსებობას საქართველოს ტერიტორიაზე მცხოვრებ აზერბაიჯანელთა შორის, მაგრამ ზოგიერთი საკითხის გარკვევისას ავტორი წინააღმდეგობაში ვარდება. მაგალითად, 1967 წელს გამოქვეყნებულ წერილში აღნიშნავს, რომ დესპოტური უფლებების მქონე უფროსს სცვლიდა უფროსი შვილი მისი არჩევის გარეშე²³. შემდეგ, ამავე საკითხთან დაკავშირებით, კვლავ აღიარა რა, რომ ოჯახის უფროსის ძალაუფლება დესპოტურ ხასიათს ატარებდა, იქვე მოჰყვა იმის მტკიცებას, თითქოს, ჩვეულებისამებრ, ოჯახის უფროსს ირჩევდნენ, მაგრამ ზოგჯერ მისი ძალაუფლება, ხნით უფროსობის პრინციპის შესაბამისად, მამიდან მისი უფროსი შვილის ხელში გადადიოდა²⁴.

თუ ერთდროულად წარმოვიდგენდით ყველა ზემოაღნიშნული მომენტის არსებობას ოჯახის მმართველობის სისტემაში, მაშინ შეუძლებელი იქნებოდა იმის განსაზღვრა, თუ ოჯახის რომელ ტიპს მიეკუთვნებოდა ა. ახმედოვის მიერ შესწავლილი ოჯახი, ვინაიდან არჩევა დამახასიათებელი იყო სოლიდარული მმართველობის ანუ დემოკრატიული ტიპის საოჯახო თემისათვის, ხოლო ოჯახის უფროსის განუსაზღვრელი ძალაუფლება — დესპოტური დიდი ოჯახისათვის. აღნიშნული მოვლენების თანაარსებობა და მმართველობის სისტემაში დუალიზმის გაჩენა მხოლოდ იმითი შეიძლება აიხსნას, რომ საქართველოს ტერიტორიაზე ხანგრძლივი ცხოვრების შედეგად დესპოტური ტიპის აზერბაიჯანულ ოჯახში შეიქრა ქართული საოჯახო თემისათვის ნიშანდობლივი სოლიდარული მმართველობის ელემენტები, რომლის გაუთვალისწინებლობამ ავტორი წინააღმდეგობაში ჩააგდო. მასალის ცალმხრივი განხილვის შედეგად მან, ასევე ერთ შემთხვევაში, აღნიშნა, რომ ოჯახის უფროსის

²³ А. Ахмедов, დასახ. წერილი, 86.
²⁴ А. Ахмедов, დასახ. ავტორეფერატი, 7.

ქერვის წილში მამულს არ აძლევდნენო, ხოლო აქვე წერს, თითქოს, ქერივი დედის წილზედ მამულს ის შვილი დაეპატრონებოდა, მელთანაც დედა საცხოვრებლად დარჩებოდა²⁵.

ამგვარი ხარვეზების მიუხედავად, ა. ახმედოვმა სწორად გაიგო საქართველოს ტერიტორიაზე მცხოვრებ აზერბაიჯანელთა საოჯახო ყოფის შესახებ შემორჩენილი მასალის რაობა და მასზე დაყრდნობით გვიჩვენა, რომ, ინდივიდუალურ ოჯახთან ერთად, XIX საუკუნის ბოლოსა და XX საუკუნის დასაწყისში ჯერ კიდევ დიდი ოჯახიც არსებობდა.

საოჯახო თემის გადმონაშთური სახეობის ძირითადი ელემენტების გასაცნობად არანაკლებად საინტერესოა ა. სადიკოვის ზემოხსენებული ნაშრომი, რომელიც ემყარება, ერთი მხრივ, XIX საუკუნის ბოლოსა და XX საუკუნის დასაწყისის ეთნოგრაფიულ მასალებს, ხოლო, მეორე მხრივ, შესაბამის ლიტერატურულ მონაცემებს.

ფაქტობრივ მონაცემებზე დაყრდნობით ავტორი გვაცნობს მრავალ ისეთ ოჯახს, რომელიც სამ, ოთხ ან ხუთ თაობას მოიცავდა და ის, სისხლით ნათესაეების გარდა, ზოგჯერ გარედან შესულ პირებსაც (შვილობილებს ან ზედსიძეებს) აერთიანებდა. ასეთ ოჯახს ხელმძღვანელობდა გამოცდილი მეურნე, რომელიც ითვლებოდა ქონების სრულუფლებიან მესაკუთრედ. მას ევალეობოდა ოჯახის წევრებს შორის ფუნქციების განაწილება, ხოლო ოჯახის წევრების მოვალეობას შეადგენდა მისდამი უყოყმანო მორჩილება. ოჯახის უფროსს შეეძლო შვილის უწილოდ გაგდებაც კი. იგი იყო ოჯახის წარმომადგენელი სოფლის თემის საბჭოში, სადაც სამეურნეო და საზოგადოებრივი საკითხები განიხილებოდა. ყოველივე ამასთან ერთად, ავტორი იმასაც აღნიშნავს, რომ ხელმძღვანელის ძალაუფლება მაინც განსაზღვრული იყო საზოგადოებრივი და საოჯახო ყოფის ნორმებით, შინასაოჯახო ეტიკეტით. მისი ავტორიტეტისათვის დიდი მნიშვნელობა ენიჭებოდა თვით მის პირად ურთიერთობას ოჯახის წევრებთან, სამართლიანობას და ოჯახში სიმშვიდისა და თანხმობის დაცვას. მნიშვნელოვანი საკითხების გადასაწყვეტად ის ვალდებული იყო მოეწვია საოჯახო თათბირი სრულწლოვანი მამაკაცებისა და, არაიშვიათად, ხნიერი დედაკაცების მონაწილეობით. ქალთა შინასაოჯახო საქმიანობას ხელმძღვანელობდა უფროსი ქალი,

²⁵ А. Ахмедов, დასახ. ავტორფერატი, 9.



რომელსაც პროდუქტების სათავსოც ჰქონდა ჩაბარებული. შრომის განაწილებას საფუძვლად ედო სქესობრივ-ასაკობრივი პრინციპი. რაც განსაკუთრებით მკვეთრად შეიმჩნეოდა საოჯახო თემის არსებობის ადრეულ სტადიაზე. ოჯახის ეკონომიურ საფუძველს განსაზღვრავდა თვით საკვლევი რაიონის მეურნეობის ხასიათი. ქონების ძირითადი ნაწილი ოჯახის წევრთა საზოგადო საკუთრებას შეადგენდა, ხოლო პირად საკუთრებაში შეიძლება ჰქონოდათ ტანსაცმელი, იარაღი, სამკაული და მზითვევი. როდესაც ოჯახის გაყრის საკითხი დადგებოდა, პირველ რიგში გამოყოფდნენ ვალის და საერთო ხარჯის დასაფარავად საჭირო ქონებას. შემდეგ უცოლო ძმას საქორწილო ხარჯებისათვის წინასწარ მისცემდნენ მიწის ნაკვეთს ან საქონელს. ასევე გათვალისწინებული ყოფილა გასათხოვარი დებისა და ქვრივი დედის შესანახად მოძრავი ქონების გამოყოფა — დისთვის ძმის წილის ნახევარი, ხოლო დედისთვის წილის 1/4. ამ ქონებას აძლევდნენ უფროს ძმას, რომელთანაც დედა და დები საცხოვრებლად რჩებოდნენ. ზოგიერთ შემთხვევაში მათ უძრავი ქონების ნაწილსაც აძლევდნენ, რასაც დედის გარდაცვალებისა და დების გათხოვების შემდეგ ძმები ინაწილებდნენ. ზემოაღნიშნული მომენტების გათვალისწინების შემდეგ საოჯახო ქონებას ძმები წილის ყრით ინაწილებდნენ, ოღონდ უფროს ძმას საუფროსოში აძლევდნენ ან მიწის ნაკვეთს, ან ცხენს, ანდა რამდენიმე ცხვარს. მას გადასცემდნენ აგრეთვე გარდაცვლილი უფროსის პირად იარაღს, ცხენს, ყურანს და სხვ. დიდი ოჯახის განაყრები ერთმანეთის მეზობლად დასახლებით ჰქმნიდნენ პატრონიმიას.

ძირითადად ასე ახასიათებს ა. სადიკოვი აღმოსავლეთ აზერბაიჯანში არსებულ დიდ ოჯახს, რომლის შემორჩენილობის მიზეზებად თელის ნატურალურ მეურნეობას, კომლობრივ საგადასახადო სისტემას და მალაღმთიანი რაიონების კულტურულ-ეკონომიურ იზოლაციას. დიდი ოჯახების დაშლის მიზეზად კი ავტორს მიაჩნია მის შიგნით კერძო საკუთრების განვითარება, რაც განსაკუთრებით გაღრმავდა კაპიტალისტური ურთიერთობის აღმავლობის პირობებში.

აღმოსავლეთ აზერბაიჯანის ენთოგრაფიული მასალის გამომზეურებით ა. სადიკოვმა მნიშვნელოვანი წვლილი შეიტანა საოჯახო თემის ლოკალურ თავისებურებათა კვლევის სფეროში, მაგრამ ამ მიმართულებით ნაშრომში ბევრი საკითხი შემდგომ გაღრმავებას მოითხოვს. ეს პირველ რიგში ეხება მმართველობის სისტემას, რამდენადაც ავტორი მმართველობის დესპოტური სისტემის პარალელურად გვაცნობს სოლიდარული მმართველობის ელემენტებსაც, მაგრამ არ



ასახელებს ასეთი მოვლენების თანაარსებობის მიზეზს. როგორც ჩანს, ეს იმ გარემოებამ განაპირობა, რომ ავტორმა დიფერენცირებულად არ შეისწავლა საოჯახო თემის ძველი, ტრადიციული მოვლენები, რომლისთვისაც დამახასიათებელი იყო სოლიდარული მმართველობა და შარიათის არსებობა, რამაც ხელი შეუწყო დესპოტური მმართველობის დანერგვა-განმტკიცებას.

როგორც დავინახეთ, ოჯახის არქაული ფორმების გადმონაშთების კვლევა, სომხეთთან შედარებით, აზერბაიჯანში გვიან დაიწყო და შედარებით შეზღუდული მასშტაბით მიმდინარეობს. სწორედ ამ გარემოებამ განაპირობა მ. კოსვენის გულგრილი დამოკიდებულება აზერბაიჯანული საოჯახო თემის საკითხისადმი. ამავე ვითარების ანარეკლს ვხედავთ კავკასიის ეთნოგრაფიის ნარკვევებში²⁶, სადაც აღნიშნულია, რომ აზერბაიჯანში XX საუკუნემდე იყო შემორჩენილი დიდი პატრიარქალური ოჯახის გადმონაშთები, იქვეა ნაჩვენები პატრიარქალური ყოფის ელემენტები (ოჯახის უფროსის განუსაზღვრელი უფლებები, ქალის მძიმე პირობები, შარიათის ნორმები...), მაგრამ ეს მიმოხილვა რამდენადმე სრულფასოვან წარმოდგენას არ გვაძლევს დიდი ოჯახის სტრუქტურაზე. და მაინც, საოჯახო ყოფის კვლევა აზერბაიჯანში, რაც, უმთავრესად, გაიშალა ზემოხსენებული ნარკვევების გამოქვეყნების (1962 წ.) შემდეგ, მნიშვნელოვნად ავსებს მანამდე არსებულ ხარვეზს.

²⁶ «Народы Кавказа», II, 131—133, 185, 202.

III. აფხაზთა საოჯახო ყოფის საკითხები ეთნოგრაფიულ ლიტერატურაში

კავკასიის ხალხთაგან თუკი ვინმე ხანგრძლივად შეინარჩუნა ყოფისა და კულტურის ტრადიციული ფორმები, მათ შორის ერთ-ერთი პირველი ადგილი აფხაზებს უჭირავთ. ტრადიციის შენარჩუნება, თავის მხრივ, დამოკიდებულია ოჯახის სტრუქტურასა და ბუნებაზე, მის შიგნით არსებული ურთიერთობის ხასიათზე, სადაც ხდება ადამიანის აღზრდა და ყველა იმ მეთოდებისა და საშუალებების გამოყენება, რომელიც საზოგადოების წევრის ჩამოყალიბებას ემსახურება. აფხაზური ოჯახი ამ მხრივ უაღრესად საინტერესო სოციალურ უჯრედს წარმოადგენდა, რომელიც ტრადიციული წესრიგით სულდგმულობდა. ეს შეეხება არა მარტო XIX საუკუნის ბოლომდე გადმონაშთის სახით შემორჩენილ დიდ ოჯახს, არამედ ინდივიდუალურ ოჯახსაც, რომელსაც თავისი ფორმისა და სტრუქტურის გამო აღარ შეეძლო დიდი ოჯახისათვის დამახასიათებელი ნორმების დაცვა, მაგრამ ინარჩუნებდა იმ წეს-ჩვეულებებს, რომელთა არსებობა ოჯახის სიდიდეზე არ იყო დამოკიდებული. ბუნებრივია, რომ ასეთი ნიშნების მქონე ოჯახი კვლევის საგანი გამხდარიყო და სავსებით კანონზომიერად მიგვაჩნია აფხაზთა საოჯახო ყოფის შესწავლით დაინტერესება ჯერ კიდევ XIX საუკუნის მეორე ნახევარში, ე. ი. მაშინ, როდესაც ყველა ხალხის ძველი სოციალური ინსტიტუტების გადმონაშთურ სახეობათა კვლევამ საყოველთაო ხასიათი მიიღო.

XIX საუკუნის ავტორები აფხაზთა საოჯახო ყოფის ცალკეულ მომენტებს აღწერდნენ უმთავრესად ისეთი ხასიათის მიმოხილვებში, რომლებშიც მეტ-ნაკლები სისრულით იყო ასახული მთელი აფხაზეთის ან მისი რომელიმე ნაწილის ეთნოგრაფიული თავისებურება. ასეთი ხასიათის მიმოხილვებიდან, რომელთა დიდი ნაწილი უმთავრესად რუსულ პერიოდულ გამოცემებში იბეჭდებოდა, ერთ-ერთ მათგანში გაკვრიტაა ნაჩვენები უფროს-უმცროსობაზე დამყარებული ურთიერთობის ნორმები, უმცროსი მამაკაცების დამოკიდებულება უფ-



როსებისადმი, ოჯახის წევრების თუ სტუმრის თანდასწრებით ვალდებული ცერემონიების შესრულების წესები, ასაკით გაზრდილი უფლება-მოვალეობანი, აღზრდის სისტემა, კვების რეჟიმი, ქალის როლი და უფლებრივი მდგომარეობა ოჯახსა და საზოგადოებაში, მოსახლეობის ეკონომიური პირობები და არსებული საოჯახო მეურნეობისათვის შესაფერისი შრომა-საქმიანობა¹.

აფხაზთა ყოფა-ცხოვრების მრავალ მხარეს, ასევე ზოგად ხაზებში, ეხება კ. მაჭავარიანი, რომელიც განსაკუთრებით დაინტერესებულია ქალის მდგომარეობის შესწავლით. ოჯახსა და საზოგადოებაში ქალის როლსა და უფლება-მოვალეობას ავტორი გვაცნობს მოსახლეობის სოციალური ფენების მიხედვით. ასეთი მიდგომის საფუძველზე ავტორი ავლენს სოციალური მდგომარეობით განსაზღვრულ პირობებს, რაც ყველაზე უფრო ნათელ გამოხატულებას პოულობდა ათალიკობის ინსტიტუტში, ე. ი. ფეოდალთა შვილების გლეხთა ოჯახებში აღსაზრდელად იაბარების ჩვეულებას. ამ ჩვეულების აღწერით, რომლის შესწავლას საბჭოთა მეცნიერებმა სპეციალური გამოკვლევები მიუძღვნეს², კ. მაჭავარიანმა დაგვანახა თუ რაოდენ შრომატევად საქმიანობას ასრულებდა გლეხის ქალი და, თავისი საკუთარი შვილების აღზრდასა და საოჯახო მეურნეობის გაძლოასთან ერთად, რამდენად იტვირთებოდა მიბარებული ბავშვების მოვლა-პატრონობით. ავტორი ასევე დეტალურად აღწერს აფხაზი ქალის მონაწილეობას საკუთარი ოჯახის საქმიანობაში და სტუმრისადმი გამასპინძლების საკმაოდ დამლგელი მოვალეობის შესრულებაში. ამ ასპექტში ქალის მდგომარეობის აღწერასთან ერთად, კ. მაჭავარიანს შეუნიშნავს ოჯახში ძმებს შორის ფუნქციების განაწილების ტრადიცია, რომლის მიხედვით, ერთი ძმა შინსაქმეს მისდევდა, მეორე ცხვრებსა და თხებს პატრონობდა, მესამე საზოგადოებაში მიდიოდა, ბავშვები საქონელს მწყემსავდნენ, ხოლო მოხუცები სახლში ისხდნენ ან სასოფლო მმართველობაში მონაწილეობდნენ³.

¹ А.—а. Экономическое положение туземного населения Сухумского отдела. ССКГ, VI, Тифлис 1872.
 - М. К о с в е н, Атальчество, СЭ, 1935, № 2; შდრ. მ ი ს ი ვ ე, Этнография и история Кавказа, М., 1961, 104—126; Я. С м и р н о в а, Атальчество и усыновление у абхазов в XIX—XX вв., СЭ, 1951, № 2; Ш. И н а л - И п а, Очерки по истории брака и семьи у абхазов, Сухуми, 1954, 26—36; მ ი ს ი ვ ე, Абхазы (историко-этнографические очерки), Сухуми, 1965, 479—496.
³ К. М а ч а в а р и а н и, Некоторые черты из жизни абхазцев. Положение женщины в Абхазии, СМОМПК, IV, Тифлис, 1884, 51—52.



XIX საუკუნეში გამოქვეყნებულ წერილებს შორის განსაკუთრებულ ინტერესს იწვევს მ. ჯანაშვილის ნაშრომი, რომელიც ქმის მთელი აფხაზეთის მოკლე ეთნოგრაფიულ მიმოხილვას მოიცავს და მასში საოჯახო ყოფის ზოგიერთი ნიშან-თვისების გარკვევასაც სათანადო ადგილი უჭირავს. მკვლევარი გვაცნობს აფხაზთა საცხოვრებელ ნაგებობებს, მენიუს, დედაკაცისა და მამაკაცის შრომა-საქმიანობას, ქალის საოჯახო და საზოგადოებრივ მდგომარეობას, ოჯახის წევრთა ურთიერთობის ხასიათს და ა. შ. მ. ჯანაშვილის დაკვირვებით, აფხაზთა ძირითად საარსებო წყაროს, და ამდენად, ოჯახის ეკონომიურ საფუძველს წარმოადგენდა მიწათმოქმედება, მესაქონლეობა და ნაწილობრივად მეფუტკრეობა. მეფუტკრეობას უმთავრესად მისდევდნენ მთისძირა ზოლში. ადრე ყველაზე უფრო გავრცელებული ყოფილა ღომის კულტურა, ხოლო მ. ჯანაშვილის ამ ნაშრომის დაწერის დროისათვის აფხაზებს უკვე მოყვდათ ცოტა ხორბალი და უფრო მეტი სიმინდი, რამაც ღომი მთლიანად გამოდევნა. საშინაო მოთხოვნილების დასაკმაყოფილებლად თესავდნენ აგრეთვე თამბაქოს, ბამბას, სელს, ქერელს და ბოსტნეულს. აფხაზის მთავარ სიმდიდრეს საქონელი შეადგენდა, ურომლისოდაც ოჯახის არსებობა ვერ წარმოედგინათ. ეს აზრი განსაკუთრებით მტკიცედ ყოფილა გამჭდარი მთაბარობის მიმდევართა შორის, რომლებიც ადგილმონაცვლე ცხოვრებას ეწეოდნენ და ფაცხას იქ დაიდგამდნენ, სადაც საქონელი უკეთ გამოიკვებებოდა. ამ ფაქტის ფიქსაციასთან ერთად მ. ჯანაშვილი აღწერს ამ ტიპის საცხოვრებელ ნაგებობათა ფორმებსა და შიდამოწყობილობას, ოჯახის მთავარ საცხოვრებლად წარმოგვიდგენს კვადრატული ფორმის ფაცხას, ხოლო ახალმექორწინეთა საწოლებად ასახელებს კონუსურ ფაცხებს.

XIX საუკუნის მიწურულისათვის აფხაზური ოჯახის ერთ-ერთ ნიშანდობლივ მხარედ მ. ჯანაშვილს მიაჩნია მშობლების გარდაცვალებამდე გაუყრელად ცხოვრების წესი და უფროს-უმცროსობის მიხედვით ოჯახის მართვის სისტემა. იგი ეხება უხუცესი მამაკაცის—ოჯახის უფროსის (pater familias — аѳн аѳаѳ) პრიორიტეტს, რაც იმაში გამოიხატებოდა, რომ მის მორჩილებაში მყოფი ოჯახის წევრები მისი მითითების შესაბამისად მოქმედებდნენ. მას არ ეხებოდა მხოლოდ ქალთა საქმიანობა, რომლის ხელმძღვანელობა მინდობილი ჰქონდა უფროს დედაკაცს (аѳн аѳаѳ аѳѳ). რელიგიურ წეს-ჩვეულებებსაც ოჯახში უფროსი მამაკაცი და

დედაკაცი ასრულებდნენ, ისევე როგორც გვარში უხუცეს კაცს ევალებოდა საგვარო რიტუალის ხელმძღვანელობა. უფროსების ასეთი უფლებების არსებობასთან ერთად, მ. ჯანაშვილს შეუნიშნავი არ ღარჩენია ის გარემოებაც, რომ მათი პრაქტიკული უმოქმედობისა და უგერგილობის შემთხვევაში ინიციატივა გადადიოდა გამჭირახი უმცროსის ხელში და ყველაფერი მისი შეხედულებისამებრ კეთდებოდა.

ოჯახის მმართველობის სისტემასთან ერთად, მ. ჯანაშვილი გვაცნობს გაყრის შემთხვევაში ქონების განაწილების პრინციპსაც. როგორც იგი წერს, თუ ოჯახის გაყრა მოხდებოდა მშობლების სიცოცხლეში, მთელი საოჯახო ქონების ნახევარს მშობლებს აძლევდნენ. თუ ქონებას გაიყოფდნენ დედა და შვილები (მამის გარდაცვალების შემდეგ); დედას, მზითევთან ერთად, მიაკუთვნებდნენ იმდენს, რამდენსაც მის თითოეულ შვილს, რის შემდეგ დედა თავისი სურვილით რომელიმე შვილთან სახლდებოდა. ოჯახის შესაძლებლობის შესაბამისად საქონლის სახით უფროსს გამოუყოფდნენ საუფროსოს (аиһаишаху), ხოლო უმცროსს — საუმცროსოს (აიწნшаху). ჩვეულებისამებრ, მამისეული სახლ-კარი ერგებოდა უმცროსს, ხოლო დანარჩენ ქონებას ძმები თანაბრად იყოფდნენ⁴.

მ. ჯანაშვილის შემდეგ აფხაზთა საოჯახო ყოფას შეეხო ნ. დერჟავინი, რომლის დაკვირვებით, აფხაზეთში გაბატონებული იყო ინდივიდუალურ ოჯახებად ცხოვრების წესი. იგი იმოწმებს მ. ჯანაშვილის ცნობებს გაუყრელად ცხოვრების შესახებ და თავის მხრივ შენიშნავს, რომ 1903 წელს, როდესაც ის აფხაზეთში იმყოფებოდა, დიდი ოჯახი იშვიათად არსებობდა. ნ. დერჟავინი ასახელებს ორ ეზოს, რომელთაგან ერთში ცხოვრობდა ათი ოჯახი, ხოლო მეორეში — რვა ძმა საკუთარი მეურნეობით. ასეთი მონაცემების საფუძველზე იგი ფიქრობს, რომ მის მიერ აღწერილი აფხაზური ოჯახი გვიანდელი მოვლენაა, რომელსაც განუცდია რა სათანადო ევოლუცია, მის წინამორბედ ფორმას წარმოადგენდა ახლო ნათესავეების მომცველი რამდენიმე თაობისაგან შედგენილი დიდი ოჯახი ანუ საოჯახო თემი. მ. ჯანაშვილის ცნობებზე დაყრდნობით, ნ. დერჟავინი ამის კვალს ხედავს უფროს-უმცროსობაზე დამყარებულ მმარ-

⁴ М. Джанашвили, Абхазия и абхазцы, ЗКОРГО, кн. XVI, Тифлис, 1894, 15—18.

თველობის სისტემაში და ოჯახის წევრთა შორის ამავე პრინციპების დიფერენცირებულ სახელწოდებებში⁵.

ზემოხსენებულ ავტორთა შრომების გამოყენებისა და საველე ეთნოგრაფიული მონაცემების საფუძველზე აფხაზთა საოჯახო ყოფის სფეროდან გ. ჩურსინი შეეხო უფროს-უმცროსობის ტრადიციებს და ქალის მდგომარეობას. მკვლევარი აფხაზთა საოჯახო ყოფისათვის დამახასიათებელ ერთ-ერთ ნიშნად თვლის მოხუცისადმი განსაკუთრებულ პატივისცემას და გვაცნობს ქცევის იმ ნორმებს, რაც გამოხატულებას პოულობდა უფროსებისადმი უმცროსების დამოკიდებულებაში. ამავე ჭრილში აღწერს ის ქალის საოჯახო და საზოგადოებრივ მდგომარეობასაც და აღნიშნავს აფხაზი ქალის თავისუფლებას ჩერქეზ, ყაბარდოელ ან დაღესტნელ ქალთან შედარებით. ეს განსაკუთრებით შესამჩნევი ყოფილა პრივილეგიური წოდების ცხოვრებაში, სადაც ქალის უფლებები თითქმის მამაკაცისა უთანასწორდებოდა. ქალის ასეთი თავისუფლების გამოხატულებად მკვლევარი თვლის იმ გარემოებას, რომ ქალი მონაწილეობდა საზოგადოებრივ საქმიანობაში, გამაჰმადიანებულ აფხაზებში ის ჩადრს არ ატარებდა და ა. შ., მაგრამ, ავტორის აზრით, ყოველივე ეს მაინც არ ნიშნავდა დედაკაცისა და მამაკაცის თანასწორუფლებიანობას. უფლებებით განსხვავებას მკვლევარი პირველ რიგში ამჩნევს გლეხის ოჯახში, სადაც უფროსი დიასახლისი საქალებო საქმეებს ხელმძღვანელობდა, მაგრამ ის, სხვა რძლებთან ერთად, შეზღუდულ მდგომარეობაში იმყოფებოდა განსაკუთრებით სტუმარიანობის დროს. ასეთ ვითარებაში ქალი თითქმის შინამოსამსახურის როლს ასრულებდა. ამ მხრივ ყველაზე მეტი ჯაფა აღგებოდა უმცროს რძალს, რომელიც სტუმარს ხელებს აბანიებდა, ტანსაცმლის გახდაში ეხმარებოდა. პატრიარქალური წესებით მცხოვრებ ოჯახში ის სტუმარს ფეხებსაც კი თავისი ხელით ბანდა. სტუმართან და ოჯახის უფროს მამაკაცებთან ერთად რძლების დაჯდომა ხომ გაცილებული იყო⁶.

ზემოაღნიშნულ საკითხებთან ერთად გ. ჩურსინი იკვლევდა აფხაზთა ყოფისა და კულტურის მრავალ სხვა საკითხსაც, რითაც საფუძველი ჩაეყარა აფხაზეთის ეთნოგრაფიის შესწავლის საბჭოურ ეტაპს. ეთნოგრაფიული მუშაობის განვითა-

⁵ Н. Державин, Абхазия в этнографическом отношении, СМОМПК, т. 37, Тифлис, 1907, 5.

⁶ Г. Чурсин, Материалы по этнографии Абхазии, Сухуми, 1957, 19—20.

რების ამ ეტაპზე სათანადო ყურადღება დაეთმო საოჯახო თიერთობის შესწავლასაც. საოჯახო ყოფის კვლევის შედეგები სახა არაერთ ნაშრომში, რომელთაგან პირველ რიგში აღსანიშნავია შ. ინალ-იფას შრომები. მათში განვითარებული თვალსაზრისი აფხაზთა საოჯახო ყოფის შესახებ მკვლევარმა მკაფიოდ ჩამოაყალიბა საკვალიფიკაციო მონოგრაფიებში. პირველ მათგანში, რომელშიც უმთავრესად შესწავლილია აფხაზთა საქორწინო წეს-ჩვეულებები, XVIII-XIX საუკუნეების მონაცემების მიხედვით ავტორი აფხაზური ოჯახისათვის დამახასიათებელ მომენტად თვლის მისი მმართველობის სისტემაში არსებულ სქესობრივ-საკობრივ დიფერენციაციას. პირველ რიგში ეს იმაში პოულობდა გამოხატულებას, რომ ოჯახის უფროსი მამაკაცი აწესრიგებდა ოჯახის „შინაპოლიტიკურ“ საქმეებს, შვილებს შორის ანაწილებდა შრომით ფუნქციებს, ხოლო სადიასახლისო სფეროს უფროსი ქალი განაგებდა. ოჯახში ქალთა სამუშაო მკვეთრად იყო გამოყოფილი და მამაკაცთა ჩაურევლად სრულდებოდა. ასეთი რეჟიმი ქალის მდგომარეობას საკმაოდ ამძიმებდა, ვინაიდან მხოლოდ მის მოვალეობას შეადგენდა წყლის ზიდვა, ბოსტნის დამუშავება, ხელწისქვილის ტრიალი, სტუმრის გაძღოლა, საქმელ-სასმელის მომზადება და სხვა უამრავი საქმიანობა⁷.

შ. ინალ-იფა არ იზიარებს წინამორბედ ავტორთა თვალსაზრისს აფხაზურ ოჯახში უფროსის განუსაზღვრელი, დესპოტიური უფლებების არსებობის შესახებ. მისი განმარტებით, ასეთი შეხედულების საფუძვლად მიჩნეული იყო ცოლისა და უცოლო შვილების მიმართ ოჯახის უფროსის მკაცრი დამოკიდებულების ფაქტი. მკვლევარი იმორწმუნებ შ. ნოგმოვის ნაშრომსაც, სადაც ნათქვამია, რომ ჩერქეზის ოჯახში განუსაზღვრელი ძალაუფლება ჰქონდა ქმარს ცოლის მიმართ, მამას შვილის მიმართ, ძმას დის მიმართ⁸. შ. ინალ-იფას აზრით, ჩერქეზის ოჯახის ეს დახასიათება რამდენადმე ვრცელდება აფხაზთა ძველი ყოფის მიმართაც და იქვე დასძენს: აფხაზებში უფროსის უფლებამოსილება არასოდეს არ ატარებდა განუსაზღვრელი დესპოტიზმის ხასიათს, მაგრამ ამა თუ იმ ზომით იგი გამოხატულებას პოულობდა უმთავრესად ცოლისადმი ქმრის დამოკიდებულებაში⁹.

⁷ Ш. Инал-Ипа, Очерки по истории брака и семьи у абхазов, 153—155.

⁸ Ш. Ногмов, История адыгейского народа, Нальчик, 1947, 39.

⁹ Ш. Инал-Ипа, დასახ. ნაშრომი, 161.

ოჯახის სტრუქტურაზე მსჯელობისას შ. ინალ-იფა იმომწმობს აგრეთვე ნ. დერჟავინის შემოხსენებულ ნაშრომს, საგანგებოდ გამოყოფს მის დაკვირვებებს დიდი ოჯახისა და პატრონიმის არსებობის შესახებ, ხოლო აღნიშნული ვითარების დასამტკიცებლად, თავის მხრივ, XIX საუკუნის მეორე ნახევრის სინამდვილიდან გვაცნობს მანამდე უცნობ ფაქტობრივ მონაცემებს. სანიშნოდ იგი აღწერს ნადლიყვი ამჩბას ოჯახს, რომლის სასადილო მაგიდის ირგვლივ ერთდროულად 42 სული ჯდებოდა. სადილი იმართებოდა დიდ საერთო სახლში, რომელიც განკუთვნილი იყო აგრეთვე მოხუცებისა და დაუქორწინებელთა დასაძინებლად, ხოლო შვიდი ცოლშვილიანი კაცი დიდი სახლის ირგვლივ მდგარ ამხარამი იძინებდა¹⁰.

მსგავსი მონაცემების მიხედვით, ამავე ნაშრომში დასაბუთებულია, რომ მოგვიანო პერიოდშიც, როდესაც დიდი ოჯახი უკვე იშვიათი გამოჩენის სახით გვხვდებოდა, ოჯახის გაყრის მომენტში იკავდნენ აღრინდელ ტრადიციებს, ხოლო დიდი ოჯახის განაყრები ერთ ეზოში ერთიმეორის მეზობლად დასახლებით ქმნიდნენ აბიფარას ანუ პატრონიმის¹¹.

აფხაზთა პატრიარქალური საზოგადოების ზოგიერთი თავისებურების შესწავლისათვის განკუთვნილ წერილშიც შ. ინალ-იფა დიდ ოჯახს განიხილავს წინაფეოდალური სოციალური ინსტიტუტების მრავალრიცხოვან გადმონაშთებს შორის, რომელთა არსებობა საეჭვოდ არ მიაჩნია რეფორმამდელი (1870 წ.) ხანისათვის. ერთ-ერთ ასეთ ერთეულად იგი ასახელებს ყველაზე უფრო დიდ ნათესაურ გაერთიანებას (აყვლა|აყელა), რომლის ორგანულ ნაწილებად თვლის პატრონიმის (აბიფარა) და ოჯახს (ათაღცა) ნაშრომის მიხედვით, ძირითად სამეურნეო ერთეულს თავდაპირველად წარმოადგენდა დიდი ოჯახი, ხოლო შემდგომში პატარა ოჯახი. აფხაზებში ერთიმეორის იდენტურია „სახლი“ და „ოჯახი“, რამდენადაც ერთი ტერმინი (атдзы) ერთდროულად სახლსაც ნიშნავს და დიდოჯახიან სოციალურ ჯგუფსაც. დიდი ოჯახი სახლობდა ან „გრძელ სახლში“, რომელსაც მეორენაირად „აფხაზური“ ეწოდება, ანდა, რაც უფრო ტიპურია, საქორწინო წყვილებად ცხოვრობდნენ „დიდი სახლის“ ირგვლივ განლაგებულ ამხარებში. დიდი სახლი ერქვა

¹⁰ Ш. Инал-Ипа, *დასახ. ნაშრომი*, 185.

¹¹ იქვე, 185—186.



ოჯახის უფროსის სამყოფს, რომლის საერთო კერაზე ცეცხლით
 ქრებოდა. როგორც წესი, აფხაზური დიდი ოჯახი შესდგებოდა
 ძმების ცალკეული ოჯახებისაგან, რომლებსაც არ გააჩნდათ მეურ-
 ნეობრივი დამოუკიდებლობა¹².

შემდგომი ისტორიულ-ეთნოგრაფიული კვლევა-ძიების საფუძ-
 ველზე შ. ინალ-ივამ მრავალმხრივ საყურადღებო მეორე მონოგრა-
 ფიაში კიდევ უფრო გააღრმავა და გააფართოვა თვალსაზრისი იმის
 შესახებ, რომ XIX საუკუნის აფხაზეთში ინდივიდუალური ოჯახის
 გვერდით არსებობდა დიდი პატრიარქალური ოჯახი, რომელიც წარ-
 მოადგენდა მეურნეობრივი და იდეოლოგიური ერთობით შეკავში-
 რებულ ნათესაურ კოლექტივს. ავტორის დაკვირვებით, შრომის
 განაწილების პრინციპი, საკუთრების ხასიათი და მემკვიდრეობის
 წესი გვიჩვენებს, ერთი მხრივ, მამაკაცთა პრიორიტეტს, ოჯახის
 უფროსის — „პატრიარქის“ მეთაურობით, ხოლო, მეორე მხრივ,
 ქალთა რამდენადმე დაჩაგრულ მდგომარეობას¹³.

ავტორს შემდეგ მოჰყავს ფაქტობრივი მონაცემები დიდი ოჯა-
 ხის ძირითადი კომპონენტების შესახებ და რ. ხარაძის გამოკვლე-
 ვების დამოწმების საფუძველზე აღიარებს იმ სტრუქტურულ
 მსგავსებას, რაც ახასიათებდა აფხაზურ და ქართულ საოჯახო თემს
 მათი განვითარების სხვადასხვა საფეხურზე¹⁴. მსგავსების ერთ-ერთ
 საბუთს წარმოადგენდა თუნდაც ის, რომ აფხაზურში, ქართლის
 ანალოგიურად, ერთი ტერმინით აღინიშნებოდა როგორც სახლი,
 ისე გარკვეული სოციალური ერთეული (ოჯახი, გვარი). ამ შემთხ-
 ვევაში ავტორს მხედველობაში აქვს ამხარების შუაში მდგარი „დი-
 დი სახლი“ (იგივე „აფხაზური სახლი“ ანუ „გრძელი სახლი“), რო-
 მელიც თავისი ჩაუქრობელი კერით სადილობის თუ თათბირის
 დროს ოჯახის თვშესაყარსა და მისი უფროსების საცხოვრებელს
 წარმოადგენდა. დასახლების ასეთი სისტემა ავტორს ესახება იმის
 მტკიცების საფუძველად, რომ აფხაზური დიდი ოჯახი შესდგებოდა
 ცალკეული ოჯახებისაგან (ე. ი. საქორწინო წყვილებისაგან — ვ. ი.),
 რომლებიც ცალკე სამეურნეო უჯრედებს არ წარმოადგენდნენ¹⁵.

¹² Ш. Инал-Ипа, Некоторые черты абхазского патриархального общества, КСИЭ, XXXII, 1959, 56, 59.
¹³ Ш. Инал-Ипа, Абхазы, 466.
¹⁴ იქვე, 467—469.
¹⁵ იქვე, 467.

აღნიშნულ გარემოებასთან ერთად გათვალისწინებული მომენტების მიხედვით აფხაზური დიდი ოჯახი ამ ნაშრომში მიჩნეულია პატრიარქალურ-დემოკრატიული ტიპის ერთეულად, რომლისთვისაც დამახასიათებელი იყო სათემო-გვაროვნული ტრადიციებისა და ფეოდალურ-კლასობრივი ნორმების თანაარსებობა, რაც ყველაზე ნათლად ჩანდა ქონებრივ ურთიერთობაში. საოჯახო ქონება საერთო საკუთრებას წარმოადგენდა და მასზე ოჯახის წევრთა სოლიდარული უფლება ვრცელდებოდა, ოღონდ მხოლოდ მამაკაცთა ხაზით. ქალს შეეძლო მიეღო მხოლოდ გარდაცვლილი დის ქონება, ე. ი. სამზითვოდ გადაღებული დოვლათი, როგორც ყველა გასათხოვარი ქალის ხელშეუხებელი საკუთრება. ასეთსავე უფლებას ინარჩუნებდნენ რძლებიც ქმრის ოჯახში მიტანილ მზითვეზე, რაც, სავაოდ მნიშვნელოვანი ღირებულების გამო, ქალს მატერიალური დამოუკიდებლობის გარკვეულ საფუძველს უქმნიდა. გარდაცვლილი მამის ქონებას შვილები თანაბრად იყოფდნენ. მათ მოვალეობას შეადგენდა გასათხოვარი დების შენახვა და გათხოვებისას მათი გამზითვება. უძეოდ გარდაცვლილი კაცის ქონება რჩებოდათ მის ახლო ნათესავ მამაკაცებს, რომელთაც ობოლი ქალებისთვის ძიობა უნდა გაეწიათ. განაყრებს მართებდათ აგრეთვე ქვრივის შენახვა, რომელსაც მამულიდან წილს არ აძლევდნენ¹⁶.

ზემოხსენებულ მონოგრაფიებში დიდი ოჯახისათვის დიდი როლი მხარედ მიჩნეულია სქესობრივ-ასაკობრივი დიფერენციაცია, როგორც ოჯახის მმართველობის, ისე შრომის ორგანიზაციის სფეროში. სხვა ხალხთა მსგავსად, აფხაზთა საოჯახო ყოფაშიც ეს მომენტი გულისხმობდა მამაკაცთა და დედაკაცთა შორის ფუნქციების გამიჯვნას ურთიერთჩაურევლობის მკაცრი ეტიკეტით, ოღონდ ოჯახის უფროსის მაღალი უფლებრივი მდგომარეობისა და ქალის მიმართ მამაკაცის პრიორიტეტის შენარჩუნებით. ავტორმა ამ მომენტს საგანგებო ყურადღება მიაქცია, ვინაიდან ქალისადმი მამაკაცის მკაცრ დამოკიდებულებას ზოგიერთი დამკვირვებელი აფხაზური ოჯახის დესპოტური ხასიათით ხსნიდა. შ. ინალ-იფა იმოწმებს არქივში დაცულ ზოგიერთ აღწერილობას, სადაც ეს თვალსაზრისი გატარებული და უარყოფს მამაკაცისა და ქალის ამგვარი ურთიერთობის მოტივით შემუშავებულ თვალსაზრისს ოჯახის დესპოტური ბუნების შესახებ, რამდენადაც ოჯახის უფროსის თუ სხვა მამაკაცების სიმკაცრე ცოლების მიმართ არ ნიშნავდა ოჯახის უფროსის

¹⁶ Ш. Инал-Ипа, Абхазы, 472—473.



განუსაზღვრელ, ერთპიროვნულ ძალაუფლებას და მისადმი ხის დანარჩენი წევრების მონურ მორჩილებას¹⁷. შ. ინალ-იფას არგუმენტის სასარგებლოდ მკაფიოდ ლაპარაკობს საერთო-საოჯახო საკუთრების ხასიათი, რის შესახებაც ზემოთ გვქონდა საუბარი.

ეთნოგრაფიული კვლევა-ძიების პრაქტიკამ გვიჩვენა, რომ ოჯახის ფორმის განსაზღვრის ერთ-ერთ მნიშვნელოვან ობიექტს წარმოადგენს საცხოვრებელი კომპლექსი, რომლის აფხაზური სახეობის აღწერისა და მისი სოციალური მხარის ჩვენებისას ი. აზინჯალი მასში მცხოვრები ოჯახის ზოგიერთ თავისებურებასაც შეეხო.

ავტორის დაკვირვებით, საცხოვრებელი კომპლექსის მთავარ ნაგებობას წარმოადგენდა აფხაზური გრძელი სახლი, ანუ დიდი სახლი, რომელიც, ამხარებით გარემომორტყმული, შუა ეზოში იდგა. ამ სახლში ერთი საოჯახო კერა, რომლის ახლოს სრულდებოდა ყოველგვარი საოჯახო რიტუალი. ამიტომ იყო, რომ ოჯახის გაყრის შემდეგ განაყრები საერთო კერიდან აღებული ცეცხლით აღვივებდნენ ახალ სახლში მოწყობილ კერას. დიდ სახლში მუდმივად ცხოვრობდნენ და იძინებდნენ უფროსი თაობის წარმომადგენლები, ხოლო მთელი ოჯახი იქ იმყოფებოდა საუზმის, სადილის და ვახშმის დროს. უფროსი ქალის ხელმძღვანელობით რძლები მორიგეობით აქვე ამზადებდნენ საქმელს. პირველ რიგში სუფრას შემოუსხდებოდნენ მამაკაცები, ხოლო შემდეგ ქალები და ბავშვები. ზოგჯერ კი ყოველი რძალი თავისთვის და თავისი შვილებისათვის საქმელს ამხარაში გაიტანდა. ჭამის დამთავრების შემდეგ ოჯახის წევრები დასასვენებლად გადიოდნენ თავ-თავიანთ იზოლირებულ სათავსოებში (ამხარებში). აღნიშნული წესრიგი დამახასიათებელი იყო ავტორის მიერ აღწერილი გადმონაშთური სახეობის საოჯახო თემისათვის, რომლის წევრთა ურთიერთობა ემყარებოდა უფროს-უმცროსობის მკაცრად მოქმედ რეჟიმს. ამასთან ერთად, ოჯახს აერთიანებდა საერთო წინაპრიდან წარმომავლობა და ერთ ეზოში კომპაქტურად ცხოვრება საერთო მეურნეობით და საერთო საკუთრებით. საოჯახო თემის წევრები ერთად ფლობდნენ ჯოგსა და მიწას, რომელსაც კოლექტიურად ამუშავებდნენ, ხოლო ყველა სახის შემოსავალი ოჯახში ერთად იყრიდა თავს. საოჯახო თემის ნიშნად ავტორს ესახება აგრეთვე მისი მრავალსულიანობა და რამდენიმე ურთიერთმონათესავე ოჯახის (საქორწინო წყვილის — ვ. ი.) ერთად

¹⁷ Ш. Инал-Ипа, Очерки по истории брака и семьи у абхазов, 153—155, 161; მ ი ს ი ვ ე, Абхазы, 474, 478.



ცხოვრება, რომელთა ერთობლიობა შეადგენდა საოჯახო თემს დიდ ოჯახს (ათააციაღუ). ასეთი ვითარება ი. აჯინჯალს ტურებული აქვს აფხაზეთის სხვადასხვა კუთხეში შექრებილი მასა-ლით, რომელიც შეიცავს საინტერესო ფაქტობრივ მონაცემებს დიდი ოჯახების რიცხობრივი შემადგენლობის (21, 32, 63 სული ერთად) შესახებ¹⁸.

XIX საუკუნის ეთნოგრაფიული მონაცემების მიხედვით, აფხაზეთა საოჯახო ყოფას სპეციალური ნაშრომი მიუძღვნა ი. სმირნოვამ, რომელსაც მიაჩნია, რომ XIX საუკუნის აფხაზეთში ადგილი ჰქონდა ფეოდალური ურთიერთობისა და გვაროვნული წყობის გადმონაშთების თანაარსებობას. არქაული ეპოქის ერთ-ერთ ასეთ გადმონაშთად იგი თვლის დიდ ოჯახს, რომელიც XIX საუკუნის ბოლოს თითქმის მთლიანად ისპობა და საყოველთაო ხასიათს იღებს პატარა ოჯახებად ცხოვრების წესი¹⁹.

მთხრობელთა ცნობებზე დაყრდნობით ავტორი აღნიშნავს, რომ XIX საუკუნის პირველ ნახევარში ოჯახის უფროსის გარდა-ცვალებამდე კოლმვილიანი კაცების ცალკე გამოყოფა იშვიათად ხდებოდა. ისინი შედიოდნენ საოჯახო თემის შემადგენლობაში, რომელიც ზოგჯერ ასამდე სულს ითვლიდა და რომელსაც აფხაზურად ეწოდებოდა აინდუ (დიდი სახლი), ანუ ათააცვარადუ (დიდი ოჯახი). დროთა ვითარებაში ასეთი ოჯახების რიცხობრივი შემადგენლობა კლებულობდა. XIX საუკუნის ბოლო მეოთხედში დიდი ოჯახი უმთავრესად 20-30 სულს აერთიანებდა. ამის დამადასტურებელი ფაქტობრივი მონაცემების მიმოხილვის შემდეგ ნაშრომში მითითებულია, რომ ოჯახს მართავდა მამა, რომელიც, მნიშვნელოვანი საკითხების გადაწყვეტის მიზნით, იწვევდა საოჯახო საბჭოს სრულწლოვანი მამაკაცებისა და უფროსი დედაკაცების მონაწილეობით, თუმცა მას უფლება ჰქონია ოჯახიდან თვითნებურად გამოყოფილი შვილი უწილოდ დაეტოვებინა. ყველა სახის ქონება და შემოსავალი საოჯახო საკუთრებად ითვლებოდა, მაგრამ ოჯახის უფროსის განკარგულებაში იმყოფებოდა. ოჯახის წევრთა პირად საკუთრებას წარმოადგენდა მამაკაცებისათვის მხოლოდ ტანსაცმელი და იარაღი, ხოლო ქალებისათვის ტანსაცმელი, სამკაული და მზითევი²⁰.

¹⁸ И. Аджинджал, Из этнографии Абхазии, Сухуми, 1969, 69—98.
¹⁹ Я. Смирнова, Семейный быт и общественное положение абхазской женщины (XIX—XX вв.), КЭС, I, М., 1955, 114—116.
²⁰ Я. Смирнова, *დასახ. ნაშრომი*, 117.



აფხაზური დიდი ოჯახისათვის დამახასიათებელ ნიშნად ავტორის მიაჩნია ოჯახის წევრთა შორის ფუნქციების განაწილება სქესისა და ასაკის მიხედვით. შრომის ორგანიზაციისა და უფლება-მოვალეობის განსაზღვრის ამგვარი პრინციპი ექვემდებარებოდა იმ აუცილებელ პირობას, რომ ოჯახის საერთო ხელმძღვანელობა და მამაკაცთა შრომის ორგანიზაცია ოჯახის უფროსის ხელმეუხებელ უფლებას წარმოადგენდა, ხოლო ქალთა შრომა-საქმიანობის თაოსნობა და მათი ზედამხედველობა უფროსი ქალის კომპეტენციაში შედიოდა²¹.

ამგვარი ოჯახის გაყრა თუ მამის სიცოცხლეში მოხდებოდა, საერთო ქონების ნახევარს მამა იტოვებდა, ხოლო ნახევარს მისი შვილები თანაბრად ინაწილებდნენ. თუ გაყრა მამის გარდაცვალების შემდეგ მოხდებოდა, ქონებას შვილები თანასწორად იყოფდნენ, ოღონდ უფროს და უმცროს ძმას გარკვეულ პრივილეგიებს ანიჭებდნენ. ავტორის მიერ დამოწმებული ერთი ცნობის მიხედვით, უფროსს შეეძლო საუფროსოს სახით მიეღო მამისეული სახლი, ცხენი და იარაღი. მეორე ცნობის მიხედვით კი, მამისეულ სახლს მიიღებდა უმცროსი, ხოლო უფროსს უფლება ჰქონია ამოერჩია ერთი სული საქონელი, ან ყველა სახის პირუტყვიდან თითო სული აეყვანა.

ი. სმირნოვას დაკვირვებით, ზემოაღნიშნული წესი XIX საუკუნის მიწურულში დავიწყებას მისცემია, ჩვეულებისამებრ ძმები ქონებას თანაბრად ინაწილებდნენ, ხოლო მამისეული სახლი რჩებოდა უმცროსს, რომელთანაც საცხოვრებლად რჩებოდნენ დედა და გასათხოვარი დები. დების გამზითვება ყველა ძმის მოვალეობას შეადგენდა. რაც შეეხება მ. ჯანაშვილის ცნობას იმის შესახებ, რომ დედა შვილების თანაბარ წილს ღებულობდა, ამას ი. სმირნოვა სარწმუნოდ არ მიიჩნევს, რამდენადაც ეს არც XIX საუკუნის ლიტერატურული წყაროებით დასტურდება და არც თვით ს. სმირნოვას ხელთ არსებული ეთნოგრაფიული მასალით მტკიცდება²².

ი. სმირნოვას მხედველობაში აქვს ის გარემოება, რომ XIX საუკუნის მიწურულში შემორჩენილ დიდ ოჯახს აფხაზეთში ახასიათებდა შედარებით მცირერიცხოვანი სულადი შემადგენლობა, დაღმავალი ნათესაობა და, რაც მთავარია, დემოკრატიული ხასიათის მკვეთრი შეცვლა ოჯახის უფროსის ძალაუფლების გაძლიერებით.

²¹ Я. Смирнова, დასახ. ნაშრომი, 123.
²² იქვე, 143—144.

ასეთი მონაცემების მქონე აფხაზური ოჯახი მან მიაკუთვნა გვიანდროინდელი დიდი ოჯახის ტიპს, რომელსაც მ. კოსვენმა უწოდა „სამამო დიდი ოჯახი“²³.

ი. სმირნოვას შეხედულებით, აფხაზეთში დიდი ოჯახის საბოლოო დაშლა განაპირობა შინაგანმა წინააღმდეგობამ, რაც შეიქმნა სასაქონლო-ფულადი ურთიერთობის განვითარების პირობებში, როდესაც ოჯახის უფროსი ცდილობდა კოლექტიური შრომით მობოვებელი ქონების ერთპიროვნული მესაკუთრე გამხდარიყო და, თავის მხრივ, ოჯახის დანარჩენი წევრებიც კერძო საკუთრების დაგროვებისაკენ მიისწრაფვოდნენ. ავტორს არც ის დაარჩენია შეუძინეველი, რომ ერთობის ტრადიცია ოჯახის გაყრის შემდეგაც, ახალ პირობებში ერთხანს კიდევ გრძელდებოდა, რამდენადაც ერთ ეზოში დასახლებულ განაყრებს მამისეული „დიდი სახლი“ აკავშირებდათ²⁴. ტრადიციის გაგრძელებას ხედავს ავტორი იმავით, რომ საბჭოთა აფხაზეთში, ინდივიდუალური ოჯახის აბსოლუტური ბატონობის პირობებში, აქა-იქ შეიმჩნეოდა მშობლებთან ერთად ცოლ-შვილიანი შვილების ან მშობლების გარდაცვალების შემდეგ ცოლ-შვილიანი ძმების გაუყრელად ცხოვრების შემთხვევები. ადრინდელი გაუყრელად ცხოვრების გადმონაშთად მიაჩნია ავტორს გაყრილი ძმების ერთ ეზოში ცხოვრების წესიც²⁵.

საკოლმეურნო ყოფაში ადრინდელი ტრადიციების შემონახულობაზე მიუთითა აგრეთვე ლ. აკაბამ²⁶. ძველი ყოფის გადმონაშთად მას მიაჩნია გაუყრელად ცხოვრების იშვიათი შემთხვევები. ლ. აკაბას დაკვირვებით, ეს გაუყრელობა აღინიშნებოდა 10-15 სულის ერთად ცხოვრებით; ის ტრადიციებიც (ფუნქციების განაწილება სქესისა და ასაკის მიხედვით, ურთიერთდამოკიდებულების ადრინდელი ნორმები, უფროსებისადმი პატივისცემა, ქალის შეზღუდული მდგომარეობა, რიგ შემთხვევაში ცოლ-ქმრის გაყრის საკითხის განხილვა ძველი ადათების გამოყენებით და ა. შ.), რომლებიც ადრე დიდი ოჯახისათვის იყო დამახასიათებელი, უმთავრესად აქა-იქ შემორჩენილ მრავალრიცხოვან ოჯახებში ცოცხლობდა. ლ. აკაბას ისიც აღნიშნული აქვს, რომ წარსულში დიდ ოჯახებად ცხოვრების წესი აფხაზთა ყოფისათვის დამახასიათებელ მოვლენას წარ-

²³ Я. Смирнова, *დასახ. ნაშრომი*, 117—118.
²⁴ იქვე, 118.
²⁵ იქვე, 177.
²⁶ Л. Акаба, *Абхазы очамчирского района, КЭС, I*, 92—94.



მოადგენდა, მაგრამ იგი არ ამტკიცებს, რომ საკოლმეურნეო ყოფი-
 ში არსებული ზოგიერთი მრავალრიცხოვანი ოჯახი საოჯახო თემის
 განმეორება იყო. როგორც ი. სმირნოვას, ისე ლ. აკაბას ნაშრომებ-
 ში ზემოაღნიშნული მოვლენები განხილულია როგორც ძველი
 ყოფიდან იშვიათი გამოჩაყლისის სახით შემორჩენილი გადმონაშ-
 თები. ისინი გვაცნობენ იმ ტრადიციებს, რაც ძველი საოჯახო ყო-
 ფიდან მემკვიდრეობით მიიღო ახალმა საოჯახო ყოფამ, მაგრამ არ-
 სად არ სვამენ იდენტურობის ნიშანს საოჯახო თემსა და ახალ ყო-
 ფაში დამოწმებულ მრავალსულიან ოჯახს შორის. ამდენად, იმის
 მტკიცება, თითქოს მათ კოლმეურნეთა ოჯახებს შორის საოჯახო
 თემი აღმოაჩინეს²⁷, ყოველად გაუმართლებელ ბრალდებად მიგ-
 ნაჩნია.

განხილული ლიტერატურა ნათლად გვიჩვენებს, რომ XIX სა-
 უკუნის ბოლომდე აფხაზებში ჯერ კიდევ დავიწყებას არ მისცემო-
 და გაუყრელად ცხოვრების აღრინდელი წესი, დიდი ოჯახი წარ-
 მოადგენდა საოჯახო თემის გადმონაშთურ სახეობას და მას გარკ-
 ვეული ადგილი ეჭირა საზოგადოებრივი ურთიერთობის სფე-
 რაში.

აფხაზთა საოჯახო ყოფის მკვლევართა ეს მონაპოვარი მნიშვ-
 ნელოვან მიღწევად იქნა აღიარებული საბჭოთა ეთნოგრაფიაში²⁸.
 მოსალოდნელი იყო, რომ ახალი მასალის დაგროვებისა და ამის
 საფუძველზე აფხაზთა საოჯახო ყოფის კვლევის შემდგომ ეტაპზე
 ღირსეულად შეფასდებოდა არსებული ლიტერატურული მემკ-
 ვიდრეობა, მაგრამ ერთ-ერთმა ეთნოგრაფმა²⁹ არჩია ყოველგვარი
 დასაბუთების გარეშე უარეყო ზემოხსენებულ მკვლევართა მიერ
 გამომხეურებული ფაქტობრივი მონაცემები და მისი ანალიზის
 საფუძველზე შემუშავებული თვალსაზრისი დიდი ოჯახის გადმო-
 ნაშთური ბუნების შესახებ. შემდეგ იმის სურვილიც გაუჩნდა, რომ
 ასევე ხელაღებით დაეწინებინა მ. კოსვენის კონცეფცია დიდი
 ოჯახის ტიპოლოგიის შესახებ და უადგილოდ დაემოწმებინა ი. ჭყო-
 ნიას ორი წერილი³⁰, რომლებშიც მოცემულია იმის დამტკიცების

²⁷ И. Чкони я, О природе большой семьи, Тб., 1964, 3.
²⁸ М. Косвен, Этнография и история Кавказа, М., 1961, 100; მ ი ს ი-
 ვ ე, Семейная община и патронимия, М., 1963, 20.
²⁹ А. Кучбери я, Большая семья у абхазов, კურს. „მაცნე“, 1968, № 5.
³⁰ И. Чкони я, Некоторые вопросы семейной общины в Картли, „ის-
 ტორიის ინსტიტუტის შრომები“, I, თბ., 1955; მ ი ს ი ვ ე, О природе большой
 семьи.



უშედეგო ცდა, თითქოს კლასობრივ საზოგადოებაში არსებული დიდი ოჯახი გენეტიკურად დაკავშირებული არ ყოფილა წინასწარ სობრივ საოჯახო თემთან³¹. ამის შემდეგ ავტორს მოჰყავს ფაქტობრივი მონაცემები აფხაზური დიდი ოჯახის შესახებ და მათი მემკვიდრეობით საკმაოდ ნათელ წარმოდგენას გვიქმნის გადმონამთვის სახით შემორჩენილ იმ ძირითად ელემენტებზე, რომლებიც საოჯახო თემთან მოგვიანო დროის დიდი ოჯახის გენეტიკური კავშირის მაჩვენებელია. ზოგიერთი ასეთი კომპონენტი ავტორსაც მიაჩნია შორეულ წარსულში საოჯახო თემის არსებობის საბუთად. ის ამ თვალსაზრისით განიხილავს ოჯახის გაუყრელობის, მისი ნათესაობრივი ერთობის და მიმართვის ფორმებისათვის დამახასიათებელ ტერმინებს, რომლებიც XIX საუკუნის ბოლომდე არსებულ დიდ ოჯახში ცოცხლობდნენ, მაგრამ ბოლოს, ისევე როგორც სტატიის დასაწყისში, იგი კვლავ ავითარებს აზრს, რომ აფხაზური დიდი ოჯახი არ წარმოადგენდა საოჯახო თემის გადმონამოურ სახეობას. თავის მიერ მოპოვებული მასალის შეუფასებლობამ და სხვისი შეხედულებების ბრმად გაზიარებამ, რასაც საკუთრივ აფხაზურ ეთნოგრაფიულ მასალასთან არავითარი კავშირი არა აქვს, ავტორი იმ თვალსაზრისის აღიარებამდე მიიყვანა, რომ „Образование больших семей не могли быть обязательным, но они возникали по мере надобности как трудовая кооперация близких родственников“.³²

³¹ სრულ გაუგებრობაზე დამყარებული მსჯელობა იმის შესახებ, რომ კლასობრივი ურთიერთობის განვითარების სხვადასხვა საფეხურზე არსებული დიდი ოჯახი გენეტიკურად საოჯახო თემთან დაკავშირებული არ არის, ახლო ნათესაობაშია XIX საუკუნის მეორე ნახევარში არსებულ ერთ-ერთ დღენაკლულ თეორიასთან, ე. წ. „არტელურ თეორიასთან“, რომლის მიხედვით დიდი ოჯახი ვაიგივებული იყო მეფობრივ ასოციაციასთან, არტელთან. ამ „თეორიიდან“ ი. ჰუმინის მიერ ნასესხებ „დებულუბას“ იმის შესახებ, რომ „დიდი ოჯახი კოოპერაციის თავისებურ ფორმას წარმოადგენდა“, დაემატა სათანადო დასაბუთებას მოკლებული მისივე ფრაზები, რითაც ოჯახის სიდიდე გათანაბრებულია მის სიმდიდრესთან, მდიდარ ოჯახად მიჩნეულია მხოლოდ მრავალრიცხოვანი ოჯახი და ის წოდებულია კულაკურ ოჯახად. ასეთ გაუგებრობათა უსაფუძვლობის შესახებ თავის დროზე ვრცლად ითქვა ჩვენს შრომებში (ე. ი. თ. ო. ნ. ი. შ. ც. ი. ლ. ნინი ოჯახის შესახებ, „მნათობი“, 1970, № 9; მ. ი. ს. ი. ვ. ე, საოჯახო ყოფა მთიულეთ-გულდამაყარში, კვ. III, თბ., 1971; მ. ი. ს. ი. ვ. ე. ქართლის მთიულთა ყოფა-ცხოვრებიდან, თბ., 1974; მ. ი. ს. ი. ვ. ე. ოჯახის ეკონომიური საფუძვლები წოვა-თუშებში, „ივანე ჯავახიშვილის დაბადების 100 წლის თავისადმი მიძღვნილი საიუბილეო კრებული“, თბ., 1976), რის გამო აქ საიტყვას აღარ ვაეკრძელებთ.

³² А. Кучберия, დასახ. ნაშრომი, 168.

როგორც ვხედავთ, ჩვენს ეპოქაში კიდევ ერთი მემკვიდრე გამოიყენდა ერთ საუკუნეზე მეტი ხნის წინათ მოქველებულ „არტელურ თეორიას“ და მან კიდევ ერთი „საბუთი“ შესძინა ბურჟუაზიულ თვალსაზრისს ინდივიდუალური ოჯახის თავდაპირველობის შესახებ.

ა. ქუჩბერიას სტატიის გამოქვეყნებიდან სამი წლის შემდეგ დაიბეჭდა ს. ბახიას წერილი³³, რომელშიც, ავტორის მიერ გულდაუთის რაიონში შეკრებილი ეთნოგრაფიული მასალის მიხედვით, აღწერილია აფხაზური დიდი ოჯახის ზოგიერთი ტრადიციული ნიშან-თვისება, სახელდობრ, საოჯახო ქონების გაყოფის წესი. მაგრამ ამ წესის აღწერამდე ავტორი გვაცნობს ფაქტობრივ მონაცემებს დიდი ოჯახების შემადგენლობისა და ქონებრივი მდგომარეობის შესახებ, ურომლისოდაც გაჭირდებოდა ქონების განაწილების წესზე გარკვეული წარმოდგენის შექმნა. ეს მონაცემები საგრძნობლად ავსებენ ჩვენს ცოდნას აფხაზური დიდი ოჯახის შესახებ და, არსებულ სამეცნიერო მემკვიდრეობასთან ერთად, კიდევ ერთხელ მიგვანიშნებენ იმ გარემოებაზე, რომ აფხაზებში ინდივიდუალური ოჯახის დიდი ხნიდან დომინანტობის პირობებში ხანგრძლივად არსებობდა გაუყრელად ცხოვრების ტრადიციაც. ნათლად ჩანს ერთობის ტრადიციების შემონახულობა ოჯახების გაყრის შემდეგაც, რაც ახსნილია პატრონიმიული ორგანიზაციის არსებობით.

ს. ბახიას მიერ გამოვლენილი და კვალიფიცირებული მასალის მიხედვით, საოჯახო ქონების გაყოფა ხდებოდა მოწილეებად მიჩნეული უფროსი თაობის მამაკაცებზე. სულელებზე ანაწილებდნენ მხოლოდ უკანასკნელი წლის სარჩოს. ტრადიციული წესით ოჯახის გაყრის შემთხვევაში, ე. ი. მამის გარდაცვალების შემდეგ, „დიდ სახლში“ რჩებოდა ძმებს შორის უფროსი, რომელიც გაყრამდე ოჯახის მეთაურის მოვალეობას ასრულებდა. მამის სიცოცხლეშივე ოჯახის გაყრის შემთხვევაში კი ამ სახლში რჩებოდნენ მშობლები, დაუქორწინებელი ვაჟები და გაუთხოვარი ქალები. დანარჩენი ძმები სახლდებოდნენ გაყრამდევე აშენებულ ახალ სახლებში და თანაბრად ანაწილებდნენ სამეურნეო ნაკვეთებს მათი მღებარეობისა და გამოსავლიანობის გათვალისწინებით. ასეთივე პრინციპი ედო საფუძვლად საქონლის, ფუტკრისა და სხვა სახის ქონების გაყოფასაც. ასაკისა და დამსახურების მიხედვით ზედმეტი ქონების (საუფროსო, საუმცრო-

³³ ს. ბ ა ხ ი ა, საოჯახო ქონების გაყოფის წესი აფხაზეთში ძველად, „საისტორიო კრებული“, II, თბ., 1971.

სო) მიკუთვნება სავალდებულოდ არ ითვლებოდა, მაგრამ ტრადიციის მიხედვით უფროსიდან უფროსის ხელში გადადიოდა ოჯახში დაცული მამაბაბური ნივთები, უმთავრესად ქამარ-ხანჯალი. ასევე მიღებული ყოფილა უცოლო ვაჟისთვის საქორწილოს, ხოლო მოხუცთათვის სამარხოს გამოყოფა, ძირითადად, საქონლის სახით. საოჯახო დოვლათის გარკვეული ნაწილი (ხელსაფქვეავი, აჯიკის სანაყი ქვა, სპილენძის დიდი ქვაბი, ურემი, მუშა საქონელი და ზოგჯერ მიწის ნაკვეთი) ზოგჯერ განაყრების ერთობლივ სარგებლობაში რჩებოდა, რაც შემდეგში პატრონიმიულ საკუთრებაში გადადიოდა.

ყოველივე ეს გვიჩვენებს ოჯახის ტიპის განსაზღვრაში საკუთრების ფორმების შესწავლის მნიშვნელობას, რომლის საფუძველზეც ავტორმა შენიშნა ა. ქუჩბერიას წერილში დაშვებული ის შეუსაბამობა მასში განხილულ მასალასა და „არტელური თეორიიდან“ ნასესხებ სქემებს შორის, რის შესახებაც ზემოთ გვქონდა საუბარი.

აფხაზთა ყოფისა და კულტურის შესწავლა დღეს ფართო გემით მიმდინარეობს³², რაშიაც მნიშვნელოვანი ადგილი უჭირავს საოჯახო ყოფის საკითხებს, რამდენადაც მისი კვლევის დონეზე ბევრად არის დამოკიდებული არა მარტო საკუთრივ სოციალური ურთიერთობის, არამედ საერთოდ აფხაზეთის ეთნოგრაფიის შესწავლა მეცნიერების თანამედროვე მოთხოვნილებათა შესაბამისად.

³² А. Аншба, С. Зухба, Этнографические и фольклористические исследования в Абхазии за годы Советской власти, СЭ, 1974, № 1.

IV. ჩრდილო-დასავლეთ კავკასიის ხალხთა საოჯახო ყოფის საკითხები ეთნოგრაფიულ ლიტერატურაში

ჩრდილო-დასავლეთ კავკასიის მკვიდრი მოსახლეობა ეთნო-
 ლინგვისტური კლასიფიკაციის მიხედვით ორ ჯგუფად იყოფა. მოსა-
 ხლეობის უმრავლესობა განეკუთვნება იბერიულ-კავკასიურ ოჯახს,
 კერძოდ, აფხაზურ-ადიღეურ შტოს, ხოლო მეორე ჯგუფს შეადგენენ
 თურქულენოვანი ხალხები: ყარაჩაელები (ცხოვრობენ ყარაჩა-ჩერქ-
 ქეზეთის ავტონომიური ოლქის სამხრეთ ნაწილში) და ბალყარები
 (ცხოვრობენ ყაბარდო-ბალყარეთის ასსრ სამხრეთ და სამხრეთ-და-
 სავლეთ ნაწილებში). აფხაზურ-ადიღეური განშტოებიდან ყველაზე
 მრავალრიცხოვანნი არიან ყაბარდოელები (ცხოვრობენ ძირითადად
 ყაბარდო-ბალყარეთის ასსრ-ში, ხოლო ცალკეული დასახლებების სა-
 ხით ადიღეს ავტონომიურ ოლქში და ჩრდილო ოსეთის ასსრ-ში).
 ამავე შტოს ეკუთვნიან ჩერქეზები (ცხოვრობენ ყარაჩა-ჩერქეზე-
 თის ავტონომიურ ოლქში), აბაზები (კომპაქტურად ცხოვრობენ ყა-
 რაჩა-ჩერქეზეთის ავტონომიურ ოლქში, ხოლო გაფანტულად მო-
 სახლეობენ აგრეთვე ადიღეს ავტონომიურ ოლქში) და საკუთრივ
 ადიღეები (ცხოვრობენ კრასნოდარის მხარეში, ადიღეს ავტონო-
 მიურ ოლქში).

აფხაზურ-ადიღეურ განშტოებაში შემავალი ხალხების ეთნიკურ
 ნომენკლატურაში ეთნონიმი ადიღე საერთო სახელწოდებაა ერთ-
 ერთი უძველესი კავკასიელი ხალხისა, რომელიც გარკვეული ისტო-
 რიული პროცესების შედეგად სამ ხალხად დაიყო: საკუთრივ ადი-
 ღეებად, ჩერქეზებად და ყაბარდოელებად. ენობ-
 რივადაც ისინი განეკუთვნებიან იბერიულ-კავკასიურ ენათა
 ოჯახის აფხაზურ-ადიღეურ ჯგუფს. ეს ჯგუფი შედგება სამი ენისა-
 გან: აფხაზურისა, ადიღეურისა (ანუ ჩერქეზულისა) ყაბარდოული-
 თურთ და უბიხურისაგან. უბიხურ ენაზე კავკასიაში აღარავენ ლაპა-
 რაკობს, ვინაიდან 1864 წელს უბიხთა ტომი მთლიანად გადასახლ-
 და თურქეთში. ყაბარდოელები და ჩერქეზები ლაპარაკობენ ერთ

ენაზე (ყაბარდულ-ჩერქეზულზე), ხოლო ადიღების სალაპარაკო ენაა ადიღური ანუ კახური¹.

კავკასიის ხალხთა ეთნოგრაფიისადმი მიძღვნილ განმაზოგადებელ ნაშრომში² ყაბარდოელებისა და ჩერქეზების ეთნოგრაფიული მიმოხილვა ერთადდა მოცემული, ხოლო ადიღებისა ცალკე, რაც დასაბუთებულია მათი ბოლოდროინდელი ურთიერთობით (ყოფისა და კულტურის სიახლოვეთ თუ დაშორებით). ამ ხალხთა ერთი ისტორიული წარმომავლობის გამო რევოლუციამდელ ლიტერატურაში, ყოფისა და კულტურის აღწერისას, მათ შორის მკვეთრი ზღვარი არაა გავლებული და საოჯახო ყოფაზე მსჯელობის დროსაც ეთნიკური ცნება ადიღე ან ადიღეელი ზემოხსენებული სამი ხალხის (ადიღელები, ჩერქეზები, ყაბარდოელები) ერთობას გულისხმობს. ეს გარემოება გათვალისწინებულია ამ ნაშრომშიც, მასში ნაჩვენებია როგორც ადიღებში შემავალი ხალხების, ისე მათი მონათესავე აბაზებისა და ზემოხსენებული თურქულენოვანი ხალხების (ყარაჩაელები, ბალყარლები) საოჯახო ყოფის შესწავლის მდგომარეობა.

* *
*

უძველესი სოციალური ინსტიტუტების გადმონაშთური ფორმით ჩანგრძლივად არსებობის გამო ადიღთა საზოგადოებრივი და საოჯახო ყოფა ადრინდანვე ეთნოგრაფიულ დაკვირვებათა საინტერესო სფეროდ იქცა. XIX საუკუნის მთელ სიგრძეზე და განსაკუთრებით მის წინა პერიოდში ადიღეში მკვლევარს მასალის ძებნა არ ჭირდებოდა ისეთი მოვლენების შესწავლისათვის, როგორიც იყო დიდი ოჯახი, პატრონიზმი, სოფლის თემი, მესისხლეობა, ქორწინების უძველესი ფორმები მისთვის დამახასიათებელი არქაული ელემენტებით (ეგზოგამია, ქალის მოტაცება, ლევირატი, სორორა-

¹ არნ. ჩიქობავა, ენათმეცნიერების შესავალი, თბ., 1952, 367; ზ. ან-ჩაბაძე, თ. ბოცვაძე, გ. თოგოშვილი, მ. ცინცაძე, ჩრდილო კავკასიის ხალხთა ისტორიის ნარკვევები, I, თბ., 1969, 5; Народы Кавказа, I, М., 1960, 22, 25, 138; В. Гарданов, Общественный строй адыгских народов (XVIII—первая половина XIX в.), М., 1967, 5; Н. Волкова, Этнонимы и племенные названия Северного Кавказа, М., 1973; მ. სიციე, Этнический состав населения Северного Кавказа в XVIII — начале XX века, М., 1974.

² Народы Кавказа, I, 138—231.



ტი...) და მრავალი სხვა. XVIII—XIX საუკუნეებში ამ მოვლენებს, როგორც მაშინდელ ეთნოგრაფიულ სინამდვილეში ჯერ კიდევ ქმედ გამონათქვამი ტიპის ინსტიტუტებს, უშუალო დაკვირვების გზით აღწერდნენ. ამ მხრივ ყველაზე უფრო ხელმეწიქსებსა და უცხო პირისთვის ადვილად შესამჩნევ ობიექტს წარმოადგენდა ოჯახი, რომელთანაც მოგზაურ-დამკვირვებელი უშუალო კონტაქტს ამყარებდა და მას მონათხრობის მიხედვით კი არ აღწერდა, როგორც დღეს ვაკეთებთ დიდი ხნის წინათ მოშლილი მოვლენების შესწავლის მიზნით, არამედ აღწერდა საკუთარი თვალის შენიშნულ ცოცხალ სინამდვილეს. როგორც მ. კოსვენმა დაადგინა, ამ გზით ფიქსირებული პირველი ცნობა კავკასიის ხალხთა ყოფაში დიდი ოჯახის არსებობის შესახებ რუსულ წყაროებში 1784 წელს გაჩნდა სწორედ ყაბარდოელთა ცხოვრებაზე დაკვირვების შედეგად³. მკვლევარს მხედველობაში აქვს გენერალ პ. პოტიომკინის მიერ ყაბარდოში 1784 წ. შეკრებილი ცნობები. პ. პოტიომკინი მოკლედ აღწერს აღზრდის წესებს ყაბარდოში, კერძოდ, შვილების გაბარების ჩვეულებას, რაც სამეცნიერო ლიტერატურაში ცნობილია ათალიკობის სახელწოდებით. იქვე იძლევა ის ყაბარდოელთა საზოგადოებრივი ყოფის დახასიათებას, ზოლო საკუთრივ საოჯახო ყოფისათვის ნიშანდობლივ მოვლენად აღიარებს ოჯახების გაუყრელობას. უშუალო დაკვირვების გზით მას დაუდგენია, რომ ყოველ ოჯახში რამდენიმე თაობა ერთად ცხოვრობდა ისე, რომ პირველი თაობის წარმომადგენელი იყო მამის პაპა. ასეთ ოჯახში საჭმელს ერთ ქვებში ამზადებდნენ, რის გამო ხალხის მეტყველებაში „ოჯახი“ და „ქვები“ სინონიმურ ცნებათა მნიშვნელობით დამკვიდრებულა. ეს ნათლად ჩანს პ. პოტიომკინის ცნობიდან, რომ ოჯახების რაოდენობის დასადგენად ნაცვლად კითხვისა—რამდენი ოჯახი ან კომლია აქ, იკითხავდნენ — რამდენი ქვაბია აქ⁴.

საოჯახო ყოფის შესახებ არსებული მონაცემების ქრონოლოგიური თანმიმდევრობით განხილვისას პ. პოტიომკინის დაკვირვებათა შემდეგ ყურადღებას იქცევს როტმისტრ დავიდოვსკისა და მაიორ შარდანოვის მონაწილეობით შეკრებილი და გენერალ-მაიორ გოლიცინის მიერ 1844 წელს შედგენილი „ძველი ყაბარდოელი

³ М. Косвен, Этнография и история Кавказа, 92.

⁴ Краткое описание о кабардинских народах, сделанное в 1784-м году ген.-поручиком Павлом Потемкинским, «Кабардино-русские отношения в XVI—XVIII вв.», т. II, М., 1957, 360—361.

წეს-ჩვეულებების კრებული“, რომელიც ფ. ლეონტოვიჩმა „კავკასიელი“⁵ კასიელ მთიელთა ადათების“ I ტომში მოათავსა. კრებულიდან შემთხვევაში შეიძლება გამოვყოთ ცნობა იმის შესახებ, რომ გლეხის ოჯახი, რომელშიც რამდენიმე ძმა ერთად ცხოვრობდა, შეიძლება გაყრილიყო მხოლოდ იმ პირობით, თუ გაყრის მსურველები ბატონს მიაჩნებოდნენ 40 ცხვარს თავისი ბატონებით. პრივილეგიური ზედაფენა ასეთ ღონისძიებას მიმართავდა გლეხის ოჯახის გაუყრელობის შენარჩუნების მიზნით, ვინაიდან დიდ ოჯახს ბატონისათვის კუთვნილი გადასახადის გადახდაც შეეძლო და დაკისრებულ სამუშაოთა შესრულებაც. გაყრა და ქონების დანაწევრება კი იწვევდა როგორც მათ გაღარიბებას, ისე მუშახელის დაქაქსულობას, რაც ასუსტებდა ბატონისათვის ხელსაყრელ ვალდებულებათა შესრულების შესაძლებლობას.

ფ. ლეონტოვიჩის ზემოხსენებულ გამოცემაში მოთავსებული მასალებიდან აღსანიშნავია კუჩეროვის მიერ 1845 წელს შეკრებილი ცნობები ჩერქეზთა ადათ-ჩვეულებების შესახებ, რომელთა ერთი ნაწილი ოჯახსაც შეეხება. ირკვევა, რომ აქაც, ისევე როგორც კავკასიელ მთიელებში საერთოდ, ქონებაზე მემკვიდრეობის უფლებით მამაკაცები სარგებლობდნენ, ხოლო ქალი, როგორც მამაკაცის მიერ ყალიბით ნაყიდი, მოკლებული იყო ამ უფლებებს. ქონება გადადიოდა მამიდან შვილის ხელში, უშვილო კაცის ქონებას უპატრონებოდნენ მისი ძმები, უძმო კაცის ქონება ეძლეოდათ მის ბიძაშვილებს, ხოლო თუ მამაკაცთაგან აღარავინ დარჩებოდა, მხოლოდ ამ შემთხვევაში, მამის ქონება მის ქალიშვილებს ერგებოდათ. ცოლს შეხვდებოდა მხოლოდ ქმრის მიერ ანდერძით განსაზღვრული ქონების ნაწილი, მაგრამ ქმარი თუ ამაზე არ იზრუნებდა, ქვრივისთვის რაიმეს მიცემა ან მისი უზრუნველყოფა გათხოვებამდე, გაუთხოვრობის შემთხვევაში კი სიკვდილამდე, მემკვიდრეებს ევალებოდათ. მემკვიდრეებს ასეთივე მზრუნველობა ეკისრებოდათ გასათხოვარი ქალების მიმართ მათ გათხოვებამდე ან სიკვდილამდე, ისევე, როგორც ქალის გათხოვებაში ყალიბის აღების უფლებაც მათ ჰქონიათ მიწიჭებული. კუჩეროვის ცნობით, შვილები მამის მორჩილებაში იმყოფებოდნენ. მამისადმი დაუმორჩილებლობის შესაძლებლობა გამორიცხული იყო თვით ქორწინების დროსაც, ვინაიდან პირად საკუთრებას მოკლებული შვილი, რომელიც უჩრბობის

⁵ Ф. Леонтович, Адаы кавказских горцев, I, Одесса, 1882, 234—235.
102



გამოჩენის შემთხვევაში უწილოდ დატოვებასაც კი დაიმსახურებდა, მამისგან დამოუკიდებლად ყალიბის გადახდას ვერ შესძლებდა. ასეთი ურთიერთობა დამახასიათებელი იყო გაუყრელი ოჯახისათვის, საიდანაც გამოყოფა და კუთვნილი ქონების მოთხოვნა მამის სიცოცხლეში შეილს არ შეეძლო. კუჩეროვს შთაბეჭდილება შექმნიდა, რომ ცოლშვილიანი შვილები უმთავრესად მამასთან ერთად ცხოვრობდნენ, გაყრა მიზანშეწონილად ითვლებოდა მამის გარდაცვალების შემდეგ, მაგრამ მისთვის ცნობილი ყოფილა იმის მრავალი მაგალითიც, როდესაც მამასთან შეთანხმების საფუძველზე შვილები კუთვნილ ქონებას მიიღებდნენ და ცალ-ცალკე ბინავდებოდნენ⁶.

საოჯახო საკუთრების საკითხისათვის საინტერესოა ყუბანის ოლქის ჩერქეზთა შესახებ ბარონ სტალის მიერ 1849 წელს შეკრებილი ცნობები, რომელთა მიხედვით ჩანს, რომ მამის ქონებაზე მემკვიდრეობის უფლება ენიჭებოდათ მის ვაჟიშვილებს. მათ შორის მცირედი უპირატესობით სარგებლობდა უფროსი, რომელსაც, კუთვნილ წილს გარდა, შეეძლო დამატებით მიეღო ცხენი, ხარი ან ხმალი, უმცროს შვილსაც ასევე დამატებით ერგებოდა ცხენი ან ხმალი, ხოლო შუათანა შვილი თავის წილს უნდა დასჯერებოდა⁷.

XIX საუკუნის მეორე ნახევრის ავტორთაგან აღსანიშნავია ლაპინსკის ცნობები ადიღეში დიდი ოჯახის შემადგენლობის შესახებ, რასაც მ. კოსვენის ნაშრომის მიხედვით გავეცანით. ამ ცნობათა თანახმად, ერთ ოჯახში გაუყრელად ცხოვრობდნენ არა მარტო მშობლები, მათი ცოლშვილიანი შვილები, უცოლო ვაჟები და გაუთხოვარი ქალები, არამედ ოჯახის წევრებად ითვლებოდნენ მონებიც (იგულისხმებიან უმთავრესად მეკობრეობის გზით დატყვევებული უცხოტომელები, რომლებიც შინამოსამსახურის მოვალეობას ასრულებდნენ — ვ. ი.). როდესაც რამდენიმე ცოლშვილიანი ძმა ერთ ჭერქვეშ ცხოვრობდა, როგორც ეს ხშირად ხდებოდა, ოჯახის რიცხობრივი შემადგენლობაც განსაკუთრებით იზრდებოდა. ადიღეში ლაპინსკის 10-სულიან ოჯახზე ნაკლები არ შეხვედრია, თითოეულ ოჯახში მას აღურიცხავს უმეტესად 20 სულზე მეტი, ხოლო ზოგი ისეთი ოჯახიც უნახავს, რომელიც 100 სულზე მეტს ითვლიდა⁸.

გაუყრელად ცხოვრების წესი აბაძეხებში პირველად დადას-

⁶ Ф. Леонтович, დასახ. ნაშრომი, I, 149—152.

⁷ იქვე, 174—175.

⁸ М. Косвен, დასახ. ნაშრომი, 93.



ტურებული აქვს ა. მახვიჩ-მაკევიჩს. მისი ყურადღება მიუქცევია იმ გარემოებას, რომ ოჯახი ბინადრობდა ერთ ნაკვეთზე განლაგებულ რამდენიმე სახლში, რომელთა შორის, ე. წ. „დიდ სახლში“, ცხოვრობდნენ ოჯახის უფროსი, მისი მეუღლე და ბავშვები 12 წლის ასაკამდე. ამავე სახლში ინახებოდა ლოვინი (რომლის რაოდენობა 50-ს აღწევდა), დგამ-ჭურჭელი, იარაღი, თოფის წამალი და ა. შ. ცოლშვილიანი ვაჟებისა და ვასათხოვარი ქალებისათვის განკუთვნილი ყოფილა რამდენიმე პატარა ზომის ქოხი. ზოგიერთ ეზოში 15-მდე ასეთი ქოხი მდგარა, ხოლო ეზოს გარეთ სასტუმრო ოთახი ყოფილა აშენებული. ამასთან ერთად, ავტორი დაჰკვირვებია იმ გარემოებასაც, რომ შეიღების მიმართ განუსაზღვრელი უფლებებით სარგებლობდა მამა, რომლის გარდაცვალებამდე ოჯახის დაყოფა შეუძლებელი იყო, ხოლო ქალები და რძლები ოჯახის უფროსის მეუღლის მორჩილებაში იმყოფებოდნენ⁹.

უფრო მოგვიანებით აღიღთა საოჯახო ყოფის ზოგიერთ მხარეს შეეხო ლ. ლიულიე, რომელიც უმთავრესად გვაცნობს სამემკვიდრეო ქონების განაწილების პრინციპს. როგორც ის წერს, მამის გარდაცვალების შემდეგ მთელი უძრავ-მოძრავი ქონება მემკვიდრეობით გადაეცემოდათ მის ვაჟიშვილებს. მემკვიდრეთა რაოდენობის შესაბამისად საოჯახო ქონების თანაბარ ნაწილებად დაყოფა მინდობილი ჰქონდა ძმებს შორის უმცროსს, ხოლო წილების არჩევა ხდებოდა ხნით უფროსობის მიხედვით ისე, რომ წილს პირველი აიღებდა უფროსი ძმა. ქალებს ქონებას არ აძლევდნენ. რაც შეეხება ქვრივს, მემკვიდრეების საერთო შეთანხმების საფუძველზე, მას სიკვდილამდე სარგებლობის უფლებით გამოუყოფდნენ მიწის ნაკვეთს, რასაც მისი სიკვდილის შემდეგ ისევ მემკვიდრეები ინაწილებდნენ. ამასთან ერთად, ქვრივს უფლება ჰქონდა საცხოვრებლად ამოერჩია ერთ-ერთი უმცროსი შვილის სახლი, ვინაიდან მისი მეუღლის გარდაცვალების შემდეგ ძველი სახლი მთელი მისი მოწყობილობით უფროსი ვაჟის საკუთრებაში ექცეოდა. ძმებს შორის უფროსის პრიორიტეტი გამოხატულებას პოულობდა იმაშიც, რომ, კუთვნილ წილს გარდა, მას შეეძლო რაიმე ნივთი და თვით მონაც კი ამოერჩია¹⁰.

⁹ А. Махвич-Мацкевич, Абадзеги, «Народная беседа», СПб., 1864, № 3.

¹⁰ Л. Люлье, Учреждения и народные обычаи шапсугов и натухажцев, ЗКОРГО, кн. VII, вып. I, Тифлис, 1866, 14—15.



ადილთა საოჯახო ყოფას გაცვრით ეხება ე. კოვალევსკი, რომელიც ოჯახის ბატონ-პატრონად და ოჯახის წევრთა მიმართ საზღვრელი ძალაუფლებით აღჭურვილ პირად წარმოგვიდგენს ოჯახის უფროს მამაკაცს. მისივე მტკიცებით, საოჯახო ქონების მესაკუთრედ მამაკაცები ითვლებოდნენ, ძალაში იყო ახლო ნათესაებზე შემკვიდრეობის გადაცემის კანონი, ქალების გამოკლებით, ხოლო მემკვიდრეებად ცნობილ პირთა შორის, ქონების თანაბრად განაწილების დროს სხვებთან შედარებით უფროსის უპირატესობა იმაში გამოიხატებოდა, რომ მას შეეძლო, კუთვნილ წილთან ერთდ, დამატებით აეღო ერთი ფასიანი ნივთი¹¹.

XIX საუკუნის მეორე ნახევრის ლიტერატურიდან აქვე შეიძლება დავიმოწმოთ ს. დავიდოვიჩის წერილი, სადაც აღნიშნულია, რომ ყაზახთა მთიელები ოჯახების გაყრას გაურბიან, მათთან არაჩვეულებრივად გვხვდება ისეთი ოჯახი, რომელიც რამდენიმე თაობას აერთიანებს, 70-მდე სულს ითვლის და ყველანი ერთობლივ შრომას ეწევიან¹².

საოჯახო ურთიერთობის საკითხებს შეეხო ნ. დუბროვინი, რომელმაც სიტყვასიტყვით გაიმეორა ლ. ლიულიეს შემოაღნიშნული ცნობები ქონების გაყოფის წესისა და საკუთრების ხასიათის შესახებ¹³. იგი, ამასთან ერთად, გვაცნობს საოჯახო ყოფის ისეთ კომპონენტებს, როგორცაა ქალისა და მამაკაცის შრომა-საქმიანობა, მშობლების უფლებები დასაქორწინებელი შვილების მიმართ, ოჯახის წევრთა ურთიერთობა სქესის, ასაკისა და მდგომარეობის მიხედვით, ლევირატის გადმონაშთების არსებობა და სხვა¹⁴.

რევოლუციამდე აღტორთა შემოხსენებულ ცნობებს, როგორც ძვირფას წყაროს, დიდი მნიშვნელობა ენიჭება ოჯახის ისტორიის შესწავლისათვის, მაგრამ მისი ამ თვალსაზრისით დამუშავებას ადრე ჯეროვანი ყურადღება არ მიქცეოდა. აღნიშნულ მონაცემებზე და ახალ ეთნოგრაფიულ მასალებზე დაყრდნობით ოჯახის ფორმათა კვლევას საფუძველი ჩაუყარეს საბჭოთა ეთნოგრაფებმა. ჩრდილო-დასავლეთ კავკასიის ხალხთა საოჯახო ყოფის ინტენსიური შესწავლა საბჭოთა ეთნოგრაფიამ 1950-იანი წლებიდან დაიწყო,

¹¹ Е. Ковалевский, Очерки этнографии Кавказа, ВЕ, 1867, III, 86—88.

¹² С. Давидович, Восхождение на Эльбрус, ИВ, 1887, № 5.

¹³ Н. Дубровин, История войны и владычества русских на Кавказе, т. I, кн. I, СПб., 1871, 234.

¹⁴ იქვე, 168—171.

მაგრამ ვიდრე ამ საკითხში მის მიღწევებს გავეცნობოდეთ, როდ მიგვაჩნია აღინიშნოს, რომ ჩრდილო-დასავლეთ კავკასიის ხეობის, ისევე როგორც ჩრდილო კავკასიის დანარჩენი მოსახლეობისა და მათთან ერთად აფხაზების შესახებ არსებული რევოლუციამდელი ეთნოგრაფიული ლიტერატურის შესწავლის საფუძველზე ამერიკელმა ეთნოგრაფმა ლ. ლუზბეტაკმა ვრცელი მონოგრაფია გამოაქვეყნა ქორწინებისა და ოჯახის შესახებ¹⁵. ქორწინების სფეროდან იგი ეხება ისეთ მოვლენებს, როგორცაა დამოყვრებაზე შეთანხმება, საქორწინო ურთიერთობის საფესურები და მისთვის დამახასიათებელი რიტუალები, მრავალცოლიანობა, ლევირატი, სორორატი, ყალიმის გადახდის წესი და ა. შ., ხოლო საოჯახო ურთიერთობის ნორმებიდან საგანგებოდ განიხილავს ცოლისა და ქმრის ურთიერთდამოკიდებულებას, მათ უფლება-მოვალეობას, ურთიერთობას მშობლებსა და შვილებს შორის, უფროს-უმცროსობის წესებს, ოჯახის გაყრის შედეგად შექმნილ სიტუაციას და შვილების ეკონომიურ ვალდებულებას მშობლებისადმი, მშობლების გარდაცვალების შემდეგ დებისადმი ძმების მოვალეობას, ძმების უყოლობის შემთხვევაში მათდამი ნათესავების მზრუნველობას და რიგ ასეთ საკითხებს. მკვლევარი დაინტერესებულია აგრეთვე ქალისა და მამაკაცის შრომა-საქმიანობის პროფილით და, ამის შესაბამისად, ოჯახის წევრთა ფუნქციებით. აღნიშნული საკითხების შესწავლის შედეგად იგი აღნიშნავს კავკასიის ხალხთა ყოფის დიდ მსგავსებას საქორწინო და საოჯახო ურთიერთობის სფეროში, რომლის მიზეზად მიაჩნია, ერთი მხრივ, ადათობრივი ნორმების იდენტურობა, ხოლო, მეორე მხრივ, ისეთი მოვლენები, როგორიცაა: ისლამისა და ქრისტიანობის თანაარსებობა, რომაულ-ბიზანტიური კანონების გავრცელება, ინდოევროპელებთან კავშირი, თურქ-მონღოლთა მწყემსურ-მომთაბარეული ცხოვრების გავლენა და, ბოლოს, კავკასიაში რუსეთის ხელისუფლების განმტკიცება. ნაშრომში დიდი ადგილი ეთმობა საოჯახო სამართალს, რომლის შესწავლის ძირითად წყაროდ ავტორი იყენებს ფ. ლეონტოვიჩის მიერ გამოქვეყნებულ „ადათებს“. რაც შეეხება თვით ოჯახის ფორმებს და მისი ისტორიული განვითარების საფესურებს, კერძოდ, საოჯახო თემის გადმონაშთურ სახეობას და მისი შემონახულობის ან დაშლის მიზეზებს, ლ. ლუზბეტაკის ნაშრომში ეს ნაწილები არ არის.

¹⁵ Louis, J. Luzbetak. Marriage and the Famili in Caucasia. Vienna-Moglink. 1951.



როგორც ზემოთ აღვნიშნეთ, ჩრდილო-დასავლეთ კავკასიის ხალხთა საოჯახო ყოფის შესწავლის ახალი ეტაპი იწყება 1950-წლებიდან, როდესაც საბჭოთა ეთნოგრაფიამ სათანადო მნიშვნელობა მიანიჭა როგორც რევოლუციამდელ ეთნოგრაფიულ მემკვიდრეობას, ისე და კიდევ უფრო მეტად, ახალი ეთნოგრაფიული მასალის შეკრებისა და შესწავლის საქმეს. ამ მხრივ პირველ რიგში აღსანიშნავია ე. სტუდენეცკიას ნაშრომი¹⁶, რომელშიც კონკრეტულ ფაქტობრივ მასალაზე დაყრდნობით მოცემულია ყაბარდოული დიდი ოჯახის აღწერილობა და მისი ძირითადი კომპონენტების დახასიათება. ირკვევა, რომ XIX საუკუნის მეორე ნახევრის ეთნოგრაფიული მასალის მიხედვით, ყაბარდოელთა ყოფაში ჯერ კიდევ ბევრი დიდი ოჯახი იყო შემორჩენილი, რომელიც არსებობას ინარჩუნებდა გარკვეულ გარემოში, ფეოდალური ურთიერთობის პირობებში. ამ ტიპის მრავალრიცხოვანი ოჯახი სამ-ოთხ თაობას მოიცავდა და კოლექტიური საკუთრებისა და მოხმარების პრინციპს ინარჩუნებდა. ავტორი ასეთასავე თვალსაზრისს ავითარებს მეორე ნაშრომშიც და ერთხელ კიდევ მიუთითებს იმ გარემოებაზე, რომ ყაბარდოში ფეოდალური ურთიერთობის განვითარების პერიოდში ოჯახის მეტად გავრცელებული ფორმა იყო დიდი ოჯახი ანუ პატრიარქალური საოჯახო თემი, რომელიც წარმოიშვა კლასობრივი საზოგადოების ჩამოყალიბებამდე, სოფლის თემთან თანაარსებობას განაგრძობდა და საბოლოოდ დაიშალა XIX საუკუნის ბოლოს კაპიტალისტური ურთიერთობის განვითარებასთან დაკავშირებით¹⁷.

საოჯახო ყოფის შესახებ ეთნოგრაფიული კვლევის საფუძველზე შემუშავებულმა თვალსაზრისმა ასახვა ჰპოვა ადიღეს, ყაბარდოსა და ჩერქეზეთის ისტორიისა და ეთნოგრაფიისადმი მიძღვნილ შემდგამებელი ხასიათის ნაშრომებში. ადიღების საოჯახო ყოფის შესახებ დადგენილად იქნა მიჩნეული, რომ XIX საუკუნის ბოლოსა და XX საუკუნის დასაწყისში ძირითადი სამეურნეო ერთეული იყო პატარა ოჯახი, ხოლო დიდი ოჯახები შემორჩენილი იყო განსაზღვრული რაოდენობით¹⁸. ყაბარდოელებისა და ჩერქეზების

¹⁶ Е. Студенецкая, О большой семье у кабардинцев в XIX в., СЭ, 1950, № 2.

¹⁷ Е. Студенецкая, Быт и культура кабардинского народа (XVIII—XIX вв), «Сборник статей по истории Кабарды», вып. III, Нальчик, 1954, 176.

¹⁸ Народы Кавказа, I, 211.

საოჯახო ყოფის შესახებ კავკასიის ხალხთა ეთნოგრაფიულ კომპლექს-
დიუმში აისახა ე. სტუდენეცკაიას კვლევის შედეგები¹⁹, რასაც შემოემატა
მთიანეთის მთიანეთის, ხოლო „ყაბარდოს ისტორიის“ მე-9 თავში, ყაბარ-
დოელთა კულტურისა და ყოფის მიმოხილვაში, გვაროვნული წყო-
ბილების რიგ გადმონაშთებთან ერთად, ნაჩვენებია დიდი ოჯახის,
როგორც საოჯახო თემის გადმონაშთური სახეობის, ძირითადი ნიშ-
ნებიც. აქ მოცემული კვალიფიკაციის მიხედვით, განსახილველ პე-
რიოდში (XVII საუკუნიდან XIX საუკუნის პირველი ნახევრის
ჩათვლით) ყაბარდოში ჯერ კიდევ არსებობდა დიდი ოჯახი, რომე-
ლიც წარმოადგენდა ერთად მცხოვრები რამდენიმე თაობისაგან შე-
დგენილ კოლექტივს. იგი ემყარებოდა ერთობლივ მეურნეობას,
ოჯახის წევრთა ერთობლივ შრომას და გაუყოფელ საკუთრებას.
ასეთ ოჯახს ხელმძღვანელობდა ხნით უფროსი მამაკაცი, რომელსაც
შემდგომში სცვლიდა მომდევნო ხნით უფროსი მამაკაცი, რაც ზოგ-
ჯერ ოჯახის უფროსის გარდაცვალებამდეც ხდებოდა მისი ავად-
მყოფობის ან მოხუცებულობის გამო. ოჯახის საერთო ხელმძღვანე-
ლობასთან ერთად უშუალოდ მის მოვალეობას შეადგენდა სამამა-
კაციო შრომის ორგანიზაცია და მამაკაცებს შორის ფუნქციების განა-
წილება მათი ასაკისა და შესაძლებლობის მიხედვით. ამავე პრინცი-
პის დაცვით ქალთა შრომა-საქმიანობის გაძღოლა ეკისრებოდა უფ-
როს ქალს. ოჯახის წევრთა ურთიერთობის მარეგულირებელი იყო
უფროს-უმცროსობის პრინციპი. XIX საუკუნეში, განსაკუთრებით
კი მის მეორე ნახევარში, დიდი ოჯახი დაშლას განიცდის და XIX
საუკუნის ბოლოსათვის ის ადგილს უთმობს პატარა ინდივიდუალურ
ოჯახს, რომელიც თავის შინაგან წყობაში ოქტომბრის რევოლუ-
ციამდე, ხოლო ცალკეულ შემთხვევებში უფრო გვიანაც, ინარჩუნ-
ებდა ტრადიციული პატრიარქალური ყოფის ნიშნებს²⁰.

ზემოაღნიშნულ თვალსაზრისს სოციალური სტრუქტურისა და
მასში დიდი ოჯახის ადგილის შესახებ სათანადო შეფასება მიეცა
საბჭოთა ისტორიოგრაფიაში. ა. ფადეევის აზრით, კავკასიის მთი-
ელთა სოციალური ყოფის შესწავლისადმი მიძღვნილ გამოკვლევებ-
ში, კერძოდ კი ადიღესა და ყაბარდოს ისტორიის ნარკვევებში, გა-
მოკვეთილად ითქვა, რომ რუსეთთან შეერთების პერიოდისათვის
მთიელთა სოციალური წყობისათვის დამახასიათებელი იყო მოუშ-
წიფებელი ფეოდალური ურთიერთობისა და პატრიარქალურ-გვა-

¹⁹ Народы Кавказа, I, 182—183.

²⁰ История Кабарды, М., 1957, 94—95.



როვნული სტადიიდან ძლიერად შემოორჩენილი გადმონამოების შექმნის წყმული სახით არსებობა. „ყაბარდოს ისტორიისა“ და „ადიღეს ისტორიის ნარკვევების“ ავტორებს ა. ფადეევი სავსებით ეთანხმება იმის აღიარებაში, რომ XIX საუკუნის დასაწყისში მთიელთა ცხოვრებისათვის ყველაზე ტიპური იყო პატრიარქალურ-ფეოდალური ურთიერთობა. სამაგიეროდ, ა. ფადეევი „ყაბარდოს ისტორიის“ ავტორებს არ ეთანხმება იმის მტკიცებაში, რომ დიდმა ოჯახმა დაშლა განიცადა მხოლოდ XIX საუკუნის დასაპრულს. მისი აზრით, ჭეშმარიტებასთან ახლოს დგას „ადიღეს ისტორიის ნარკვევების“ ავტორთა თვალაზრისი, რომლის თანახმად, სისხლით ნათესაობაზე დამყარებული გაერთიანებანი, რომლებიც გადმონამოური ფორმით ინარჩუნებდნენ არსებობას სასოფლო თემის შიგნით, დაშლის სტადიაზე იმყოფებოდნენ ჯერ კიდევ XVIII საუკუნეში²¹.

სოციალური სტრუქტურის ასეთივე სურათია დახატული განსაზღვრული ისტორიული პერიოდის შესწავლისადმი მიძღვნილ სპეციალურ გამოკვლევებშიც. ერთ-ერთ ასეთ ნაშრომში ნათქვამია, რომ ადიღეში საზოგადოებრივი ურთიერთობის ისტორიისათვის დამახასიათებელ ნიშანს წარმოადგენდა თემური წყობის რღვევა და ფეოდალიზმის განვითარება. XVIII საუკუნეში და XIX საუკუნის პირველ ნახევარში ეს პროცესი აქ ნელი ტემპით მიმდინარეობდა, ვინაიდან ჯერ კიდევ ძლიერად იყო შემონახული პატრიარქალურ-გვაროვნული ინსტიტუტების გადმონამოები, ხოლო სოფლის თემი („ხუსო“), რომელიც წარმოადგენდა გვაროვნული თემის დაშლის შემდგომ საფეხურს, თავისი ატრიბუტებით ინარჩუნებდა მოქმედი საზოგადოებრივი ორგანიზაციის სახეს. მის ერთ-ერთ ასეთ ატრიბუტად მიჩნეულია დომინარებულ მდგომარეობაში მყოფი ინდივიდუალური ოჯახის გვერდით დიდი ოჯახის არსებობა²².

ადიღეს ისტორიის უფრო ძველი პერიოდის (XVI-XVIII სს.) სოციალურ-ეკონომიური და კულტურული ვითარების შესწავლასთან დაკავშირებით მ. ცინცაძე იმ დასკვნამდე მივიდა, რომ არსებობდა დიდი პატრიარქალური ოჯახი, რომლის „ეკონომიური და საზოგადოებრივი არსი მდგომარეობდა მთელი ქონების კოლექტიური მფლობელობაში, კოლექტიურ შრომაში, კოლექტიურ გამოყე-

²¹ А. Фадеев, Вопрос о социальном строе кавказских горцев XVIII — XIX вв. в новых работах советских историков, ВИ, 1958, № 5, 133; შდრ: «История Кабарды», 94; «Очерки истории Адыгей», Майкоп, 1957, 171.

²² М. Покровский, Адыгейские племена в конце XVIII — первой половине XIX века, КЭС, II, М., 1958, 109—124.



ნებაში, კოლექტიურ და დემოკრატიულ მართვა-გამგეობაში²³. სივე შეხედულებით, „იმის გამო, რომ ქვეყნის ფეოდალიზმის ნელი ტემპით ვითარდებოდა და ადიღეს ეკონომიკა ჩამორჩენასა და კრიზისს განიცდიდა დიდმა ოჯახმა საკმაოდ დიდხანს შემოინახა თავი ადიღელთა გარდამავალი კლასის თლფოკოტლებს შორის“²⁴. როგორც ვხედავთ, ავტორისეული ვაგების თანახმად, დიდი ოჯახის არსებობას ხელს უწყობდა კლასობრივი საზოგადოების განვითარების დაბალი დონე, რამდენადაც ოჯახის ეს ფორმა გენეტიკურად უკავშირდება წინაკლასობრივ საზოგადოებას. ამდენად, სამართლიანად მიგვაჩნია ავტორის შეხედულება დიდი ოჯახის დაშლის მიზეზის შესახებაც, როდესაც იგი წერს: „ადიღელ ტომებში საწარმოო ძალთა განვითარება და მეტ-ნაკლები წინსვლა ნელ-ნელა ძირს უთხრიდა დიდ ოჯახს და შლიდა თანამედროვე ტიპის წვრილ ოჯახებად“²⁵.

ტ. შიკოვას კვლევის შედეგებიდანაც აშკარად გამოჩნდა, რომ ყაბარდოელთა წარსულში ერთ-ერთი არქაული სოციალური ერთეული იყო საოჯახო თემი, რომლის რიცხოვრივი შემადგენლობა 30-50 სულს აღწევდა და აერთიანებდა რამდენიმე საქორწინო წყვილს. ამგვარი ოჯახის მართვა და ოჯახის წევრებს შორის ფუნქციების განაწილება მათი სქესისა და ასაკის მიხედვით ევალბოდა უხუცეს მამაკაცს. ოჯახის არსებობის საფუძველს წარმოადგენდა ერთობლივი მეურნეობა და გაუყოფელი საკუთრება. ფაქტობრივი მონაცემების გამომზეურებით ავტორმა დამაჯერებლად გვიჩვენა, რომ XIX საუკუნეში ამ ტიპის ოჯახი გადმონაშთის სახით არსებობდა. ამ დროისათვის ყაბარდოელთა ყოფაში ძირითად ერთეულად ითვლებოდა პატარა ოჯახი, რომელიც თავისი ბუნებით არსებითად განსხვავდებოდა მისი წინამორბედი დიდი ოჯახისაგან, მაგრამ ისიც ჯერ კიდევ ინარჩუნებდა პატრიარქალური ყოფის ზოგიერთ ადრინდელ ტრადიციას. ავტორი პირველ რიგში გულისხმობს მემკვიდრეობის პატრიარქალურ წესს, მამაკაცის მაღალ უფლებრივ მდგომარეობას და, ამის შესაბამისად, ნორმირებულ ურთიერთობას ოჯახის წევრთა შორის²⁶.

²³ შ. ც ი ნ ც ა ძ ე, ადიღელთა სოციალ-ეკონომიური და კულტურული ვითარება XVI-XVIII საუკუნეებში, თბ., 1961, 108.

²⁴ ი ქ ვ ე.

²⁵ ი ქ ვ ე.

²⁶ Т. Ш и к о в а, Семья и семейный быт кабардинцев в прошлом и настоящем, Автореферат канд. дисс., М., 1955.



საველე ეთნოგრაფიული მასალებისა და არსებული სპეციალური ლიტერატურის შესწავლის საფუძველზე აღიღებისა და აზარტების სოციალურ ურთიერთობათა საკითხებს ინტენსიურად იკვლევს მ. მერეტუკოვი²⁷, რომელიც რამდენიმე ნაშრომში საგანგებოდ ეხება ოჯახისა და ქორწინების ფორმებსაც. მისი კვლევის შედეგების მიხედვით, ზემოხსენებულ ხალხთა ყოფას XIX საუკუნეში ახასიათებდა სოციალურად დიფერენცირებულ საზოგადოებაში გვაროვნული წყობის გადმონაშთების შემონახულობა. ამ რიგის გადმონაშთური მოვლენები მკვლევარს დადგენილი აქვს უმთავრესად საქორწინო და საოჯახო ურთიერთობის სფეროში. ამასთან ერთად, მის ყურადღებას იქცევს შარიათის გავლენით ცხოვრებაში შემოჭრილი და, ზოგიერთ შეთხვევაში, ადათობრივი ნორმების შემცველი წესები. ამგვარი ჩვეულებები გზას იკაფავდნენ ოდიოვანე არსებული მამაპაპური ადათების შევიწროების ხარჯზე, მაგრამ მარეგულორებელ მნიშვნელობას მაინც პირველი ინარჩუნებდა. მკვლევარს აღნიშნული ვითარება დადასტურებული აქვს თვით საოჯახო ყოფის შესწავლის შედეგად. საოჯახო ურთიერთობის განვითარების ისეთ საფეხურზე, როდესაც ინდივიდუალური ოჯახის გვერდით შემორჩენილი იყო დიდ ოჯახებად ცხოვრების წესიც, ოჯახი სტრუქტურულად ტრადიციულ სახეს ინარჩუნებდა. ეს განსაკუთრებით რელიეფურად ჩანდა დიდ ოჯახში, რომელიც, ავტორის კვალიფიკაციით, საოჯახო თემის გამონაშთურ ფორმას წარმოადგენდა. მისთვის დამახასიათებელი უმთავრესი კომპონენტებიდან მკვლევარი გამოყოფს მრავალსულიანობას, რამდენიმე თაობის ერთად ცხოვრებას, მმართველობის სოლიდარულ ფორმას, სქესობრივ-ასაკობრივი ნიშნით განსაზღვრულ შრომის ორგანიზაციის ხასიათს და საოჯახო-თემურ საკუთრებას. მ. მერეტუკოვის დაკვირვებით, ოჯახის წევრთა ურთიერთობაში გამოკვეთილ სახეს ღებულობდა მამაკაცის პრიორიტეტი. ეს თავს იჩენდა არა მარტო იმაში, რომ ოჯახს მამაკაცი ხელმძღვანელობდა, არამედ განსაკუთრებით იმაში, რომ საოჯახო ქონება მათ შორის ნაწილდებოდა, მაშინ, როდესაც ქალის პირად საკუთრებას მხოლოდ მისი მზითვეი შეადგენდა. მკვლევარი საქმოსისრულით აღწერს აგრეთვე სხვადასხვა თაობის მამაკაცებისა და

²⁷ М. М е р е т у к о в, Свадебные обряды абадзехов, М., XII—XIII, т. 1, 1963; მ ა ს ი ვ ე, Семейная община у адыгов, УЗАНИИЯЛИ, IV, Краснодар, 1965; მ ი ს ი ვ ე, Брак у адыгов, УЗАНИИЯЛИ, VIII, Майкоп, 1968; მ ი ს ი ვ ე, Экзогамия у адыгов, ი ქ ვ ე; მ ი ს ი ვ ე, Культ очага у адыгов, ი ქ ვ.



ქალების ურთიერთობას, აღიარებს ოჯახის უფროსის პრიორიტეტს, მის როლს ოჯახის მართვის სფეროში, მაგრამ ზოგიერთი ავტორისაგან განსხვავებით, რომლებიც ოჯახის უფროსის მაღალ უფლებამოსილებაში ზოგჯერ მის დესპოტურ ძალაუფლებას ხედავენ, გარკვევით ამბობს, რომ ოჯახის უფროსს არ შეეძლო ერთპიროვნული უფლებების გამოყენება ისეთ პირობებში, როდესაც მას, მნიშვნელოვანი საკითხების გადაწყვეტის მიზნით, ოჯახის სხვა წევრებთან დათათბირება ევალებოდა.

XIX საუკუნის მეორე ნახევრისა და XX საუკუნის დასაწყისის ეთნოგრაფიული, საარქივო და ლიტერატურული მონაცემების მიხედვით ყაბარდოელთა საოჯახო ურთიერთობის სფეროდან არაერთი მნიშვნელოვანი საკითხის სერიოზული განხილვის ცდა მოცემულია ხ. დუმანოვის შრომებში²⁸. მკვლევარი განსაკუთრებით დაინტერესებულა საოჯახო საკუთრების საკითხით რეფორმის შემდგომ პერიოდში, რასაც პირველხარისხიანი მნიშვნელობა ენიჭება საოჯახო ყოფის შესწავლისათვის.

ხ. დუმანოვი პირველ რიგში კრიტიკულად განიხილავს ეთნოგრაფიულ ლიტერატურას დიდი ოჯახის სახელწოდებათა შესახებ და, თავის მხრივ, მათი შინაარსის დაზუსტებას ცდილობს. მისი აზრით, ტერმინი „**БЫНЫШХУЭ**“ ყაბარდოში „დიდი ოჯახს“ კი არ აღნიშნავდა, როგორც ეს ე.სტუდენეცკაისს მიაჩნია, არამედ მრავალშვილიან ოჯახს, რამდენადაც „**НЫН**“ ნიშნავს შვილებს, ბავშვებს, ხოლო „**ШХУЭ**“ სიდიდისა და სიმრავლის გამომხატველი სუფიქსია. ხ. დუმანოვი უზუსტობას ამჩნევს ტ. შიკოვას განმარტებაშიც, ვინაიდან მის მიერ გამოყენებული ტერმინი („**УНЭЗЭХЭС**“) აღნიშნავს ოჯახის მრავალრიცხოვნობას, მაგრამ არ მიუთითებს ოჯახის წევრთა ურთიერთობაზე. მკვლევარს, თავის მხრივ, დაუფიქსირებია დიდი ოჯახისა და მრავალშვილიანი ოჯახის აღმნიშვნელი სახელწოდებანი, რომელთაგან, მისი აზრით, რამდენიმე თაობის მომცველი დიდი ოჯახის შინაარსის გამომხატველ ყველაზე უფრო რეალურ სახელწოდებას წარმოადგენდა „**УНЭЗЭШЗЭХЭС**“.

²⁸ Х. Д у м а н о в, К вопросу о большой семье и патронимии у кабардинцев, ВКБНИИ, вып. 4, Нальчик, 1970; მ ი ს ი ვ ე, Обычное семейное имущество кабардинцев во второй половине XIX—начале XX в. ВКБНИИ, вып. 6, Нальчик, 1972. მ ი ს ი ვ ე, Обычное наследственное право кабардинцев во второй половине XIX — начале XX в. ВКБНИИ, вып. 6; მ ი ს ი ვ ე, Обычное имущественное право кабардинцев во второй половине XIX — начале XX века, Автореферат канд дисс., М., 1972.

მის სათავეში იმყოფებოდა ხნით უფროსი მამაკაცი: პაპის მამა, პა, მამა ან უფროსი შვილი. ოჯახის უფროსის ფუნქცია მომავალში მომდევნო ხნით უფროსი მამაკაცის ხელში გადადიოდა. ქალთა საქმიანობას ხელმძღვანელობდა ხნით უფროსი დედაკაცი, რომელიც ოჯახს ყველა წევრისთვის უფროსი („НЭХЪЫЖЬ“) იყო, ხოლო რძლებისათვის დედამთილი („гуаше“), მიუხედავად იმისა ის მართლა დედამთილად ეკუთვნოდა მათ, თუ უფროს რძლად. მისი მოვალეობა მომავალში ეკისრებოდა უფროსი ძმის ცოლს, რომელიც შესაძლებელია სხვა რძალზე ხნით უმცროსი ყოფილიყო, მაგრამ ამ შემთხვევაში განმსაზღვრელი ფაქტორი იყო არა ქალის, არამედ მისი ქმრის ხნოვანება.

ბ. დუმანოვის დაკვირვებით, ოჯახის ეკონომიურ საფუძველს შეადგენდა უძრავი ქონების სახით ნაგებობანი და მიწა, ხოლო მოძრავის სახით — საქონელი, სამეურნეო იარაღები, ტრანსპორტი და ა. შ. მისი მტკიცებით, ყველა სახის ქონება საერთო-საოჯახო საკუთრებას წარმოადგენდა, ხოლო მასზე კონტროლის უფლებით ოჯახის უფროსი სარგებლობდა, რომლის სიცოცხლეშიც ოჯახის გაყრა ნორმალურ მოვლენად არ ითვლებოდა, მაგრამ თუ ეს მაინც მოხდებოდა, შვილებს შორის უძრავი ქონების განაწილება მის ნება-სურვილზე ყოფილა დამოკიდებული. უძრავი ქონების სახეობებიდან განაწილება არ ეხებოდა მოწის ნაკვეთს, რომელიც სათემო ნაღველად ითვლებოდა და გაყრის შემდეგაც ერთობლივად მუშავდებოდა განაყრებს შორის მოსავლის განაწილების პირობით. რაც შეეხება საცხოვრებელ და სამეურნეო ნაგებობებს და მოძრავ ქონებას, შვილებს შორის მას ოჯახის უფროსი ანაწილებდა, ხოლო თუ ოჯახი მისი გარდაცვალების შემდეგ დაიყოფოდა, ძმები ქონებას თანასწორად ინაწილებდნენ. კუთვნილ წილს გარდა, უფროს ძმას აძლევდნენ მხოლოდ ცხენს, ხოლო უცოლო ძმას საყალიბოდ საჭირო თანხას. ოჯახიდან თვითნებურად გამოყოფილი შვილი მამას შეიძლება უწილოდ დაეტოვებინა, მაგრამ თუ განცალკევების მსურველ შვილს მისი ძმები თანხმობას მისცემდნენ, მამაც ძალაუფლებურად ამ გადაწყვეტილებას უნდა დამორჩილებოდა და მისთვის კუთვნილი ქონების გამოყოფაზედაც უნდა ეზრუნა. ასეთნაირად წესრიგდებოდა საქმე ადათის მიხედვით, რაც საოჯახო ქონების მიმართ ქალის უფლებას გამორიცხავდა, ვინაიდან მის პირად საკუთრებად მიჩნეული იყო მხოლოდ მზითვეი და ქმრის მიერ ჯერ კიდევ ქორწინებამდე ნაანდერძვეი ქონება. ამ მხრივ ქალს უფრო მომგებიან მდგომარეობას უქმნიდა შარიათი, რომლის მიხედვით უმთავ-



რესად მოძრავ ქონებას ანაწილებდნენ და ქალებსაც დოვლათის ნაწილს გარკვეულ ნაწილს აკუთვნებდნენ. ხ. დუმიანოვის აზრით, საოჯახო, საკუთრების სფეროში შარიათი თანდათანობით იჭრებოდა და ის აღათთან თანაარსებობის უფლებებს იძენდა. მისივე მტკიცებით დიდი ოჯახი ყაბარდოში, რომლისათვისაც დამახასიათებელი იყო აღათისა და შარიათის ნორმების შერწყმული სახით არსებობა, XIX საუკუნის დასაწყისიდანვე აღარ წარმოადგენდა ოჯახის ძირითად ფორმას და გაბატონებულ მდგომარეობას პატარა ოჯახი იჭერდა. დიდი ოჯახის შიგნით კერძო საკუთრებით დაინტერესება იწვევდა მის დაშლას ინდივიდუალურ ოჯახებად. მკვლევარს ისიც კარგად შეუნიშნავს, რომ დიდი ოჯახის დაშლის შედეგად წარმოქმნილი პატარა ოჯახები ქონების გარკვეულ ნაწილს (საქონლის სადგომი, წისქვილი, ხარო, ჭა...) კოლექტიურ საკუთრებაში იტოვებდნენ და საზიაროდ იყენებდნენ; მიწასაც ერთობლივი ძალებით ამუშავებდნენ და განაყარი ოჯახები მოსავალს თანაბრად ინაწილებდნენ. საკუთრების ამგვარი ფორმა, განაყარი ოჯახების ერთობის სხვა ტრადიციებთან ერთად, ახანგრძლივებდა მათ ურთიერთსიახლოვეს და აპირობებდა იმ ურთიერთობის განმტკიცებას, რაც დამახასიათებელი იყო აქ არსებული პატრონიმიული ორგანიზაციისათვის.

ადილებისა და შაფსულების ძველი და ახალი ყოფის შესწავლისადმი მიძღვნილ შრომებში ე. კოჯესაუ²⁹ გვაცნობს საოჯახო ურთიერთობისა და პატრონიმიის ნიშნებსაც. თავის წინამორბედ ავტორთა მსგავსად ე. კოჯესაუ დიდი ოჯახის ნიშანდობლივ ელემენტებად თვლის მრავალსულიანობას, უფროს-უმცროსობაზე დამყარებულ ურთიერთობას და ერთობისათვის ნიშანდობლივ სხვა ტრადიციათა არსებობას. მისივე დაკვირვებით, დიდი და პატარა ოჯახების გაერთიანება წარმოადგენდა პატრონიმიას, რომელსაც ადილებში ეწოდებოდა „ერთ ცეცხლზე განაყრები“ ან „გაუყოფელი ჯაჭვი“. XVIII—XIX სს. მონაცემების მიხედვით, პატრონიმიამი შემაველი ოჯახები გაუყოფელ სახნავ მიწებს კოლექტიურად ამუშავებდნენ და მოსავალს ოჯახები ინაწილებდნენ. ამ დროისათვის მიწების პერიოდულ გადანაწილებას იშვიათად თუ მიმართავდნენ. ერთობის ტრადიცია ვლინდებოდა მესაქონლეობის დარგშიც. სა-

²⁹ Э. Коджесау, Семейные отношения шапсугов в прошлом и настоящем, Автореферат канд. дисс., М., 1954; მისივე, Патронимия у адыгов, СЭ, 1962, № 2, მისივე, Об обычаях и традициях адыгейского народа, УЗНИИЯЛИ, VIII.

ქონელი ცალკეული ოჯახების საკუთრებაში იმყოფებოდა, მაგრამ პატრონიმის წევრები მას საერთო საძოვარზე მორიგეობით მწყემსავდნენ, ხოლო ღამით საერთო ბოსელში აყენებდნენ. თანასწორობაზე დამყარებული კოლექტიური საკუთრება საკმაოდ მტკიცედ ინარჩუნებდა არსებობას საწარმოო იარაღებზე და სხვადასხვა სამეურნეო ნაგებობებზე — წისქვილზე, ღუმელზე და ა. შ. პატრონიმის ერთობა გამოხატულებას პოულობდა შრომით ურთიერთდახმარებაში, ხანდახმული პირების პრიორიტეტის აღიარებაში, თავდაპირველ სახლში მცხოვრები ოჯახისადმი განსაკუთრებულ პატივისცემაში და ა. შ. აღნიშნული მონაცემების მიხედვით კიდევ ერთხელ დადასტურდა მ. კოსვენის დებულება, რომ პატრონიმია იქმნებოდა დიდი ოჯახის დაშლის შედეგად, მაგრამ ე. კოჯესაუს შრომებიდან ის გარემოებაც შეინიშნება, რომ მკვლევარი ყოველთვის გამოკვეთილად ვერ გვიჩვენებს დიდი ოჯახისა და პატრონიმის ნიშან-თვისებებს და პატრონიმის თავისებურებად ზოგჯერ ისეთ რამეს მიიჩნევს, რაც დიდი ოჯახისათვის იყო დამახასიათებელი.

მ. კალმაცოვის დაკვირვებით, XVIII საუკუნისა და XIX საუკუნის პირველ ნახევარში ჩერქეზეთში ფეოდალური ურთიერთობა რაკი ჯერ კიდევ გადახლართული იყო პატრიარქალურ-გვაროვნული წყობის გადმონაშთებთან, საოჯახო და საზოგადოებრივი საკითხები წესრიგდებოდა პატრიარქალურ-გვაროვნული ჩვეულებებისა და შარიათის ნორმების გამოყენებით. აღნიშნულ პერიოდში პატარა ოჯახთან ერთად არსებობდა დიდი ოჯახიც, რომელსაც მეთაურობდა ერთპიროვნული ძალაუფლებით აღჭურვილი უფროსი მამაკაცი. ის თავის შეხედულებისამებრ ანაწილებდა ფუნქციებს ოჯახის წევრებს შორის და განაგებდა უძრავ-მოძრავ ქონებას. მისი ნება-თვისის გარეშე არავის არ ჰქონია ოჯახიდან ცალკე გამოყოფის უფლება. წინააღმდეგ შემთხვევაში მას შეეძლო ურჩი წევრი უწილოდ დაეტოვებინა. ჩერქეზის ოჯახში მამაკაცთან შედარებით ქალის უფლებები შეზღუდული იყო. ქალის მდგომარეობა ამ მხრივ განსაკუთრებით უარესდებოდა გათხოვების დღიდან. ქალს თუ მანამდე არ ეკრძალებოდა სახალხო შეყრებებზე (ქორწილი, გართობა) მონაწილეობა, გათხოვების შემდეგ, რაც მისი მშობლების ნება-სურვილით ხორციელდებოდა, ქალი უყოყმანოდ უნდა დამორჩილებოდა მკაცრ საოჯახო და საზოგადოებრივ რეჟიმს. ავტორის აზრით, ამაზე მეტყველებს თუნდაც ის გარემოება რომ პატარძალს ერთ წლამდე ქუჩაში გამოსვლაც კი არ შეეძლო. ავტორი იმასაც აღნიშნავს, რომ დიდი ოჯახების საბოლოო დაშლა ინდივიდუალურ ოჯახებად მოხდა



კერძო საკუთრების შემდგომი განვითარებისა და მთელთა მეტროპოლისის ეკონომიკაში სასაქონლო-ფულადი ურთიერთობის წვევის შედეგად. ავტორს არც ის დარჩენია შეუმჩნეველი, რომ დიდი ოჯახების დაშლის შედეგად იქმნებოდა პატრონიზმია, რომლის ერთ-ერთ დამახასიათებელ ნიშანს წარმოადგენდა მასში შემავალი ოჯახების ნათესაური კავშირი და ურთიერთდახმარება³⁰.

ადილთა ტერიტორიულ-ეთნოგრაფიული ჯგუფებიდან მ. ახამატოვა ერთი სოფლის ძველი და ახალი ყოფის მაგალითზე საგანგებოდ შეეხზო რა ბეედულეების საზოგადოებრივ ურთიერთობას, კერძოდ პატრიარქალურ-თემური ყოფის გადმონაშთებს, ნათლად გვიჩვენა, რომ XIX საუკუნეში შემორჩენილ ერთ-ერთ ასეთ გადმონაშთს წარმოადგენდა დიდი ოჯახი. ავტორის განმარტების თანახმად, XIX ს. ბეედულეებში დიდ ოჯახებთან ერთად უკვე პატარა ოჯახებიც არსებობდა, რაც ამ ორი ტიპის ოჯახების თანაარსებობაზე მიგვანიშნებს³¹.

XIX საუკუნის ლიტერატურულ მონაცემებზე დაყრდნობით ლ. ლავროვი განიხილავს უბიხთა ყოფის ზოგიერთ თავისებურებას. უფრო გვიანდელი წყაროს გამოყენება ავტორს არც შეეძლო, ვინაიდან 1864 წ. უბიხები მთლიანად თურქეთში გადასახლდნენ. ნაშრომში დასაბუთებულია, რომ XIX საუკუნის პირველ ნახევარში უბიხების სოციალურად დიფერენცირებულ საზოგადოებაში ჯერ კიდევ დიდი ადგილი ეჭირა პატრიარქალურ-გვაროვნული წყობის გადმონაშთებს (ეგზოგამია, სისხლის აღების წესი, ქალის მოტაცების ჩვეულება...), რომელთა წყებას განეკუთვნებოდა პატრიარქალური გვარი, როგორც გაფანტულად მცხოვრები დიდი ოჯახების გამაერთიანებელი ნათესაური ორგანიზაცია. ავტორის სამართლიანი შეხედულებით, ამ დროს გვარი აღარ წარმოადგენდა უბიხების ძირითად სოციალურ ერთეულს. საზოგადოებრივი ურთიერთობის ევოლუციის პროცესში გვაროვნული თემი შეცვალა სოფლის თემმა, რომელმაც გვაროვნული თემის ზოგიერთი ჩვეულებაც მემკვიდრეობით მიიღო და წოდებრივად დაყოფილ საზოგადოებაშიც ჯერ კი-

³⁰ И. К а л м ы к о в, Черкесы, Автореферат канд. дисс., М., 1955; მ. ს. ი. ვ. ე, Черкесы, Сб., «Народы Карачаево-Черкесии», сб. წიგნი — Очерки истории Карачаево-Черкесии, т. I, Ставрополь, 1967.

³¹ М. А з а м а т о в а, Быт и культура аула Понежукай (Теучежский район Адыгейской АО) в прошлом и настоящем, Автореферат канд. дисс., Тб.: 1961, 13.



დევ სოციალური ერთეულის სახით ფიგურირებდა. მამასადამე უბიხების მაგალითზე ლ. ლავროვმა გვიჩვენა ისეთი საზოგადოებრივი სტრუქტურა, რომლის განვითარება მიმდინარეობდა სოციალური დიფერენციაციის ნიშნით, მაგრამ ყოფაში მოქმედებდნენ წინაკლასობრივი წყობის ნორმები, მათ შორის გაუყრელად ცხოვრების წესი³².

იგივე მკვლევარი უფრო ადრე ზოგად ხაზებში შეეხო აბაზების საოჯახო ყოფას. მისი დაკვირვებით, აბაზების საზოგადოებრივი ყოფა ხასიათდებოდა არქაული სოციალური ინსტიტუტების გადმონაშთურ სახეობათა დიდხანს შემონახულობით. ასეთი ელემენტების რიგში ის ასახელებს პატრიონიმას და დიდ ოჯახს³³. მისივე გამოკვლევით, XIX საუკუნეში აბაზები უმთავრესად პატარა ოჯახებად ცხოვრობდნენ. მაგრამ ისეთ ვითარებაშიც კი, როდესაც ინდივიდუალური ოჯახი წარმოადგენდა ოჯახის გაბატონებულ ფორმას, აბაზებში გვხვდებოდა დიდი პატრიარქალური ოჯახებიც. ასეთი ოჯახის ძირითად ნიშნად მკვლევარი ასახელებს საოჯახო ურთიერთობის პატრიარქალურ ხასიათს და ოჯახის სათავეში მყოფი უზუცესი მამაკაცისადმი მორჩილებას, მაგრამ, ყოველივე ამასთან ერთად, ავტორის ყურადღება მიუქცევია მატრიარქატის ცალკეული ელემენტების გადმონაშთების ნაკვალევსაც³⁴.

აბაზების ყოფის შემდგომი კვლევის შედეგად მეტი დამაჯერებლობით დადასტურდა დიდი ოჯახების საკმაო რაოდენობით შემონახულობა XIX საუკუნის მთელ სიგრძეზე³⁵. ეთნოგრაფიული მასალებისა და საარქივო მონაცემების ანალიზის საფუძველზე ე. დანილოვამ განავითარა აზრი, რომ XIX საუკუნეში აბაზების საზოგადოებრივი ორგანიზაციის ძირითადი სტრუქტურული ერთეული იყო სოფლის თემი, რომელიც რამდენიმე სახელწოდებით აღინიშნებოდა (აბაზურად ერქვა „კიტ“ ან „კვეი“, ხოლო არაბულად „ჯამათი“). სოფლის თემის შემადგენლობაში უმცირეს და ძირითად სოციალურ ერთეულად ითვლებოდა პატარა ინდივიდუალური ოჯახი, რომლის პარალელურად არსებობას განაგრძობდა დიდი ოჯახი.

³² Л. Лавров, Этнографический очерк убыхов, УЗАНИИЯЛИ, VIII.

³³ Л. Лавров, Абазины (историко-этнографический очерк), КЭС, т. I, М., 1955, 7.

³⁴ Л. Лавров, Абазины, «Народы Кавказа», I, 236.

³⁵ Е. Данилова, Семья и патронимия в системе сельской общины абазин во второй половине XIX века, СЭ, 1973, № 5.



სტატისტიკური მონაცემების მიხედვით, დიდი ოჯახების რიცხვი ოჯახების საერთო რაოდენობის 1/3 შეადგენდა. ასეთი ოჯახი მხოლოდ ცავედა რამდენიმე თაობას და, უმრავლეს შემთხვევაში, 20-მდე სულს ითვლიდა, ხოლო ზოგი მათგანის შემადგენლობაში 20-დან 60-მდე სული ირიცხებოდა. დიდი ოჯახი მოსახლეობდა ერთ ეზოში მდებარე რამდენიმე სახლში. ჩვეულებისამებრ, ორი-სამი საქორწინო წყვილი იკავებდა ერთ დიდ სახლს, სადაც ყოველ ახალ წყვილს გამოყოფილი ჰქონდა ცალკე ოთახი („მხარა“). ე. დანილოვა ერთმანეთისაგან განასხვავებს ორი სახის დიდ ოჯახს — სამამოს და საძმოს, რომელთაგან პირველის თავისებურებად სახაცს მშობლებთან ერთად მათი ცოლშვილიანი შვილების ცხოვრებას და ოჯახის სათავეში მამის ყოფნას, ხოლო მეორესთვის დამახასიათებელ ნიშნად თვლის მშობლების გარდაცვალების შემდეგ ძმების ერთად ცხოვრების გაგრძელებას უფროსი ძმის მეთაურობით. ორივე შემთხვევაში ოჯახის ყველა წევრი ემორჩილებოდა მის უფროსს, უმცროსები — უფროსებს, ხოლო დედაკაცები — მამაკაცებს. ოჯახის უფროსი ასევე ითვლებოდა ოჯახის წარმომადგენლად ნათესაურ გაერთიანებაში და სოფლის თემში. მისი მაღალი უფლებები გლინდებოდა ქონებრივი ურთიერთობის სფეროშიც. მართალია აბაზური დიდი ოჯახის ერთ-ერთ ნიშანს შეადგენდა ერთობლივი წარმოება, მოხმარება და საკუთრება, მაგრამ ოჯახის უფროსის უფლებრივი უპირატესობა ამ მხრივაც შეინიშნებოდა. პირველ რიგში ეს ეხება სამამო ოჯახის უფროსს, რომელსაც შვილის უწილოდ დატოვებაც კი შესძლებია. ასეთი ვითარება გამორიცხული ყოფილა საძმო ოჯახში, რამდენადაც უფროსი ძმა უმცროსის მიმართ ასეთ უფლებას ვერ გამოიყენებდა. ძმები ქონებას თანაბრად ინაწილებდნენ, მაგრამ გარკვეული პრიორიტეტით მაინც უფროსი ძმა სარგებლობდა, რამდენადაც მას შეეძლო უმცროს ძმებთან შეთანხმებაზე ყოველთვის არ ეფიქრა და საკუთარი შეხედულებისამებრ მოეწესრიგებინა საოჯახო ეკონომიკის საკითხები. მისივე პრიორიტეტის სასარგებლოდ მეტყველებს ის ფაქტიც, რომ ოჯახის გაყრის დროს უმცროსი ძმები სახლსაც მას უთმობდნენ და, პატივისცემის ნიშნად, ზედმეტ საქონელსაც აძლევდნენ. რამდენადაც საძმო ოჯახი სამამო ოჯახის მერმინდელი საფეხურია დიდი ოჯახის განვითარების ისტორიაში, ამდენად უფროსი ძმის უფლებრივი პრიორიტეტიც საოჯახო ეკონომიკის სფეროში გვიანდელი მოვლენა ჩანს. ასევე გვიანდელ მომენტად შეიძლება მივიჩნიოთ ე. დანილოვას მიერ დადგენილი ვითარებაც, რომ საძმო ოჯახის უმცროსი წევრები ცალკე გა-

მოყოფას ცდილობენ, ხოლო უფროსის მიზანს შეადგენს ერთობის შენარჩუნება და ამ გზით თავისი პრივილეგიური მდგომარეობის უზრუნველყოფა.

საოჯახო საკუთრების სფეროში ასეთ ვითარებას გვაცნობს ავტორი საარქივო მონაცემებზე დაყრდნობით, რომელიც შეეხება პრივილეგიური ფენის საოჯახო ყოფას. ამგვარი მონაცემები არ მოეპოვებოდა მას რიგითი მეთემეების შესახებ, მაგრამ თუ საარქივო წყაროების მიხედვით პრივილეგიურ საზოგადოებაში ოჯახის გაყრას ამუხრუჭებდა ოჯახის უფროსის შალაღი უფლებრივი მდგომარეობის შენარჩუნებით დაინტერესება, ეთნოგრაფიული მასალების საფუძველზე ავტორს შექმნია შთაბეჭდილება, რომ გლეხის ოჯახის გაუყრელობას აპირობებდა მუშახელის შენარჩუნების საჭიროება კომპლექსური მეურნეობის — მემინდვრეობისა და მომთაბარე მესაქონლეობის პირობებში.

რიგ კონკრეტულ შემთხვევაში შეიძლება ასედაც წარმოგვედგინა საქმის ვითარება, მაგრამ ამ დებულების სიმტკიცეს ხელს უშლის ავტორისავე განმარტება იმის შესახებ, რომ XIX საუკუნის მეორე ნახევარში, კერძომესაკუთრული ტენდენციის ზრდის კვალობაზე, რაც გამოიწვია ამ კუთხის სოციალურ-ეკონომიურმა განვითარებამ, საგრძნობლად იმატა დიდი ოჯახების დაშლის ტემპმა და სოფლის თემში გაბატონებული მდგომარეობა მოაპოვა ინდივიდუალურმა ოჯახმა. ეს პროცესი განსაკუთრებით დაჩქარებულა 1860—1870 წწ. მიწების კომლურად გადანაწილების შედეგად. ამდენად, ოჯახის უფროსის მიერ პრიორიტეტის დაუთმობლობის სურვილი ანუ საოჯახო მეურნეობაში მუშახელის სიმრავლის საჭიროება გაუყრელობის შენარჩუნების არგუმენტებად არ გამოდგებოდა. ოჯახის უფროსს ასეთივე სურვილი ამოძრავებდა XIX საუკუნის მეორე ნახევარში და ამ დროს ფართო მასშტაბის კომპლექსური მეურნეობა ასევე საჭიროებდა მრავალ მუშახელს, მაგრამ დიდი ოჯახების დაშლის პროცესი ამ მიზეზების გამო არ შეჩერებულა. XIX საუკუნის ბოლოსათვის ეს პროცესი არსებითად უკვე დამთავრებული იყო, მაგრამ, როგორც სხვაგან, აქაც დიდი ოჯახების დაშლა მაშინაც ხდებოდა, როდესაც ამ ტიპის ოჯახს დიდი ადგილი ეჭირა საზოგადოებრივი ყოფის სფეროში. ავტორის სწორი შეხედულების თანახმად, დიდი ოჯახიდან გამოყოფილი ოჯახები შემდგომში რამდენიმე თაობაში ინარჩუნებდნენ ახლო ურთიერთობას. ასეთ ნათესაურ გაერთიანებას, რომელშიც შედიოდა რამდენიმე დიდი და პატარა ოჯახი, აბაზურად ერქვა ა ბ ა ნ პ ა რ ა (შდრ. აფხაზური



აბიფარა), ხოლო შემდეგში მის შესატყვისად იხმარებოდა სპარსული ტერმინი თ უ ხ უ მ ი. ავტორისეული კვალიფიკაციის თანახმად, ეს არის პატრონიმია, რომელიც XIX საუკუნის მეორე ნახევარში არ წარმოადგენდა დამოუკიდებელ საწარმო-ეკონომიურ უჯრედს, მაგრამ ინარჩუნებდა ერთობის ზოგიერთ ელემენტს (ერთი წარმომავლობა, ეგზოგამია, ერთ უბნად ცხოვრება, მიწების ერთობლივად გამოყენება გადანაწილების შემოღებამდე, საერთო სასაფლაო, მესისხლეობაში მონაწილეობის ვალდებულება, ურთიერთდახმარება და ა. შ.).

ასეთი მონაცემების გამომწვეურებით ავტორმა მნიშვნელოვანი წვლილი შეიტანა არა მარტო აბაზების საოჯახო და საზოგადოებრივი ყოფის კვლევაში, არამედ საქმაოდ გზარდა აგრეთვე კავკასიის ეთნოგრაფიული მონაცემების გამოყენების შესაძლებლობა ოჯახის ისტორიის შესწავლის სფეროში.

ადიღეში ბავშვის აღზრდის ძველი და ახალი სისტემის შესწავლასთან დაკავშირებით, ი. სმიროვა გზადაგზა შეესო ოჯახის ფორმებსაც და კონკრეტული მონაცემების მიხედვით (სტატისტიკური მასალები, საცხოვრებელი ნაგებობანი, მათი განლაგება და გამოყენება, სუფრასთან ჯდომის წესი, მშობლების დამოკიდებულება ბავშვებისადმი, ოჯახის წევრთა უფლებები და ურთიერთდამოკიდებულების ნორმები, შრომის ორგანიზაცია, შრომაში ჩაბმის ასაკი, დაობლებულ ბავშვებზე მზუნველობა დიდსა და პატარა ოჯახში და ქონებაზე მემკვიდრეობის ხასიათი) არკვევს, რომ XIX საუკუნეში ადგილი ჰქონდა ისეთი მოვლენების თანაარსებობას, რომლებიც დამახასიათებელ კომპონენტებს წარმოადგენდნენ როგორც დიდი, ისე პატარა ოჯახებისათვის. მაშასადამე, აღზრდის სისტემის შესწავლის შედეგადაც ნათლად გამოჩნდა, რომ ადიღეში ინდივიდუალური ოჯახის გვერდით XIX საუკუნეში არსებობდა საოჯახო თემის გადმონამოთური სახეობა³⁶.

მკვლევარი ამგვარ ვითარებას ხედავს არა მარტო ადიღეში, არამედ ჩრდილო კავკასიის ხალხთა ყოფაში საერთოდ. ჩრდილო კავკასიის ხალხთა საოჯახო ყოფის შესწავლისადმი მიძღვნილ ნაშრომში იგი იმ თვალსაზრისს ავითარებს, რომ XIX საუკუნის ბოლოსა და XX საუკუნის დასაწყისში ადგილი ჰქონდა დიდი და პატარა ოჯახების თანაარსებობას. ამ ორი ტიპის ოჯახთა რიცხობრივი შე-

³⁶ Я. Смирнова, Воспитание ребенка в адыгском ауле в прошлом и настоящем, УЗАННИЯЛИ, VIII.



ფარდება სხვადასხვა ხალხში, განსაკუთრებით მთისა და ბარის მხარეებში, სხვადასხვაგვარი იყო. თუ მთიელთა შორის დიდ ოჯახად ცხოვრების წესი ჯერ კიდევ შედარებით გავრცელებულ მოკლენას წარმოადგენდა, ბარელთა ყოფაში ამ ტიპის ოჯახი თითქმის აღარ არსებობდა. ავტორი საკმაოდ დიდ ადგილს უთმობს დიდი ოჯახის ძირითადი ნიშნების დახასიათებას (მრავალსულიანობა, რამდენიმე თაობისა და საქორწინო წყვილის ერთად ცხოვრება, გაუყოფელი ქონება, კოლექტიური შრომის ორგანიზაცია, მართვის სისტემა), მაგრამ ზოგიერთ საკითხში ერთგვარი გაუგებრობა შეინიშნება. მავალითად, იგი ჩრდილო კავკასიის ხალხთათვის ზოგად მოკლენად სახავს მამის დესპოტიურ უფლებებს და ქონების ერთპიროვნულ საკუთრებას. მისივე ცნობით, ოჯახის გაყრის დროს მამას ყველაზე მეტი ქონება ეძლეოდა³⁷. ავტორის კონცეფციით, ასეთი ვითარება XIX საუკუნის ბოლოს თვით დიდ ოჯახშიც შეინიშნებოდა, რომლისთვისაც ადრე დემოკრატიული პრინციპები იყო დამახასიათებელი. ამასთან დაკავშირებით საჭირო იყო მკვლევარს მიეთითებინა, რომ დესპოტიზმის დანერგვა დიდი ოჯახის შიგნით ძირითადად განაპირობა შარიათის გავრცელებამ. ავტორს იმის თქმაც ევალებოდა, რომ დესპოტიზმი საყოველთაო მოკლენა არ ყოფილა და ჩრდილო კავკასიის ხალხთაგან, სადაც შარიათი გავრცელებულია, ოჯახს ბევრმა შეუწარმოებინა ტრადიციული სოლიდარული ხარიათი. ამ შემთხვევაში ი. სმირნოვა აღმოჩნდა იმ ავტორების პოზიციაზე, რომლებიც დესპოტიზმის არსებობის აღიარებისას უკიდურესობაში ვარდებიან. ამ უკიდურესობაზე აზრი გამოთქვა მ. კოსვენმა, რომლის თანახმად სრულუფლებიანი დესპოტიზმი ქონების ერთპიროვნულად ფლობის პირობით არსად არ არსებობდა³⁸.

იმავე კრებულში, სადაც ი. სმირნოვას ზემოხსენებული ნაშრომი მოთავსებული, დაბეჭდილია ვ. კობიჩევის წერილი, სადაც არაერთგვისაა აღნიშნული, რომ „დიდი სახლის“ ინტერაიერი გამოიყენებოდა დიდი ოჯახის სამყოფად. ნაშრომში დამოწმებული ფაქტების მიხედვით ნათლად ჩანს, რომ მრავალსართულიანი ციხესაძლები და კოშკები თავდაპირველად გვარის, ხოლო მოგვიანებით დიდი ოჯახის საცხოვრებელი და თავდაცვითი ნაგებობანი იყო³⁹.

³⁷ Я. Смирнова, Семья и семейный быт народов Северного Кавказа» Сб. «Культура и быт народов Северного Кавказа», М., 1968, 186.

³⁸ М. Косвен, Семейная община и патронимия, М., 1963, 76—77.

³⁹ В. Кобычев, Горда, селения, жилище, Сб. «Культура и быт народов Северного Кавказа», 100, 107—108.

იგივე აზრი განავითარა ე. კობიჩევმა შემდგომ ნაშრომში⁴⁰ ჩრდილო-დასავლეთ კავკასიის ხალხთა საცხოვრებლების ტიპების შესწავლის შედეგად მან გვიჩვენა, რომ ბარად გავრცელებული იყო წნული, ხოლო მთიანეთში ძელური და ქვის სახლები. მთიანეთში არსებული სახლები წარმოადგენდნენ დიდი, გაუტიხრავი ფართობის მქონე საცხოვრებელ და სამეურნეო ნაგებობათა კომპლექსებს, რომლებშიც დიდი ოჯახები ცხოვრობდნენ. სოციალური თვალსაზრისით ავტორი საგანგებო ყურადღებას აქცევს ქვით ნაგებ მრავალსართულიან კოშკურა სახლს, რომელშიც XIX საუკუნის შუა პერიოდამდე ცხოვრობდა დიდი გაუყრელი ოჯახი, ხოლო უფრო ძველად მთელი ნათესაური გაერთიანებაც. ავტორის ვარაუდით, XIX საუკუნის შუა პერიოდიდან, დიდი ოჯახის დაშლასთან ერთად, საცხოვრებლის ტიპიც იცვლება. ძველი საგვარო სიმავრისა და დიდი ერთკამერიანი სახლის ნაცვლად ვრცელდება თავდაპირველად მცირე ზომის ერთკამერიანი საცხოვრებლები, ხოლო შემდეგ ოთახებად სეგმენტირებული სახლები⁴⁰.

*
* *
*

XIX საუკუნის ბალყარეთში ინდივიდუალური ოჯახის ძირითად ერთეულად არსებობის პირობებში საოჯახო თემის გადმონაშთური სახეობა შემორჩენილი ყოფილა უმთავრესად მესაქონლეობაზე დამყარებული დიდი პატრიარქალური ოჯახის სახით. აღნიშნულ ვითარებას თავის დროზე ყურადღება მიაქციეს ი. ივანიშვიტომ და მ. კოვალევსკიმ. როგორც მათ დღიურში აღინიშნა, გაუყრელი ოჯახი შედგებოდა 25 სულისაგან, ზოგი ოჯახის სულადობა მეტსაც აღწევდა, ხოლო სოფ. ხულამში ერთ-ერთ ოჯახში 183 სულს უცხოვრია. თითოეული ასეთი ოჯახი ცხოვრობდა ერთ ეზოში განლაგებულსა და ერთმანეთზე მჭიდროდ მიდგმულ ნაგებობებში, რომელთა შორის ცენტრალური ადგილი ეჭირა სამზარეულოდ, სასადილოდ, საათბიროდ და საკულტო რიტუალების შესასრულებლად განკუთვნილ მთავარ სათავსოს. საოჯახო თემის მეთაურად და მისი ქონების ბატონ-პატრონად ითვლებოდა უხუცესი მამაკაცი, რომელიც თავისი უფლებებით არ შეიძლება გაუთანაბროთ რო-

⁴⁰ В. Кобычев, Типы жилища у народов Северо-Западного Кавказа в середине XIX в., КЭС, V, М., 1972, 159, 166, 167.



მაულ „pater familias“-ს და ის ამ მხრივ უფრო ახლოს დგას ზადარუგას უფროსთან. ოჯახის უფროსი ხელმძღვანელობდა სახლს ხო მეურნეობას და მამაკაცთა შრომა-საქმიანობას, ყველა სახის შემოსავლის საოჯახო ხაზინაში შემოტანის მიზნით კონტროლს ახორციელებდა ოჯახის ყველა წევრის მიმართ, ოჯახის წევრებთან დათათბირების საფუძველზე აწესრიგებდა აღებ-მიცემის საკითხებს, გამონაკლის შემთხვევაში, ასევე მათთან შეთანხმების შედეგად, იღებდა გადაწყვეტილებას რომელიმე წევრის ოჯახიდან განდევნის თაობაზე და ოჯახის წარმომადგენლის როლს ასრულებდა სხვა ოჯახებთან ურთიერთობის სფეროში. ასეთი წინამძღვრების გათვალისწინების პირობებში გამორიცხული იყო მის მიერ დესპოტიური ძალაუფლების განხორციელების შესაძლებლობა. საოჯახო ქონების გაყოფაში ადამი სცნობდა მამაკაცის პრიორიტეტს და აბსოლუტურად გამორიცხავდა ქალის უფლებამოსილებას. ქონების განაწილებას საფუძველად ედო ძმების თანასწორუფლებიანობა. მათ შორის მხოლოდ უფროს ძმას, როგორც წინაპრის კულტის დამცველ-შემსრულებელს, საქონლის ან მიწის ნაკვეთის სახით აძლევდნენ ზედმეტს („таматалык“), ხოლო უმცროს ძმას აკუთვნებდნენ საუმცროსოს („кичилик“). ამასთან ერთად, მაჰმადიანობის გავრცელების კვალობაზე ბალყარელთა ცხოვრებაში გზას იკაფავდა შარიათიც, რომლის მიხედვით მატულობდა იმის შემთხვევები, როდესაც ქალსაც აძლევდნენ ვაჟისთვის განკუთვნილი ქონების ნახევარს⁴¹.

ი. ივანიუკოვისა და მ. კოვალევსკის წერილის გამოქვეყნების შემდეგ რევოლუციამდელ ავტორთაგან ბალყარეთში ეს საკითხი არავის უყვლევია. ამ მიმართულებით მუშაობა განახლდა საბჭოთა პერიოდში და პირველად კავკასიის ეთნოგრაფიის კომპენდიუმში გარკვევით აღინიშნა, რომ XIX საუკუნის მონაცემების მიხედვით, ბალყარელთა საზოგადოების ძირითად უჯრედს წარმოადგენდა ინდივიდუალური ოჯახი, მაგრამ მის პარალელურად არსებობდა დიდი ოჯახიც, რომლისთვისაც დამახასიათებელი იყო დიდი რიცხოვრივი შემადგენლობა და მკვეთრად გამოხატული სქესობრივ-საკობრივი დიფერენციაცია, როგორც შრომა-საქმიანობაში, ისე ოჯახის წევრთა პირად ურთიერთობაში. ოჯახს განაგებდა უფროსი მამაკაცი,

⁴¹ И. Иванюков и М. Ковалевский, У подошвы Эльбруса, ВЕ, М., 1886. I—II, 553, 554, 558, 570; შდრ. М. Ковалевский, Закон и обычай на Кавказе, I, М., 1890, 200.



რომელიც თვითონ სწყვეტდა ყველა მნიშვნელოვან საკითხს, რამ ზოგჯერ საოჯახო თათბირსაც მიმართავდა. იქვე აღნიშნულა, რომ დიდ ოჯახში მოქმედი წესრიგი რამდენადმე შემორჩა პატარა ოჯახსაც. კონკრეტულად ეს თავს იჩენდა ოჯახის გაყრის მომენტში, როდესაც ქალს აძლევდნენ ნახევარ წილს, ხოლო ქვრივს—ქმრის მემკვიდრეობის 1/4 ნაწილს⁴².

ბალყარეთში დიდი ოჯახის ხანგრძლივად არსებობის შესახებ თითქმის იგივე ითქვა მეორე განმარტავადელი ხასიათის ნაშრომში — „ბალყარელი ხალხის ისტორიის ნარკვევებში“. მასში აღნიშნულია, რომ XIX საუკუნის ბოლოსა და XX საუკუნის დასაწყისში ბალყარელთა საზოგადოებრივ ცხოვრებაში ჯერ კიდევ გარკვეულ როლს ასრულებდნენ დიდი ოჯახები, რომლებიც ინახავდნენ პატრიარქალური ოჯახის ნიშნებს და მომდინარეობენ იმ საოჯახო წყობიდან, რომელსაც ფ. ენგელსი პატრიარქალურ სახლისეულ თემს უწოდებს. თუ ადრეულ პერიოდში დიდი პატრიარქალური ოჯახი სამი ან სამზე მეტი თაობისაგან შედგებოდა, საწარმოო ძალების განვითარებასთან დაკავშირებით მომხდარი ცვლილებების შედეგად XIX-XX საუკუნეების მიჯნაზე ოჯახი მესამე თაობაზე უკვე იყრებოდა. მის ეკონომიურ საფუძველს შეადგენდა მიწა, საქონელი და წარმოების სხვა საშუალებები, რომლებზედაც, საკუთრების უფლებით, ოჯახის უფროსი სარგებლობდა. შვილები ამ მხრივ მთლიანად მამის ნება-სურვილს ემორჩილებოდნენ. მნიშვნელოვანი ცხოვრებისეული სამეურნეო საკითხების მოწესრიგებაში კი მისი უფლებები გამსაზღვრელი იყო. ოჯახის უფროსის უშუალო მოვალეობას შეადგენდა საოჯახო მეურნეობის წარმართვა და მამაკაცებს შორის ფუნქციების განაწილება. ასეთივე უფლებები ჰქონდა მინიჭებული ქალთა შრომა-საქმიანობაში მის მეუღლეს, უფროს ქალს, რომელსაც ოჯახში ყველა ქალი უყოყმანოდ ემორჩილებოდა. უფროსი მამაკაცის გარდაცვალების შემდეგ ოჯახის მეთაურობა უწევდა რომელიმე ძმას ან ხნით უფროსობის, ან უნარის მიხედვით. დიდი ოჯახის გაყრის დროს უფროსი ძმისთვის ზედმეტი ქონების გამოყოფის შემდეგ ყველა სახეობის საოჯახო დოვლათს ძმები თანაბრად ინაწილებდნენ. ადათი გამორიცხავდა ქალის მემკვიდრეობას. რძლებიდან წილი შეხვდებოდა მხოლოდ ქვრივს და ისიც მხოლოდ იმ პირობით, თუ მას შვილები ჰყავდა. წინააღმდეგ შემთხვევაში მას შეეძლო იქვე რომელიმე მამულთან დარჩენილიყო, ან თავისი მამის

⁴² Н. Т а к о е в а, Балкарцы, „Народы Кавказа», I, 289.



სახლში წასულიყო. თუ ქვრივს მხოლოდ ქალიშვილები ჰყავდა, მათზე მზრუნველობა ბიძებს ეკისრებოდათ. XIX საუკუნის ბოლოსთვის ბაღყალიანის ბაღყალიანის საზოგადოების ძირითად ერთეულად იქცა პატარა პატრიარქალური ოჯახი, რომელმაც ბევრი რამ შემკვიდრებით მიიღო ოჯახის წინამორბედი ფორმისაგან. პირველ რიგში იგულისხმება საოჯახო ცხოვრების მამაპაპური ტრადიციები, რაც შეზღუდული სახით პატარა პატრიარქალურ ოჯახშიც ხანგრძლივად ინახებოდა⁴³.

ბაღყალიანი დიდი ოჯახის ზოგიერთი ელემენტის გამოვლინების საქმეში გარკვეული წვლილი შეიტანეს ქართველმა ეთნოგრაფებმა. ბაღყალიანის ეთნოგრაფიულ ექსპედიციაში 1958 წელს შეკრებილი მასალების ანალიზის საფუძველზე რ. ხარაძემ მოგვცა საოჯახო თემის გადმონათქვამი სახეობის ძირითადი ნიშნების კვალიფიციური დახასიათება. „ბაღყალიანი დიდი ოჯახი, წერს რ. ხარაძე, თავისი ძირითადი განმსახლაველი ნიშნებით — ოჯახის შემადგენლობით, მმართველობით, საკუთრების ფორმით და ოჯახის წევრთა შორის ფუნქციების განაწილებით, წარმოადგენდა ტიპურ პატრიარქალურ ოჯახს, რომელსაც ბევრი ჰქონდა საერთო კავკასიისა და კერძოდ საქართველოს მთის პირობებში განვითარებულ დიდ ოჯახთან. მაგრამ, ამავე დროს, ბაღყალიანი ოჯახში მამის პრივილეგიური უფლებების განვითარება მთელ რიგ შემთხვევაში დესპოტიურ ხასიათს იღებდა და ძირითად პრინციპს საოჯახო დემოკრატიისას უპირისპირდებოდა. ურჩ შვილზე მამის ძალის გამოჩენა და მისი უნაწილოდ გაშვების უფლება, რაც ჩანასახის სახით ბაღყალიანი ოჯახს ახასიათებდა, უკვე უქადიდა საოჯახო თემის საკუთრების ხასიათის შეცვლას და საერთო ქონების ერთი პირის ხელში ჩაგდებას“⁴⁴. რ. ხარაძის აზრით, „ბაღყალიანი ოჯახში დესპოტიის განვითარება შეპირობებული იყო აგრეთვე ისლამითაც და იქ მიღებული შარიათით, რომელსაც პატრიარქალის განვითარება დესპოტიზმისაკენ მიჰყავდა. ამგვარი ვითარება ფეოდალიზმის განვითარებასთან ერთად, მძლავრად ასევე კვალს საზოგადოებრივი ცხოვრების ყველა მხარეს — ოჯახური ცხოვრებისა, ქორწინებისა თუ სახალხო მმართველობის სფეროებში, სადაც ჯერ კიდევ ბევრი რამ იყო შემონახული ხალხური ყოფიდან, მაგრამ ხშირად სახე-შეცვლილი შარიათის გავლენით“⁴⁵.

⁴³ «Очерки истории балкарского народа», Нальчик, 1961, 171—174.
⁴⁴ რ. ხარაძე, სოფლის თემი ბაღყალიანში, მსე, XI, თბ., 1960, 125.
⁴⁵ იქვე, 125.

ამავე ნაშრომში ავტორი გვაცნობს დიდი ოჯახის საცხოვრებელ ნაგებობას, ფართის განაწილებასა და გამოყენებას და დიდი ოჯახის, როგორც საზოგადოებრივ-ეკონომიური ერთეულის, ადგილს ბალყარელთა საზოგადოებრივი ცხოვრების სფეროში.

რ. ხარაძის მასალების გათვალისწინებისა და დასახლების ფორმების შესწავლის საფუძველზე ალ. რობაქიძემ იმ გარემოებაზე მიუთითა, რომ „საცხოვრებელი ფართის სეგმენტაციის თავისებურება, რომელიც ბალყარულ სახლში შეინიშნება, საოჯახო თემის განვითარების გარკვეულ საფეხურს ასახავს. საზოგადოებრივი ცხოვრების განვითარების ამ საფეხურზე საოჯახო თემი, როგორც ეტყობა, ჰყარავს მისთვის დამახასიათებელ სიმტკიცეს, რაც საცხოვრებელი ფართის ერთობლიობის რღვევაშიც მკლავდება“⁴⁶. მკვლევარი ითვალისწინებს ისეთ მომენტებსაც, როგორცაა ოჯახის წევრთა უფლებები და მდგომარეობა სქესისა და ასაკის მიხედვით, სუფრასთან მათი ჯდომის წეს-რიგი სადილობა-ვახშმობის დროს, შარიათით გამიჯნული ურთიერთობა მამაკაცსა და ქალს შორის და დასკვნის: „ბალყარულ ოჯახში, როგორც ეს გარკვეულია რ. ხარაძის მიერ, ვლინდება ოჯახის წევრთა უფლებების ის არათანასწორობა, რომელიც საოჯახო თემის რღვევის უკანასკნელი საფეხურისათვის არის დამახასიათებელი“⁴⁷. ალ. რობაქიძე ფიქრობს, რომ დასახლების ძველი წესის ხელოვნური კონსერვაციის, ე. ი. დასახლების მონოგენური ფორმის შენარჩუნების ერთ-ერთ ხელშემწყობ ფაქტორს წარმოადგენდა ბალყარეთში „საოჯახო თემის გადმონაშთური ფორმით არსებობა, მისთვის დამახასიათებელი საოჯახო-თემური საკუთრებით“⁴⁸. აქ მხედველობაშია მიღებული ის გარემოება, რომ დიდი ოჯახის განაყრები იქვე ერთ უზნად სახლდებოდნენ და, ამის კვალობაზე, „დასახლების სიმჭიდროვე ვითარდებოდა ერთი ოჯახის განაყართა გამრავლებისა და ბუდე სახლის გარშემო განსახლების გზით“⁴⁹. ნათქვამს ისიც უნდა დაემატოს, რომ დასახლების სამეურნეო პირობების შესწავლასთან დაკავშირებით ალ. რობაქიძემ წარმოაჩინა მანამდე უცნობი კონკრეტული ეთნოგ-

⁴⁶ ალ. რობაქიძე, დასახლების ფორმა ბალყარეთში (დასახლების ტიპოგრაფია), მსე, XI, 101.

⁴⁷ იქვე.

⁴⁸ ალ. რობაქიძე, დასახლების ფორმა ბალყარეთში (დასახლების მორფოლოგია), მსე, XII-XIII, თბ., 1953, 191.

⁴⁹ იქვე.

რაფიული მონაცემები ოჯახების ქონებრივი მდგომარეობისა და შრომა-საქმიანობის შესახებ, რაც საკმაოდ ამდიდრებს ჩვენს ცოდნას, ერთი მხრივ, ოჯახის ეკონომიური საფუძვლების, ხოლო, მეორე მხრივ, შრომის ორგანიზაციისა და ურთიერთდახმარების იქ არსებული ფორმების შესახებ. ამგვარი მონაცემების ანალიზის საფუძველზე მკვლევარი იმ დასკვნამდე მივიდა, რომ ბალყარელთა სამეურნეო ყოფაში მიწათმოქმედება. მისი საკმაოდ ინტენსიური ფორმის მიუხედავად, შედარებით მცირე მასშტაბების მქონე დარგი იყო, ხოლო სამეურნეო ცხოვრების საფუძველს მესაქონლეობა წარმოადგენდა და საოჯახო შემოსავალში მეტი ხვედრითი წონით წამყვან როლსაც ის ასრულებდა⁵⁰.

ზემოხსენებული შრომების შემდეგ გამოქვეყნდა კ. აზამატოვის წიგნი⁵¹, რომელშიც დიდი ადგილი დაეთმო საოჯახო ურთიერთობის კვლევას. ავტორის მიერ შეკრებილი ეთნოგრაფიული მასალებისა და ლიტერატურული მონაცემების ანალიზის შედეგად მასში შესწავლილია როგორც დიდი, ისე პატარა ოჯახების შემადგენლობა, ეკონომიური ცხოვრების პირობები, ფუნქციების განაწილება, საკუთრების ხასიათი, გაყრის წესი და ქონების განაწილების პრინციპი. ოჯახის ამ კომპონენტებს მკვლევარი განსაკუთრებით ნათლად ხედავს დიდი ოჯახის სტრუქტურაში, რომელიც განსახილველი პერიოდის ბალყარეთში საოჯახო თემის გადმონაშთურ მდგომარეობას ინარჩუნებდა. კ. აზამატოვის აზრით, საოჯახო თემის გადმონაშთების ხანგრძლივად არსებობა განაპირობა ისეთმა ფაქტორებმა, როგორც იყო ნახევრად-ნატურალური მეურნეობის ბატონობა და მესაქონლეობის სპეციფიკური ფორმები. ამასთან ერთად, XIX საუკუნეში გლახთა დიდი ოჯახების გაყრას ხელს უშლიდნენ ადგილობრივი ფეოდალები, ვინაიდან მათთვის ხელსაყრელი იყო, პატარა ოჯახებთან შედარებით ეკონომიურად შეძლებული დიდი ოჯახების, როგორც მობეგრე ერთეულების, ერთიანობის შენარჩუნება⁵².

კ. აზამატოვის მიერ მოპოვებული ფაქტობრივი მონაცემების მიხედვით, დიდი ოჯახის შემადგენლობაში გაერთიანებული იყვნენ

⁵⁰ ალ. რ. ბ. ა. ქ. ე. დ., დასახლების ფორმა ბალყარეთში (დასახლების სამეურნეო პირობები), კვკ, I, 36—45.

⁵¹ К. Азаматов, Социально-экономическое положение и обычное право балкарцев в первой половине XIX века, Нальчик, 1968.

⁵² იქვე, 80, 98—99.



სამი-ოთხი თაობის წარმომადგენლები როგორც დაღმავალ, ისე გვერდითი ნათესაობის ხაზით. მშობლების, შვილების, შვილებისა და შვილიშვილის შვილთა სახით დიდი ოჯახის წევრთა რაოდენობა საშუალოდ 25-დან 40-მდე სულს ითვლიდა, ხოლო ზოგჯერ 50 სულზე მეტსაც აღწევდა. ყოველი ასეთი ოჯახი ატარებდა მის უშუალო წინაპრად ცნობილი უფროსის სახელს. ოჯახის ერთობისა და ერთ სახელში მისი ცხოვრების აღსანიშნავად ბალყარეთში გამოიყენებოდა შინაარსობრივად იდენტური ისეთი სახელწოდებები, როგორიც იყო: „У.П.ЛУ ЮЙ“ („დიდი სახლი“), „Бир отджагъа“ („ერთი კერა“), „Бир къазанга къараган“ („ერთი კერის შემყურე“), „Бир атаулюю“ („ერთი დიდი მამისეული სახლი, ოჯახი“).

დიდ ოჯახს მართავდა წლოვანებით უფროსი მამაკაცი — მამა, პაპა ან პაპის მამა. გამონაკლის შემთხვევაში, უმთავრესად ოჯახის უფროსის გარდაცვალების შემდეგ, ეს მოვალეობა შეიძლებოდა დაეკისრებოდა მის მეუღლეს — ხნით უფროს დედაკაცს. ოჯახის მეთაურის საზრუნავს შეადგენდა საოჯახო მეურნეობის ხელმძღვანელობა, მამაკაცებს შორის ფუნქციების განაწილება და შემოსავალგასავლის წარმოება იმ აუცილებელი პირობის დაცვით, რომ გარესამთაშობოზე მყოფთ ყველა სახის ნაშრომი საოჯახო საღაროში შემოეტანათ. ოჯახის უფროსი იყო ოჯახის ოფიციალური წარმომადგენელი სასოფლო კრებაზე, სასამართლოში და ყოველი სხვა საზოგადოებრივი ღონისძიებისას იგი პირადი ძალაუფლებითა და ქონებაზე საკუთრების უფლებით სარგებლობდა. მის პირად სურვილსა და გადაწყვეტილებაზე ყოფილა დამოკიდებული ვაყების დაქორწინება და ქალიშვილების გათხოვება. ამ უფლებებს ის ზოგჯერ ძმისწულების მიმართაც ავრცელებდა. მას შეეძლო მემკვიდრეობის გარეშე დაეტოვებინა ოჯახის ურჩი წევრი. მიუხედავად იმისა, რომ მიწა, საქონელი, შრომის იარაღები, საცხოვრებელი და სამეურნეო ნაგებობანი დიდი ოჯახის კოლექტიურ საკუთრებად იყო მიჩნეული, ოჯახის უფროსს შეეძლო ყოველივე ეს თავისი შეხედულებისამებრ გამოეყენებინა. მდგომარეობა არსებითად იცვლებოდა, თუ მამის გარდაცვალების შემდეგ ძმები ერთობას შეინარჩუნებდნენ და ოჯახის ხელმძღვანელობა უფროს ძმას დაეკისრებოდა. ასეთ ვითარებაში უფროსი ძმის ძალაუფლება რამდენადმე იზღუდებოდა და ქონების განმგებლობის თუ მნიშვნელოვანი საოჯახო საკითხის მოწესრიგების მიზნით ის უსათუოდ ძმებს ეთათბირებოდა. მათი შეთანხმების საფუძველზე შესაძლებელი ყოფილა დასამუღიყო სა-

კითხი რომელიმე ძმის ცალკე გამოყოფის ან ოჯახის გაყრის თაობაზე, მაშინ, როდესაც ოჯახის უფროსად მამის ყოფნის დროს მედიმე შვილის მიერ ასეთი ინიციატივის გამოჩენის შესაძლებლობა გამოირიცხული იყო.

კ. აზმატოვის ნაშრომის მიხედვით, დიდი ოჯახის შინასაქმიანობის ხელმძღვანელობა მინდობილი ჰქონდა უფროს დედაკაცს („юй сийче“), ჩვეულებისამებრ, ოჯახის უფროსის ცოლს. ისეთ შემთხვევაშიც, როდესაც ოჯახის უფროსის გარდაცვალების შემდეგ მის ადგილს მომდევნო ძმა დაიჭერდა, უფროსი დედაკაცი თავისი მოვალეობის შესრულებას აგრძელებდა. მისი სიკვდილის შემდეგ ეს ფუნქცია დაეკისრებოდა მომდევნო ხნით უფროს რძალს და ა. შ. უფროსი დედაკაცი ქალთა შრომა-საქმიანობას ხელმძღვანელობდა და მათ მიმართ მკაცრი ძალაუფლების გამოყენებით სარგებლობდა. მის დაუკითხავად ოჯახის არც ერთ წევრს, მათ შორის ოჯახის მეთაურს, არ შეეძლო სასურსათო საწყობში შესვლა. მისი ნებართვის გარეშე რძლები სტუმარსაც კი ვერ უმასპინძლებოდნენ⁵³.

კ. აზმატოვის მიერ განხილული ეთნოგრაფიული მასალის მიხედვით კიდევ უფრო მეტ დამაჯერებლობას იძენს ლიტერატურაში მასზე აღრე არაერთგზის გამოთქმული მოსაზრება იმის შესახებ, რომ ბალყარეთში როგორც დიდი, ისე პატარა ოჯახის უმთავრეს საარსებო საშუალებათა (მესაქონლეობა, მიწათმოქმედება) შორის თავისი ხვედრითი წონით წამყვანი ადგილი ეჭირა მესაქონლეობას, რაც აქ, XVIII საუკუნესა და XIX საუკუნის პირველ ნახევარში, მთაბარობას ემყარებოდა. მეურნეობის ამ დარგის და აქედან განსაკუთრებით მეცხვარეობის განვითარება, თავის მხრივ, საფუძველს ქმნიდა ადგილობრივი რეწვისა და ვაჭრობისათვის. პირველ რიგში ეს ეხება მატყლის ნაწარმს (მაუდი, ნაბადი, ხალიჩა...), რაც ქალის ხელით იქმნებოდა. მატყლის რეწვა, ისევე, როგორც ხისა და ლითონის დამუშავება, ბალყარეთში ძირითადად ნატურალურ-სამომხმარებლო ხასიათს ატარებდა, მაგრამ შრომის საზოგადოებრივი დანაწილების ზრდისა და სასაქონლო-ფულადი ურთიერთობის შემდგომი განვითარების კვალობაზე ბალყარლები თავიანთი მეურნეობით თანდათანობით ებმებიან საბაზრო ურთიერთობის ფერხულში. ამის საფუძველს ქმნიდა მესაქონლეობა, მაშინ, როდესაც სახნავ-სათესი მიწების უკიდურესი ნაკლებობის პირობებში მოსახ-

⁵³ К. Азमतов, დასახ. ნაშრომი, 81—82.

ლეობა ადგილობრივი მოსავლით მხოლოდ ორ-სამ თვემდე ირჩებოდა და თავს და პურს მეზობელი ხალხებისაგან (ყაბარდოელები, ოსები, რუსები...) ყიდულობდა. ეს მცირეოდენი სახნავი ნაკვეთები საოჯახო საკუთრებაში იყო, სათიბ-საძოვრები კი სასოფლო-სათემო მფლობელობაში იმყოფებოდა. ცალკეული საძოვარი ადგილები ეკუთვნოდა ერთ სოფელს ან სოფლების ჯგუფს, ხოლო იშვიათად მთელ თემ-საზოგადოებას. სათიბები უმეტესად ერთი სოფლის კუთვნილებად ითვლებოდა. არსებობდნენ აგრეთვე პატრონიმითი დასახლებანი, რომელთაც საზოგადო საკუთრებაში ჰქონდათ სათიბები და საზაფხულო საძოვრები. ადიღესაგან განსხვავებით, სადაც სახნავ მიწას პატრონიმის წევრები კოლექტიურად ამუშავებდნენ, როგორც გაუყოფელ საკუთრებას, და პატრონიმიაში შემავალი ოჯახები გარკვეულ პერიოდებში იშვიათად ახდენდნენ მის გადანაწილებას⁵⁴, XIX საუკუნის პირველ ნახევარში ბალყარლებს მიწების გადანაწილების წესი საერთოდ არ შემოუნახავთ. კ. აზამატოვის აზრით, მხოლოდ გადმოცემების მიხედვით შეიძლება გარკვევს, რომ ბალყარეთის წარსულში ყველა სახის მიწა საერთო სარგებლობაში იყო და მისი გადანაწილების წესიც არსებობდა. მიწის ნაკლებობა კიდევ უფრო ზრდიდა ფეოდალთა მხრიდან მისი დასაკუთრების ინტერესს, რაც დამახასიათებელ მოვლენას წარმოადგენდა XVIII-XIX სს. ბალყარეთში მიმდინარე ფეოდალიზაციის პროცესთან დაკავშირებით. ასეთ ვითარებაში არსებობას ინარჩუნებდა აგრეთვე სასოფლო-ტერიტორიული თემი, რაც დადებით როლს ასრულებდა გლეხთა ცხოვრებაში. თემი წინააღმდეგობას უწევდა ფეოდალებს მიწების მიტაცების საქმეში და გლეხობას იცავდა ფეოდალთა შემოტევისაგან, რომელთა მიზანს შეადგენდა დამოუკიდებელი მოსახლეობისათვის ჯერ კიდევ შენარჩუნებული ზოგიერთი უფლებების წართმევა. ავტორის შეხედულებით, სოფლის თემის პოზიციას რამდენადმე ამაგრებდა პატრონიმის არსებობაც, რომლის ხანგრძლივად შემონახულობას, სოფლის თემთან ერთად, ისევე როგორც საერთოდ გვაროვნულ-თემობრივი წესჩვეულებების შენარჩუნებას XIX საუკუნის ბალყარეთში, ხელი შეუწყო, ერთი მხრივ, ადგილმონაცვლე მესაქონლეობის არსებობამ, ხოლო, მეორე მხრივ, ცენტრალიზებული ხელისუფლების უქონლობამ⁵⁵.

⁵⁴ Э. Коджесау, Пагронимия у адыгов, СЭ, 1962, № 2, 116.

⁵⁵ К. Азаматов, დასახ. ნაშრომი, 21—38.

ოჯახის სტრუქტურაში მკვლევარი უმნიშვნელოვანეს ელემენტად მიიჩნევს ოჯახის წევრთა ქონებრივ-უფლებრივი ურთიერთობის ნორმებს, რაც უმთავრესად განისაზღვრებოდა მათი სისხლიერი კავშირით, ოჯახისადმი ფაქტიური კუთვნილებით და რამდენადმე საოჯახო შრომა-საქმიანობაში მათი მონაწილეობით. მემკვიდრეობითი უფლების განსაზღვრაში პირველ ფაქტორს მეორესთან შედარებით მეტი მნიშვნელობა ენიჭებოდა. აღებული პერიოდისათვის მემკვიდრეობის გადაცემა მამრობითი ხაზით ხდებოდა, მაგრამ მამაკაცებს შორის ეს უფლება მინიჭებული ჰქონდათ მხოლოდ მამებს, ე. ი. გაყრის პრეტენდენტ ცოლშვილიან მოწილეებს. საოჯახო საკუთრება მათი კუთვნილი წილებისაგან შედგებოდა, მაგრამ თავის წილზე მოწილის უფლება ხორციელდებოდა მხოლოდ ოჯახის გაყრის შემდეგ. მემკვიდრეობის უფლების რეგულირება კი ხდებოდა ჩვეულებითი სამართლის მიხედვით. ამასთან ერთად, უფლებრივი ურთიერთობის სფეროში იგრობებოდა შარიათისა და რუსული კანონმდებლობის გავლენაც, მაგრამ XIX საუკუნის მეორე ნახევრამდე ასეთმა გავლენამ ალათობრივი სამართლის პრინციპიდან გამომდინარე ფორმულირების — „მამის სიცოცხლეში შვილები არ იყრებიან“ — შევიწროვება ვერ შესძლო. მამის გარდაცვალების შემდეგ შვილები რამდენიმე ხანს კიდევ ერთად ცხოვრებას განაგრძობდნენ, მაგრამ როდესაც გაიყრებოდნენ, ქონებას თანაბრად იყოფდნენ. გამონაკლისს შეადგენდა მხოლოდ უფროსი ძმისთვის საუფროსოს („таматалык“) მიკუთვნება კარგი ცხენის, მიწის ნაკვეთის, უფრო ხშირად კი მსხვილფეხა საქონლის სახით, ხოლო უმცროსი ძმისათვის საქორწილოდ საჭირო ხარჯებისათვის ზედმეტის („кнчнлнк“) გამოყოფა. ამასთან ერთად, უფროს მოწილეს, როგორც გვარის ტრადიციებისა და წინაპრის კულტის დამცველს, უბოძებდნენ ოჯახის კოლექტიური საკუთრების ნიშნებსაც. უმცროს შვილთან საცხოვრებლად რჩებოდა დედა თავისი ქალიშვილებით. თუ გაყრა მოხდებოდა მამის სიცოცხლეში, რაც შესაძლებელი იყო პატარა ოჯახში, მამა საუფროსოს სახით ზედმეტსაც მიიღებდა და კენჭისყრის გარეშე სასურველი წილის ამორჩევის უფლებითაც სარგებლობდა. საუფროსოსა და საუმცროსოს გამოყოფის შემდეგ მოწილე მამაკაცები, შვილების რაოდენობის მხედველობაში მიუღებლად ყველა სახის ქონებას, სამემკვიდრეოს თუ შრომით შეძენილს, თანაბრად ინაწილებდნენ, გარდა წლიური სარჩო-სანოვავისა, რომელსაც მჭამელთა რიცხვზე ყოფდნენ. მიწებიდან გაყოფა ეხებოდა მხოლოდ სახნავ-სათეს ნაკვეთებს, ვინაიდან

სათიბ-საძოვრები მთელი სოფლის კოლექტიურ საკუთრებად
ლებოდა. დაუშვებლად იყო მიჩნეული ერთობის სახლის დაზარება
ან გაყოფა, რადგანაც, საოჯახო სამართლის მიხედვით, მასში უნდა
ეცხოვრა უფროს ან ყველაზე უმცროს ძმას. იქვე რჩებოდა კერა-
ზე ჩამოკიდებული ჯაჭვი, რაც გაყოფის საგანს არ წარმოადგენდა.
გაყოფა არ ეხებოდა აგრეთვე წისქვილს, რომელსაც განაყოფი
ოჯახები კოლექტიურ საკუთრებაში იტოვებდნენ და მინდსაც თა-
ნაბრად ინაწილებდნენ⁵⁶.

მკვლევარი აქვე ამტკიცებს, რომ ადათის მიხედვით ქალი მოკ-
ლებული იყო საოჯახო ქონების მემკვიდრეობის უფლებას. ადათი-
საგან განსხვავებით, შარიათი მას ანიჭებდა სამამაკაცოდ გათვალის-
წინებული წილის 1/2-ის მიღების უფლებას და XIX საუკუნის
50-იანი წლებიდან ქალი არაიშვიათად სარგებლობდა ამ უფლების
გამოყენებით. უშვილო ქვრივისთვის განკუთვნილი ყოფილა წილის
1/4, ხოლო შვილიანი ქვრივისთვის წილის 1/8, რამდენადაც მისი
შვილებიც, თავის მხრივ, რაღაცას ღებულობდნენ. საერთოდ კი
ქვრივისთვის ქონების გამოყოფაზე იშვიათად თუ იფიქრებდნენ,
ვინაიდან ის, ჩვეულებისამებრ, მაზლზე თხოვდებოდა, რაშიაც
მკვლევარი ლევირატის არსებობას ხედავს. უმრავლეს შემთხვევა-
ში ქალი არც მამის სახლში და არც ქმრის ოჯახში არავითარი ქონებ-
რივი უფლებით არ სარგებლობდა. მის პირად საკუთრებას შეად-
გენდა მხოლოდ მზითევი, რომელიც გასაყოფ ქონებაში არ შედი-
ოდა⁵⁷. ქალის უფლებების შეზღუდულობა თავს იჩენდა აგრეთვე
ცოლ-ქმრის გაყრის შემთხვევაში, რაშიაც უმეტესწილად ბრალდებ-
ულის როლში ქალი გამოჰყავდათ⁵⁸. ქონების მიღებაში მისი უუფ-
ლებობა ასევე ვლინდებოდა გათხოვების მომენტში, როდესაც ქმრის
მიერ მოტანილი ყალიმი მას კი არ ერგებოდა, არამედ მისი მამის
ოჯახს ხმარდებოდა ანდა, მამის და ძმების უყოლობის შემთხვევა-
ში, ყალიმს ქალის ახლო ნათესავი მამაკაცი ან მისი აღმზრდელი—
მეურვე ეპატრონებოდა⁵⁹. ამასთან ერთად, მკვლევარი აღნიშნავს,
რომ ქალს მზითვის გარდა პირად საკუთრებაში ჰქონდა ტანსაცმე-
ლი და საშინაო ჭურჭელი, ისევე როგორც მამაკაცებიც ამავე
უფლებით ხმარობდნენ ტანსაცმელსა და იარაღს⁶⁰. იმავე ნაშრომის

⁵⁶ К. Азаматов, დასახ. ნაშრომი, 96—98.

⁵⁷ იქვე, 99.

⁵⁸ იქვე, 99—101.

⁵⁹ იქვე, 88.

⁶⁰ იქვე, 81.

სხვა ადგილას კი ნათქვამია: ოჯახის წევრებს ტანსაცმელი ინდივიდუალურ საარგებლობაში ჰქონდათ, მაგრამ იმის გამო, რომ ის ნაერთო სახსრებით იყო შექმნილი, ოჯახის წევრები ტანსაცმელს დამოუკიდებელი საკუთრების უფლებით ვერ იყენებდნენ⁶¹. ასეთი განმარტებანი ერთიმეორეს გამოირიცხავენ, რამდენადაც ტანსაცმელი, იარაღი და ჭურჭელი ერთ შემთხვევაში გამოცხადებულია ოჯახის წევრთა პირადი საკუთრების საგნებად, ხოლო მეორე შემთხვევაში ისინი საერთო-საოჯახო საკუთრებისა და პირადი საარგებლობის ნივთებად წარმოგვიდგებიან.

კ. აზამატოვის დაკვირვებით, ბალყარეთში დიდი ოჯახი, რომლის მთავარ ნიშნებსაც წარმოადგენდა საოჯახო-თემური საკუთრება, კოლექტიური წარმოება-მოხმარება და მმართველობის სოლიდარული ან დესპოტური ფორმა, XIX საუკუნეში იშლებოდა როგორც ახალ დიდ ოჯახებად, ისე ინდივიდუალურ ოჯახებად. იმ პრინციპის მოქმედების პირობებში, რომ „შვილები უმამოდ არ გაიყრებიან“, ხდებოდა დიდი ოჯახების სეგმენტაცია ისევე დიდ ოჯახებად, რომლებიც საშუალოდ სამ თაობას აერთიანებდნენ. აღნიშნული პროცესი უმთავრესად დამახასიათებელი იყო ძველი პერიოდისათვის. შემდგომ ხანაში, განსაკუთრებით XIX საუკუნის მეორე ნახევრიდან, როდესაც დიდი ოჯახი მთლიანობას ინარჩუნებდა უფრო მეტად მამის ავტორიტეტისა და დესპოტური ძალაუფლების წყალობით, დიდი ოჯახი კვლავ ახალ დიდ ოჯახებად სეგმენტაციას კი აღარ განიცდიდა, არამედ ოჯახის უფროსის გარდაცვალების შემდეგ ძმები იყრებოდნენ და პატარ-პატარა ოჯახებად სახლდებოდნენ. ასეთმა ოჯახებმა XIX საუკუნის ბალყარეთში გაბატონებული მდგომარეობა მოიპოვეს. დიდი ოჯახიდან გამოყოფილი ახალი დიდი და პატარა ოჯახები იქვე ერთ უბნად სახლდებოდნენ, პატრონიმიულ უბანს ქმნიდნენ და ბუდე ოჯახიდან გამომყოფილი ერთობის ტრადიციებსაც მეტ-ნაკლები სისრულით ინარჩუნებდნენ. სხვათა შორის, დიდ ოჯახში არსებული ზოგი ჩვეულება შემდგომში პატარა ოჯახშიც ცოცხლობდა⁶².

როგორც ამ მიმოხილვიდან დავინახეთ, XIX საუკუნის პირველი ნახევრის ბალყარელთა საზოგადოებაში გაბატონებული მდგომარეობა ეჭირა ტერიტორიულ თემს, რომელიც პატრიარქალურ-გვაროვნული წყობის სხვა ისეთ გადმონაშთურ მოვლენებ-

⁶¹ К. Азаматов, დასახ. ნაშრომი, 98.

⁶² იქვე, 83—85.

თან ერთად, როგორც იყო პატრონიმია და დიდი ოჯახი, ლებდნენ ფეოდალური ურთიერთობის განვითარებას. თავის მხრივ, საოჯახო თემის გადმონაშთური ფორმის სიცოცხლეს ახანგრძლივებდა ნატურალური მეურნეობისა და მთაბარელო მესაქონლეობის არსებობა და პრივილეგიური ფენის მისწრაფება შეენარჩუნებინათ გლეხთა დიდი ოჯახები, როგორც შეძლებული მეზეგერე ერთეულები. ბალყარული დიდი ოჯახი ისეთივე ნიშნებით ხასიათდებოდა, როგორც კავკასიის ყველა იმ ხალხში არსებული დიდი ოჯახი, რომლისთვისაც ნიშანდობლივი იყო ადამთბრივი ნორმებისა და შარიათით დანერგილი წესრიგის თანაარსებობა. პირველის თანდათანობით შეზღუდვისა და მეორის განვითარების კვალობაზე ყალიბდებოდა დესპოტური ხასიათის დიდი ოჯახი, რომლის შიგნით კერძო საკუთრების განვითარება საბოლოოდ ერთობის ოჯახის ინდივიდუალურ ოჯახებად დაშლის ძირითად წინაპირობას წარმოადგენდა.

*
*
*

არქაული საოჯახო ყოფის გადმონაშთები XIX საუკუნის დასასრულამდე საკმაო სიმტკიცით ინარჩუნებდა არსებობას ყარაჩაელებში, რამაც კარგა ხანია მიიპყრო მკვლევართა ყურადღება. აღნიშნული ეპოქის ეთნოგრაფიულ მონაცემებზე დაყრდნობით ბ. მილერი წერდა, რომ ყარაჩაში პატარა ოჯახი იშვიათად არსებობდა, ისიც, უმთავრესად, სავაჭროდ ჩამოსახლებულ ებრაელთა ყოფისათვის იყო დამახასიათებელი, ხოლო საკუთრივ ყარაჩაელთა უმრავლესობა გაუყრელად ცხოვრების წესს ინარჩუნებდა.

ბ. მილერის დაკვირვებით, ყარაჩაული დიდი ოჯახი საშუალოდ ითვლიდა 15-25, შედარებით იშვიათად 30-35 სულს, ხოლო მის მიერ აღწერილ ერთ-ერთ ოჯახში 53 სულსაც კი უცხოვრია. რამდენიმე თაობის მომცველ ასეთ ნათესაურ გაერთიანებაში ზოგჯერ გარეშე პირებიც ოჯახის წევრებად ირიცხებოდნენ შეხიზნული ღარიბების ან დაქირავებული მუშახელის სახით. შარიათის გავლენის შესაბამისად, ოჯახის მმართველობა დესპოტურ ხასიათს ატარებდა იმდენად, რომ ერთპიროვნული ძალაუფლებით აღჭურვილ მამას შვილის უწილოდ დატოვებაც კი შესძლებია. ქონების გაყოფის საფუძველს წარმოადგენდა ოჯახის გაყრის მუხლობრივი პრინციპი საუფროსოს გამოყოფის პირობით, რაც ბ. მილერს შეცდომით მიუჩნევია მაიორატის გამოვლინებად. რაც შეეხება ქალის უფ-



ლებას, აღათის მიხედვით ქონების გაყოფის შემთხვევაში ის უფრო მეტი წილი მიიღებდა, ხოლო შარიათი მას ვაყის წილის ნახევარს აკუთვნებდა. ბ. მილერის სამართლიანი შეხედულებით, ყარაჩაული დიდი ოჯახი წარმოადგენდა სისხლით ნათესაობით შეკავშირებულ ერთეულს და არა არტელს⁶³, როგორც ეს ეგონა ზოგიერთ მის წინამორბედ მკვლევარს და როგორც ეს დღესაც ასე. ჰგონია „არტელური თეორია“ ზოგიერთ თანამედროვე წარმომადგენელს.

ყარაჩელთა ყოფაში საოჯახო თემის გადმონაშთური სახეობის არსებობა დადასტურებულია უახლოესი დროის გამოკვლევებით. ვ. ნევესკაიას დაკვირვებით, XIX საუკუნეში ყარაჩელთა საზოგადოებრივი ცხოვრების საფუძველს წარმოადგენდა სოფლის თემი, რომლის ერთ-ერთ თავისებურებას შეადგენდა არქაული სოციალური ინსტიტუტების (გვაროვნული თემი, საოჯახო თემი) გადმონაშთების ხანგრძლივად არსებობა. ერთობლივ საკუთრებაზე და კოლექტიურ შრომაზე დაფუძნებული დიდი ოჯახის შენარჩუნების მიზეზად ავტორს მიაჩნია საწარმოო ძალთა განვითარების დაბალი დონე, მეურნეობის ნატურალური ხასიათი და ნახევრად-მომთაბარეული მესაქონლეობა. დროთა განმსვლლობაში ყარაჩაულ დიდ ოჯახს სოლიდარული მმართველობის ნაცვლად შეუძენია დესპოტური ხასიათი, რაც გამოხატულებას პოულობდა მისი მეთაურის შეუზღუდველი უფლებების არსებობაში როგორც საოჯახო ქონების, ისე ოჯახის წევრთა მიმართ. ამგვარი ოჯახების დაყოფა ინდივიდუალურ ოჯახებად ხდებოდა სოფლის თემის ფეოდალიზაციის პროცესთან ერთად. სოფლის თემის რღვევის პარალელურად ეს პროცესი განსაკუთრებით დაჩქარდა რეფორმის შემდგომ ხანაში. ავტორის დაკვირვებით, დიდი ოჯახების დაშლას ხელს უწყობდა კერძო საკუთრებისადმი ლტოლვა, როდესაც ოჯახის უფროსი თავისი მაღალი უფლებებით სარგებლობდა და ოჯახის უმცროსი წევრების ნაშრომ-ნაამაგარს ითვისებდა⁶⁴.

ბ. მილერის შემოხსენებულ ნაშრომზე დაყრდნობით, ე. სტუდენეცკაია იძლევა ყარაჩაული დიდი ოჯახის ძირითადი ნიშნების დახასიათებას (მმართველობის სისტემა, შრომის ორგანიზაცია, ოჯახის წევრთა უფლებრივ-ეკონომიური მდგომარეობა...) და აღნიშ-

⁶³ Б. М и л е р, Из области обычного права карачаевцев, ЭО, 1902, № 1, 20—40.

⁶⁴ В. Н е в с к а я, Карачай в XIX веке (эволюция аграрного строя и сельской общины), Автореферат канд. дисс., Черкесск, 1966, 19—23, 49.

ნავს, რომ XIX—XX საუკუნეების მიჯნაზე ინტენსიურად მიმდინარეობდა მისი დაშლის პროცესი ინდივიდუალურ ოჯახებად⁶⁵.

ძირითადად ასე წარმოგვიდგება ჩრდილო-დასავლეთ კავკასიის ხალხთა საოჯახო ყოფის შესწავლის მდგომარეობა. არსებული ლიტერატურიდან კარგად გამოჩნდა, რომ ამ ეთნიკურად ჰრელ რეგიონში XIX საუკუნის ბოლომდე შეინიშნებოდა დიდი და პატარა ოჯახების თანაარსებობა. ამ დროისათვის პატარა (ინდივიდუალური) ოჯახის გაბატონებულ ერთეულად არსებობაში ეჭვი არავის შეუტანია. რაც შეეხება დიდ ოჯახს, ის აქაც, ისევე როგორც სხვაგან, მიჩნეულია საოჯახო თემის გადმონაშთურ ფორმად. XIX საუკუნის დასასრულს თითქმის მთავრდება დიდი ოჯახების ინდივიდუალურ ოჯახებად დაშლის პროცესი. XIX საუკუნის პირველ ნახევარში და განსაკუთრებით კი უფრო ადრეულ ხანაში, როდესაც ჩრდილო-დასავლეთ კავკასიაში ფეოდალიზმი ვითარდებოდა სასოფლო-ტერიტორიული თემის რღვევის პირობებში, დიდი ოჯახი საზოგადოებრივი ყოფის ერთ-ერთი მნიშვნელოვანი კომპონენტი იყო და ის, როგორც საოჯახო თემის გადმონაშთური სახეობა, არსებობას ინარჩუნებდა წინაკლასობრივი საზოგადოებრივი მომდინარე სხვა ინსტიტუტების (პატრონიმია, თემური მმართველობის სისტემა, სისხლის აღების წესი, ეგზოგამია, ლევირატი, ათალიკობა...) გადმონაშთურ ფორმებთან ერთად.

⁶⁵ Е. Студенецкая, Культура и быт Карачаевцев, «Очерки истории Карачаево-Черкесии», т. I, Ставрополь, 1967.

V. ოსთა საოჯახო ყოფის კვლევის შედეგები

ოსთა საოჯახო ყოფამ, ისევე როგორც ოსეთის ეთნოგრაფიამ საერთოდ, დიდი ხანია მიიპყრო მკვლევართა ყურადღება, რამაც განაპირობა საკმაოდ მდიდარი ეთნოგრაფიული ლიტერატურის შექმნა ოსეთის შესახებ. ოსების საოჯახო ყოფის შესწავლაში სათანადო წვლილი შეიტანეს XVIII-XIX საუკუნეების ავტორთაგან ვახუშტი ბაგრატიონმა, შტედერმა, კლაპროტმა, ფ. ლონტოვიჩმა, მ. კოვალევსკიმ, ს. კოკიევა, კ. ხეთაგუროვმა და სხვებმა, ხოლო XX საუკუნის მკვლევართაგან აღსანიშნავია მ. კოსვენის, ზ. ვანევის, ბ. ტოტროვის, ბ. კალოვის, ა. მაგომეტოვის, ზ. გაგლოევის და სხვათა ღვაწლი. ხსენებული ავტორები საოჯახო ყოფას ეხებოდნენ უმთავრესად სხვა საკითხების კვლევის პარალელურად. თვით ბ. ტოტროვიც კი, რომლის საკანდიდატო დისერტაციის სახელწოდებაა „სამხრეთ ოსეთის გლეხთა ოჯახი და საოჯახო ყოფა XIX საუკუნის ბოლოსა და XX საუკუნის დასაწყისში“, საოჯახო ყოფა ფაქტიურად ერთ-ერთ საკითხად განიხილა მეურნეობის ფორმებისა და მატერიალური კულტურის ძირითადი საკითხების გვერდით. დასახელებულ ავტორთა კვლევის შედეგები, ისევე როგორც ამ საკითხზე არსებული ისტორიულ-ეთნოგრაფიული ლიტერატურა მთლიანად, გამოყენებული, განხილული და შეფასებული გვაქვს წიგნში, რომლის მესამე ნაწილი წარმოადგენს ოსთა საოჯახო ყოფის მონოგრაფიულ გამოკვლევას¹. ამ ნაშრომში ნაჩვენებია ჩვენი დამოკიდებულება არსებული ლიტერატურული მონაცემებისადმი, რომლის განმეორება ზედმეტად მიგვაჩნია. ამ შემთხვევაში შეიძლება დავკმაყოფილდეთ კვლევის შედეგების გადმოცემით და ამ მონოგრაფიის შემდეგ გამოქვეყნებული შრომების შეფასებით.

ოსების შესახებ არსებული ლიტერატურის კრიტიკული შესწავლის, ჩრდილო ოსეთსა და საქართველოში ოსებით დასახლებულ ხეობებში შეკრებილი ეთნოგრაფიული მასალებისა და ისტორიუ-

¹ ვ. ი ა თ ნ ი შ ვ ი ლ ი, ცენტრალური კავკასიის მთაწლების საოჯახო ყოფა, I, 195—208.

ლი წყაროების ანალიზის შედეგად გაიჩვენა, რომ ოსებმა ხანგრძლივად შემოინახეს უძველესი სოციალური ინსტიტუტების გადმონათობები, მათ შორის საოჯახო ყოფის არქაული ელემენტები. პირველ ყოვლისა, ამას გვიჩვენებს ფაქტობრივი მონაცემები ოჯახის შემადგენლობის შესახებ. ამ მონაცემების მიხედვით, XIX საუკუნის მთელ სიგრძეზე, როდესაც ინდივიდუალურ ოჯახს, როგორც ოჯახის ძირითად სახეობას, უკვე თავისი არსებობის ხანგრძლივი ისტორია ჰქონდა განვლილი, გაუსრულად ცხოვრება ჯერ კიდევ იმდენად გავრცელებულ ზეულებას წარმოადგენდა, რომ იმდროინდელი ავტორები უმთავრესად ოჯახის ძირითად სახეობად მიიჩნევენ საოჯახო თემს, ხოლო მის სოციალურ გარემოცვაში ხედავენ გვაროვნულ წყობილებას. ამგვარი შეხედულების გავრცელების საფუძველს წარმოადგენდა ოჯახის ზოგიერთი ნიშნის, უმთავრესად, მისი შემადგენლობის ზერელე გაცნობა, მაგრამ ოჯახის ძირითადი კომპონენტების (ოჯახის შემადგენლობა, ეკონომიური საფუძვლები, მმართველობის სისტემა, შრომის ორგანიზაციის ხასიათი, საკუთრების ფორმები) შესწავლა კონკრეტულ მონაცემებზე დაყრდნობით აქარწყლებს შეხედულებას XIX საუკუნემდე დიდი ოჯახის საყოველთაოდ გავრცელების შესახებ. ასეთი ოჯახების რიცხვი თანდათანობით მცირდებოდა და XIX საუკუნის ბოლოსათვის ისინი თითქმის დაშლის საბოლოო ეტაპზე იმყოფებოდნენ, მაგრამ ვიდრე არსებობა ჯერ კიდევ შეწყვეტილი არ ჰქონდათ, მათი უმრავლესობა მოიცავდა ოთხ თაობას, ხოლო შედარებით იშვიათად — სამ ან ხუთ თაობას. დიდი ოჯახი აერთიანებდა უახლოესი ნათესავების რამდენიმე ათეულ სულს. რაც უფრო ღრმად შევდივართ ისთა ძველ ყოფაში, მით უფრო შესამჩნევია როგორც თაობათა რაოდენობის, ისე სულადი შემადგენლობის სიჭარბე. თუ XIX საუკუნის პირველ ნახევარში 100-მდე სულისა და ხუთი თაობის ერთად ცხოვრება დამახასიათებელ მოვლენას წარმოადგენდა, საუკუნის ბოლოს დიდი ოჯახი უმთავრესად აერთიანებდა სამ-ოთხ თაობას და საშუალოდ 25-50 სულს. თაობათა რაოდენობისა და რიცხობრივი შემადგენლობის კლება სავსებით კანონზომიერ პროცესად გვესახება ისეთი ვითარებისათვის, როდესაც ძველი საზოგადოებრივი ურთიერთობის ცვლილებასთან ერთად ცვლილებები ხდებოდა საოჯახო ყოფაშიც, უმთავრესად, დიდი ოჯახების დაშლისა და ინდივიდუალური ოჯახების მატების გზით.

როგორც ინდივიდუალური ოჯახის, ისე დიდი ოჯახის არსებობა ოსეთში ემყარებოდა ცენტრალური კავკასიის მთიანეთისათვის ტი-



პიურ მეურნეობას. ბარის სამეურნეო ათვისებას ოსები იწყებენ დაახლოებით XIX საუკუნის 20-იანი წლებიდან, როდესაც ისინი სახლდებიან ვლადიკავკაზისა და მოზდოკის მიდამოებში. კიდევ უფრო გვიან დაიწყო საქართველოს მთიანეთში მცხოვრები ოსების ნაწილის დასახლება ქართლის მთისძირა ზოლში. ახლო წარსულამდე ოსების ცხოვრება მთაში ვითარდებოდა სამეურნეო ნაკვეთების მწვავე უქმარისობისა და მესაქონლეობისათვის შედარებით ხელსაყრელ სამეურნეო პირობებში, რის გამოც მათ საოჯახო მეურნეობაში, მიწათმოქმედებასთან შედარებით, მესაქონლეობის ხვედრითი წონა დიდი იყო და ამდენად წამყვანი ადგილიც მას ეჭირა.

საოჯახო მეურნეობის ხასიათი და ოჯახის შემადგენლობა განსაზღვრავდა ოჯახის წევრებს შორის ფუნქციების განაწილებასაც. როგორც დიდ, ისე პატარა ოჯახში ყველაზე მაღალი უფლებებით სარგებლობდა უხუცესი მამაკაცი (хистæр), რომელიც ოჯახს ხელმძღვანელობდა. უხუცესი მამაკაცის პრიორიტეტი და სქესობრივ-ასაკობრივი ნიშნით განსაზღვრული ურთიერთობა ოჯახის წევრებს შორის გამოკვეთილ სახესღებულობდა რამდენიმე თაობის გამაერთიანებელ დიდ ოჯახში, მაგრამ ხდებოდა ისედაც, როდესაც თავის მოვალეობას მოხუცი სიკვდილამდე ვერ გაუძღვებოდა, დაბერება-დაუძლურების გამო ოჯახის უფროსობაზე ხელს იღებდა და თავის ადგილს მომდევნო ძმას ან უფროს შვილს უთმობდა. ასეთი ნაბიჯის გადადგმა მოტივირებული იყო ოჯახის პრაქტიკული ინტერესებით, რამდენადაც ოჯახის კეთილდღეობა ბევრად იყო დამოკიდებული ხელმძღვანელის უნარსა და შესაძლებლობაზე. უმეტეს შემთხვევაში კი უხუცესი მამაკაცი სიკვდილამდე ოჯახის სათავეში იმყოფებოდა. შრომითა და სიღარბაისლით სახელმწიფო-ქილი მოხუცის ოჯახის უფროსობიდან გადაყენება დაუშვებელი იყო. ის დაერდომილი ავადმყოფიც რომ ყოფილიყო, ოჯახი მას პროტესტს ვერ შეჰკადრებდა. მაგრამ ისეთ შემთხვევაში კი, როდესაც ოჯახის უფროსი თავის მოვალეობას ვერ უძღვებოდა, ფუჭსავატობდა და ოჯახის მომავალზე არ ფიქრობდა, ოჯახის სრულწლოვან წევრთა შორის დგებოდა მისი გადაყენების საკითხი. ამის შემდეგ, ოჯახის ყოფილ ხელმძღვანელსა და ახალ მეთაურს შორის ფუნქციები იყოფოდა. ახალ მეთაურს ეკისრებოდა საოჯახო მეურნეობის ორგანიზაცია, ე. ი. ოჯახის მართვა, ხოლო ყოფილი უფროსი ქურუმის როლში რჩებოდა და საოჯახო რიტუალის შესრულებას თაოსნობდა.



ასეთი ვითარება იმის მაჩვენებელია, რომ პიროვნების უფლებათა ოჯახში მართო მისი წლოვანებით არ განისაზღვრებოდა. თან ერთად, მნიშვნელოვან, და შეიძლება ითქვას, გადამწყვეტ ფაქტორს წარმოადგენდა ადამიანის უნარი და ავტორიტეტი. ამ ფაქტორს შესანიშნავად იყენებდნენ ოსური დიდი ოჯახის წევრები, რომელთა მოთხოვნა და გადაწყვეტილება შეესაბამებოდა სოლიდარული მმართველობის პრინციპს.

ოჯახის მმართველობის ამგვარი სისტემა ოსეთში დაადასტურა მრავალმა მკვლევარმა, მაგრამ ზოგიერთმა ექვის ქვეშ დააყენა ოჯახის უფროსის არჩევის წესის არსებობა. ლიტერატურაში ასახვა პპოვა თვალსაზრისმა იმის შესახებაც, თითქოს ოჯახის უფროსი წარმოადგენდა საოჯახო ქონების ერთადერთ მფლობელსა და დესპოტ მმართველს, რაც ყოველგვარ დასაბუთებებს მოკლებულია. ამგვარი შეხედულებები კრიტიკულადაა განხილული მონოგრაფიაში და ფაქტობრივ მონაცემებზე დაყრდნობით ნაჩვენებია, რომ ოჯახის წევრთა ერთობლივი გადაწყვეტილების თანახმად ოჯახის ხელმძღვანელის შეცვლის წესი შედარებით უმცროსი პიროვნებით არსებითად ნიშნავდა ოჯახის უფროსის არჩევას. თავის მხრივ, ასეთ ვითარებაში გამოირიცხული იყო ოჯახის წამყვან წევრებთან კონტაქტის მოშლა, ერთპიროვნული ძალაუფლების დანერგვა და ტრადიციული სოლიდარული მმართველობის უგულვებლყოფა.

მმართველობის ასეთსავე სისტემასთან იყო შეფარდებული ქალთა შორის უფროსი დედაკაცის (аѳсин) გამოყოფის წესი, რომლის მოკალეობას შეადგენდა რძლების შრომა-საქმიანობის ხელმძღვანელობა. ამ შემთხვევაშიც ასაკთან ერთად ყურადღება ექცეოდა მის უნარს, რის გამო ზოგჯერ ასაკობრივი პრინციპი ირღვეოდა და ისეთი ვითარება იქმნებოდა, როდესაც ქალთა შორის უფროსობა ოჯახის უფროსის მეუღლეს არ უწევდა. უმთავრეს შემთხვევაში კა, როდესაც ასაკი და პირადი ღირსება ერთიმეორეს ავსებდნენ, ქალთა საქმიანობას უძღვებოდა ოჯახის უფროსის მეუღლე.

ოჯახის დანარჩენ წევრებს შორისაც ფუნქციების განაწილება ხდებოდა სქესობრივ-ასაკობრივი და შრომითი შესაძლებლობის პრინციპით. სქესა და ასაკ ასევე დიდი მნიშვნელობა ენიჭებოდა ოჯახის წევრთა ყოველდღიურ ურთიერთობაში (სადილ-ვახშამი, კერასთან ჯდომის წესი, მიმართვის ფორმები), რაც, მყარი ტრადიციის სახით, დიდი ოჯახის საბოლოო მოსაზრების შემდეგაც დიდხანს არსებობდა ოსთა საოჯახო ყოფაში.

მმართველობის სოლიდარული სისტემის შენარჩუნებას თავრესად აპირებდა საკუთრების კოლექტიური ფორმა, გორც ოსური საოჯახო თემის გადმონაშთური სახეობის ყველაზე მნიშვნელოვანი კომპონენტი. საკუთრების ამ ფორმის ძირითად თავისებურებას ის წარმოადგენდა, რომ გაუყოფელი ოჯახის შიგნით არ იმყოფებოდა არამცთუ ქონების ერთპიროვნული მესაკუთრე, არამედ დაუშვებელი იყო ქონების თუნდ უმნიშვნელო ნაწილზე ვისიმე პრიორიტეტი. ყველა ის მამაკაცი, რომელიც ოჯახის გაყრის შემდეგ ახალი ოჯახის მეთაური ხდებოდა, ითვლებოდა სრულუფლებიან მოწილედ (ханджин), ვინაიდან ყველა მათგანი ღებულობდა ქონების თანაბარ წილს (хай). ოჯახის შემადგენლობის შესაბამისად, მოწილეთა კატეგორიაში შედიოდნენ ძმები ან ძმები და ბიძაშვილები. ქონების გაყოფის დროს ამ მომენტს მნიშვნელობა არ ჰქონდა, ისევე როგორც ყურადღება არ ექცეოდა თითოეული მათგანის შთამომავლობის რიცხოვრივ შემადგენლობას. ასევე უმნიშვნელო ფაქტორს წარმოადგენდა მოწილის ასაკი და დამსახურება. მოწილეებს შორის ქონების გაყოფის შემოაღნიშნული პრინციპი ერთნაირად იყო დაცული როგორც ცოცხალი, ისე გარდაცვლილი მოწილეების მიმართ, ვინაიდან გარდაცვლილთა წილს აკუთვნებდნენ მათ ვაჟიშვილებს.

ქვრივს, რომელსაც ვაჟიშვილები არ ჰყავდა, წილი არ ეძლეოდა. გარდაცვლილი ქმრის ოჯახში საცხოვრებლად დარჩენილი ქვრივი იმავე მდგომარეობას ინარჩუნებდა, როგორც ჰქონდა მას ქმრის გარდაცვალებამდე. თუ ქმრის სიცოცხლეში ის დიასახლისი იყო, ამ საპატიო მდგომარეობას შემდეგშიც უნარჩუნებდნენ. თუ უძეო ქვრივი ცალკე გამოყოფას მოისურვებდა, მას აძლევდნენ სახლის ნაწილს, საქონელს და მიწის ნაკვეთს, რომელიც მისი გარდაცვალების შემდეგ ისევ მოწილეებს უბრუნდებოდა. ქვრივის, ისევე როგორც ყველა რძლისა და გასათხოვარი ქალის, პირად საკუთრებას შეადგენდა მზითევი (ლოგინი და პირადი ნივთები), რაც საერთო ქონების განაწილების მომენტში ყველას თავ-თავისთვის რჩებოდა. ქვრივს ამ მზითევის წაღება შეეძლო მამის სახლში დაბრუნების ან გათხოვების შემთხვევაშიც, მაგრამ ეს დასაშვებად ითვლებოდა გარდაცვლილი ქმრის ერთწლიანი გლოვისა და მასთან დაკავშირებული სავალდებულო წესების შესრულების შემდეგ. აღნიშნული ვადის გასვლისას მას ასევე უფლება ჰქონდა გათხოვილიყო მისი შერთვის მსურველ მზლზე, რაც ხორციელდებოდა ორი სხვა-



დასხვა ვარიანტით: თუ ქვრივი ერთწლიანი გლოვის შემდეგ მამის ოჯახს უბრუნდებოდა, მასზე დაქორწინების მსურველი მაზლიანე დებული იყო ქვრივის მამისთვის ურვადი (irâed) გადაეხადა, ვინაიდან მამის სახლში დაბრუნების დღიდან ქვრივი ითვლებოდა თავისი მამის ოჯახის წევრად. ურვადის გადახდა გამორიცხული იყო ისეთ ვითარებაში, როდესაც ქვრივზე მაზლის დაქორწინება მოესწრებოდა მამის ოჯახში ქვრივის გადასვლამდე. ამიტომ ქვრივის შერთვა, უმთავრესად, მეორე ვარიანტის გამოყენებით ხდებოდა, ვინაიდან განმსახლვრელ ფაქტორს წარმოადგენდა საურვადე თანხის შენარჩუნების ინტერესი.

ურვადის გადახდის საეალღებულო ჩვეულება ხელს უწყობდა ლევირატის შორეული გადმონაშთის შენარჩუნებას. სამაგიეროდ, ურვადის გადახდის წესი ზღუდავდა მრავალცოლიანობას, რამდენადაც დაქორწინება დაკავშირებული იყო დიდი ხარჯების გამოღებასთან. ამიტომ ეს ჩვეულება დამახასიათებელი იყო შეძლებული ფენების ცხოვრებისათვის. ამის დამამტყიცებელია ამ წრის წარმომადგენლის მიერ უფლებრივად დაბალი ფენის წარმომადგენლის, როგორც უკანონო ცოლის (ნომულუსი), შერთვის ჩვეულება, რითაც ის ზრდიდა მუშახელს ამ ქალისა და მისგან გაჩენილი შვილების — კავდასარდების (ბაგაში დაბადებული) სახით, რომელთაც მხოლოდ იმ შემთხვევაში ეკუთვნოდათ მამის მემკვიდრეობა, თუ მამას კანონიერ ცოლთან შვილი არ ჰყავდა.

დამსახურების მოტივით საუფროსო წილის გამოყოფის წესი წარმოქმნილი უნდა იყოს საოჯახო თემის დაშლის საფეხურზე, როდესაც მის შიგნით ვზას იკავაჲდა შრომითი კოოპერაციის ნორმები. ამავე მოვლენას უკავშირდება ჩვეულება, რომლის თანახმად ქონების განაწილება ხდებოდა ოჯახის წევრთა შრომითი წვლილის შესაბამისად. ასეთ ვითარებაში ირღვეოდა მოწილეების მიხედვით ქონების განაწილების ადათობრივი ნორმები და განმსახლვრელ ფაქტორად გამოდიოდა ოჯახის წევრის, როგორც ქონების შემომტანის დამსახურება. ამგვარი ტენდენცია შეიმჩნევა კაპიტალისტური ურთიერთობის განვითარების სტადიაზე, როდესაც ფართო მასშტაბს ღებულობს ოჯახის წევრთა დაქსაქსულობის პროცესი, ვაჭრობისა და საშოვარზე გასვლის შედეგად ჩნდება მრავალპროფილიანი შემოსავლის კერები, ოჯახის თითოეულ წევრს უფართოდება პირადი ქონების დაგროვების ინტერესი და ყოველი მათგანი ცდილობს საერთო ქონებიდან უკლებლივ გამოიტანოს თავისი ნაწილი. სასაქონლო-ფულადი ურთიერთობის განვითარების კვალო-



ბაზე თანდათანობით ღრმავდებოდა ოჯახის წევრებს შორის ეკონომიური ბრძოლა, საერთო საკუთრების მოშლა და განქორციელება. საკენ ლტოლვა, რომლის შედეგად საბოლოოდ ისპობოდა საუკუნეების განმავლობაში გადმონაშთური ფორმით არსებული საოჯახო თემი და საყოველთაო ხასიათს ღებულობდა ინდივიდუალურ ოჯახებად ცხოვრების დიდი ხნიდან დამკვიდრებული წესი.

დაახლოებით ასეთი სურათი წარმოგვიდგება ჩვენ მიერ გათვალისწინებული ყველა სახის მონაცემების, მათ შორის, არსებული ლიტერატურის კრიტიკული შესწავლის საფუძველზე. ზემოხსენებული მონოგრაფიის გამოქვეყნების შემდეგ ოსთა საოჯახო ყოფის საკითხს კიდევ რამდენიმე ავტორი შეეხო. ამ მხრივ უხვი პროდუქცია შექმნა ა. მაგომეტოვმა, რომელიც ოსთა საოჯახო ყოფას მრავალგზის განიხილავს, უმთავრესად, ჩრდილო ოსეთის ეთნოგრაფიული მასალების მიხედვით². ჩვენ შესაძლებლობა გვქონდა მონოგრაფიაში გაგვეთვალისწინებინა და შეგვეფასებინა მის მიერ აღრე გამოქვეყნებული შრომები, მაგრამ მკვლევარმა ოსთა საზოგადოებრივი ყოფის შესწავლა შემდგომში კიდევ უფრო გაათართოვა და ოჯახის საკითხებიც რამდენადმე შეავსო. სხვათა შორის, თავის სადოქტორო დისერტაციაში მან გამოიყენა ჩვენს მიერ ოსეთში წარმოებული კვლევის შედეგებიც³. ა. მაგომეტოვი თავის შრომებში აღწერს და იკვლევს როგორც ინდივიდუალურ ოჯახს, ისე საოჯახო თემს მისი გადმონაშთური ფორმების ჩათვლით. ამასთან ერთად, ის გვაცნობს ოსთა ახალ საოჯახო ყოფას. მკვლევარი იმ თვალსაზრისს ავითარებს, რომ XVII—XIX საუკუნეების სიგრძეზე ოსეთში, ინდივიდუალურ ოჯახთან ერთად, არსებობდა დიდი ოჯახი, რომელიც განუვითარებელ კლასობრივ საზოგადოებაში საოჯახო თემის ნიშნებს ინარჩუნებდა და, ამდენად, მის გადმონაშთურ ფორმას წარმოადგენდა. ასეთ ნიშნებად იგი ასახელებს რამ-

² А. Магомедов, Семья и семейный быт осетин в прошлом и настоящем, Орджоникидзе, 1962, მ ი ს ი ე ე, Культура и быт осетинского крестьянства, Орджоникидзе, 1963, 133—163; მ ი ს ი ე ე, Культура и быт осетинского народа, Орджоникидзе, 1968, 315—402; მ ი ს ი ე ე, Этнография осетии, Орджоникидзе, 1970, 120—131; მ ი ს ი ე ე, Общественный и семейный быт осетин (XVIII—XIX вв.), Автореферат докт. дисс., Орджоникидзе, 1970; მ ი ს ი ე ე, Общественный строй и быт осетин (XVII—XIX вв.), Орджоникидзе, 1974, 155—192.

³ А. Магомедов, Общественный строй и быт осетин (XVII—XIX вв.), 167.



დენიმე თაობის გაუყრელად ცხოვრებას, მრავალსულიანობას, ოჯახო-თემურ საკუთრებას, ოჯახის მართვის სოლიდარულ და სქესობრივ-საკობრივი ნიშნით განსაზღვრულ უფლება-მოვალეობას შრომა-საქმიანობისა თუ ოჯახის წევრთა ურთიერთობის სფეროში. საოჯახო ყოფის შესახებ ყველა თავის ნაშრომში გამოთქმულ შეხედულებებს ა. მაგომეტოვი აჯამებს 1974 წელს გამოქვეყნებულ ზემოხსენებულ მონოგრაფიაში, რომელშიც საოჯახო თემს ერთ-ერთ თავში საგანგებოდ გამოყოფს და მას, როგორც სოციალური ყოფის ხელშეახებსა და გამოკვეთილ ელემენტს, საზოგადოებრივ ურთიერთობათა უმნიშვნელოვანეს მოვლენებთან ორგანულ კავშირში განიხილავს.

ა. მაგომეტოვისაგან განსხვავებით, რომელიც თავისი კვლევადიების ძირითად წყაროდ იყენებს ჩრდილო ოსეთის ეთნოგრაფიულ მასალებს, საოჯახო ყოფის შესწავლის მიზნით, ზ. გაგლოევა სარგებლობს სამხრეთელი ოსების ეთნოგრაფიული მასალებით. ასეთ მონაცემებზე დაყრდნობით საოჯახო ყოფის სფეროდან იგი პირველ რიგში დაინტერესდა საოჯახო თემის შესწავლით. სპეციალურად ამ საკითხზე დაწერილ სტატიაში⁴ ავტორი აღწერს არაერთ დიდ ოჯახს მისი შემადგენლობით, მეურნეობრივი საფუძვლებით, ერთობლივი საკუთრებითა და ოჯახის წევრთა ფუნქციების ჩვენებით. ამ კომპონენტების მიხედვით ზ. გაგლოევა იმ დასკვნამდე მიდის, რომ XIX საუკუნეში და XX საუკუნის დასაწყისში დიდი, პატრიარქალური ოჯახი, ანუ საოჯახო თემი ოსეთში პატარა ოჯახთან ერთად არსებობდა და ამ არსებობის განხარქილებას ხელს უწყობდა ოსეთში ნახევრადნატურალური მეურნეობის ბატონობა და სასაქონლო-ფულადი ურთიერთობის სუსტი განვითარება.

ზ. გაგლოევამ ეს საკითხი შემდეგ ცალკე პარაგრაფად შეიტანა თავისი წიგნის იმ თავში, რომელშიც შესწავლილია ნათესაური გაერთიანებანი: საოჯახო თემი⁵, პატრონიმია და გვარი. ამავე წიგნის პირველ თავში შეტანილია ქორწინება და ოჯახი, რომელშიც ავტორი ქორწინების ძირითად მომენტებთან ერთად ეხება საოჯახო ურთიერთობის ზოგიერთ მხარესაც (ცოლისა და ქმრის, მშობლებისა და შვილების, უფროსებისა და უმცროსების ურთიერთობას,

⁴ З. Гаглоева, Семейная община у осетин, «Известия Юго-Осетинского научно-исследовательского Института», вып. XV, Цхинвали, 1969, 105 – 114.

⁵ З. Гаглойти, Очерки по этнографии осетин, Тб., 1974, 54–71.



მათ უფლება-მოვალეობას)⁶. საოჯახო თემისადმი განკუთვნილ პარაგრაფში ძირითადად მეორდება ის მასალა და თვალსაზრისი, რაც მოცემული იყო ადრე დაბეჭდილ სტატიასში. მაგრამ, ავტორი, ამასთან ერთად, მსჯელობას ავსებს ახალი ლიტერატურით და წინა სტატიასთან შედარებით აქ მეტ ყურადღებას უთმობს ოჯახის მმართველობის სისტემას და ოჯახის უფროსის უფლებამოსილების საკითხს. მკვლევარი იმ თვალსაზრისს იცავს, რომ ოჯახის უფროსად ყოფნა დამოკიდებული იყო პიროვნების ასაკსა და ავტორიტეტზე, ხოლო ოჯახის მმართველობა სოლიდარულ პრინციპს ემყარებოდა. ამ შემთხვევაში მეორდება სპეციალურ ლიტერატურაში არაერთგზის გამოთქმული შეხედულება, მათ შორის ჩვენი თვალსაზრისიც. მაგრამ ზ. ჯაგლოევა არ ეთანხმება იმ ავტორებს, რომლებიც დემოკრატიული ანუ სოლიდარული ოჯახის უფროსობაში მემკვიდრეობის პრინციპს გამოირიცხავენ და არჩევითობის საფუძვლებს აღიარებენ. ავტორის ინტერპრეტაციით, ამ შეხედულებას იცავენ ნ. კოსენი და ვ. ითონიშვილი, ხოლო ეწინააღმდეგებიან მ. კოვალევსკი და ზ. ვანევეი⁷. მეცნიერული სიზუსტისათვის პირველ რიგში უნდა შევნიშნოთ, რომ მ. კოვალევსკი ზემოხსენებულ თვალსაზრისს კი არ ეწინააღმდეგებოდა, არამედ პირველმა სწორედ მან განავითარა აზრი დემოკრატიულ პრინციპებზე დამყარებული მმართველობის სფეროში ოჯახის უფროსისა და დიასახლისის არჩევითობის შესახებ, რამდენადაც ოჯახის უფლებამოსილებას შეადგენდა რომელიმე მათგანის შეცვლა უკეთესი ხელმძღვანელით⁸. ჩვენ აქ აღარ დავიმოწმებთ სხვა ავტორთა შეხედულებებს, ვინაიდან ისინი განხილული და შეფასებულია ზემოხსენებულ მონოგრაფიაში⁹. ამ შემთხვევაში მხოლოდ იმას აღვნიშნავთ, რომ ოჯახის

⁶ З. Гаглойти, Очерки по этнографии осетин, 40—46.

⁷ იქვე, 62.

⁸ М. Ковалевский, Поземельные и сословные отношения у горцев Северного Кавказа, «Русская мысль», кн. XII, 1883, 140.

⁹ ვ. ითონიშვილი, დასახ. ნაშრომი, 245—271.

შენიშვნა: ამ გვერდების ნაცვლად ზ. ჯაგლოევა უთითებს ჩვენი ნაშრომის 187-ე გვერდს, სადაც ამის შესახებ არაფერი თქმულა. არასუსტი მითითება შეინიშნება ავტორიფერატშიც. ავტორის ცნობით, ოსეთში საოჯახო თემის არსებობა და ადასტურეს ზ. ვანევემა, მ. კოსენმა, ა. მაგომეტოვმა, ბ. კალოევმა, ვ. ტოტროვმა, ხოლო კავკასიის სხვა ხალხებში — მ. კოსენმა, რ. ხარაძემ, შ. ინალიფამ, ს. ჯაგოევამ, ვ. ითონიშვილმა, ე. კარაპეტიაძემ, ე. სტულენეკიამ, ტ. შიკოვამ, მ. მერეტუკოვმა და სხვებმა (З. Гаглойца, Общественный быт осетин в XIX веке, Автореферат докт. дисс., Тб., 1975, 14). იმას საჩვენებლად, რომ კავკასიის სხვა



უფროსის არჩევა ღია ან ფარული კენჭისყრისა და ცერემონიების შესრულებას კი არ გულისხმობდა, არამედ იმ პრინციპების დაცვას, რაც ნიშანდობლივი იყო სოლიდარული ბუნების ოსური საოჯახო თემისათვის. ამიტომ მტკიცება იმისა, რომ ოჯახის უფროსობაში არჩევითობა გამორიცხული იყო, რეალურ ვითარებას არ ასახავს. იქ, სადაც ხანდაზმული კაცი ზოგჯერ თვითონვე უთმობდა ადგილს თავისზე უმცროს კაცს, აგრეთვე ფაქტები იმის შესახებ, რომ ოჯახში დგებოდა უფროსის შეცვლის საკითხი, არჩევითობის პრინციპების მაჩვენებელია. ყოველივე ამის გამო ჩვენ კვლავ ძველ თვალსაზრისზე ვრჩებით.

ოსთა საოჯახო ყოფის ზოგიერთ თავისებურებას, უფრო მეტად კი დიდი ოჯახის ცალკეულ ელემენტებს, განიხილავენ აგრეთვე საცხოვრებელ ნაგებობათა და დასახლების ფორმათა მკვლევარნი. სამხრეთელ ოსთა საცხოვრებელი ნაგებობების ეთნოგრაფიული შესწავლის შედეგად ლ. ჩიბიროვა დამაჯერებლად გვიჩვენა, რომ ნაგებობათა ადრინდელი სახეობანი გენეტიკურად საოჯახო თემის არსებობას უკავშირდებიან და XIX საუკუნეშიც დიდი ოჯახები გაუტეხრავ ხაძარებში ცხოვრობდნენ¹⁰.

მთა-ოსეთის საცხოვრებელ ნაგებობათა ფორმებისა და დასახლების სტრუქტურის შესწავლისადმი მიძღვნილი ნაშრომის¹¹ იმ ნაწილში, რომელიც საცხოვრებელ ნაგებობებს ეხება, გ. გეგუქორმა საკმაოდ დიდი ადგილი დაუთმო ინტერიერის აღწერას, სათავესოების განლაგება-მოწყობილობისა და თითოეული მათგანის სამეურნეო თუ სოციალური ფუნქციის ჩვენებას. ნაშრომის მეორე ნაწილში, რომელშიც ალ. რობაქიძე დასახლების სტრუქტურას ეხება, მასალები საოჯახო ყოფის შესახებ გამოყენებულია უმთავრესად საცხოვრებელი კომპლექსების სოციალურ დახასიათებასთან და პატრონიმული უბნის ჩამოყალიბების პროცესის გარკვევასთან დაკავშირებით. ამ შემთხვევაშიც ავტორი ავითარებს იმ თვალსაზრისს,

ხალხში საოჯახო თემის საკითხს ჩვენც ვეხებით, ზ. გაგლოევამ იქვე დაიმოწმა ჩვენი სადოქტორო დისერტაციის ავტორეფერატი (В. И т о н и ш в и л и, Семейный быт горцев Центрального Кавказа, Тб., 1971), მაგრამ სიზუსტე მითხოვს აღინიშნოს, რომ ამ ავტორეფერატში ასახულია არა მარტო კავკასიის სხვა ხალხების (ინგუშების, ჩაჩნების, პანკისელი ქისტების), არამედ აგრეთვე ოსთა საოჯახო თემის კვლევის შედეგებიც.

¹⁰ ლ. ჩ ი ბ ი რ ვ, *ოსეტინское народное жилище*, Цхинвали, 1970, 140.

¹¹ ა. რო ბ ა კ ი ძ ე, *Г. Г е г е ч к о რ ი, Формы жилища и структура поселения горной Осетии, КЭЖ, V, часть I, Тб., 1975.*



რომ პატრონიმია, როგორც გარკვეული სოციალური ერთეული იქმნებოდა დიდი ოჯახის სეგმენტაციის საფუძველზე, ხოლო წარმონაქმნი, თავის მხრივ, შეადგენდა დიდი და პატარა ოჯახების უზნურ გაერთიანებას. ამის დასამტკიცებლად საოჯახო ყოფის სფეროდან გამოყენებულია როგორც საველე ეთნოგრაფიული, ისე ლიტერატურული მონაცემები, თუ მხედველობაში არ მივიღებთ ისეთ გამონაკლისს, როდესაც ასეთ კვლევაში გვერდი აქვს ავლილი თვით ალ. რობაქიძის რედაქციით გამოქვეყნებულ ჩვენს ზემოხსენებულ მონოგრაფიას ოსთა საოჯახო ყოფის შესახებ.

საოჯახო ყოფის კვლევის შედეგები აშკარად ადასტურებენ ამ მიმოხილვის დასაწყისში ნათქვამს იმის შესახებ, რომ ოსეთის ეთნოგრაფიისადმი დიდი ინტერესი და ოსების შესახებ მდიდარი ეთნოგრაფიული ლიტერატურის შექმნა განაპირობა საზოგადოებრივ ურთიერთობათა ტრადიციული მოვლენების, მათ შორის ოჯახის უძველესი ფორმების გადმონაშთურ სახეობათა ხანგრძლივად არსებობამ.

VI. ვეინახების საოჯახო ყოფის კვლევის შედეგები

ვეინახების (ჩაჩნები, ინგუშები, პანკისის ხეობის ქისტები) საოჯახო ყოფის შესახებ რევოლუციამდელ პერიოდში არაოუ სპეციალური გამოკვლევა, აღწერილობითი ხასიათის ნაშრომიც კი არ დაწერილა. მართალია, ზოგიერთი ავტორი სხვა საკითხებთან ერთად ოჯახის ამა თუ იმ თავისებურებასაც ეხებოდა, მაგრამ საკუთრივ საოჯახო ყოფის სპეციალური შესწავლა არავის უცდია. ამ მხრივ ანალოგიურ მდგომარეობასთან გვაქვს საქმე საბჭოთა ეთნოგრაფიაში 1960-იან წლებამდე. ვეინახების საოჯახო ყოფის მონოგრაფიულად შესწავლის პირველი ცდა მოცემულია ნაშრომში¹, რომლის პირველ ნაწილში შესწავლილია საოჯახო ყოფა ჩაჩნეთ-ინგუშეთში, ხოლო მეორეში—პანკისელი ქისტების საოჯახო ყოფა. ეს ნაშრომი დაწერილია ავტორის მიერ შეკრებილი ეთნოგრაფიული მასალებისა და არსებული ლიტერატურის კრიტიკული ანალიზის საფუძველზე. საკითხის შესწავლის მდგომარეობით დაინტერესებულ პირს შესაძლებლობა აქვს ამ ნაშრომით გაეცნოს არსებულ ლიტერატურულ მონაცემებს, რის გამოც მის შესახებ მსჯელობას აღარ განვაახლებთ და შევეცდებით მოკლედ გადმოვცეთ ჩვენი კვლევის შედეგები.

ოჯახის შემადგენლობის, მისი ეკონომიური საფუძვლების, მმართველობის სისტემის, შრომის ორგანიზაციის ფორმების, ოჯახის შიგნით მოქმედი ურთიერთობის ნორმების, ოჯახის გაყრის წესისა და ქონების განაწილების პრინციპების შესწავლის შედეგად დადგენილ იქნა, რომ XIX საუკუნის ბოლომდე ჩაჩნეთ-ინგუშეთში ადგილი ჰქონდა ორი ტიპის ოჯახის თანაარსებობას, რომელთა შორის ინდივიდუალურ ოჯახს გაბატონებული მდგომარეობა ეჭირა. ხოლო დიდი ოჯახი, რომელიც საოჯახო თემის გადმონაშთური სახეობის სახით იყო შემონახული, დამლის სტადიაში იმყოფებოდა.

¹ ვ. ი თ ნ ი შ ვ ი ლ ი, ცენტრალური კავკასიის მთიელების საოჯახო ყოფა, I, (ნაწილი პირველი, გვ. 13—136; ნაწილი მეორე, გვ. 137—194).



დიდი ოჯახის შემადგენლობისა და სტრუქტურის შესწავლის სათვის განსაკუთრებით მნიშვნელოვანი აღმოჩნდა მთა-ინგუშეთში მოპოვებული მასალა, ვინაიდან გაუყრელად ცხოვრების ტრადიცია, ისევე როგორც წინაკლასობრივი წყობის გადმონაშთები საერთოდ, ინგუშეთში უფრო დიდხანს შემორჩა, ვიდრე ჩაჩნეთში, სადაც შარიათის შედარებით ადრე გავრცელებამ განაპირობა ძველი ტრადიციების საფუძვლების შერყევა. თუ ჩაჩნეთში გაუყრელად ცხოვრების ტრადიციაზე წარმოდგენას გვიქმნის ოდესღაც დიდი ოჯახების საცხოვრებლად გამოყენებული მრავალსართულიანი ნაგებობანი და გადმოცემები ასეთი ოჯახების სეგმენტაციის შესახებ, ინგუშეთში ასეთი სახის მონაცემებთან ერთად ჩვენთვის ხელმისაწვდომი აღმოჩნდა XIX საუკუნის ბოლომდე შემონახული დიდი ოჯახების შემადგენლობის ამსახველი მასალები, რომლის საფუძველზე შედგენილი გენეალოგიების მიხედვით დადასტურდა რამდენიმე თაობის ერთ ჭერქვეშ ცხოვრების ფაქტები.

ცალკეული ოჯახების, სოფლებისა და ხეობების მიხედვით სამეურნეო ყოფის შესწავლის შედეგად გაიჩვენა, რომ ოჯახის ძირითად ეკონომიურ საფუძველს წარმოადგენდა მთის მიწათმოქმედება და მესაქონლეობა, ხოლო დამხმარე როლს ასრულებდა უფრო მეტად შინამრეწველობა და ნაწილობრივად ვაჭრობაც, როგორც შედარებით გვიანდელი და იშვიათი მოვლენა. კონკრეტული მონაცემები ოჯახებს შორის ქონებრივ სხვაობას გვიჩვენებენ, მაგრამ მეურნეობისათვის და საერთოდ ჩაჩნეთ-ინგუშეთის ეკონომიური განვითარებისათვის ნიშანდობლივი იყო მეურნეობის ძირითადი დარგების — მიწათმოქმედებისა და მესაქონლეობის თანაარსებობა, რომელთა შორის მესაქონლეობას შედარებით ხელსაყრელი სამეურნეო პირობები გააჩნდა, ამის გამო ეკონომიკაში მისი ხვედრითი წონა მეტი იყო მიწების სიმცირით შეზღუდული მასშტაბის მიწათმოქმედებასთან შედარებით და, ამდენად, მეურნეობის წამყვან დარგსაც მესაქონლეობა წარმოადგენდა.

ამგვარი სამეურნეო პირობების მქონე ოჯახის მართვა მინდობილი ჰქონდა უხუცეს მამაკაცს, რომლის ავტორიტეტს, ასაკთან ერთად, განსაზღვრავდა შრომის ორგანიზაციის უნარი. უამპირობოდ, ისევე როგორც ოჯახის სრულწლოვან წევრებთან კონტაქტის გარეშე, ის ამ საპატიო მდგომარეობას ვერ შეინარჩუნებდა. ყველა სახის მონაცემების მიხედვით მტკიცდება, რომ ინგუშურ დიდ ოჯახში მისი უფროსი არ წარმოადგენდა ერთპიროვნული უფლებების მქონე დესპოტს და ოჯახის მართვა სოლიდარობის პრინციპს



ემყარებოდა. ვეინახების საოჯახო ყოფაში დესპოტური მმართველობის ელემენტები შემოიჭრა მაჰმადიანური რელიგიის გავრცელების შედეგად, რაც ჩაჩნეთსა და ინგუშეთში სხვადასხვა დროიდან დაიწყო და არათანაბარი მასშტაბითაც დაინერგა. ჩაჩნეთში ის ფეხს იკიდებს XVI საუკუნიდან, ხოლო ინგუშებში, უმთავრესად, ვრცელდება XIX საუკუნეში შამილის ინიციატივით. ასეთმა ვითარებამ განსაზღვრა თვით შარიათის როლი საოჯახო ურთიერთობის სფეროში. ჩაჩნეთში დიდი ხნიდან მისი გავრცელების გამო ტრადიციული ადათობრივი წეს-რიგი უმეტესად შარიათის ნორმებით შეიცვალა, ხოლო ინგუშეთში მისი შემოტანა ისეთ ვითარებას დაემთხვა, როდესაც რუსული კანონმდებლობაც ფეხს იკიდებდა. ამის გამო, შარიათმა, რომელიც ადათისა და რუსული კანონმდებლობის შუალედში აღმოჩნდა, ინგუშთა საოჯახო ყოფაში ისეთი სიღრმით ვერ შეაღწია, როგორც ჩაჩნების საოჯახო ურთიერთობაში. საოჯახო ყოფის სპეციფიკისათვის კი ამას სათანადო მნიშვნელობა ენიჭება, ვინაიდან შარიათის დანერგვამ ოჯახის სტრუქტურაში არსებითი ხასიათის ცვლილებები გამოიწვია: ქალს, რომელსაც ადათის მიხედვით მამის ოჯახიდან წილი არ ეკუთვნოდა, შარიათმა მიანიჭა ვაყისთვის კუთვნილი ქონების 1/3-ის მიღების უფლება; ახალმა რელიგიურმა მოძღვრებამ გააფართოვა ოჯახის უფროსის ერთმმართველური უფლებები, შეარყია მმართველობის სოლიდარული სისტემა და ხელი შეუწყო ოჯახში დესპოტური ძალაუფლების დანერგვას; შარიათმა კიდევ უფრო განამტკიცა და გაახანგრძლივა ყალიბის გადახდის წესი, მრავალკოლიანობა და ლევირატის გადმონაშთური სახით არსებობა. მაშასადამე, მაჰმადიანობის გავრცელების შედეგად ვეინახების საოჯახო ყოფისათვის ნიშანდობლივი გახდა ადათისა და შარიათის ნორმების შერწყმა. ამ ორი მომენტის თანაარსებობამ ერთგვარად განსაზღვრა ოჯახის დუალისტური ხასიათი, რაც წარმოადგენდა ვეინახთა საოჯახო ყოფისათვის დამახასიათებელსა და ცენტრალური კავკასიის სხვა მთიელთა (ქართველები, ოსები) საოჯახო ურთიერთობისათვის უცხო მოვლენას.

გამოირკვა, რომ შარიათს თითქმის არ შეუღწევია ოჯახის შიგნით არსებული ურთიერთობის სფეროში. მამაკაცებისა და ქალების, უფროსებისა და უმცროსების, მშობლებისა და შვილების, მაზლებისა და რძლების ურთიერთდამოკიდებულება, ისევე როგორც აღზრდა, ქცევა, სტუმარ-მასპინძლობა და საზოგადოებაში თავის დაჭერა, ტრადიციული მამაპაპური ჩვეულებების გამოყენე-

ბით წესრიგდებოდა და ადათობრივი ნორმებით იყო განმტკიცებული.

როგორც უკვე ითქვა, შარიათის გავლენამ თავი იჩინა უფრო მეტად ოჯახის მმართველობისა და ქონების განაწილების სფეროში, მაგრამ საოჯახო საკუთრებაზე უფლებათა რეგულირებაში განმსაზღვრელი როლი მაინც ტრადიციას ენიჭებოდა, რაც განსაკუთრებით თვალნათლივ გამოჩნდა ინგუშთა საოჯახო ყოფის შესწავლის შედეგად. ადათის მიხედვით, ოჯახის გაყრა მიზანშეწონილად ითვლებოდა მხოლოდ პირველი თაობის უხუცეს პირთა, ე. ი. მოწილე მამაკაცთა მშობლების გარდაცვალების შემდეგ. ასეთ ვითარებაში მშობლები თავისთავად გამოირიცხებოდნენ მოწილეთა რიგებიდან, მაგრამ XIX საუკუნის ლიტერატურაში გვხვდება ცნობები იმის შესახებაც, რომ მამა ერთ-ერთი მოწილის როლში გვევლინებოდა. ასეთ შემთხვევაში მშობლები თავიანთი კუთვნილი წილით საცხოვრებლად უმცროს შვილთან რჩებოდნენ და მამაბაბური სახლიც უმცროსი შვილის ხელში გადადიოდა, რითაც ის მომგებიან მდგომარეობას აღწევდა. ამ წესით ოჯახის გაყრა დამახასიათებელი იყო მოგვიანო პერიოდისათვის, XIX საუკუნის მეორე ნახევრისათვის, როდესაც დიდი ოჯახი მოსპობის სტადიაში იმყოფებოდა. აღრიხდელი ტრადიციული ჩვეულების შესაბამისად, ოჯახის გაყრის შემთხვევაში კი, რაც დასაშვებად ითვლებოდა მშობლების გარდაცვალების შემდეგ, მოწილეების საერთო თანხმობის საფუძველზე, სახლის ან მისი საუკეთესო ნაწილის მიკუთვნებით გარკვეულ უპირატესობას ანიჭებდნენ უფროს მოწილეს, როგორც განაყართა შემდგომი ერთობის განმსახიერებელსა და კულტის მსახურს. მამისთვის წილის გამოყოფის წესთან ერთად გვიანდელი ეპოქისათვის დამახასიათებელ მოვლენათა რიგს მიეკუთვნება ქონების განაწილება ოჯახის წევრთა შრომითი წვლილის მიხედვით. აღნიშნული ვითარება იწვევდა ოჯახის წევრთა პირად დაინტერესებას, გამხდარიყვნენ თავისი ნაშრომ-ნაამაგარის ხელშეუხებელი შესაკუთრენი, ეს თავის მხრივ აღვივებდა მათ შორის მეტოქეობას და წინააღმდეგობას, ზრდიდა განკერძოების ტენდენციას და დიდი ოჯახის დაშლასაც აპირობებდა. დიდი ოჯახის დანაწილების შედეგად წარმოქმნილი ინდივიდუალური ოჯახები ერთიმეორის მეზობლად სახლდებოდნენ და პატრონიმიული უბნის სახით მჭიდრო ნათესაობრივ და, ნაწილობრივად, მეურნეობრივ ერთობას ინარჩუნებდნენ.

ვეინახების საოჯახო ყოფის შესწავლისათვის ეთნოგრაფიულად საყურადღებო აღმოჩნდა პანკისის ხეობა (შედის ახმეტის რა-



იონში), სადაც XIX საუკუნის 30-იანი წლებიდან იწყება ჩაჩნების
 სა და ინგუშების დასახლება, მათ მიერ ქართული ენის ათვისება
 გვარების გაქართულება, ქართულ ყოფასა და კულტურასთან ზი-
 არება და, ყოველივე ამასთან ერთად, მშობლიური ენისა და რამდენ-
 ნაღმე სახეშეცვლილი ტრადიციების შენარჩუნება. თან მოტანილ
 და დამხდურ კულტურათა სინთეზის ნიადაგზე პანკისის ხეობაში
 ჩამოყალიბდა ორენოვანი ეთნიკური ერთეული ქისტების სახით.
 მათი საოჯახო ყოფის შესწავლის შედეგად, რაც პირველად მოცე-
 მულია ჩვენს ზემოხსენებულ ნაშრომში, გამოირკვა შემდეგი: პან-
 კისელ ქისტებში დიდი ოჯახის არსებობა არ დადასტურდა, ვი-
 ნაიდან მათი ჩამოსახლება დაემთხვა ამ ტიპის ოჯახის დაშლის ეტაპს
 როგორც ჩაჩნეთ-ინგუშეთში, ისე საქართველოში. ქისტებში ოჯა-
 ხების უმრავლესობა აერთიანებდა ორ თაობას მშობლებისა და
 შვილების სახით. ისინი ერთმანეთისაგან განსხვავდებოდნენ მხო-
 ლოდ რიცხოვრები შემადგენლობით, რაც განისაზღვრებოდა მშობ-
 ლებთან შვილების ცხოვრების ხანგრძლივობით, ოჯახის ბუნებრივი
 მატებით (ბავშვების რაოდენობის ზრდა) და ხელოვნური ზრდით
 (რძლების რაოდენობა). ამგვარი მონაცემების მიხედვით ქისტებში
 დადასტურდა ორი ტიპის ინდივიდუალური ოჯახის არსებობა, რო-
 მელთაგან ერთი იყო მრავალრიცხოვანი ინდივიდუალური ოჯახი,
 ხოლო მეორე — მცირერიცხოვანი ინდივიდუალური ოჯახი; ორივე
 მათგანი ინარჩუნებდა დიდი ოჯახიდან მემკვიდრეობით მიღებულ
 ზოგიერთ ტრადიციას (უფროს-უმცროსობაზე დამყარებული ურთი-
 ერთობა, ქალისა და მამაკაცის უფლებრივი მდგომარეობა და სხვა).
 პირველ რიგში ამის დამადასტურებელია მრავალსულიანი ინდივი-
 დუალურ ოჯახში ძმებს შორის ქონების თანაბრად გაყოფის ჩვეუ-
 ლება, რაც დაქორწინებისთანავე მათი გაყრის დროს ხორციელდე-
 ბოდა. მართალია, დაქორწინებისთანავე ძმების გაყრა საოჯახო თე-
 მის დაყოფისათვის შეუფერებელ ჩვეულებას წარმოადგენდა, რამ-
 დენადაც დიდ ოჯახს ახასიათებდა ძმების ხანგრძლივი გაუყრელობა
 და თაობათა სიმრავლე, მაგრამ ქონების თანაბრად გაყოფის ამ წეს-
 ში, რომელსაც ინდივიდუალური ოჯახიც ინარჩუნებდა, შესაძლე-
 ბელია დავინახოთ დიდი ოჯახისათვის ნიშანდობლივი ერთობლივი
 საკუთრების ანარეკლი.

ინდივიდუალური ოჯახის სულად შემადგენლობაზე რამდენად-
 მე დამოკიდებული იყო მის შიგნით არსებული მმართველობისა და
 შრომის ორგანიზაციის ხასიათი. თუ ოჯახი მშობლებისა და მცი-
 რეწლოვანი შვილებისაგან შედგებოდა, ოჯახის ხელმძღვანელობაც



და შრომაც მხოლოდ მშობლებს ეკისრებოდათ. ისეთ შემთხვევაში კი, როდესაც მშობლები და მათი სრულწლოვანი შვილები ამ უმცირესობაში დასახლდნენ, და ცოლშვილებამდე ან და ცოლშვილებიდან კიდევ რამდენიმე წლით მაინც ერთ ჭერქვეშ იცხოვრებდნენ, მათ შორის ფუნქციების განაწილების შესაძლებლობაც იქმნებოდა და ოჯახის მმართველობის სფეროშიც უფროს-უმცროსობის პრინციპი შედარებით გამოკვეთილ სახეს ღებულობდა. ოჯახის წევრთა შორის ფუნქციების განაწილება აქ არ იყო და არც შეიძლებოდა ყოფილიყო ისეთი, როგორსაც ჰქონდა ადგილი საოჯახო თემის შიგნით, მაგრამ ვინაიდან მრავალსულიან ინდივიდუალურ ოჯახშიც ადამიანების უფლება-მოვალეობათა ნორმები გამოიწველი იყო სქესობრივ-ასაკობრივი ნიშნით, ხოლო ეს ნიშანი განსაკუთრებით დამახასიათებელი იყო დიდი ოჯახისათვის, უნდა ვიფიქროთ, რომ ქისტის ინდივიდუალურ ოჯახს ეს ტრადიცია დიდმა ოჯახმა უანდერძა.

პანკისის ხეობაში ოჯახის საარსებო საშუალებას წარმოადგენდა მრავალპროფილიანი მეურნეობა (მემინდვრეობა, მებაღეობა-მეხოსტნეობა, მესაქონლეობა) და შინამრეწველობა. აქ დასახლების დასაწყისში ქისტებისათვის ცნობილი იყო უმთავრესად მთის მიწათმოქმედება და მესაქონლეობა, ხოლო მოგვიანებით ისინი ეუფლებიან მებაღეობასა და მებაღეობა-მევენახეობასაც. აღსანიშნავია ის გარემოებაც, რომ მემინდვრეობა და მებაღეობა-მევენახეობა ვითარდებოდა ხეობის ქვედა ზოლში (ბარში), სადაც მოხდა ქისტების უმრავლესობის დასახლება, ხოლო ხეობის სათავეებში უფრო ხელსაყრელი პირობები გააჩნდა მესაქონლეობას. ამის შესაბამისად, ბარის ზოლში მეურნეობის წამყვან დარგად წარმოგვიდგება მემინდვრეობა, ხოლო ხეობის სათავეებში — მესაქონლეობა.

ქართული ყოფისა და კულტურის ესოდენ დიდი გავლენის, უმთავრეს შემთხვევაში კი მისი შესისხლხორცების შედეგად, რაც გამოხატულებას პოულობდა მეურნეობის ზემოხსენებულ სახეობათა (ბარის მიწათმოქმედება, მებაღეობა-მევენახეობა) დაუფლებაში თუ ადგილობრივი მატერიალური კულტურის უმნიშვნელოვანესი ელემენტების (საცხოვრებელი და სამეურნეო ნაგებობანი, დგამ-ქურჭელი...) ათვისებაში, ცვლილებებს განიცდიდა ქისტების საოჯახო და საზოგადოებრივი ყოფა. საოჯახო ყოფის სფეროდან ამ მხრივ აღსანიშნავია ყალიბის თანდათანობით შემცირება, მრავალცოლიანობის გაიშვიათება, მაჰმადიანურ წეს-ჩვეულებათა შეზღუდვა, გარდაქმნა ან მოსპობა და რიგ შემთხვევაში მათ ნაცვლად

ოჯახში ქართული წესრიგის შემოტანა. ყოველივე ამის გამო, პანკისი კასელი ქისტის ოჯახი სინკრეტულ სოციალურ უკრედს წარმოადგენდა, რომელსაც ახასიათებდა თავდაპირველი ვეინახური ადათის, მასში შემოჭრილი შარიათის კანონებისა და შემდგომში შეთვისებული ქართული ტრადიციების თანაარსებობა.

ჩვენი მონოგრაფიის გამოქვეყნების შემდეგ ვეინახთა საოჯახო ყოფას კიდევ რამდენიმე ავტორი შეეხო. ნაშრომში, რომელიც პანკისის ხეობაში დასახლებული ქისტების ყოფისა და კულტურის თითქმის მთლიან მიმოხილვას მოიცავს, ლ. მარგოშვილი საოჯახო ყოფის სფეროდან მოკლედ აღწერს უმთავრესად ოჯახის შიგნით არსებული ურთიერთობის სურათს და ზოგიერთ იმ ტრადიციას, რომელსაც ქისტები აქ დასახლების დღიდან ჯერ კიდევ ინარჩუნებდნენ. საოჯახო ყოფის ზოგი ნიშან-თვისების ამ მოკლე მიმოხილვაში დადასტურებულია ჩვენ მიერ დადგენილი ვითარება, რომ ქისტებში აღარ მისდევდნენ მრავალი თაობის გაუსრულად ცხოვრების წესს, ისინი ცხოვრობდნენ ინდივიდუალურ ოჯახებად, მაგრამ იცავდნენ ძველ პატრიარქალურ რეჟიმს, რაც აშკარად ვლინდებოდა ცოლისა და ქმრის, მშობლებისა და შვილების ურთიერთობაში და ოჯახის წევრთა შორის ფუნქციების განაწილებაში².

პანკისელი ქისტების შესახებ მსჯელობა იმით შეიძლება დაემათავროთ, რომ მათი საოჯახო ყოფის, კერძოდ, საოჯახო საკუთრების ელემენტებს შორის ერთ-ერთ მნიშვნელოვან კომპონენტს წარმოადგენდა ურვადის გადახდის წესი, რომლის შესწავლას სპეციალური წერილი მიუძღვნა ლ. მელიქიშვილმა³.

ჩაჩნების საოჯახო ყოფის ძირითად საკითხებს სპეციალურ ნაშრომში განიხილავს მ. ისმაილოვა. ადგილზე შეკრებილი ეთნოგრაფიული მასალებისა და ლიტერატურული მონაცემების მიხედვით, მასში შესწავლილია ოჯახის შემადგენლობა, მეურნეობრივი საფუძვლები, მმართველობა, ფუნქციების განაწილება და ქონებრივ-უფლებრივი ურთიერთობა. აღნიშნული საკითხების განხილვისას გათვალისწინებულია როგორც ადათობრივი ნორმები და საზოგადოებრივ ურთიერთობათა განვითარების კვალობაზე მათი ცვალებადობა, ისე შარიათის გავრცელების შედეგად შემოტანილი წეს-

² Л. Маргошвили, Кисты Панкиси, Автореферат канд. дисс., Тб., 1969, 22—24.

³ ლ. მელიქიშვილი, ურვადი პანკისის ხეობას ქისტებში, „საისტორიო კრებული“ (ახლგაზრდა მეცნიერ-მუშაკთა შრომები), IV, თბ., 1974.

რიგი და, ამის შედეგად, საოჯახო ყოფაში მომხდარი ცვლილებები ჩვენ ხელთ არსებული მონაცემების მსგავსად, მ. ისმაილოვას თავმოყრილი მასალიდანაც კარგად გამოჩნდა, რომ ჩაჩნეთში დიდი ოჯახის რღვევის პროცესი გაცილებით ადრე დაიწყო, ვიდრე ინგუშეთში და გაუყრელი ოჯახი აქ XIX საუკუნეში შედარებით იშვიათი გამონაკლისის სახით იყო შემორჩენილი⁴. მაგრამ აღნიშნული ვითარება როდი ქმნის იმის საფუძველს, რომ დიდი ოჯახების არსებობა შუასაუკუნეების ჩაჩნეთშიაც გამოვრიცხოთ და მრავალსართულიანი კომპლექსები, რომლებშიც ასეთი ოჯახები ცხოვრობდნენ, ინდივიდუალური ოჯახების კუთვნილ ნაგებობად გამოვაცხადოთ. ასე დაემართა ს. უმაროვს, რომლის წარმოდგენით, ჩაჩნეთის მთიანეთში თავდაპირველი ტიპის სახლს წარმოადგენდა დიდი ოჯახის საცხოვრებლად განკუთვნილი მრავალკამერიანი ციხე-სახლი, რომელიც თანდათანობით შეცვალა პატარა ოჯახის ერთკამერიანმა საცხოვრებელმა ნაგებობამ⁵.

ს. უმაროვის მიერ თავდაყირა წარმოდგენილი სურათისაგან განსხვავებით, გ. გეგუქორმა ჩაჩნურ-ინგუშური საცხოვრებლების მონოგრაფიული შესწავლის შედეგად გვიჩვენა, რომ დაუნაწევრებელი საცხოვრებელი ფართობის მქონე ციხე-სახლები და წა ტიპის სახლები დიდხანს ინარჩუნებდნენ დამლის სტადიაზე მყოფი დიდი ოჯახების საცხოვრებელთა ფუნქციებს. საცხოვრებლის ფართის სეგმენტაცია ხდებოდა დიდი ოჯახის ინდივიდუალურ ოჯახებად დაყოფასთან დაკავშირებით, რის შედეგად განაყრები ერთიმეორის მეზობლად სახლებოდნენ და ერთ პატრონიმიულ უბანს ქმნიდნენ⁶.

ასეთნაირად წარმოგვიდგება საკითხის კვლევის შედეგები, რომლის მიხედვით გამოჩნდა ოჯახის სხვადასხვა სახეობათა ძირითადი კომპონენტები, გაირკვა ვეინახებში შემავალი ცალკეული ეთნიკური ერთეულების (ინგუშები, ჩაჩნები, ქისტები) საოჯახო ყოფისათვის ნიშანდობლივი საერთო თუ სპეციფიკური თავისებურებანი და დადგენილ იქნა ის მიზეზები, რაც ამ სპეციფიკური ნიშან-თვისებების ჩამოყალიბებას აპირობებდა.

⁴ М. И с м а и л о в а, Из истории семейного быта чеченцев—состав семьи, „მაცნე“, 1970, № 6; მ ი ს ი ვ ე, Семейный быт чеченцев в прошлом, Автореферат канд. дисс., Баку, 1971.

⁵ С. У м а р о в, Средневековая материальная культура горной Чечни XIII—XVII вв. Автореферат канд. дисс., М., 1970.

⁶ Г. Г е г е ч к о р и, Горные жилые комплексы Чечено-Ингушетии, Автореферат канд. дисс., Тб., 1970.

VII. დაღესტნის მოსახლეობის საოჯახო უწყის საკითხები ეთნოგრაფიულ ლიტერატურაში

ჩრდილო კავკასიის ხალხთა შორის ყველაზე მრავალრიცხოვანია იბერიულ-კავკასიურ ხალხთა ოჯახი, ხოლო მათ შორის ბირველობა ეკუთვნის დაღესტნურ ჯგუფს. დაღესტანი კავკასიაში გამოირჩევა ეთნიკური დანაწევრებითა და ენათა სიმრავლით. ტყუილად ხომ არ უწოდებდნენ მას „მთების ქვეყანას“ და „ენათა მთას“. აქ ცხოვრობს დაახლოებით 30 დასახელების ხალხი და ეთნოგრაფიული ჯგუფი საკუთარი ენებითა და 70-ზე მეტი დიალექტით. დაღესტნის მკვიდრი მოსახლეობა ენობრივად ეკუთვნის საკუთრივ კავკასიის, ხოლო ნაწილობრივად თურქულენოვან და ირანულენოვან ხალხებს. დაღესტნის იბერიულ-კავკასიური ენების ჯგუფი სამ ქვეჯგუფად იყოფა. ესენია 1. ხუნძურ-ანდიურ-დიდოური, 2. დარგულელი და ლაკური, 3. ლეზგიური. ამ ენებზე მოლაპარაკე ხალხთაგან სიმრავლით გამოირჩევიან ზუნძები ანუ ავარები, დარგინელები, ლეკები და ლაკები. მათი რიცხობრივი სიმრავლის შესაბამისად, დაღესტნის იბერიულ-კავკასიურ ენათა შორის ყველაზე გავრცელებულია ხუნძური ანუ ავარიული ენა, რომელიც გამოყენებულია ურთიერთობის საშუალებად მთელ დასავლეთ დაღესტანში მცხოვრებ ტომთათვის. ამის შემდეგ გავრცელების მასშტაბით ერთიმეორეს მიყვებიან დარგულელი, ლეზგიური და ლაკური ენები. დაღესტანში თურქულენოვან ხალხს ეკუთვნიან ყუმუხები და ნოლაელები, ხოლო ირანულ-ენოვანს — მთის ებრაელები¹. ასეთი ეთნიკური მრავალფეროვნებითა და მრავალენოვანებით დაღესტანი ერთ-ერთი უნიკალური მხარეა არათუ კავკასიაში, არამედ მთელ მსოფ-

¹ არნ. ჩ ი ქ ო ბ ა ვ ა, ენათმეცნიერების შესავალი, თბ., 1952, 369—371; ზ. ა ნ ჩ ა ბ ა ძ ე, თ. ბ ო ც ვ ა ძ ე, გ. თ ო გ ო შ ვ ი ლ ი, მ. ც ი ნ ც ა ძ ე, ჩრდილო კავკასიის ხალხთა ისტორიის ნარკვევები, I, თბ., 1969, 4; А. Д а н и я л о в, Народы Дагестана (вступительная глава), «Народы Кавказа», I, М., 1960, 403—404; თ. ბ ო ც ვ ა ძ ე, საქართველო-დაღესტნის ურთიერთობის ისტორიიდან, თბ., 1968, 3—11.



ლიომი. ყოველივე ეს თავისთავად მეტყველებს თუ რაოდენ საინტერესოა ეს რეგიონი ეთნოგრაფიული თვალსაზრისით, კერძოდ საოჯახო ყოფის თავისებურებებით, რომლის კვლევა XIX საუკუნიდან დაიწყო და დღემდე შეუწელებელი ინტერესით მიმდინარეობს.

XIX საუკუნის მკვლევართაგან დაღესტნის ხალხთა საოჯახო ყოფის ზოგიერთ მხარეს გვაცნობენ ნ. დუბროვინი და მ. კოვალევი. ნ. დუბროვინი ეხება რა საქორწინო ურთიერთობის ნორმებს, საცხოვრებელ ნაგებობათა სოციალურ დანიშნულებას (ოჯახის სამყოფი ოთახი, საყონალო), ოჯახში სტუმრის მიღების წესს და რიგ სხვა საკითხს, საოჯახო ყოფის სფეროდან აღწერს შრომის ორგანიზაციის ხასიათს საქალებო და სამამაკაცო საქმიანობათა მიხედვით, ოჯახის მმართველობის ზოგიერთ მომენტს და მემკვიდრეობის წესს.

ნ. დუბროვინის ნაშრომის მიხედვით, დაღესტანში საქალებო და სამამაკაცო საქმიანობათა აშკარა გამიჯნულობის პირობებში, განსაკუთრებით მძიმე შრომას უძღვებოდა ქალი. მის მოვალეობას შეადგენდა ბავშვების აღზრდა, ოჯახისა და საქონლის მოვლა, ქსოვა, კერვა, მინდვრად მუშაობა და ტყიდან შეშის მოტანაც კი. ეს მაშინ, როდესაც მამაკაცს მხოლოდ ხენა-თესვა და თიბვა ეკისრებოდა. თვით თივის ფოცხვაც ისევ ქალებს უწევდათ².

ავტორის დაკვირვებით, მამაკაცის პრიორიტეტი ასევე შესამჩნევი იყო ქონების გაყოფის დროს. ამის საბუთად იგი აღნიშნავს იმ გარემოებას, რომ გლეხთა წრეში უვაჟოდ დარჩენილი ოჯახის ქონება გადადიოდა ახლო ნათესავი მამაკაცების ხელში და თვით ამ ოჯახის ქალები ხელცარიელნი რჩებოდნენ, ვინაიდან ისინი მოკლებულნი იყვნენ ქონებაზე მემკვიდრეობის უფლებას. ჩვეულებისამებრ კი, როდესაც ოჯახში იმყოფებოდნენ მემკვიდრეები ვაჟების სახით, ქონებას იყოფდნენ ოჯახის მდგომარეობის შესაბამისად. ოჯახი თუ მშობლების სიცოცხლეშივე გაიყრებოდა, შვილებს შორის ქონების განაწილება მშობლების გადაწყვეტილებით ხდებოდა. მშობლებიდან ერთ-ერთის გარდაცვალების შემდეგ ოჯახის გაყრის შემთხვევაში კი შვილები ჯერ გამოყოფდნენ მამის ქონებიდან დედის წილს ანდა, პირიქით, დედის ქონებიდან მამის წილს, ხოლო დანარჩენს თანაბრად იყოფდნენ. ქონებაზე მემკვიდრეობის უფლე-

² Н. Дубровин, История войны и владычества русских на Кавказе, т. I, кн. I, СПб., 1871, 551.



ბა არ ჰქონდათ: უკანონო შეიღებეს, მშობლის მკვლელს ან ქრიანული სარწმუნოების მიმღებსა და ამ მიზეზით საზოგადოებრივად დაკეცვულ კაცს. შარიათის კანონით განსაზღვრული იყო ქალის უფლებებიც. დას ეძლეოდა ძმისთვის კუთვნილი წილის 1/3 ე. ი. ერთი ძმა და ორი და ქონებას შუაზე იყოფდნენ. მდგომარეობა გათანაბრებული იყო დების სიმრავლის შემთხვევაში, ხოლო უძმო ოჯახში ქონებას დები ინაწილებდნენ³.

დაღესტნის მთიელებში საოჯახო საკუთრებისა და ოჯახის წევრთა უფლებრივი მდგომარეობის შესწავლისათვის ნ. დუბროვინის შრომიდან უფრო მეტად საყურადღებოა ეთნოგრაფიული მონაცემები ყუმუხების შესახებ. ავტორის ყურადღება მიუქცევია, პირველ რიგში, იმ გარემოებას, რომ საქორწინო კავშირის დამყარება და ქონებაზე მემკვიდრეობის უფლება განისაზღვრებოდა წოდებრივი მდგომარეობით⁴. მას მიაჩნია, რომ ქონება, რომელსაც ქალი გათხოვების დროს ღებულობდა თავისი მამის სახლიდან საქორწინლო საჩუქრებისა და ფულის სახით, ხოლო საქმროს ოჯახიდან ყალიმის სახით, წარმოადგენდა ქალის ხელშეუხებელ საკუთრებას. წოდებრივი მდგომარეობის შესაბამისად ქმრისაგან მიცემული თანხა გათვალისწინებული იყო ცოლ-ქმრის ვაყრის შემთხვევაში ქალის უზრუნველსაყოფად. ქმარი ამ თანხას გამოიყენებდა მხოლოდ ცოლის ნებართვით. ვაყრის ან დაქვრივების შემდეგ ქალს ამ თანხით მამის სახლში დაბრუნება შეეძლო. სხვა სახის ქონებას ქმრის ოჯახიდან ის ვერ გაიტანდა⁵.

ნ. დუბროვინი გაცვრით ეხება აგრეთვე ოჯახში ქალის უფლებრივ მდგომარეობასაც. მას შექმნია შთაბეჭდილება, რომ ყუმუხებში ქალი ისე დაჩაგრული არ იყო, როგორც კავკასიის სხვა მთიელებში. სადიასახლისო საქმეში ის სრულუფლებიან დიასახლისად ითვლებოდა და ქმარი მის ფუნქციებში არ ერეოდა. ქმარს ასევე სამარცხვინო საქმედ მიაჩნდა ცოლის დატვირთვა ქალისთვის შეუფერებელი მძიმე შრომით. სამაგიეროდ, ცოლი ქმარს უყოყმანოდ ემორჩილებოდა და მამაკაცის პრესტიჟის შენარჩუნებისათვის ზოგჯერ თავის ამკარა უპირატესობასაც ჩქმალავდა⁶.

ნ. დუბროვინის აღწერილობის თანახმად, ყუმუხებში ოჯახის

³ Н. Дубровин, *დასახ. ნაშრომი*, 599.

⁴ იქვე, 637.

⁵ იქვე, 638.

⁶ იქვე, 639.

წევრთა ურთიერთობა ემყარებოდა უფროს-უმცროსობის ტრადიციულ პრინციპს უფროსის პრიორიტეტის შენარჩუნებით. მამულეობა აქ უფრო ძლიერი ყოფილა, ვიდრე ჩაჩნეთში. ის იმელებოდა რა ქონების სრულუფლებიან მესაკუთრედ, შვილს არ ჰქონდა ცალკე გამოყოფისა და წილის მოთხოვნის უფლება. შვილი მხოლოდ მამისაგან ნაწყალობევე ულუფას უნდა დასჯერებოდა. მამაზე იყო დამოკიდებული მისადმი უყოყმანო მორჩილებაში მყოფი ქალიშვილების ბედის განსაზღვრაც. ადათის მიხედვით ქალს არავითარი წილი არ ეკუთვნოდა, მაგრამ რამდენადაც ქონების ერთპიროვნული მესაკუთრე მამა იყო, ხოლო ის შარიათის ნორმებით ხელმძღვანელობდა, ამის შესაბამისად, ქალიშვილსაც აძლევდა ვაჟისთვის კუთვნილი წილის 1/3-ს. იმ შემთხვევაში კი, თუ ოჯახის გაყოფა მამის გარდაცვალების შემდეგ მოხდებოდა, ქალიშვილი წილს ვეღარ მიიღებდა. სამაგიეროდ, ძმებს ევალებოდათ მისი შენახვა და გამზითვება. ყოველივე ამის აღწერის შემდეგ ნ. დუბროვინი დაასკვნის, რომ დაღესტანში ქონებაზე მემკვიდრეობის ისეთივე წესი არსებობდა, როგორიც ჩაჩნეთში, რომლის მიზეზად მას მიაჩნია შარიათის ნორმების დანერგვა⁷.

ნ. დუბროვინის ცნობები დაღესტნელთა საოჯახო ყოფის შესახებ საყურადღებოა იმდენად, რამდენადაც იგი გვაცნობს ადათობრივი წესებისა და შარიათის ნორმების თანაარსებობას. ამ თვალსაზრისით, დაღესტნელთა საოჯახო ყოფა განსაკუთრებით საინტერესოა, ვინაიდან კავკასიაში დაღესტანი წარმოადგენდა მაჰმადიანური რელიგიის გავრცელების მთავარ კერას, რაც შეეხება თვით ოჯახის ფორმებს და ოჯახის ისტორიული განვითარების საფეხურებს, ამის შესახებ ნ. დუბროვინის ნაშრომი თითქმის არაფერს გვაძლევს. ამ მხრივ საკითხს მ. კოვალევსკიმაც ბევრი ვერაფერი შემატა. იგი ჯერ იმის აღნიშვნით დაკმაყოფილდა, რომ დაღესტანში იმ დროს დიდი ოჯახი იშვიათადლა არსებობდა და ყველა თავისთვის დაბინავებას ცდილობდა⁸, ხოლო შემდეგ თავისი მსჯელობა იმითი ამოწურა, რომ ოჯახების გაყრა შედარებით გვიან შემოიღეს⁹.

საოჯახო ყოფას ასევე გაკვირით შეეხო ყუმუხი ეთნოგრაფი მანაი ალიბეკი, რომელმაც აღნიშნა, რომ XIX საუკუნის დასასრულ-

⁷ Н. Дубровин, *დსახ. ნაშრომი*, 639—640.
⁸ М. Ковалевский, *Закон и обычай на Кавказе*, т. II, М., 1890, 192.
⁹ იქვე, 205.



სა და XX საუკუნის დასაწყისში ყუმუხური ოჯახის ერთ-ერთ ძირითად თავისებურებას წარმოადგენდა მამის სიცოცხლეში შვილების გაუყრელობა, მამისადმი მათი უყოყმანო მორჩილება და ის, რომ მამის სიცოცხლეში გაუყოფლად ცხოვრების დროს შვილები არაფერს არ თვლიდნენ თავიანთ საკუთრებად¹⁰.

საბჭოთა ეთნოგრაფიაში გამოთქმული შეხედულების თანახმად, ეს არის მ. კოსვენის მიერ სახელდებული სამამო ანუ მამისუფლებიანი დიდი ოჯახი, რომელსაც ახასიათებდა შედარებით მცირერიცხოვანი შემადგენლობა (15-20 სული) და მამის დესპოტური უფლებების ზრდა¹¹.

XIX საუკუნის დაღესტნის საზოგადოებრივი წყობის დახასიათებისას ჰ. ხაშაევი უარყოფს რა რევოლუციამდელ მკვლევართა თვალსაზრისს სოციალური ინსტიტუტების შესახებ, ერთ-ერთ ნაკლად თვლის საოჯახო და საგვარეულო თემების არსებობის აღიარებას მათი გადმონათური სახეობის მხედველობაში მიუღებლად. მისი შეხედულებით, XIX საუკუნის დაღესტანში ძირითად ერთეულს წარმოადგენდა პატარა (ინდივიდუალური) ოჯახი. მისივე მტკიცებით, ეჭვს არ იწვევს ის გარემოება, რომ დაღესტანი შორეულ წარსულში საოჯახო და საგვარო თემსაც იცნობდა, მაგრამ XIX საუკუნეში საოჯახო თემი მხოლოდ გადმონათური ფორმით არსებობდა. ასეთი ოჯახები ცხოვრობდნენ ვეებერთელა სახლებში, რომლებიც ჩვენს დრომდე შემოინახა. ავტორს მნიშვნელოვან საბუთად მიაჩნია დიდი და პატარა ოჯახების აღმნიშვნელ განსხვავებულ სახელწოდებათა არსებობაც. დიდი ოჯახის გადმონათური სახეობის ძირითად ნიშნებად მკვლევარი თვლის ერთობლივ მეურნეობას, საერთო წარმოებას და კოლექტიურ მოხმარებას, დემოკრატიულ მმართველობას მამაკაცებისა და ქალების მონაწილეობით და ოჯახის უფროსის ხელმძღვანელობით. იქვე მითითებულია, რომ მმართველობის ზემოაღნიშნული სისტემა ისტორიულად არსებული საოჯახო თემისათვის ყოფილა დამახასიათებელი. რაც შეეხება XIX საუკუნეში შემორჩენილ დიდ ოჯახს, მასში დანერვილა დესპოტური მმართველობა, რასაც ავტორი ისლამის გავლენით ხსნის¹².

საოჯახო თემისა და სხვა ნათესაურ გაერთიანებათა სტრუქტურის საკითხები განხილულია რ. მაგომედოვის შრომებში. ერთ-ერთ

¹⁰ М. А л и б е к, А даты Кумыков, Махачкала, 1927, 31.

¹¹ С. Г а д ж и е в а, Кумыки, М., 1961, 254.

¹² Х. М. Х а ш а е в, Общественный строй Дагестана в XIX веке, М., 1961, 220—221.



მათგანში მკვლევარმა სცადა დაემტკიცებინა, რომ თუხუმი, რომელიც მ. კოვალევსკიმ იროკეზული გვარის ანალოგიურ ერთეულში მიიჩნია¹³, სინამდვილეში წამოადგენდა არა გვარს, არამედ საოჯახო თემს, დიდ პატრიარქალურ ოჯახს¹⁴. მისივე შეხედულებით, რუსეთთან შეერთების პერიოდისათვის დაღესტნის ხალხთა უმრავლესობაში საოჯახო თემის ინსტიტუტი უკვე მოშლილი იყო. ამ ეპოქის დაღესტანში, ისევე როგორც კავკასიის მთიანეთში საერთოდ, საოჯახო თემი მხოლოდ გადმონაშთის სახით არსებობდა¹⁵.

რ. მაგომედოვის შეხედულებას საოჯახო თემის დაშლისა და გადმონაშთური ფორმით მისი შემონახულობის შესახებ იზიარებს ა. ფადეევი, როდესაც მიმოიხილავს ლიტერატურას კავკასიის მთიელთა სოციალური წყობის შესახებ. ამ შეხედულების მართებულობის საფუძვლად ა. ფადეევს მიაჩნია ის გარემოება, რომ XIX საუკუნის დამდეგისათვის მთელ ჩრდილო კავკასიაში სისხლით ნათესაობაზე დამყარებული გაერთიანებანი ადგილს უთმობდნენ ტერიტორიულ თემს, რომელშიც შეჭრილი იყო სოციალური უთანასწორობა და სათემო საკუთრებასთან ერთად გამოკვეთილ სახესღებულობდა ინდივიდუალური საოჯახო საკუთრება¹⁶. ა. ფადეევის მიერ გაზიარებული ეს შეხედულება დავას არ იწვევს, მაგრამ მხარდაჭერა ვერ ჰპოვა რ. მაგომედოვის მტკიცებამ თუხუმისა და საოჯახო თემის იდენტურობის შესახებ. თუხუმის შემდგომი დაკვირვებითი შესწავლის საფუძველზე ს. გაჯიევამ დაასაბუთა, რომ ამ საზოგადოებრივი ჯგუფის გაიგივება არ შეიძლება არც გვართან და არც საოჯახო თემთან, ვინაიდან თუხუმი წარმოადგენდა ნათესაეების გაერთიანებას, პატრონიმული ორგანიზაციის სახესხვაობას¹⁷. ამის შესახებ შემდგომში კიდევ უფრო გამოკვეთილად ითქვა დაღესტნის ხალხთა კულტურისა და ყოფის შესწავლისადმი მიძღვნილ განმარტებელი ხასიათის კრებულში. მის მეოთხე თავში, რომელშიც მოცემულია საზოგადოებრივი და კულტურული ცხოვრების

¹³ М. Ковалевский, Закон и обычай на Кавказе, т. II, 147.

¹⁴ Р. Магомедов, К вопросу о семейной общине в Дагестане, «Труды II научной сессии дагестанской научно-исследовательской базы АН СССР» Махачкала, 1949, 85.

¹⁵ Р. Магомедов, Общественно-экономический и политический строй Дагестана в XVIII — начале XIX в., Махачкала, 1957, 127.

¹⁶ А. Фадеев, დასახ. ნაშრომი, 133.

¹⁷ С. Гаджиева, К вопросу о тухуме и большой семье у каякентских кумыков, КСИЭ, XIV, М., 1952, 78.



მიმოხილვა, მ. აგალაროვი ტრადიციული საზოგადოებრივი ყოფის სათვის დამახასიათებელ კომპონენტებად თელის ჯამათის (სასოფლო თემს) და თუხუშის. აქ მოცემული კვალიფიკაციის თანახმად, ჯამათის შემადგენლობაში შედიოდა ორიდან ათამდე ან მეტი თუხუში, ხოლო თითოეულ თუხუშში გაერთიანებული იყო აგნატური ნათესაობის წრე. თუხუშის წევრებს აკავშირებდათ სოლიდარობა სამეურნეო, საოჯახო და საზოგადოებრივი ცხოვრების ყველა სფეროში ისე, რომ საკუთრების მხრივ ყველა მათგანი სრულ დამოუკიდებლობას ინარჩუნებდა¹⁸.

ზემოხსენებულ ნაშრომში წამოყენებული თვალსაზრისი ს. გაჯიევამ განავითარა დაღესტნელთა საოჯახო ყოფის შესწავლისადმი განკუთვნილ სპეციალურ შრომებში. ადრინდელ გამოკვლევებში იგი უმთავრესად ეხება ყუმუხთა საოჯახო ურთიერთობის საკითხებს¹⁹, რაც მოკლედ ასახა ჩრდილო კავკასიის ხალხთა ეთნოგრაფიის ზოგადი მიმოხილვის იმ მონაკვეთში, რომელიც საკუთრივ ყუმუხების ყოფისა და კულტურის დახასიათებას ითვალისწინებს²⁰. საკითხის შემდგომი კვლევა ავტორმა გაათაროვა მთელი დაღესტნის მასშტაბით და ერთ-ერთ მონოგრაფიაში²¹ შეისწავლა დაღესტნის ხალხთა საოჯახო ყოფა მისი ძირითადი კომპონენტებისა და ოჯახის ცალკეული ტიპების ძირითადი ნიშნების მიხედვით. ამ შრომებში მოცემული კვლევის შედეგები მკვლევარმა შეაჯამა ზემოთ დასახელებულ განმაზოგადებელ კრებულში, რომელიც მისი რედაქციით გამოიცა, ხოლო მის მიერვე დაწერილი მესამე თავი მთლიანად დაეთმო როგორც რევოლუციამდელი საოჯახო ყოფის, ისე საბჭოთა ოჯახის სტრუქტურის შესწავლას²².

ყველა ამ ნაშრომში, მათ შორის კი მეტადრე საკითხის მონოგრაფიულ კვლევაში და შემაჯამებელ მიმოხილვაში, საოჯახო ყოფის დახასიათებისათვის ს. გაჯიევა ითვალისწინებს იმ ფრიად

¹⁸ «Современная культура и быт народов Дагестана» (Авторский коллектив: С. Гаджиева, М. Османов, А. Исламмагомедов, М. Агаларов, С. Асиятилов, С. Агаширинова), М., 1971. 212—214.

¹⁹ С. Гаджиева. Каякентские кумыки. КЭС, П. М., 1958, 64—65; მისივე, О семейных отношениях кумыков в XIX в., УЗДФ АН СССР, IV, Махачкала, 1958, 183—211; მისივე, Кумыки, 252—259.

²⁰ «Народы Кавказа», I, 434—436.

²¹ С. Гаджиева, Семья и семейный быт народов Дагестана, Махачкала, 1967.

²² «Современная культура и быт народов Дагестана», 153—211.



მნიშვნელოვან გარემოებას, რომ დაღესტანს, ისევე როგორც მეფის რუსეთის მრავალ სხვა განაპირა ნაციონალურ მხარეს, ოქტომბრის რევოლუციის პერიოდისათვის განვლილი არ ჰქონია განვითარების კაპიტალისტური სტადია. ოქტომბრის რევოლუციამ ამ მხარეს ისეთ ვითარებაში მოუტუსწრო, როდესაც აქ ბატონობდა მნიშვნელოვანწილად პატრიარქალურ-გვაროვნული ყოფის გადმონაშთებთან გადახლართული ფეოდალური ურთიერთობანი. რუტინულ ტექნიკაზე დამყარებული მეურნეობა ნახევრად ნატურალური ხასიათისა იყო. მიწათმოქმედებასა და მიწათმფლობელობაში ადგილი ჰქონდა ურთიერთობათა სხვადასხვა ფორმების თანაარსებობას — დაწყებული თემურით და გათავებული კაპიტალისტურით. კაპიტალისტურმა ურთიერთობამ, რომელიც ვითარდებოდა ოქტომბრის რევოლუციამდე და უკვე შესამჩნევ გავლენას ახდენდა ეკონომიკის ყველა დარგზე, განსაკუთრებით ზღვისპირა დაღესტანში, ვერ მოასწრო გაბატონებული მდგომარეობისათვის მიღწევა. XIX საუკუნის შუა პერიოდამდე დაღესტანი პოლიტიკურად ერთიანი არ იყო. მის ტერიტორიაზე არსებობას განაგრძობდნენ ერთმანეთისადმი მტრულად დაპირისპირებული და სოციალურ-ეკონომიური განვითარების დონით ერთმანეთისაგან განსხვავებული ფეოდალური ხასიათის პოლიტიკური წარმონაქმნები. საუკუნეების განმავლობაში არსებულმა ფეოდალურმა დაქუცმაცებულობამ, ხალხთა შორის მტრობამ და გათიშულობამ შეაფერხა ქვეყნის სოციალურ-ეკონომიური განვითარება. აღნიშნული ვითარება აპირობებდა ხანგრძლივ კულტურულ ჩამორჩენილობას დაღესტნელ მთიელებში, რომელთა მსოფლმხედველობა ისლამის დოგმებით იყო გაქვნილი. ს. გაჯიევას შეხედულებით, ყოველივე ამან ასახვა ჰპოვა დაღესტნის ხალხთა რევოლუციამდელ საოჯახო ყოფაში, რომელიც ხასიათდებოდა მრავალი არქაული ნიშნით.

ოჯახის ფორმებზე მსჯელობის წყაროდ ს. გაჯიევა იყენებს XIX საუკუნისა და XX საუკუნის დასაწყისის ეთნოგრაფიულ მასალას, რომლის ანალიზის საფუძველზე, მისი ყველა ნაშრომის მიხედვით, დაღესტნელთა საოჯახო ყოფისათვის ნიშანდობლივ მთავარ მომენტად გვესახება XIX საუკუნის ბოლომდე დიდი და პატარა ოჯახების თანაარსებობა იმის თვალნათლივ ჩვენებით, რომ დიდი ხნიდან არსებულ ძირითად ერთეულს წარმოადგენდა ინდივიდუალური ოჯახი, ხოლო დიდი ოჯახი არსებობას ინარჩუნებდა როგორც საოჯახო თემის გადმონაშთური სახეობა.



წერილობითი წყაროების უქონლობის გამო მკვლევარს შეუძლებლად მიაჩნია დაღესტნის ხალხთა შორეულ წარსულში ბული დიდი ოჯახის სახელწოდების დადგენა, მაგრამ ხალხის მეხსიერებაში შენახული ცნობების საფუძველზე იგი ჩამოთვლის მთელ რიგ საინტერესო სახელწოდებებს, რომლებიც აშკარად გვიჩვენებენ ერთობისა და გაუყრელობის ფაქტს დიდი ოჯახის არსებობის გვიანდელ საფეხურზე. ამასთან ერთად, ს. გაჯიევა გვაცნობს რღვევის საფეხურზე გადმონაშთის სახით არსებული დაღესტნური დიდი ოჯახის ძირითად კომპონენტებს, რომელთაგან პირველია ახლო ნათესავეების სამ-ოთხ თაობამდე გაუყრელად ცხოვრება 24-25, ხოლო შედარებით იშვიათად 45-47 სულის სახით. ოთხ თაობაზე მეტის ერთად ცხოვრების უშუალო კონკრეტული მაჩვენებლები ავტორს სავლელ ეთნოგრაფიული მასალით ვერ დაუდასტურებია, მაგრამ მოპოვებული ცნობების რეტროსპექტული ანალიზისა და სხვა მონაცემების (გადმოცემები ოჯახების შესახებ, საცხოვრებელი ნაგებობანი, დასახლების ფორმები) მიხედვით ვარაუდობს, რომ იმ პერიოდში, როდესაც მეურნეობას ახასიათებდა იზოლირება და კარჩაკეტილობა, დიდი ოჯახი დაღესტანში ნათესავთა უფრო ფართო წრეს აერთიანებდა და ხუთი-ექვსი თაობა გაუყოფლად ცხოვრობდა²³. ს. გაჯიევა აქვე ეხება დიდ ოჯახს ფეოდალთა წრეში, რომლის შემადგენლობაში ერთი მამის სამ-ოთხმუხლიან შთამომავლობასთან ერთად შედიოდნენ მონები (რაიონებში, სადაც გავრცელებული იყო პატრიარქალური მონობა), ფეოდალის შინამოსამსახურეები და სხვ. ს. გაჯიევას აზრით, ასეთი შემადგენლობის მქონე დაღესტნურ დიდ ოჯახს სავსებით მიესადაგება სამხრეთსლავური ზადრუგას ფ. ენგელსისეული დახასიათება.

საოჯახო თემის გადმონაშთური სახეობის იმ ეტაპზე, რომლის შესწავლა ხდება XIX საუკუნის მეორე ნახევრის ეთნოგრაფიული მასალების მიხედვით, ავტორი კანონზომიერ მოვლენად თვლის ერთ ოჯახად მცხოვრები ნათესავეების წრის თანდათანობით შემცირებას. მისი აზრით, აღნიშნული ვითარება განპირობებული იყო დაღესტნის სოციალურ-ეკონომიური განვითარების დონით, კერძოდ საკუთ-

²³ აზრი იმის შესახებ, რომ ოჯახი ექვს თაობამდე გაუყოფლად ცხოვრობდა, არ შეეხება ყველა თაობის წევრთა ერთდროულად, ერთ სახლში ყოფნას. ამ შემთხვევაში, ისევე როგორც ასეთი შინაარსის მქონე სხვა გადმოცემებში, ივლისსმება ისეთი ვითარება, როდესაც წინა თაობის წარმომადგენლები გარდაცვლილან, ხოლო მიმდევრობის თაობები გაუყრელად ცხოვრებას განაგრძობენ.



რების გაფართოებისა და კლასობრივი დიფერენციაციის საყოველ-
 თაო პროცესით და, საზოგადოებრივი ურთიერთობის სფეროში
 მომხდარ ცვლილებებთან ერთად, თვით საოჯახო თემის ხასიათის
 შეცვლით.

აღნიშნული სახეობის დიდ ოჯახს მეთაურობდა მშრომელი,
 ცხოვრებაში გამოცდილი, მეურნეობის საუკეთესო მცოდნე და
 საერთო საქმის ხელმძღვანელობის უნარით აღჭურვილი უფროსი
 მამაკაცი, ჩვეულებისამებრ, მამა ან პაპა, რომლის გარდაცვალების
 შემდეგ ოჯახის მეთაურის ადგილს იკავებდა მომდევნო ხნით უფრო-
 სი მამაკაცი — მისი ძმა ან უფროსი შვილი. ოჯახის საერთო ხელ-
 მძღვანელობასთან ერთად უშუალოდ მის კომპეტენციაში შედიოდა
 მამაკაცთა შორის ფუნქციების განაწილება ასაკისა და უნარის შე-
 ძაბამისად. მასვე ჰქონდა ჩაბარებული ოჯახის დოვლათი და ის განა-
 გებდა შემოსავალ-გასავლის საქმეს. მისი გადაწყვეტილება კანონ-
 ნად ითვლებოდა, მაგრამ მნიშვნელოვან საკითხებზე ის ოჯახის
 სხვა წევრებთანაც თათბირობდა. ს. გაჯიევას დაკვირვებით, ოჯახის
 უფროსის დესპოტური უფლებები განსაკუთრებით გაძლიერდა
 დიდი ოჯახის არსებობის გვიანდელ საფეხურზე. მას, როგორც გა-
 ნუსაზღვრელი ძალა-უფლების მქონე მზრძანებელს, ყველა უყოყ-
 მანოდ ემორჩილებოდა. ეს ერთპიროვნული ძალაუფლება იმდენად
 გაღრმავებულა, რომ ნებისმიერი რძლის დაწუნება და ოჯახის წევ-
 რისთვის სხვა ქალის ცოლად მოყვანაც კი მის ნება-სურვილზე ყო-
 ფილა დამოკიდებული. აღნიშნული ვითარების დამადასტურებე-
 ლია ისიც, რომ მას შეეძლო ოჯახის უმცროს წევრთა ფიზიკურად
 დასჯა, ხოლო ოჯახის უფროსის ერთპიროვნული ძალა-უფლების
 ყველაზე უფრო ნათელი სურათი ჩანს საკუთრების ხასიათში, რამ-
 დენადაც საოჯახო ქონების მესაკუთრედ ის ითვლებოდა. მაგრამ,
 ყოველივე ამის მიუხედავად, ს. გაჯიევა შენიშნა, რომ ოჯახის
 უფროსი სრულწლოვან წევრებთან შეთანხმების გარეშე საკითხის
 გადაწყვეტას გაუბრუნდა, ვინაიდან საყოველთაოდ აღიარებული
 ნორმების დარღვევა და განსაზღვრული საოჯახო ეტიკეტის უგულ-
 ვებელყოფა აუგად ითვლებოდა.

ოჯახის უფროსი განსაკუთრებით ერიდებოდა ქალთა საქმიან-
 ნობაში ჩარევას, რომელსაც უშუალოდ განაგებდა დიასახლისად გა-
 მოყოფილი უფროსი ქალი, ჩვეულებისამებრ, ბებია. დიასახლისის
 ხელთ იყო საწყობისა და ზანდუკის გასაღებები და პროდუქტების
 ხარჯვაც მას ჰქონდა მინდობილი, მაგრამ ოჯახიდან დიდი ხარჯის გა-
 ლება მას არ შეეძლო ოჯახის უფროსთან შეთანხმების გარეშე. უფ-

როსი ქალის მოადგილედ ითვლებოდა მომდევნო ხნით უფროსი რძალი, რომელსაც საჭმელის მომზადება ევალებოდა. ახალგაზრდა რძლების მოვალეობას შეადგენდა პურის ცხობა, წყლის მოტანა, სისუფთავის დაცვა, ძროხების მოწველა და სხვა, ხოლო რძლებს შორის ყველაზე დიდი შრომა პატარძალს უწევდა. ქალთა შორის ფუნქციების განაწილებაც ასაკის მიხედვით განისაზღვრებოდა. დიასახლისად გამოყოფილი უფროსი ქალი უმთავრესად ოჯახის უფროსის მეუღლე იყო, რომლის შემდეგ ეს მოვალეობა დაეკისრებოდა მომდევნო უფროს რძალს. რძლებს შორის უფროსობა კი განისაზღვრებოდა არა მათი წლოვანების, არამედ მათი ქმრების ასაკის მიხედვით. ამის შესაბამისად, შეიძლებოდა უფროსი დიასახლისის ადგილი დაეჭირა ხნით უმცროს რძალს, თუკი ის ხნით უფროსი ძმის ცოლი იქნებოდა.

დიდი ოჯახის არსებობის გვიანდელ პერიოდში ს. გაჯიევა გამორიცხავს უფროსის არჩევის წესს, ვინაიდან, არსებული ფაქტობრივი მონაცემების მიხედვით, ყოფილ უფროსს, ყოველგვარი ცერემონიის გარეშე, მომდევნო ხნით უფროსი მამაკაცი სცვლიდა, რომლის კანდიდატურას უმთავრესად ყოფილი უფროსი ასახელებდა. ოჯახის უფროსის უახლოეს თანამემამულედ ითვლებოდა დიასახლისად გამოყოფილი უფროსი ქალი, რომელიც ზოგჯერ ოჯახის მეთაურიც ხდებოდა, ხოლო მეურნეობის წარმოებაში მას უფროსი შვილი ეხმარებოდა.

ს. გაჯიევას შრომები ყურადღებას იქცევს იმ მხრივაც, რომ ოჯახის უფროსის განუსაზღვრელ უფლებებთან ერთად, რაც, პირველ რიგში, ქონების ერთპიროვნულ საკუთრებაში გამოიხატებოდა, დაღესტნური დიდი ოჯახისათვის დამახასიათებელ ერთ-ერთ თავისებურებად აღიარებულია ქონების კოლექტიური საკუთრება და საერთო წარმოება-მოხმარება, რაც, თავის მხრივ, აპირობებდა კოლექტიური შრომის ხასიათს და მეურნეობაში ოჯახის ყველა წევრის ერთობლივ მონაწილეობას. მათი ეს მონაწილეობა განისაზღვრებოდა ასაკისა და შრომის უნარის მიხედვით, რომლის გათვალისწინების საფუძველზედაც ოჯახის მეთაური რთულ სამუშაოებს აკისრებდა შრომაში ნაწილობა და პრაქტიკული ცოდნით აღჭურვილ უფროს მამაკაცებს, ხოლო მათდამი დახმარებას ავალებდა ოჯახის ახალგაზრდა წევრებს. უფროსი თაობის მამაკაცები ოჯახის ხელმძღვანელის თანამემამულედ ითვლებოდნენ, მეურნეობის ძირითად დარგებს — მიწათმოქმედებას და მესაქონლეობას ისინი უძღვებოდნენ და ოჯახში დიდი ავტორიტეტით სარგებლობდნენ.

ზემოაღნიშნული მომენტების თანაარსებობა (ერთი მხრივ მმართველობის სოლიდარული ფორმა და მეორე მხრივ დესპოტიზმი ანდა ერთი მხრივ ერთპიროვნული საკუთრება და მეორე მხრივ კოლექტიური საკუთრება), როლის მიზეზსაც ს. გაჯიევა გამოკვეთილად არ გვიჩვენებს, აიხსნება დაღესტნელთა ყოფაში ადამიბრივი ნორმებისა და შარიათის თანაარსებობით. ამ უკანასკნელმა თანდათანობით შეავიწროვა ტრადიციის მოქმედების ასპარეზი და ოჯახის სტრუქტურაშიც ღრმად დანერგა დესპოტიზმის ელემენტები, ამას, თავის მხრივ, ხელი შეუწყო კლასობრივი ურთიერთობის განვითარებამ, რაც ს. გაჯიევას შეუმჩნეველი არ დაჩენია. მისი შეხედულებით, დაღესტანში დიდი ოჯახის არსებობას ახანგრძლივებდა სასოფლო-სამეურნეო ტექნიკის დაბალი დონე, მეურნეობის ნახევრად ნატურალური ხასიათი და თემური ყოფისათვის ნიშანდობლივი მოვლენების შემონახულობა. მისივე განმარტებით, ასეთი ოჯახის არსებობა თუმცა ყველა სახის საწარმოო საშუალებების კოოპერირებას და კოლექტიურ შრომას ემყარებოდა, მაგრამ მის შიგნით ღრმად იყო შეჭრილი ფეოდალური საზოგადოებრივი ურთიერთობის ნორმები. საკითხისადმი ასეთი მიდგომა საყურადღებოა იმ მხრივ, რომ ფეოდალური ურთიერთობა ოჯახის შიგნით ნერგავდა კერძო საკუთრების ტენდენციას, რასაც გადამწყვეტი მნიშვნელობა ენიჭებოდა ოჯახის სტრუქტურის შეცვლაში. აღნიშნული ტენდენცია კიდევ უფრო გაღრმავდა კაპიტალისტური ურთიერთობის პირობებში. როგორც ზემოთ აღვნიშნეთ, ყოველივე ამას ემატებოდა შარიათის გავლენა, რაც ოჯახს ტრადიციულ სახეს უკარგავდა. ამიტომ საეხებით ბუნებრივად მიგვაჩნია ის გარემოება, რომ ს. გაჯიევა მ. კოსვენზე დაყრდნობით ამ ტიპის დიდ ოჯახს თვლის საოჯახო თემის გვიანდელ ფორმად, რომლის საბოლოო დაყოფა ინდივიდუალურ ოჯახებად სასაქონლო-ფულადი ურთიერთობის განვითარების პირობებში მოხდა. მაგრამ ს. გაჯიევა როდი ცდილობს იმის დამტკიცებას, რომ დიდი ოჯახი პირდაპირ ინდივიდუალურ ოჯახებად დაქუცმაცდა. მისი აზრით, დაღესტანში შეკრებილი მასალები საეხებით ადასტურებენ მ. კოსვენის დებულების სისწორეს იმის შესახებ, რომ საოჯახო თემის ბუნებრივი ზრდის შედეგად ხდებოდა მისი დანაწილება შედარებით მცირერიცხოვან საოჯახო თემებად, ხოლო თითოეული მათგანი იყოფოდა რამდენიმე ინდივიდუალურ ოჯახად. დიდი ოჯახების დაშლის შემაფერხებელ ფაქტორად მკვლევარი თვლის პრივილეგიური ფენის ეკონომიურ ინტერესებსაც. როგორც იგი აღნიშნავს, ჯერ ფეოდალები, ხოლო შემდეგ მეფის მო-



ხელები ცდილობდნენ დაღესტანში ხელოვნურად შეეჩერებინათ დიდი ოჯახების, როგორც გადასახადების გადახდის მეტი უნარი მქონე ერთეულების დაშლა. ასეთ ვითარებაში მამის სიცოცხლეში შეიღებს ცალკე გამოყოფა არ შეეძლოთ, ხოლო თუ რომელიმე მათგანი ოჯახის უფროსის დაუქითხავად მაინც ამ გზას დაადგებოდა, საოჯახო ქონებიდან ვერაფერს ვერ მიიღებდა. გასაჩივრების შემთხვევაშიც საქმე ოჯახის უფროსის სასარგებლოდ გადაწყდებოდა, რომელიც ოჯახის ერთობის შენარჩუნებით საოჯახო ქონებაზე ერთპიროვნული მესაკუთრის უფლების გაძლიერებისათვის იბრძოდა. მაგრამ მიუხედავად იმისა, რომ დიდმა ოჯახმა დაღესტანში თავისი არსებობის ბოლო პერიოდში დესპოტიური სახე მიიღო, ერთპიროვნული მესაკუთრის უფლებას მოწყურებული ოჯახის უფროსი გაუყრელობის შენარჩუნებას ცდილობდა და ამ ცდამის ზედაფენების წარმომადგენლებიც ეხმარებოდნენ, დიდი ოჯახების დაშლა მაინც გარდუვალი იყო. ამის საფუძველი შემზადდა ფეოდალური ურთიერთობის პერიოდში, როდესაც ოჯახის შიგნით კერძო მესაკუთრეობისადმი სწრაფვამ იჩინა თავი; ეს პროცესი საგრძობლად გაღრმავდა ოჯახში დესპოტიზმის ელემენტების დანერგვა-გაფართოებასთან დაკავშირებით, ხოლო დიდი ოჯახების დაშლის დიდი ხნიდან დაწყებული პროცესი განსაკუთრებით დაჩქარდა რეფორმის შემდგომ პერიოდში, როდესაც ხალხის ეკონომიურ ცხოვრებაში არსებითი ხასიათის ცვლილებები მოხდა. ამ რთულ სოციალურ პროცესს დაღესტანში ლოკალური თავისებურებანი ახასიათებდა. დიდი ოჯახის უფრო ადრე მოსპობა ქვეყნის ერთ კუთხეში და სხვაგან მისი მეტხანს შემონახულობა გამოწვეული იყო კონკრეტული სოციალურ-ეკონომიური პირობებით, მაგრამ ყველა მათგანისათვის ერთნაირად დამახასიათებელი და კანონზომიერი მოვლენა საბოლოო ჯამში მაინც ერთი იყო. დაღესტნის ყველა კუთხეში საოჯახო თემის დაშლის დიდი ხნის წინათ დაწყებული პროცესის შედეგად წარმოქმნილი ოჯახების ერთობლიობა ქმნიდა ახლო ნათესავთა გაერთიანებას პატრონიზმის სახით, რომლის წევრები ქონების გარკვეულ ნაწილზე (ზოგიერთი მიწის ნაკერი, საკარმიდამო ნაკვეთი, წისქვილი და სხვა) საერთო საკუთრებას ინარჩუნებდნენ.

იმასთან ერთად, რომ დიდი ოჯახისათვის დამახასიათებელი ერთობის ტრადიციების ნაწილობრივად შენარჩუნება ხდებოდა განაყარი ოჯახების ერთ პატრონიზმში ყოფნისა და მათი ახლო ურთიერთობის გამო, ს. გაჩევა ძველ ტრადიციებს ზედავს საკუთრივ ინდივიდუალური ოჯახის შიგნითაც. იგი აღწერს მრავალ ისეთ



ჩვეულებას, რომელიც ინდივიდუალურმა ოჯახმა შემკვიდრებულ მიიღო დიდი, პატრიარქალური ოჯახისაგან და ზოგი მათგანი ლომდე დღესაც კი არ არის ლიკვიდირებული. მისი დაკვირვებით, თანამედროვე ცხოვრებაში შედარებით იოლად მიმდინარეობს ძველი საზოგადოებრივი ყოფის გადმონაშთების დაძლევა, მაგრამ უფრო მეტად იხანგრძლივებენ არსებობას გადმონაშთები საოჯახო ყოფის სფეროვან. მკვლევარი ამ გარემოებას ხსნის საზოგადოებრივ ყოფასთან შედარებით საოჯახო ყოფის მეტი კონსერვატიულობით, რაც განსაკუთრებით შეინიშნება მთის შორეულ რაიონებში, უმათავრესად, ხანდაზმულ გლეხთა ოჯახებში. ასეთ ოჯახებში დღემდე აღმოუფხვრელი გადმონაშთების წყებას განეკუთვნებიან: ქორწინება შარიათის კანონით, ყალიბის გადახდის წესი, ქალის მოტაცება, მცირეწლოვანთა ქორწინება, ქმრის მშობლებთან რძლის უმძრახობა, ოჯახში შრომის განაწილების ძველი ფორმები, ვაყების პრიორიტეტი და ა. შ. ახალი ყოფის შესწავლის შედეგად, ს. გაჯიევამ გაარკვია, რომ ამ კატეგორიის გადმონაშთები პირველ რიგში შეინიშნება სამთაობიან ოჯახებში, სადაც ძველი ტრადიციების დამცველებად გვევლინებიან უფროსი თაობის წარმომადგენლები. საოჯახო ყოფაში ძველი ტრადიციებისა და გადმონაშთების ესოდენ ხანგრძლივად არსებობა, პირველ ყოვლისა, განპირობა თვით გაუყრელად ცხოვრების წესის დიდხანს არსებობამ, რაც ს. გაჯიევამ სათანადო მონაცემებით დაადასტურა. მისი ცნობით, გვიანობამდე მრავლად შემორჩენილი დიდი ოჯახების საბოლოო დაშლა 1921—1931 წლებშია მიმდინარეობდა და ესეც სულთა რაოდენობის მიხედვით მიწების განაწილების ახალი კანონის მიღებამ გამოიწვია, ვინაიდან ოჯახების გაყრა მეტი ნაკვეთების მიღების შესაძლებლობას ზრდიდა. ბუნებრივია, რომ ასეთ ვითარებაში, როდესაც დიდმა ოჯახმა ასე ხანგრძლივად შეინარჩუნა არსებობა, მისგან ნაანდერძევი ზოგიერთი ჩვეულების სიცოცხლე ინდივიდუალურ ოჯახშიც გაგრძელებულიყო. მკვლევარი ასეთ ჩვეულებათაგან ასახელებს უფროსებისადმი უმცროსების მორჩილების წესს, ოჯახის უფროსი მამაკაცის პატრიარქალურ ძალაუფლებას, ქალის შედარებით უფლებობას, შრომა-საქმიანობაში სქესობრივ-საკობრივი დიფერენციაციის პრინციპს და ა. შ. მკვლევარი იმასაც არ ივიწყებს, რომ ინდივიდუალურ ოჯახში აღნიშნული ურთიერთობა განისაზღვრებოდა ოჯახის მცირერიცხოვანი შემადგენლობით. ამის შესაბამისად, ოჯახის უფროსის უფლებები ვრცელდებოდა მისი ცოლისა და შვილების მიმართ, რითაც ამ უფლებების გამოყენების სფერო, დიდ ოჯახთან



შედარებით, შეზღუდული იყო, მაგრამ ამითი არ იცვლებოდა მამა-პაპური წეს-ჩვეულებების შესრულების რეჟიმი. ს. გაჯიევას ვირვებით, აღნიშნული ვითარება განსაკუთრებით ცხადად შეიმჩნევა საქორწინო ურთიერთობაში, სადაც გადამწყვეტი მნიშვნელობა ენიჭებოდა ოჯახის უფროსების შეთანხმებას და მათ მიერ დატყმული პირობების შესრულებას. პირველ რიგში იგულისხმება მექორწინე მხარეთა მატერიალური გარიგება მომავალი მეუღლეების გრძნობებისა და სურვილების გაუთვალისწინებლად, ე. ი. ყალიმის გადახდის სავალდებულო წესი, რაც თავიდანვე განსაზღვრავდა ქმრის ოჯახში ცოლის უუფლებო მდგომარეობას და ქმრის ეკონომიური პირობების კვალობაზე მისთვის მრავალცოლიანობის შესაძლებლობასაც.

XIX საუკუნის დაღესტანში ასეთ ჩვეულებებთან ერთად შემონახული იყო აგრეთვე ლევირატის (მამლის მიერ ქვრივი რძლის ცოლად შერთვის ჩვეულება) გადმონაშთები, რასაც ყალიმის გადახდის წესთან ერთად ეხება და საქორწინო ურთიერთობის საკითხთან დაკავშირებით განიხილავს გ. სერგეევა. აღნიშნული მოვლენების არსებობა მას დადასტურებული აქვს საველე მასალისა და ლიტერატურის კრიტიკული შესწავლის საფუძველზე. იგი აკრიტიკებს იმ ავტორებს, რომელნიც უარყოფდნენ ყალიმის არსებობას და დამაჯერებლად ამტკიცებს ამ ინსტიტუტის ფართოდ გავრცელებას დაღესტანელთა ყოფაში²⁴.

ინდივიდუალური ოჯახის გვერდით საოჯახო თემის გადმონაშთური სახეობის არსებობა არაერთმა მკვლევარმა დაადასტურა დაღესტნის ცალკეული კუთხეების ეთნოგრაფიული შესწავლის საფუძველზე. როგორც ლ. ლავროვი წერს, ლეკების სოფ. კურახში საბჭოთა ხელისუფლების დამყარების პირველ წლებშიც კი ოცდაათ-სულიანი ოჯახი ცხოვრობდა, მაგრამ გაუყრელად ცხოვრება არამც-თუ XX, არამედ XIX საუკუნის მეორე ნახევარშიც აღარ წარმოადგენდა საყოველთაო მოვლენას და დიდი ოჯახი ამ დროისათვის უკვე იშვიათად არსებობდა²⁵.

XIX საუკუნეში დიდი და პატარა ოჯახების თანაარსებობა ასევე გამოჩნდა სამხრეთ დაღესტანში შემორჩენილი ძველი ტიპის

²⁴ Г. Сергеева, Брак и свадьба у народов Дагестана в XIX в. КСИЭ, XXXII, 1959.

²⁵ Л. Лавров, Лезгины, «Народы Дагестана (сборник статей)», М., 1955, 115.



საცხოვრებელ ნაგებობათა სოციალური ბუნების შესწავლის საფუძველზე. ს. ხან-მაგომედოვა აღწერა ზოგი ისეთი სახლი, რომელიც ასაკი 200-მდე წელს აღწევდა, ხოლო მისი ზედა სართული წარმოადგენდა დიდი ოჯახის საცხოვრებლად განკუთვნილ დიდ გაუტიხრავ ოთახს. იგივე ავტორი გვაცნობს უფრო მოგვიანო დროის სახლებსაც, რომელთა ზედა სართულები ოთახებად სემინტირებული ყოფილა. ამ ოთახებში უცხოვრია დიდი ოჯახის დამშლის შედეგად შექმნილ ინდივიდუალურ ოჯახებს, რომლებსაც ბოსელი საერთო ხმარებაში დაუტოვებიათ და ერთობლივი მეურნეობაც შეუნარჩუნებიათ²⁵. ავტორის შეხედულებით, დიდი ოჯახის დამშლის შედეგად XIX საუკუნის მეორე ნახევარში შეიქმნა სახლის ახალი ტიპი, რომელიც პასუხობდა ინდივიდუალური ოჯახის მოთხოვნილებებს²⁷.

ეს დებულება არ გაიზიარა ლ. პანეკმა, რომელმაც იმავე საკითხისადმი მიძღვნილ ნაშრომში მიუთითა, რომ დიდი ოჯახის რღვევა, მის შედეგად პატარა ოჯახის წარმოქმნა და მისი მოთხოვნილების შესაბამისი საცხოვრებლის ტიპის შექმნა XIX საუკუნეში არ შეიძლებოდა მომხდარიყო, ვინაიდან დიდი ოჯახის რღვევას ლეკებში, ისევე როგორც ქართველ მთიელებში (ავტორს მხედველობაში ჰყავს მთიულები)²⁸ მანამდე, დიდი ხნის ისტორია ჰქონდა. საცხოვრებელ ნაგებობათა ცალკეული ტიპების აღწერისა და მათში მცხოვრები ოჯახების შესახებ არსებული ფაქტობრივი მონაცემების განხილვის შედეგად, ავტორი დაასკვნის, რომ XIX საუკუნეში და XX საუკუნის დასაწყისში გაბატონებული მდგომარეობა ეჭირა ინდივიდუალურ ოჯახს, მაგრამ მასთან ერთად ჯერ კიდევ დიდი ოჯახებიც არსებობდნენ²⁹.

გაუსრელი ოჯახების არსებობა ასევე აღინიშნა ყუბაჩელების საცხოვრებელ ნაგებობებზე დაკვირვების შედეგად. XIX საუკუნის 60-იან წლებში ზოგიერთ დამკვირვებელს შეუნიშნავს, რომ ყუბაჩელები რამდენიმე თაობის სახით მრავალსართულიან სახლებში ცხოვრობდნენ³⁰. ამ ცნობას საგანგებო მნიშვნელობას ანიჭებს ე. შილინ-

²⁶ С. Хан-Магомедов. Народное жилище Южного Дагестана, СЭ, 1951, № 1, 168, 173.
²⁷ С. Хан-Магомедов. Лезгинское народное жилище, Автореферат канд. дисс., М., 1955, 4, 6.
²⁸ Л. Панек, Следы родового строя у мтиулов, СЭ, 1938, № 1.
²⁹ Л. Панек, Жилище лезгин, მსე, IX, თბ., 1957, 155-156.
³⁰ П. Петухов, Кубачинское племя, газ. «Кавказ», 1866, № 86.

გი. მას მიაჩნია, რომ დიდი ოჯახი ამ ეპოქაში არსებითად უკვე დამოკიდებული იყო, ხოლო შემორჩენილი გაუყრელი ოჯახები ინდივიდუალურ ოჯახებად იყოფოდნენ³¹.

საოჯახო თემის ნაკვალევი ლაქების ყოფაში შენიშნულია ლ. ლავროვის მიერ. იგი მიუთითებს გვაროვნული წყობის გადმონაშთების არსებობაზე და ასეთივე ხასიათის გადმონაშთებად თვლის დიდ ოჯახსაც. ამის საბუთად იმოწმებს ხალხურ გადმოცემას, რომ სოფ. ვიხლიში ოდესღაც უცხოვრია 150-სულიან ოჯახს³².

ლაქთა ყოფაში დიდი ოჯახის ხანგრძლივად არსებობა დაადსატურა აგრეთვე ა. ბულატოვამ. ლიტერატურული მონაცემებისა და ეთნოგრაფიული მასალების მიხედვით მას დაუდგენია, რომ XIX საუკუნეში და თვით XX საუკუნის დასაწყისში, როდესაც საყოველთაოდ გავრცელებული იყო ინდივიდუალურ ოჯახებად ცხოვრების წესი, არსებობდა სამ-ოთხ თაობამდე გაუყრელი ოჯახებიც. ავტორი მას მიაკუთვნებს იმ ტიპის დიდ ოჯახს, რომელსაც მ. კოსვენმა უწოდა გადაგვარებული დიდი პატრიარქალური ოჯახი. ა. ბულატოვას დაკვირვებით, გაუყრელად ცხოვრება განსაკუთრებით დამახასიათებელი ყოფილა მეცხვარეებისა და საშოვარზე მოსიარულეთათვის, რასაც იგი ხსნის მათი სამეურნეო ინტერესებით და, ამდენად, მიაჩნია, რომ ოჯახის ამ ფორმას იყენებდნენ მეურნეობის სპეციფიკის შესაბამისად³³.

ამავე ეპოქის ეთნოგრაფიული მასალების ანალიზის საფუძველზე ზ. ნიკოლსკიამ თავის შრომებში³⁴ ვეიჩვენა, რომ დაღესტნის მთიანეთში ხუნძების საზოგადოება ნახევრადპატრიარქალური-ნახევრადფეოდალური განვითარების საფეხურზე იმყოფებოდა. ამ საზოგადოებისათვის დამახასიათებელი იყო კლასობრივი დიფერენციაციის საწყისებისა და გვაროვნულ გაერთიანებათა თანარსებობა.

³¹ Е. Шилинг, Кубачинцы и их культура, М.-Л., 1949, 35—37.

³² Л. Лавров, Лакцы. «Народы Дагестана», 172—173.

³³ А. Булатова, Лакцы в XIX—начале XX веков, Автореферат канд., дисс., Махачкала, 1963, 12—13; მ ი ს ი ე ვ ე, Лакцы (XIX—начала XX в.), Историко-этнографические очерки, Махачкала, 1971, მეოთხე თავი.

³⁴ З. Никольская, Из истории аварского жилища, СЭ, 1947, № 2, 159—163; მ ი ს ი ე ვ ე, Из истории семейно-брачных отношений у аварцев в XIX в. КСИЭ, VIII, М.-Л., 1949, 53—54; მ ი ს ი ე ვ ე, Пережитки патриархально-родового строя у аварцев в XIX и в начале XX века, ТИЭ Новая серия, т. XIV, М., 1951, 229—233, მ ი ს ი ე ვ ე, Аварцы. «Народы Дагестана», 31, 32, 37, 38, 42; მ ი ს ი ე ვ ე, Аварцы, «Народы Кавказа», I, 451.



გადმონაშთის სახით შემონახულ ასეთ გაერთიანებათა შორის მკვლევარი სიდიდის მიხედვით ჩამოთვლის ისეთ ნათესაურ ერთეულებს როგორც იყო „ბო“, „როსო“, „თოხუმი“ „КЫБИЛ“ („Корень“, „ძირი“), „ПО РУКЪАЛЪУЛ Г/АДАМАЛ“ („ერთი სახლის ხალხი“). საერთოდ, ხუნძების საზოგადოების სტრუქტურაში, XIX საუკუნის მონაცემების მიხედვით, უმცირესი და ძირითადი სამეურნეო ერთეული იყო პატარა (ინდივიდუალური) ოჯახი, ხოლო უმსხვილეს სოციალურ ერთეულს წარმოადგენდა სასოფლო თემი. ამ უკანასკნელის შემადგენლობაში, შემოხსენებულ ნათესაურ გაერთიანებებთან და პატარა ოჯახებთან ერთად, შედიოდნენ გადმონაშთის სახით შემორჩენილი დიდი ოჯახებიც. ხუნძურად დიდ ოჯახს ერქვა „ПО РУКЪ“ („ერთი სახლი“), რომლის დაშლის ნიადაგზე იქმნებოდა პატრონიმია („ერთი სახლის ხალხი“). საყურადღებოა, რომ ხუნძებში „ერთი სახლის ხალხი“ („ПО РУКЪАЛЪУЛ Г/АДАМАЛ“) ეწოდებოდა დიდ ოჯახსაც, რაც იმის მანიშნებელია, რომ დიდი ოჯახის დაშლის შედეგად წარმოქმნილმა ნათესაურმა გაერთიანებამ დიდი ოჯახის სახელი შეინარჩუნა, ე. ი. დიდი ოჯახის აღმნიშვნელი სახელწოდება იქცა პატრონიმიულ სახელწოდებად. ეს ფაქტი, თავის მხრივ, გვიჩვენებს, რომ ხუნძებშიც, ისევე როგორც დაღესტნისა და კავკასიის სხვა ხალხებში, ახლო ნათესაების პატრონიმიული გაერთიანება წარმოადგენდა იმ ოჯახების ერთობლიობას, რომლებიც წარმოიქმნენ დიდი ოჯახის დაყოფის შედეგად. ასეთ გაერთიანებაში ირიცხებოდა 60—70 კაცი. მასზე უფრო მოზრდილი ერთეულები იყო „ძირი“ და „თოხუმი“, რომელთაგან თითოეულში შედიოდა რამდენიმე „ერთი სახლის ხალხი“. ყოველი ნათესაური გაერთიანება ერთობას ინარჩუნებდა ნათესაობის ნიშნით, საერთო წარმომავლობით. ეს ფაქტულებას პოულობდა ურთიერთდახმარების წესის, კოლექტიური შრომის ფორმებისა და ერთობლივი საკუთრების ელემენტების არსებობაში. ამ მხრივ ყველაზე უფრო ორგანიზებულ ერთეულს, რომელიც იცავდა ურთიერთდახმარების პრინციპს და ზოგ რამეზე საერთო საკუთრებას ინარჩუნებდა, წარმოადგენდა „ერთი სახლის ხალხი“. ხუნძების ზოგიერთ საზოგადოებაში ასეთი ნათესაური ერთეულის საერთო საკუთრებად ითვლებოდა მიწის მცირედი ნაკვეთები, წისქვილი, მარცვლეულის გასახმობი ღუმელი და სხვა. აღნიშნული კომპონენტების მიხედვით, საქმე გვაქვს ისეთ ვითარებასთან, როდესაც დიდი ოჯახის განაყარი პატარა ოჯახები ერთობის ტრადიციას აგრძელებდნენ პატრონიმიულ ორგანიზაციაში.

ბ. ნიკოლსკაიას გამოკვლევით, XIX საუკუნის ბოლომდე მონაშთის სახით შემორჩენილი და დაშლის სტადიაში მყოფი დიდი ოჯახის საცხოვრებელს წარმოადგენდა დიდი ზომის ერთკამერიანი ნაგებობა, რაც, მრავალკამერიან სახლთან ერთად, ავტორის იქ ყოფნის დროს კიდევ არსებობდა და ის უკვე პატარა ოჯახის საცხოვრებლად გამოიყენებოდა. ოჯახის საცხოვრებლად განკუთვნილი ოთახი, რომელიც ორსართულიან სახლში მეორე გაუტიხრავ სართულს მოიცავდა, ზომით 80—120 კვ. მეტრს აღწევდა. მის ცენტრში მდგარი ორნამენტიანი დედაბოძი და თიხის იატაკზე გამართული კერა თავისი ქვაბ-საკიდელით ოთახის ფართობს ოთხ ნაწილად ყოფდა: მარჯვენა მხარე იყო სამამაკაცო, მარცხენა — სადედაკაცო, ადგილი კერასა და ბოძს შორის ბავშვებისათვის პურის საჭმელად იყო განკუთვნილი, ხოლო კერისა და გარეთა კედლის შუაში საწვავს ინახავდნენ. ყველაზე საპატიო ადგილად ითვლებოდა კერის მარჯვენა მხარე, სადაც ოჯახის უფროსისა და სტუმრებისათვის მოჭრელებული ხის სავარძელი იდგა. ასეთ პირობებში მცხოვრებ დიდ ოჯახში ბატონობდა პატრიარქალური რეჟიმი, რაშიაც აშკარად იყო გამოკვეთილი მამაკაცის პრიორიტეტი და დედაკაცის დაკნინებული მდგომარეობა.

საცხოვრებელი ნაგებობისა და დასახლების ფორმების სპეციალური შესწავლის შედეგადაც დადასტურდა, რომ XIX საუკუნეში ხუნძების მატერიალური კულტურის ძეგლებს შორის მნიშვნელოვანი ადგილი ეჭირა როგორც ერთკამერიან, ისე ორ-სამკამერიან საცხოვრებლებს. გამოითქვა მოსაზრება, რომ დიდი მოცულობის ერთკამერიან ნაგებობაში, რომლის ფართობი 100 კვადრატულ მეტრს აღემატებოდა, უნდა ეცხოვრა დიდ ოჯახს, ხოლო ოთახებად დანაწევრებული სახლები გამოიყენებოდა ურთიერთ მონათესავე ოჯახების საცხოვრებლად. აქვე ისიც ითქვა, რომ XIX საუკუნეში გაბატონებული იყო ინდივიდუალურ ოჯახებად ცხოვრების წესი, ამ დროისათვის დიდი ოჯახი უკვე დაშლილი იყო, მაგრამ ასეთი ოჯახის საცხოვრებლად გამოყენებული ნაგებობანი გადმონაშთის სახით ყოფილა შემორჩენილი³⁵. სამწუხაროდ, ავტორმა ვერ შესძლო ან საჭიროდ არ ცნო XIX საუკუნეში გადმონაშთის სახით არსებული დიდი ოჯახის აღწერა, რაც სხვა ავტორთა მიერ, როგორც ეს ჩვენ

³⁵ А. Исламмагомедов, Из истории материальной культуры аварцев (поселения и жилища), Автореферат канд. дисс., Махачкала, 1966, 10—11.



მიმოხილვიდან ჩანს, არაერთგზის იქნა აღწერილი. უამპირობორი კი სახლის სოციალური ბუნების სრულფასოვანი გარკვევა შეუძლებელი ხდება.

საცხოვრებლების შემდგომი კვლევის შედეგებიდანაც გამოჩნდა, რომ ყოველთვის სათანადოდ არ არის გამოყენებული კონკრეტული მონაცემები ოჯახის შემადგენლობისა და სტრუქტურის შესახებ, რაც საცხოვრებლის სოციალური ბუნების გარკვევის შესაძლებლობას ასუსტებს. სამაგიეროდ, ზოგიერთ ნაშრომში მოცემულია იმის საკმაოდ ეფექტური ცდა, რომ ნაგებობის კონსტრუქციის მიხედვით განისაზღვროს თუ რა სახის სოციალური უჯრედის ინტერესებს ემსახურებოდა ეს ნაგებობა. ამ მიმართულებით საკითხის განხილვის ცდა მოცემულია გ. მოვჩანის ნაშრომში, რომელიც დაწერილია ხუნძების საცხოვრებლების, დასახლების ფორმისა და მასთან დაკავშირებული სოციალური ყოფის შესწავლის საფუძველზე. ამ გზით მიღებული კვლევის შედეგების მიხედვით, ხუნძების დასახლების სტრუქტურაში უმნიშვნელოვანესი ელემენტი იყო თოხუშმის (ნათესაეთა გაერთიანების) სამოსახლო უბანი, რომელიც წარმოადგენდა საცხოვრებელ ნაგებობათა მჭიდრო კომპლექსს. გ. მოვჩანის მტკიცებით, თოხუში თანდათანობით დიდ ოჯახებად იყოფოდა და ყოველი ასეთი ოჯახი თავის საცხოვრებელ ბინას იქვე იშენებდა. ოჯახების მიერ სახლების ერთიმეორეზე მიშენება-დაშენების შედეგად ასე შექრული კომპლექსიდან შეუძლებელი ხდება თავდაპირველი ნაგებობის ცალკე გამოყოფა. ამის გამო იგი არ იზიარებს ალ. რობაქიძის თვალსაზრისს (დამყარებულს ინგუშური მასალის ანალიზის საფუძველზე) იმის შესახებ, რომ პატრონიმია წარმოადგენდა დიდი ოჯახის გაყრის შედეგად წარმოქმნილი ოჯახების ერთობლიობას, ხოლო პატრონიმიული უბანი იქმნებოდა ამ ოჯახების გვერდიგვერდ დასახლების შედეგად³⁶. ისეთი შთაბეჭდილება იქმნება, რომ გ. მოვჩანი ბოლომდე ვერ გაერკვა პატრონიმიის წარმოშობის მექანიზმში. ამაზე მეტყველებს, პირველ რიგში, ის გარემოება, რომ მკვლევარი სოციალური ერთეულების წარმოქმნის შებრუნებულ პროცესს წარმოგვიდგენს. მისი აზრით, დიდი ოჯახის დაშლის ნიადაგზე კი არ იქმნებოდა პატრონიმია და დიდი ოჯახის საცხოვრებლის ირგვლივ კი არ ხდებოდა პატრონიმიული უბნის წარმოქმნა, არამედ თოხუში იშლებოდა დიდ ოჯახებად, ხოლო ასე-

³⁶ Г. Мовчан, Социологическая характеристика старого аварского жилища, КЭС, V, М., 1972, 145—149; შდრ. А. Робакидзе. Жилища и поселения горных ингушей, КЭС, II, Тб., 1968, 111—112.



თი ოჯახების მიერ ბინების მიშენება-დაშენების შედეგად ხდებოდა იმ მჭიდრო კომპლექსის შექმნა, საიდანაც თავდაპირველი ნაგებობის გამოყოფა შეუძლებლად მიაჩნია. ასეთი მსჯელობის კონსტრუქცია, პირველ რიგში, მცდარია იმიტომ, რომ ძალაუვნებურად გამოდის თოხუმის გათანაბრება გვაროვნული წყობილების დროის გვართან და იმ უძველეს სოციალურ პროცესთან, როდესაც საოჯახო თემი გვარის დაშლის ნიადაგზე იქმნებოდა. არქაიზაციის ამგვარ საშიშროებასთან ერთად თოხუმის დიდ ოჯახებად დაყოფის ავტორისეული სქემა სრულ შესაბამობაშია ოჯახების მიერ სამოსახლო კომპლექსის შექმნის პროცესთან. თუ დიდ ოჯახს თოხუმიდან გამოყოფილ ერთეულად წარმოვიდგენდით, მაშინ ლოგიკური იქნებოდა იმის მტკიცებაც, რომ თოხუმის სამოსახლო ასე თანდათანობით კი არ გაიზარდა, არამედ თოხუმისათვის თავიდანვე განკუთვნილი საცხოვრებელი კომპლექსი შემდგომში თანდათანობით დანაწილდა თოხუმიდან გამოყოფილი დიდი ოჯახების საცხოვრებლად. სინამდვილეში აქაც კანონზომიერ მოვლენად გვეჩვენება ის გარემოება, რომ დიდი ოჯახის დაყოფის შედეგად მისი სამოსახლოს ირგვლივ განაყრები ქმნიდნენ მჭიდროდ დასახლებულ კომპლექსს. ამაზე მეტყველებს თვით გ. მოვჩანის ნათქვამი, რომ თოხუმის უბანი წარმოადგენდა ოჯახების მიერ მიშენებულ-დაშენებული ნაგებობების კომპლექსს. მაშასადამე, საკმარისია გ. მოვჩანის მიერ წარმოსახული სოციალური სურათი შევებარუნოთ, ე. ი. სწორად წარმოვადგინოთ, რომ გამოჩნდეს ალ. რობაქიძესთან მისი კამათის უსაფუძვლობა. სამაგიეროდ, გ. მოვჩანი საინტერესო დაკვირვებებს გვთავაზობს საცხოვრებელ ნაგებობებთან ოჯახის სტრუქტურის მიმართების საკითხში. ხანგრძლივი საველე მუშაობის შედეგად მკვლევარი ამტკიცებს, რომ დიდი გაბარიტების მქონე სახლების ფართოდ გავრცელება ხუნძების მატერიალური კულტურის ერთ-ერთ შესამჩნევ თავისებურებას წარმოადგენდა. რუსეთთან შეერთებამდე ხუნძური სახლი იყო ერთკამერიანი ნაგებობა, სადაც ოჯახის წევრები იძინებდნენ, საქმელს ამზადებდნენ, ჭამდნენ, სტუმარს ღებულობდნენ და საქმიანობდნენ. საცხოვრებელი ოთახის ასეთი ფუნქციის გამო ხუნძურად „სახლი“ და „ოთახი“ ერთი და იგივე სიტყვით (РУКЪ) აღინიშნებოდა. მისი ფართობი 70, 80, 100 კვადრატულ მეტრს აღწევდა და ის დიდი პატრიარქალური ოჯახის საცხოვრებლად გამოიყენებოდა. ასეთი საცხოვრებლების მასობრივი გავრცელების საბუთად მკვლევარი იმოწმებს იმ ფაქტს, რომ მის მიერ აზომილი 98 სახლიდან 80 საცხოვრებელი ოთახის ფართობი



50 კვ. მეტრს აღემატებოდა. ფართობის შემცირება ნიშნდობდა მცირე ხანის მოგვიანო დროის საცხოვრებლებისათვის, რასაც მკვლევარნი ხსნის ოჯახის რიცხობრივი შემცირების მიზეზით. მას წარმოუდგენლად მიანჩია 100 კვადრატულ მეტრზე მეტი ფართობის ბინა აეშენებინა მცირერიცხოვან ოჯახს და ისიც ისეთ პირობებში, როდესაც ესოდენ ჭირდა მასალის მომარაგება და პრიმიტიული ტექნიკური საშუალებებით მშენებლობა. ამგვარ ნაგებობაში დიდი ოჯახის ცხოვრების დამადასტურებელ საბუთად გ. მოგჩანი იმოწმებს იმ ფაქტსაც, რომ სამამაკაცო და სადედაკაცო ნაწილებად პირობითად გაყოფილ სათავსოში მდგარა ორი ან მეტი ხარო, თითოეული ორი ტონა მარცვლეულის ტევადობისა, რაც ერთი წლის განმავლობაში სულ ცოტა 40 სულს მაინც გამოკვებავდა. დროთა განმავლობაში, დიდი ოჯახების ვაყრასთან ერთად, ხდებოდა დიდი ზომის სათავსოების დატიხვრა და განაყრებისათვის მათი საცხოვრებლად გამოყენება, ხშირად იმ პირობით, რომ პურის ხაროები საზიარო ხმარებაში დაეტოვებინათ. ასეთი მონაცემები ავტორს საკმარის საბუთებად მიანჩნია იმის დასამტკიცებლად, რომ XVIII—XIX სს. ბოლომდე ხუნძებში, ისევე როგორც კავკასიაში საერთოდ, ჯერ კიდევ არსებობდა დიდ ოჯახებად ცხოვრების წესი. როგორც იგი აღნიშნავს, ამაში თითქოს არც არავინ დაეჭვებულა და საკვლევი რეგიონის საცხოვრებლების სოციალური ბუნების შესახებ საკმარისი იქნებოდა იმის უყოყმანოდ თქმა, რომ ასეთ სახლებში დიდი პატრიარქალური ოჯახები ცხოვრობდნენ. მაგრამ მკვლევარს საჭიროდ მიუჩნევია დასაბუთების გადრმაგება, ვინაიდან ზოგიერთ დაღესტნელ მკვლევარს³⁷ ბოლო ხანებში სურვილი გაუჩნდა ამტკიცოს, თითქოს დაღესტანში ჯერ კიდევ შორეულ წარსულში დიდმა ოჯახმა არსებობა შეწყვიტა. ამ შეხედულებამ ასახვა ჰპოვა „დაღესტნის ისტორიის“ მრავალტომეულში, სადაც ნათქვამია, რომ დაღესტანში V—X სს. საზოგადოებრივი სტრუქტურის საფუძველს წარმოადგენდა პატარა ოჯახი³⁸. აღნიშნული შეხედულების დამცველები თითქოს „არქეოლოგიურ და ეთნოგრაფიულ მასალებს“ ეყრდნობიან, ისევე

³⁷ М. А г а л а р о в, Техника сооружения террасных полей и вопросы эволюции форм собственности у аварцев (до XIX в.), УЗДФ АН СССР, т. XVI, Махачкала. 1966; მ о ს ც ვ ე, Поселения и жилища андийской группы народов в XIX — начале XX в., УЗДФ АН СССР, т. XVI; С. А с и я т и л о в, Некоторые вопросы общественных отношений у аварцев в свете их хозяйственной деятельности, УЗДФ, АН ССР, т. XVI.

³⁸ «История Дагестана», т. I, М., 1967, 139.



როგორც ასეთივე „მასალების“ მიხედვით ცდილობენ დაამტკიცონ, რომ ხსენებულ ისტორიულ ხანაში ერთკამერიანი ნაგებობა მრავალკამერიანი საცხოვრებელით იცვლება. გ. მოვჩანის სამართლიანი შეხედულებით, ასე ზოგადად ხსენება „ეთნოგრაფიული და არქეოლოგიური მასალებისა“, მისი რაობისა და კონკრეტულობის ჩვენების გარეშე, არ გამოდგება რაიმე თვალსაზრისის დასაბუთების საწარმო. ამგვარი „მასალების“ ასე გამოყენების სხვაგვარი შეფასება არც იყო მოსალოდნელი იმის მიერ, ვისაც ხელთ ჰქონდა უამრავი ფაქტობრივი მასალა XIX საუკუნეში არსებული ერთკამერიანი დიდი საცხოვრებლების შესახებ, რომლებიც აკმაყოფილებდნენ დიდი ოჯახების მოთხოვნილებებს³⁹.

საბჭოთა ისტორიოგრაფიაში ადრეც იყო აღნიშნული, რომ „დაღესტნის ისტორიის ნარკვევებში“⁴⁰ გაზვიადებულად არის წარმოსახული საზოგადოებრივი განვითარების დონე. „ყაბარდოს ისტორიაში“⁴¹ და „ადიღეს ისტორიის ნარკვევებში“⁴² ნათლად გამოკვეთილი თვალსაზრისისაგან განსხვავებით, რომ რუსეთთან შეერთების პერიოდში კავკასიის მთიელთა სოციალური სტრუქტურისათვის ყველაზე ტიპური იყო პატრიარქალურ-ფეოდალური ურთიერთობა, „დაღესტნის ისტორიის ნარკვევების“ ავტორები დაღესტნისათვის დამახასიათებლად მიიჩნევენ მხოლოდ წარმოების ფეოდალური წესის არსებობას პატრიარქალურ-გვაროვნული გადმონაშთების შემონახულობით. ამავე ნარკვევებში ნათქვამია, რომ დაღესტნის მთიელებში არსებობდა ფეოდალიზმის ადრეული სტადიისათვის დამახასიათებელი ურთიერთობა. ა. ფადეევის შეხედულებით, ასეთი ფორმულირებანი ბუნდოვანია მით უფრო, რომ წიგნში არაფერი თქმულა „ადრეული ფეოდალიზმის“ არსის შესახებ.

ა. ფადეევს ამ წიგნის ნაკლად ისიც მიაჩნია, რომ ფეოდალიზმზე მსჯელობისას ავტორებმა მეტად მცირე ადგილი დაუთმეს გვაროვნული წყობის გადმონაშთებსა და პატრიარქალურ-თემურ ტრადიციებს, როგორც ფეოდალური ურთიერთობის განვითარების შემაფერხებელ ფაქტორებს. წიგნის მხოლოდ ერთ თავში, სადაც განხილულია XVI—XVII სს. დაღესტნის ისტორია, გავრით არის ნახსენები, რომ სოფლის თემის შემადგენლობაში არსებობდნენ სხვა-

³⁹ Г. Мовчан, *დასახ. ნაშრომი*, 120—123.
⁴⁰ «Очерки истории Дагестана», т. I—II, Махачкала, 1957.
⁴¹ «История Кабарды», М., 1957.
⁴² «Очерки истории Адыгеи», Майкоп, 1957.



დასხვა სახელწოდების მქონე ნათესაური ჯგუფები. ა. ფადეევის
რით, ამ არადამაკმაყოფილებელი ზედაპირული მიმოხილვის ნაცვ-
ლად ნაჩვენები უნდა ყოფილიყო XIX ს. დასაწყისისათვის დაღეს-
ტანში შემოინახა თუ არა „გვაროვნული ჯგუფები“ და თუ შემოი-
ნახა, ავტორებს იმის განმარტებაც უნდა მოეცათ, რას წარმოად-
გენდნენ ისინი — დიდ პატრიარქალურ ოჯახებს თუ პატრონიმი-
ებს⁴³.

დაღესტნელთა საოჯახო ყოფის ძირითად თავისებურებათა ჩვე-
ნებისათვის საყურადღებოა ეთნოგრაფიული მასალა აღუღების შე-
სახებ, რომელზე დაყრდნობითაც ბ. კალოევმა დაადგინა, რომ
XIX საუკუნის მეორე ნახევარში დიდი ოჯახები ჯერ კიდევ არსე-
ბობდნენ. 1886 წლის საოჯახო სიების მიხედვით დიდი ოჯახი 17-20
სულისაგან შედგებოდა, რომლის მეთაური თითქმის განუსაზღვრე-
ლი უფლებებით სარგებლობდა, მაგრამ მნიშვნელოვან საკითხებს
წყვეტდა საოჯახო თათბირის შემდეგ. ყველა სახის ქონება და
შემოსავალი საერთო საოჯახო სარგებლობაში იმყოფებოდა, რო-
მელსაც ოჯახის უფროსი განაგებდა. ოჯახის წევრთა პირად საკუთ-
რებას წარმოადგენდა მამაკაცებისათვის მხოლოდ ტანსაცმელი და
იარაღი, ხოლო ქალებისათვის მზითვევი. ამგვარი ოჯახის დაშლის
საბოლოო საფეხურად ბ. კალოევს მიაჩნია სასაქონლო-ფულადი
ურთიერთობის განვითარება, რამაც ხელი შეუწყო უფროსის მის-
წრაფებას ერთპიროვნული საკუთრებისადმი და, მისდამი პროტეს-
ტის ნიშნად, გაყრისადმი ოჯახის წევრების მიდრეკილებას⁴⁴.

როგორც ვხედავთ, ბ. კალოევმა დაახლოებით ისეთი ვითარება
გაგვაცნო, როგორიც ს. გაჯიევამ, ვინაიდან, დაღესტნის ყველა ხალხ-
თან ერთად, აღუღების საოჯახო ყოფისთვისაც დამახასიათებელი
იყო ტრადიციული დიდი ოჯახისა და გვიანდელი ეპოქის დესპოტუ-
რი ხასიათის დიდი ოჯახის ელემენტების შერწყმული სახით არსე-
ბობა საოჯახო თემის გადმონაშთური სახეობის დაშლის საფეხურზე.

დაღესტნის მოსახლეობის საოჯახო და საზოგადოებრივ ყოფა-
ზე არსებულ მონაცემებს რამდენადმე ავსებს ლ. ლავროვის კვლე-
ვის შედეგები რუტულების შესახებ. ლიტერატურისა და საარ-
ქივო წყაროების მიხედვით ნაშრომში დასაბუთებულია, რომ XIX ს.
მეორე ნახევარსა და XX ს. დასაწყისში რუტულების საზოგადოებ-

⁴³ А. Фадеев, *დასახ. ნაშრომი*, 133.
⁴⁴ Б. Калоев, *Агулы, КЭС, III, М., 1962, 94.*



რივ ცხოვრებაში დიდ როლს ასრულებდა სოფლის თემი და გვერდით მარჯანიზებულ უჯრედს წარმოადგენდა მამაკაცების საერთო უზრუნველყოფა — ჯამაათი. რევოლუციამდელ ყოფაში მნიშვნელოვანი ადგილი ეკირა ნათესაურ ურთიერთობას. ნათესავთა დიდ გაერთიანებას აქაც, ისევე როგორც დაღესტანში საერთოდ, ეწოდებოდა თუხუმი, რომელიც მოიცავდა მთელ გვარს, ხოლო ზოგჯერ კი პატრონიმის, ე. ი. გვარის ნაწილს. ჩვეულებისამებრ, პატრონიმიაში შედიოდნენ ახლო ნათესაობით დაკავშირებული ოჯახები, მათ შორის დიდი ოჯახებიც. სხვათა შორის, ასეთი ოჯახებისა და, საერთოდ, უძველესი სოციალური ერთეულების გადმონაშთურ სახეობათა ნაკვალევი ავტორს დაუდასტურებია ახალ ყოფაშიც⁴⁵. დაღესტანში ერთ-ერთი ტერიტორიულ-ეთნიკური ერთეულის შესწავლის შედეგადაც გამოიჩვენა, რომ ახალ საოჯახო ყოფაში თავს ინახავდა პატრიარქალური ყოფის ტრადიციები⁴⁶.

ოჯახის სტრუქტურის შესწავლისათვის საყურადღებო მონაცემები გამოვლინდა მთიელ ებრაელთა სოციალური ურთიერთობის შესწავლის შედეგად. ეთნოგრაფიული მასალების მიხედვით: მ. იხილოვმა ცხადპყო, რომ XIX საუკუნის მეორე ნახევარსა და XX საუკუნის დასაწყისში ჯერ კიდევ არსებული დიდი ოჯახი, რომელიც ამ დროისათვის თანდათანობით იშლებოდა, წარმოადგენდა პირველყოფილ-თემური წყობის ერთ-ერთ გადმონაშთს. მკვლევარს მიაჩნია, რომ მისი საბოლოო მოსპობა განაპირობა დაღესტანში სასაქონლო-ფულადი ურთიერთობის შეღწევამ, მრეწველობისა და ვაჭრობის ზრდამ და, ამის შედეგად, ნატურალური მეურნეობის მოშლამ, რაზედაც აღრე დამოკიდებული იყო დიდი ოჯახის არსებობა.

მ. იხილოვის გამოკვლევით, მთიელი ებრაელის დიდი ოჯახი („келекифлет“,) აერთიანებდა სამ-ოთხ თაობას ავნატური ნათესაობის ხაზით — ძმების, ბიძების, ძმისწულების, ბიძაშვილების, მათი ცოლებისა და შვილების სახით. რევოლუციამდელ ხანაში დიდი ოჯახის რიცხობრივი შემადგენლობა 30-70 სულს აღწევდა. ასეთმა ოჯახებმა გადმონაშთური ფორმით არსებობა შეინარჩუნეს ოქტომბრის რევოლუციამდე, ხოლო ზოგან საკოლმეურნეო ცხოვრების გამარჯვებამდეც კი მოაღწიეს. მთიან ადგილებში 3—5 ასეთი დიდი

⁴⁵ Л. Лавров, Рутульцы в прошлом и настоящем, КЭС, III, М.—Л., 1962, 134—135.

⁴⁶ Г. Сергеева, Арчинцы, М., 1967, 130 და შმდ. -



ოჯახი შეადგენდა სოფელს, ერთდროულად რელიგიურ თემს, ხოლო ქალაქებში — მთიელ ებრაელთა უბანს („მახალე“). სოფლებში ზღვიანი ოჯახები ცხოვრობდნენ ყოველი მხრიდან ქვის ღობით შემოზღულულ ეზოებში. სახლები განლაგებული იყო ეზოს სიღრმეში, რომელთაგან ერთში ოჯახის უფროსი და მისი მეუღლე იძინებდნენ, ხოლო სხვებში — დანარჩენი საქორწინო წყვილები. ოჯახის ეკონომიურ საფუძველს წარმოადგენდა მეურნეობის ერთობლივი წარმოება და დოვლათის კოლექტიური მოხმარება. ძირითად საქმიანობად ითვლებოდა მიწათმოქმედება, მევენახეობა, მებრინჯეობა, მეთამბაქოება და შინამრეწველობა. შრომაში მონაწილეობა ევალებოდა ოჯახის ყველა შრომისუნარიან წევრს. ფიზიკური შრომისაგან თავისუფალი იყვნენ მოხუცები და 12 წლის ასაკამდე ბავშვები. მძიმე საქმეს მამაკაცები ასრულებდნენ, მაგრამ მინდვრის სამუშაოებში, ხვანათესვის გამოკლებით, მათ ქალებიც ესმარებოდნენ, რომლებიც შინასაქმეებსაც უძღვებოდნენ. დიდ ოჯახს ხელმძღვანელობდა უფროსი მამაკაცი, რომლის შეცვლა მისი არჩევის გარეშე ხდებოდა მომდევნო ხნით უფროსი მამაკაცით. მისი სიტყვა ოჯახის ყველა წევრისათვის კანონი იყო. იგი ოჯახის წევრის დასჯის უფლებითაც სარგებლობდა. დიდ ოჯახში მეორე პირად ითვლებოდა მეუღლე, რომლის ხელთ იყო მთელი შინასაოჯახო მეურნეობა, ისევე როგორც სამამაკაცო საქმიანობას უშუალოდ ოჯახის უფროსი განაგებდა. ოჯახის გაყოფაც შესაძლებელი ყოფილა მხოლოდ მისი უფროსის გარდაცვალების შემდეგ.

მ. იხილოვის გამოკვლევით, მთიელ ებრაელებში დიდი ოჯახის ერთ-ერთ დამახასიათებელ ნიშანს წარმოადგენდა აგრეთვე ოჯახებს შორის ქონებრივი უთანასწორობა და ოჯახის წევრთა თანასწორუფლებიანობაზე დამყარებული ქონების ერთობლივი საკუთრება. ოჯახის ქონებრივი მდგომარეობა განსაზღვრავდა ოჯახის წევრთა სამუშაოს პროფილს; ადგილობრივი სამეურნეო ბაზის უკმარობის შემთხვევაში ზოგი მათგანი სხვაგან ეძებდა სამუშაოს. მაგრამ ოჯახს როგორც სამეურნეო პირობებიც არ უნდა ჰქონოდა, მისი ქონება, დიდი იქნებოდა ის თუ მცირე, ოჯახის ყველა წევრის კუთვნილებას შეადგენდა და ოჯახის უფროსის თაოსნობით მათ თანასწორად ხმარდებოდა. პირად საკუთრებაში იყო მხოლოდ ტანსაცმელი და სამკაული. დიდ ოჯახში ერთობლივი საკუთრება-მოხმარების სიმბოლურ ნიშნად მკვლევარი თვლის იმ გარემოებასაც, რომ წარსულში დიდი ოჯახის წევრები ერთი ქვაბიდან ჭამდნენ, მაგრამ დიდი ოჯა-



ხის არსებობის ბოლო პერიოდში მდგომარეობა შეიცვალა. ლექტებს კვლავ საერთო საკუჭნაოში ინახავდნენ და მისი ისევ ოჯახის უფროს დიასახლისს ჰქონდა მინდობილი, მაგრამ საქმელს ამზადებდნენ არა ისევ ერთ ქვაბში, არამედ იმდენში, რამდენი ცოლშვილიანი მამაკაციც ოჯახში იმყოფებოდა. ერთი ქვაბიდან პურის ჭამის აღრინდელ წესს ასეთ ოჯახებში ასრულებდნენ მხოლოდ ლხინსა და დღესასწაულებში. გაუყრელ ოჯახში ერთის ნაცვლად რამდენიმე ქვაბის გამოყენება ოჯახის დაშლის მომწიფების მანიშნებელი იყო. კაპიტალისტური ურთიერთობის შემოჭრის პირობებში ეს პროცესი გაღრმავდა ჯერ ბარად, ხოლო შემდეგ მთიან რაიონებშიც. გაყრა და ქონების განაწილება ხდებოდა თაობების მიხედვით. განაყრები სახლებოდნენ როგორც დიდი ოჯახის ძველ სამოსახლოში, ისე გაყრის შემდეგ მის ახლოს აშენებულ საცხოვრებლებში. ამგვარი განსახლების შედეგად იქმნებოდა ახლო ნათესავეების ერთი უბანი, რასაც „ძმათა სახლები“ („ხუნეი ბირორი“) ეწოდებოდა. ერთ პატრონიმიულ უბნად მცხოვრები ახლო ნათესავეები ცდილობდნენ ნათესაობრივი ერთობის და ეკონომიური სოლიდარობის შენარჩუნებას, რაც ხორციელდებოდა უმთავრესად მთის მოსახლეობაში, რომელიც ჯერ კიდევ ძველი ტრადიციებით სულდგმულობდა⁴⁷.

მთიელ ებრაელთა სოციალური ყოფის შესახებ მ. იხილოვმა შემდგომშიც იგივე თვალსაზრისი განავითარა⁴⁸. იგი სპეციალურად შეეხო აგრეთვე ლეკების, ტაბასარანელების, რუტულების, წახურებისა და აღულების საოჯახო ყოფას⁴⁹. სავლედ, საარქივო და ლიტერატურულ მონაცემებზე დაყრდნობით ნაშრომში ნაჩვენებია, რომ დასახელებულ ხალხთა ყოფას XIX საუკუნეში კვლავ ახასიათებდა გაუყრელი ოჯახების შემონახულობა. ასეთი ოჯახების კომპონენტებად ავტორს მიაჩნია ნათესავთა ფართო წრის (3-დან 7 თაობამდე) ერთად ცხოვრება, საერთო წარმოება, ერთობლივი მოხმარება და ოჯახის მართვის სფეროში ასაკობრივი მონაცვლეობა. სამ-

⁴⁷ М. И х и л о в, Большая семья и патронимия у горских евреев, СЭ, 1950, № 1; შლდ. მ ი ს ი ე ვ, Горские евреи, Автореферат канд. дисс., М., 1949, 11—12.

⁴⁸ М. И х и л о в, Горские евреи, «Народы Дагестана», 236; მ ი ს ი ე ვ, Горские евреи, «Народы Кавказа», 1, 557.

⁴⁹ М. И х и л о в, Народности лезгинской группы, Махачкала, 1967, 168—210.



წუხაროდ, ნაშრომში იდენტური მნიშვნელობით გვხვდება ერთმანეთს
 თისაგან განსხვავებული სოციალური ცნებები: „დიდი ოჯახი“,
 „თუხუმი“, „პატრონიმია“ და ა. შ. ავტორის მსჯელობაში შეინიშ-
 ნება ისეთი უცნაური გამოთქმები, როგორცაა „პატრონიმიული
 ოჯახი“, „თუხუმი ანუ დიდი ოჯახი“, „თუხუმის ანუ დიდი ოჯახე-
 ზის დაშლა პატრონიმიებად“⁵⁰ და სხვა. ოჯახისა და თუხუმის გა-
 თანაბრება, ისევე როგორც ოჯახის ფორმად „პატრონიმიული ოჯა-
 ხის“ გამოცხადება, უხერხული შეცდომაა ისევე, როგორც არ შე-
 იძლება წარმოვიდგინოთ „თუხუმის ანუ დიდი ოჯახების დაშლა პატ-
 რონიმიებად“, რამდენადაც თუხუმი თავისთავად პატრონიმიული
 ხასიათის ნათესაური გაერთიანებაა, ხოლო დიდი ოჯახი პატრონი-
 მიებად კი არ იშლებოდა, არამედ მისი დაშლის შედეგად იქმნებოდა
 პატრონიმია, რომელიც აერთიანებდა რამდენიმე დიდსა და პატარა
 ოჯახს. მ. კოსვენის გამოკვლევებზე დაყრდნობით, მ. იხილოვი აქვე
 აღნიშნავს, რომ პატრონიმია იყო დიდი ოჯახის დაშლის შედეგად
 მიღებული წარმონაქმნი. თუ მ. იხილოვი მ. კოსვენის თვალსაზრისს
 საყრდენ დებულებად იყენებს, მით უფრო გაუგებარია მის მიერ
 სოციალური ცნებების ასეთი აღრევა.

საოჯახო ყოფის მნიშვნელოვან კომპონენტებს შორის განსა-
 კუთრებულ ყურადღებას იქცევს ქალის საოჯახო და საზოგადოებ-
 რივი მდგომარეობა, რის ცოდნაზედაც ბევრად არის დამოკიდებუ-
 ლი არა მარტო საკუთრივ ოჯახში მოქმედი უფლებრივი ნორმების
 გარკვევა, არამედ საერთოდ ოჯახის სტრუქტურის შესწავლა. ამ
 ტრადიციულ თემას ჯერ კიდევ XIX საუკუნეში არაერთი ავტო-
 რი შეეხო⁵¹, რომლებიც არსებულ მდგომარეობას აღწერდნენ უშუ-
 ალო დაკვირვებით მიღებულ შთაბეჭდილებათა საფუძველზე. ცნო-
 ბების სისრულისა და სიზუსტის მხრივ მათ შორის განსხვავება შე-
 იძინება, მაგრამ ყველა ავტორი ერთხმად აღიარებდა დაღესტანში
 ქალის უუფლებობასა და მძიმე შრომით პირობებს მამაკაცთან შე-
 დარებით. ასეთივე ვითარებაა ასახული „ადათების“ კრებულში⁵²,
 რომელსაც სისხლისა და სამოქალაქო სამართლის მნიშვნელობა

⁵⁰ М. И х и л о в, Народности лезгинской группы, 176.

⁵¹ П. П р ж е ц л а в с к и й, Дагестан, его нравы и обычай, ВЕ, 1867, № 3; Н. Л ь в о в, Домашняя и семейная жизнь дагестанских горцев аварско-го племени, ССКГ, III, Тифлис, 1870; А. О м а р о в, Как живут лаки, ССКГ, III, IV, 1870; Г. А м и р о в, Среди горцев Северного Дагестана, ССКГ, VII, Тифлис, 1873.

⁵² «Адаты Дагестанской области и Закатальского округа», Тифлис, 1889.

ენიჭებოდა დაღესტნელთა საოჯახო და საზოგადოებრივ ცხოვრებაში მაშინაც კი, როდესაც დაღესტანი რუსეთის იმპერიის შემადგენლობაში მოექცა და მოსახლეობას დაეკისრა რუსული კანონმდებლობისადმი მორჩილება.

ლიტერატურული მონაცემებისა და დამატებითი ეთნოგრაფიული მასალების მიხედვით, ქალის მდგომარეობის შესწავლამ მნიშვნელოვანი ადგილი დაიმკვიდრა საბჭოთა ეთნოგრაფიის თემატიკაში. ამ თვალსაზრისით საყურადღებოა დარგინელთა ყოფა, რომლის ეთნოგრაფიულ მიმოხილვაში ა. ალიევი და ზ. ნიკოლსკაია მოკლედ გვაცნობენ ოჯახში სქესობრივ-საკობრივი განსხვავების ნიშნით განმტკიცებულ ტრადიციულ რეჟიმს და, ამის შესაბამისად, ოჯახის წევრთა უფლებრივ მდგომარეობას⁵³. მათი ყურადღება მიუქცევია იმ გარემოებას, რომ თითქმის XX საუკუნის დამდეგამდე აქ შენარჩუნებული იყო ქალის მაღალი საზოგადოებრივი მდგომარეობის მანიშნებელი გადმონაშთები, რაზედაც მიუთითებენ დაღესტნელთა ყოფის სხვა მკვლევარნიც. ასეთი კატეგორიის გადმონაშთებად ავტორები მიიჩნევენ, მაგალითად, მამაკაცების დაუსწრებლად ქალთა შეკრების ჩვეულებას. აღნიშნული ვითარების მატერიალური მტკიცების საფუძვლად ისინი თვლიან სოფ. ყუბაჩში საგანგებო დანიშნულების ნაგებობათა არსებობას („დედაკაცების სახლი“, „ქალიშვილების სახლი“), სადაც დედაკაცები და ქალიშვილები გასართობად იკრიბებოდნენ. მნიშვნელოვან ფაქტორად მიიჩნევენ აგრეთვე საქალებო დღესასწაულების მოქმედებას. აღნიშნული კომპონენტების არსებობამ ავტორებს აფიქრებინა, რომ დარგინელი ქალი ოდესღაც საგანგებო უფლებებით სარგებლობდა, მაგრამ ყოფაში გადმონაშთის სახით შემორჩენილი ასეთი მონაცემების მიუხედავად ავტორებს მიაჩნიათ, რომ რევოლუციამდელ პერიოდში ქალი მეტისმეტად დაჩაგული იყო. იგი მოკლებული იყო სოფლის საზოგადოებრივ ცხოვრებაში მონაწილეობის, სასოფლო დღეობებზე დასწრების, მამაკაცებთან დალაპარაკებისა და სხვების წინაშე თვით ქმართან ხმის ამოღების უფლებებს. ქალს არ შეეძლო ქონების დამოუკიდებლად შექენა, გაყიდვა ან გასაჩუქრება, ვინაიდან მზითვის გარდა, რომელიც მის პირად საკუთრებას შეადგენდა, საოჯახო ქონების მესაკუთრის უფლებით ოჯახის უფროსი

⁵³ А. Алиев, и З. Никольская, Даргинцы, «Народы Дагестана», 75—76; შდრ. «Народы Кавказа», I, 480.

მამაკაცი სარგებლობდა. ქალს ჩაგრავედა აგრეთვე ყოველდღიური ცხოვრების მკაცრი რეჟიმი და მძიმე შრომა შინ და გარეთ.

აღნიშნული მონაცემების მიხედვით, ისეთი შთაბეჭდილება იქმნება, რომ დარგინელებში ქალის ადრინდელი უფლებამოსილება შემდგომში მისი უუფლებობით შეიცვალა. რამ განაპირობა ასეთი ვითარება, ავტორები ამის ახსნას არ იძლევიან, მაგრამ მათივე აღწერილობის საფუძველზე საფიქრებელია, რომ ქალის შედარებით თავისუფალი მდგომარეობის ამსახველი გადმონაშთები მომდინარეობდეს ისლამამდელი ადათობრივი ტრადიციების არსებობის დროიდან, ხოლო შემდგომში მისი უფლებების შეზღუდვა უთუოდ შარიათის გავრცელებამ განაპირობა. ამასთან ერთად საფიქრებელია, რომ ქალთა სახლი დარგინელებში ისეთივე დანიშნულებისა ყოფილიყო, როგორც სამრევლო აღმოსავლეთ საქართველოს მთიელებში. ასევე პარალელურ ეთნოგრაფიულ მოვლენებად შეიძლება წარმოვიდგინოთ ქალთა დღესასწაულები დარგინელებში და საქალეზოდ განუთვნილ ხატ-სალოცავებში ქალთა დღეობები აღმოსავლეთ საქართველოს მთიანეთში. ასეთი პარალელების გათვალისწინების საფუძველზედაც დასაშვებია ჩანს, რომ მონაცემები ქალის შედარებით მაღალი უფლებამოსილების შესახებ წარმოადგენენ ისლამამდელი ტრადიციული ყოფის გადმონაშთებს.

ეთნოგრაფიული მასალით ხელმისაწვდომი პერიოდისათვის ქალის უფლებები დაღესტანში ძირითადად განსაზღვრული იყო შარიათის დოგმებით, რაზედაც ზემოხსენებულ მკვლევართა მიერაც ითქვა, მაგრამ მთელი დაღესტნის მასშტაბით ამ საკითხის გაშუქებას მიეძღვნა გ. სერგეევას ნაშრომი⁵⁴, რომელშიც შესწავლილია ქალის მდგომარეობა რევოლუციამდელსა და საბჭოთა პერიოდში.

საარქივო წყაროების, სხვადასხვა მასალების, XIX საუკუნის ლიტერატურული მონაცემებისა და სპეციალური ეთნოგრაფიული გამოკვლევების შესწავლის საფუძველზე გ. სერგეევა გვაცნობს ქალის მდგომარეობას დაბადებიდან სიკვდილამდე. იგი სწორად შენიშნავს, რომ ქალის უუფლებობა მამაკაცთან შედარებით დაბადებისთანავე განისაზღვრებოდა, როდესაც ეს მოვლენა ვაჟიანობის შემთხვევაში საზეიმო რიტუალით აღინიშნებოდა, ხოლო ქალის დაბადებას ალაპის სასჯელად თვლიდნენ. აქედან ეყრებოდა საფუძველი ქალისა და მამაკაცის განსხვავებულ მდგომარეობას საოჯახო

⁵⁴ Г. Сергеева, Положение женщины в дореволюционном и советском Дагестане, КЭС, IV, М., 1969.

იერარქიაში, რაც განსაკუთრებით მკვეთრად იჩენდა თავს ქმრული ურთიერთობის სფეროში. ეს განსხვავება აღინიშნებოდა როგორც ქცევის ნორმებში, ისე შრომა-საქმიანობაში. ყველა მონაცემების მიხედვით ირკვევა, რომ ქალი უძღვებოდა უალრესად შრომატევად საქმიანობას და უპრეტენზიოდ ემორჩილებოდა ქმრის ნება-სურვილს. ამასთან ერთად, მის მოვალეობას შეადგენდა იმ ვალდებულებათა შესრულება, რაც ოჯახში მოქმედ უფროს-უმცროსობის რეჟიმს ექვემდებარებოდა. ყოველივე ამას ემატებოდა ისიც, რომ ქალი ადათის მიხედვით საოჯახო ქონების მემკვიდრედ არ ითვლებოდა და შარიათიც მას ამ მხრივ მხოლოდ უმნიშვნელო წილის მიღების უფლებას ანიჭებდა. აღნიშნული მომენტების მიხედვით სრულიად აშკარად ჩანს, რომ დაღესტნელთა საოჯახო ყოფაში გადახლართული იყო ადათისა და შარიათის ნორმები, ხოლო ქალის ასეთი მდგომარეობა დამახასიათებელი იყო დიდი პატრიარქალური ოჯახისათვის, რომელსაც ისლამის გავლენით შექმნილი ჰქონდა დესპოტური ოჯახის თვისებები.

ძველი საოჯახო ყოფის ამგვარ თავისებურებათა გამოვლინება შესაძლებელი ხდება აგრეთვე ახალი ყოფის შესწავლის პროცესში, რამდენადაც ახალი ყოფის კვლევა წარმოებს ძველთან შედარება-დაპირისპირების მეთოდით⁵⁵. ამ მეთოდით ოჯახისა და ქორწინების ფორმების შესწავლა, ისევე როგორც ეთნოგრაფიის მრავალი სხვა საკითხის კვლევა, ინტენსიურად მიმდინარეობს დაღესტანის ასსრ სამეცნიერო-კვლევით დაწესებულებებში⁵⁶.

განხილული ლიტერატურის მიხედვით საკმაოდ ცხადად გამოჩნდა, რომ დაღესტნელთა ცხოვრებაში ინდივიდუალური ოჯახის გვერდით, რომელსაც დიდი ხნიდან მოპოვებული ჰქონდა გაბატონებული მდგომარეობა, XIX საუკუნის ბოლომდე დიდი ოჯახიც არსებობდა როგორც საოჯახო თემის გადმონაშთური სახეობა. ამ ტიპის ოჯახის თავისებურებას წარმოადგენდა ადათობრივი ნორმებისა და შარიათის გავლენით შემოსული წესების თანაარსებობა. დიდი ოჯახის დაყოფის შედეგად იქმნებოდა განაყარი ოჯახების ერთობლიობა — პატრონიმია, რომელიც ინარჩუნებდა გაუყოფელი ცხოვრების ზოგიერთ ნიშანს (საერთო წარმომავლობა, ერთობლივი საკუთრების ზოგიერთი ელემენტი), ისევე როგორც ინდივიდუალური

⁵⁵ Современная культура и быт народов Дагестана, М., 1971.

⁵⁶ С. Г а д ж и е в а, Этнографическое изучение народов Дагестана в годы Советской власти, СЭ, 1973, № 6.

ოჯახიც ინახავდა დიდი ოჯახიდან მემკვიდრეობით მიღებულ ზოგად
ერთ ჩვეულებას.

დასკვნა

კავკასიის ხალხთა საოჯახო ყოფის შესწავლის შედეგად დღემდე შექმნილი ისტორიულ-ეთნოგრაფიული ლიტერატურის განხილვის საფუძველზე, რაც ამ ნაშრომში მოცემულია კავკასიის ცალკეული ხალხებისა და რეგიონების მიხედვით, თვალნათლივ გამოჩნდა როგორც საზოგადოებრივ ურთიერთობათა განვითარების კლასობრივ სტადიაზე წარმოშობილი, ისე მანამდე არსებული სოციალური ერთეულების თანაარსებობა. ამ შემთხვევაში საქმე ეხება ინდივიდუალური ოჯახისა და საოჯახო თემის გადმონაშთური სახეობის თანაარსებობას, რომელთაგან პირველი გენეტიკურად უკავშირდება კლასობრივი საზოგადოების წარმოშობას, ხოლო მეორე პირველყოფილ-თემური წყობის არსებობას და მისი დაშლის სტადიას. კლასობრივი საზოგადოების განვითარების სხვადასხვა საფეხურზე ინდივიდუალური ოჯახი თანდათანობით გაბატონებულ მდგომარეობას აღწევს, ხოლო საოჯახო თემი, სხვა სოციალურ ინსტიტუტთან (გვარი, პატრონიმია, ტერიტორიული თემი...) ერთად, გადმონაშთის სახით ინახავს თავს, ტრანსფორმაციას განიცდის და XIX საუკუნის დასასრულს, ზოგიერთ კუთხეში კი უფრო გვიანაც, საბოლოოდ წყვეტს თავის არსებობას. თითქმის ყველა ავტორის აღიარებით, დიდი ოჯახის არსებობის ხანგრძლივობას აპირობებდა ქვეყნის სოციალურ-ეკონომიური განვითარების დონე. ამ მხრივ დიდ განსხვავებას ჰქონდა ადგილი არა მარტო კავკასიის ქვეყნებს შორის, არამედ ეს განსხვავება შეიმჩნეოდა ერთი ქვეყნის შიგნითაც. თუ საქართველო და სომხეთი სოციალურ-ეკონომიური განვითარების დონით გაცილებით მაღლა იდგნენ ჩრდილო კავკასიის ქვეყნებზე, თვით საქართველოსა და სომხეთში არათანაბარი იყო სოციალური განვითარების დონე თითოეული მათგანის მთისა და ბარის რაიონებს შორის. ამის შესაბამისად, საქართველოსა და სომხეთის მთიანეთში უფრო ხანგრძლივად იყო შენარჩუნებული უძველესი სოციალური ინსტიტუტების გადმონაშთები, მათ შორის დიდი ოჯახები, ვიდრე ბარში. არქაული მოვლენების შემონახულობის მხრივ ასევე ლოკალური თავისებურებებით ხასიათდებოდა ჩრდილო კავკასიის ეთნოგრაფიული რეგიონები, რაც ასევე გაპირობებული იყო თითოეული მათგანის სოციალურ-ეკონომიური განვითარების დონით.

საოჯახო ყოფის სპეციფიკას განსაზღვრავდა იდეოლოგიური



ფაქტორებიც, სახელდობრ, რელიგიის ფორმა და მისი გავრცელების მასშტაბი. ოჯახის სტრუქტურაში განსაკუთრებით თვალსაჩინოა აღმოჩნდა მაჰმადიანობის გავრცელების შედეგად შარიათის ნორმების დანერგვა და მის საფუძველზე ზოგიერთი ტრადიციული ნიშნთვისების შეცვლა ან მთლიანად მოშლა. ამის შესაბამისად, ოჯახი ერთ შემთხვევაში ხასიათდებოდა ტრადიციული კავკასიური ნიშნებით, ხოლო მეორე შემთხვევაში ტრადიციებისა და შემდგომში შეთვისებული ელემენტების თანაარსებობით. ამიერკავკასიის მოსახლეობაში ტრადიციულ სახეს ინარჩუნებდა ქართული, აფხაზური და სომხური დიდი ოჯახი, ხოლო ჩრდილო კავკასიის მოსახლეობიდან ეს თავისებურება ყველაზე მეტად დამახასიათებელი იყო ოსური დიდი ოჯახისათვის. რაც შეეხება შარიათის გავლენას, ამიერკავკასიაში ეს საფუძვლით გამოკვეთილად ჩამოყალიბდა აზერბაიჯანელთა საოჯახო ყოფაში, ხოლო ჩრდილო კავკასიის ხალხთაგან განსაკუთრებით დაღესტნელების და ჩაჩნების საოჯახო ყოფაში.

შარიათის გავლენის შედეგად მომხდარმა ცვლილებებმა თავი იჩინეს უმთავრესად ოჯახის მართვის, ოჯახის წევრთა შორის ურთიერთობისა და საოჯახო ქონებაზე მფლობელობის სფეროში. ოჯახის მართვის სფეროში გაძლიერდა მისი უფროსის ერთპიროვნული ძალაუფლება, ოჯახის წევრთა ურთიერთობაში კიდევ უფრო შეიზღუდა ქალის თავისუფლება, ხოლო საკუთრების სფეროში მას მიენიჭა ქონების გარკვეული ნაწილის მიღების უფლება და კიდევ უფრო გაიზარდა ოჯახის უფროსი მამაკაცის, როგორც საოჯახო დოვლათის მესაკუთრის, პრივილეგიები. ამგვარი მოვლენები განაპირობებდნენ დესპოტური ოჯახის ჩამოყალიბებას, რომლის შიგნით ერთპიროვნული ძალაუფლებისა და კერძომესაკუთრული ტენდენციის ზრდა მისი რღვევის სიმპტომებს წარმოადგენდნენ, განკერძოებისაგან სწრაფვას ხელს უწყობდნენ და მის დამლასაც აჩქარებდნენ. განხილული ლიტერატურის მიხედვით, დესპოტური ანუ სამამო ოჯახი, როგორც მ. კოსვენმა ამ ტიპის ოჯახს უწოდა, ჩამოყალიბებულ სახეს ღებულობს აზერბაიჯანში, ხოლო დესპოტიზმის ელემენტები მეტ-ნაკლებად დამახასიათებელია დაღესტნის ხალხების, ჩაჩნების, ინგუშების და ჩრდილო-დასავლეთი კავკასიის ხალხების საოჯახო ყოფისთვისაც, თუმცა ჩრდილო კავკასიის ხალხებში, მათ შორის ისეთებშიც კი, რომელთა ცხოვრებაში მაჰმადიანობამ მძლავრად გაიდგა ფესვები (დაღესტანი, ჩაჩნეთი), სრულფასოვანი დესპოტური ოჯახი არ შექმნილა. არსებული ლიტერატურის მიხედვით, კავკასიის ხალხთა უმრავლესობაში დიდი ოჯახი ინარჩუნ-



ნებდა დემოკრატიული ტიპის ოჯახის ტრადიციულ ნიშან-თვისებებს (რამდენიმე თაობის გაუყრელობა, მმართველობის სოლიდარული ფორმა, საოჯახო-თემური საკუთრება).

XIX საუკუნის ავტორები მრავალ შემთხვევაში არქაიზაციის ტენდენციას იჩენდნენ და დიდი ოჯახის არსებობას კავკასიის მთიელთა ცხოვრებაში გვაროვნული ყოფის შენარჩუნებით ხსნიდნენ. ისინი ყოველთვის როდი ცდილობდნენ იმის დანახვას, რაც გვაროვნულ წყობას მისი გადმონაშთებისაგან განასხვავებდა. სამაგიეროდ, საბჭოთა ისტორიულ-ეთნოგრაფიულ ლიტერატურაში თანდათანობით ვითარდებოდა შეხედულებები, რომ რუსეთთან შეერთების პერიოდისათვის კავკასიის მთიანეთში არსებობდა პატრიარქალურ-ფეოდალური ურთიერთობა, ანუ მოუმწიფებელი ფეოდალური ურთიერთობა გვაროვნული წყობის მძლავრად შემორჩენილი გადმონაშთებით. როგორც ცალკეულ გამოკვლევებში, ისე სახელმძღვანელოს ტიპის შემაჯამებელ შრომებში დიდი ოჯახი მის პარალელურად არსებული ტრანსფორმირებული სოციალური ერთეულების (გვარი, პატრიონიმია, ტერიტორიული თემი...) გვერდით განიხილებოდა ნახევრადპატრიარქალური-ნახევრადფეოდალური წყობილებისათვის დამახასიათებელ მოვლენად. საზოგადოებრივ ურთიერთობათა ამ მიმართულებით კვლევის საფუძველზე საბჭოთა საისტორიო მეცნიერებაში განმტკიცდა შეხედულება, რომ შუა საუკუნეების მთის საზოგადოებები განვითარების აღრეფოდალურ საფეხურზე იმყოფებოდნენ.

ბოლოდროინდელ გამოკვლევებში, რომლებიც მახლობელი აღმოსავლეთისა და კავკასიის უძველესი კლასობრივი საზოგადოებების ბუნების ახლებურად გარკვევას მიეძღვნა, აკად. გ. მელიქიშვილმა სახელმძღვანელო დებულება შეიმუშავა კავკასიის მთიელთა სოციალურ-ეკონომიური წყობილების განსაზღვრაში¹. მანამდე არსებულ შეხედულებათა კრიტიკული გადასინჯვის საფუძველზე მკვლევარმა შესაძლებლად ცნო „უარი ვთქვათ ტერმინ „აღრეფოდალურის“ გამოყენებაზე დასავლეთევროპულისაგან განსხვავებული ფეოდალიზმის ტიპების მიმართ“. მისი აზრით, „ყოველ შემთხვევაში, „მთური ფეოდალიზმის“ მიმართ უფრო მისაღებია ისეთი

¹ Г. М е л и к и ш в и л и, К вопросу о характере древних закавказских и средневековых горских северокавказских классовых обществ, ж. «История СССР», 1975, № 6; მ ი ს ი ვ ე, მახლობელი აღმოსავლეთისა და კავკასიის უძველესი კლასობრივი საზოგადოებების ბუნების საკითხისათვის, ივანე ჯავახიშვილის დაბადების 100 წლისთავისადმი მიძღვნილი საიუბილეო კრებული, თბ., 1976.



საქართველოს
წიგნების კავშირი

ტერმინების გამოყენება, როგორცაა „წინაფეოდალური“, „ტოფეოდალური“, „ნახევრად-ფეოდალური“, კიდრე ტერმინისა „ადრეფეოდალური“². კავკასიის მთის საზოგადოებათა ამგვარი კვალიფიკაცია მთლიანად აცლის საყრდენს მცდარ სქემატიზმზე დამყარებულ თვალსაზრისს ქართველ მთიელთა საზოგადოებრივ განვითარებაში ე. წ. ძველადმოსავლური ტიპის ადრემონათმფლობელური წყობილების არსებობის შესახებ (გ. ბარდაველიძე) და დღის წესრიგში აყენებს მთელი იმ შეხედულებების გადასინჯვას, რომელიც ასტრალურ ღვთაებათა პანთეონის სტრუქტურას შეეხება. გ. მელიქიშვილის გამოკვლევათა შეუქმე უნიადაგო აღმოჩნდა არათუ თეზისი მითაში, და თანაც ხევესურათში, ადრემონათმფლობელური სტადიის შესახებ, არამედ „სადავოა სამეცნიერო ლიტერატურაში ამჟამად საყოველთაოდ გაბატონებული მოსაზრება შუასაუკუნეების მთის საზოგადოებათა „ადრეფეოდალურობის“ შესახებ. ეს უკანასკნელი განვითარების უფრო მაღალ საფეხურს განასახიერებს და უფრო დინამიურ სიტუაციას გამოხატავს — განვითარებულ ფეოდალიზმში გადაზრდის ძლიერ ტენდენციას იმჩნევს. ასეთი რამ კი მთის ადრეკლასობრივი საზოგადოებებისათვის დამახასიათებელი არ ჩანს. ამ გარემოებას, რა თქმა უნდა, უმთავრესად განსაზღვრავს აქაურ საზოგადოებათა ბაზისის თავისებურება — ამ საზოგადოებების ეკონომიური ბაზისი შეზღუდულობა, რაც ზედმეტი პროდუქტის წარმოებისა და ექსპლოატაციის გაღრმავების შესაძლებლობას არ იძლევა“³.


გ. მელიქიშვილის ეს დებულება კიდევ უფრო ზრდის უძველესი სოციალური ინსტიტუტების, მათ შორის საოჯახო თემის ტრანსფორმირებულ სახეობათა შესწავლის მნიშვნელობას, აფართოებს მისი შემდგომი კვლევის პერსპექტივას და მეტ აქტუალობას ანიჭებს მისი ადგილის განსაზღვრას კავკასიის ხალხების საზოგადოებრივ ურთიერთობათა სტრუქტურაში.

РЕЗЮМЕ

Сведения о семейном быте народов Кавказа восходят к древнейшим временам. Чем богаче культурное, историческое

² გ. მელიქიშვილი, მახლობელი აღმოსავლეთისა და კავკასიის უძველესი კლასობრივი საზოგადოებების ბუნების საკითხისათვის, 170.

³ იქვე.



и литературное наследие народа, тем обильнее и разнообразнее эти сведения. Интересные для изучения семейных отношений данные встречаются в исторической литературе, в юридических памятниках, художественных произведениях, этнографических и фольклорных материалах. Следует отметить, что древнейшие письменные источники содержат самые полные сведения именно о семейных и брачных отношениях. Подтверждением этого являются памятники древневосточного права, среди которых важнейшее место занимают семейные и брачные кодексы. Не менее интересными в этом отношении являются и памятники древнегрузинского и древнеармянского права, а также, другие письменные источники, содержащие важные сведения о семейном быте грузин, армян и некоторых других народов Кавказа.

В течение веков накопился огромный материал о структуре семьи, однако научное изучение семейных отношений, наряду с другими основными вопросами общественного быта, начинается лишь со второй половины XIX в., когда этнография оформилась в самостоятельную научную дисциплину. С этого же времени внимание исследователей привлекает и семейный быт кавказских народов. Большой интерес исследователей к изучению форм семьи на Кавказе был обусловлен длительно сохранившимся богатым фактическим материалом, который лег в основу многочисленных описаний и исследований. Этот материал превратился в достояние общей этнографии.

Вопреки так называемой «патриархальной теории», согласно которой человечество на протяжении своего существования знало якобы лишь моногамную семью и патриархальный строй, Ф. Энгельс в своем труде «Происхождение семьи, частной собственности и государства» обосновал, что до моногамной семьи существовала семейная община. Заслуживает внимания то обстоятельство, что при этом Ф. Энгельс обратил внимание на Кавказ, используя в качестве одного из своих источников труды М. Ковалевского, написанные по материалам семейного быта кавказских народов. Данный факт свидетельствует о том, что кавказский этнографический материал сыграл важнейшую роль в исследовании проблемы форм семьи в свете общей этнографии.

Высказывание Ф. Энгельса основанное на соответствующей литературе о том, что во второй половине XIX в., т. е. на капиталистической стадии развития общественных отношений, «еще продолжает существовать... южнославянская задруга, как наилучший образец семейной общины, что «такие большие семейные общины продолжают существовать в



России», что «во Франции они сохранились в Ниверне вплоть до Французской революции под названием *рабоньерии*, а во Франш-Конте они до настоящего времени еще не совсем исчезли»¹, стало методологической основой советской этнографии при научной разработке прочно утвердившегося положения, что сохранившаяся до XIX в. большая семья была пережитком ранней формы семейной общины.

Советская этнография развивает в этом направлении исследование семейного быта, актуальность которого постепенно растет в борьбе с буржуазной наукой, защищающей противоположную точку зрения. Естественно, в такой обстановке значительно повышается роль кавказского этнографического материала, как первостепенного источника, на основе использования которого сфера исследования социальных взаимоотношений от М. Ковалевского до настоящего времени обогатилась многими интересными трудами. Это, в первую очередь, касается изучения семейного быта, которое началось в первой половине XIX в. в основном сбором материала, во второй половине XIX в. появлялись и отдельные исследования, а в советской этнографии изучение этого вопроса приняло интенсивный характер. Из работ, опубликованных в советскую эпоху, особо следует выделить Фундаментальные труды М. Косвена², монографии Р. Харадзе³, исследования Э. Карапетян⁴ и многих других авторов. Вопросы семейных взаимоотношений кавказских народов были нами изучены в специальных трудах⁵, в которых делает-

1 Ф. Энгельс, Происхождение семьи, частной собственности и государства. К. Маркс и Ф. Энгельс, Сочинения, т. XXI, изд. II, М., 1961, 62—63.

2 М. Косвен, Этнография и история Кавказа, М., 1961; его же, Семейная община и патронимия, М., 1963.

3 Р. Харадзе, Пережитки большой семьи у сванов (на груз. яз., резюме на русск. и на франц. яз.), Тб., 1939; его же, Грузинская семейная община, I, Тб., 1960, II, Тб., 1961.

4 Э. Карапетян, Армянская семейная община, Ереван, 1958.

5 В. Итонишвили, Из истории семейных отношений грузин-горцев (на груз. яз.), Тб., 1960; его же, Пережитки семейной общины в горной Ингушетии (состав семьи), КЭС, II, Тб., 1968; его же, Семейный быт горцев Центрального Кавказа, I, Семейный быт нахов и осетин (на груз. яз., резюме на русск. яз.), Тб., 1969; его же, В. И. Ленин о семье (на груз. яз.), ж. «Мнатоби», 1970, № 9; его же, Семейны быт Мтнулети-Гудамакари (на груз. яз., резюме на русск. яз.), КЭС, III, Тб., 1971; его же, Семейный быт горцев Центрального Кавказа, Автореферат докт. дисс., Тб., 1971; его же, Пережитки семейной общины у грузин-горцев Ксанского ущелья, КЭС, IV, Тб., 1972; его же, Из жиз-

ся и попытка критической оценки использованной литературы. Для сравнительно полного воссоздания реальной картины мы сочли необходимым дать историографический обзор семейного быта народов Кавказа. В данном труде с этой точки зрения рассмотрен семейный быт почти всех народов Кавказа (армян, азербайджанцев, абхазов, адыгов, балкарцев, карачаевцев, осетин, вейнахов, дагестанских народов). В виду ограниченного объема труда, при рассмотрении историографии семейного быта грузинского народа мы заострили внимание лишь на заслугах известных грузинских ученых И. Джавахишвили, С. Джанашиа и Н. Бердзенишвили. Рассмотрение этнографического, исторического и юридического наследства о семейном быте грузинского народа отложено на будущее.

На основе рассмотрения историко-этнографической литературы, созданной в итоге изучения семейного быта народов Кавказа, которое дано в настоящем труде по отдельным народам и регионам Кавказа, стало ясным сосуществование социальных единиц, возникших как на классовой, так и доклассовой стадии развития общественных отношений. В данном случае дело касается сосуществования индивидуальной семьи и пережиточной формы семейных общин, из которых первая генетически связана с возникновением классового общества, а вторая — с существованием первобытнообщинного строя и стадией его разложения. Индивидуальная семья на различных ступенях классового общества постепенно достигает господствующего положения, а семейная община вместе с другими социальными институтами (род, патрионимия, территориальная община) сохраняется в пережиточном виде, претерпевает трансформацию и в конце XIX в., в некоторых регионах более позднее, окончательно прекращает свое существование. По признанию почти всех авторов, длительность существования большой семьи была обусловлена уровнем социально-экономического развития страны. В этом

ни и быта горцев Картли (на груз. яз.), Тб., 1974; его же, Вопросы семейного быта народов Закавказья в советской этнографической науке (на груз. яз.), «Мацне» (серия истории...), 1975, № 1; его же, Экономические основы семьи у цова-тушин (на груз. яз.). «Юбилейный сборник посвященный 100-летию со дня рождения академика И. А. Джавахишвили», Тб., 1976; его же, Порядок раздела семьи и принцип распределения имущества у цова-тушин (на груз. яз.), «Юбилейный сборник, посвященный 80-летию со дня рождения академика Н. А. Бердзенишвили (Разыскания по истории Грузии и Кавказа)», Тб., 1976.



отношении имелось различие не только между странами Кавказа, но и внутри одной страны. Если Грузия и Армения по уровню социально-экономического развития стояли намного выше стран северокавказских народов, то в самой Грузии и Армении уровень социально-экономического развития между горным и равнинным районами был неодинаков. В соответствии с этим в горных районах Грузии и Армении, в отличие от равнины, более длительное время сохранились пережитки древнейших социальных институтов, в том числе и большие семьи. В отношении сохранения архаичных явлений такие же локальные особенности были характерны и для северокавказских этнографических регионов, что также было обусловлено уровнем социально-экономического развития каждого из них.

Специфику семейного быта определяли и идеологические факторы, в частности форма религии и масштабы ее распространения. Особенно явным в структуре семьи оказалось внедрение норм шариата в результате распространения мусульманства и замена на его основе некоторых традиционных характерных свойств или полное их отживание. В соответствии с этим, для семьи характерна в одном случае традиционные признаки, в другом — сосуществование традиции и усвоенных в дальнейшем элементов. Среди закавказских народов традиционный вид сохранили грузинская, абхазская и армянская большие семьи, а у населения Северного Кавказа эта особенность была больше всего характерна для осетинской большой семьи. Что касается влияния шариата в Закавказье, это четко отразилось в семейном быту азербайджанцев, а у народов Северного Кавказа особенно в семейном быту дагестанцев и чеченцев.

Изменения, возникшие под влиянием шариата, особенно ярко проявились в сфере управления семьей, владения семейным имуществом и взаимоотношении членов семьи. В сфере управления семьей усилилась единоличная власть главы семьи, во взаимоотношениях членов семьи еще более была ограничена свобода женщины, в сфере собственности ей было предоставлено право получения определенной доли имущества, возросли привилегии старшего мужчины семьи, как собственника семейного достатка. Подобные явления обуславливали формирование деспотичной семьи, внутри которой рост единоличной власти и частнособственнической тенденции были симптомами его разложения, способствовали обособлению и ускоряли их распад. Анализ литературы показывает, что деспотическая или отцовская семья, как назвал М. Косвенн этот тип семьи, формируется в Азербай-



джане, а элементы деспотизма более или менее характерны для семейного быта чеченцев, ингушей, народов Дагестана и Северо-Западного Кавказа. Но у народов Северного Кавказа, в том числе и среди тех, у которых мусульманство пустило глубокие корни (дагестанцев, чеченцев), не была создана типичная деспотичная семья. По данным специальной литературы у большинства народов Кавказа большая семья сохранила традиционные признаки семьи демократического типа (неразделенность нескольких поколений, солидарная форма правления, общесемейная собственность).

Авторы XIX в. часто проявляли тенденции архаизма и существование большой семьи в жизни горцев объясняли сохранением родового быта. Они не всегда старались увидеть то, что отличало родовой строй от его пережитков. В советской историко-этнографической литературе постепенно развивалась точка зрения, что на рубеже XVIII—XIX веков в горах Кавказа существовали патриархально-феодальные взаимоотношения, или незрелые феодальные отношения с сильно сохранившимися пережитками родового строя. В отдельных исследованиях и в обобщающих трудах большая семья, в месте с существующими параллельно с ней трансформированными социальными единицами (род, патронимия, территориальная община) рассматривалась, как явление, характерное для полупатриархально-полуфеодального строя. На основе изучения общественных отношений советская историческая наука пришла к выводу о том, что средневековые горские общества находились на раннефеодальной стадии развития.

При исследовании природы древнейших классовых обществ Ближнего Востока и Кавказа, акад. Г. Меликишвили выдвинул положение об определении социально-экономического строя кавказских горцев⁶. Критически пересмотрев существующие точки зрения, автор считает: «справедливым будет отказ от применения этого термина («раннефеодальный») в отношении отличных от западноевропейского типов феодализма. Во всяком случае, пишет Г. Меликишвили, в отношении «горского феодализма» нам кажется более приемлемым использованием терминов «дофеодальный», «прото-

⁶ Г. Меликишвили, К вопросу о характере древних закавказских и средневековых горских северокавказских классовых обществ, ж. «История СССР», 1975, № 6; его же, К вопросу о характере древнейших классовых обществ Ближнего Востока и Кавказа (на груз. яз.), «Юбилейный сборник, посвященный 100-летию со дня рождения академика И. А. Джавахишвили», Тб., 1976.



საქართველოს
რესპუბლიკის
 ეროვნული
 ბიბლიოთეკა

феодалный», чем термина «раннефеодалный»⁷. Подобная квалификация кавказских горских обществ полностью включает возможность существования т. н. раннерабовладельческого строя древневосточного типа в горных районах Восточной Грузии (В. Бардавелидзе) и считаем необходимым пересмотреть взгляды, касающиеся структуры пантеона астральных божеств. В свете исследований Г. Меликишвили беспочвенным оказался не только тезис о раннерабовладельческой стадии в горных районах, тем более в Хевсурети, но и является спорным общепризнанное ныне в научной литературе мнение о «раннефеодальности» средневековых горских обществ. Эти последние, указывает автор, олицетворяют более высокую степень развития и выражают более динамичную ситуацию — сильную тенденцию перероста в развитый феодализм. Незаметно, чтобы такое положение было бы характерным для горских раннеклассовых обществ. Это обстоятельство, конечно, определяется, главным образом, особенностью здешних обществ — ограниченностью их экономического базиса, препятствующего производству прибавочного продукта и углублению эксплуатации⁸.

Это положение, высказанное Г. Меликишвили, еще больше поднимает значение изучения древнейших социальных институтов, в том числе трансформированных форм семейной общины, расширяет перспективы его дальнейшего исследования и придает актуальность определению его места в структуре общественных отношений народов Кавказа.

⁷ Г. Меликишвили, К вопросу о характере древних закавказских и средневековых горских северокавказских классовых обществ, 52.

⁸ Г. Меликишвили, К вопросу о характере древнейших классовых обществ Ближнего Востока и Кавказа, 170.

უიშოკლუბათა ზანმარტება

- პმპ — კავკასიის ეთნოგრაფიული კრებული (თბილისი)
მსმ — მასალები საქართველოს ეთნოგრაფიისათვის
АЭС — Азербайджанский этнографический сборник
ВКБНИИ — Вестник Кабардино-Балкарского научно-исследовательского института
ВИ — Вопросы истории
ВЕ — Вестник Европы
ЗКОРГО — Записки Кавказского отдела Русского географического общества
ИВ — Исторический вестник
КСИЭ — Краткие сообщения Института этнографии Академии наук СССР
КЭС — Кавказский этнографический сборник (Москва, Тбилиси)
МИЭБГКЗК — Материалы для изучения экономического быта государственных крестьян Закавказского края
СМИЭБГКЗК — Свод материалов по изучению экономического быта государственных крестьян Закавказского края
СМОМПК — Сборник Материалов для описания местностей и племен Кавказа
ССКГ — Сборник сведения о кавказских горцах
СЭ — Советская этнография
ТИЭ — Труды Института этнографии Академии наук СССР
УЗАНИИЯЛИ — Ученые записки Адыгейского научно-исследовательского института языка, литературы и истории
УЗДФ АН СССР — Ученые записки Дагестанского филиала Академии наук СССР
ЭО — Этнографическое обозрение

შინაარსი

შესავალი	3
I. ქართველი ხალხის საოჯახო ყოფის საკითხები ქართველ ისტორიკოსთა შრომებში	8
✓ II. სომხების, აზერბაიჯანელებისა და ამიერკავკასიის ზოგიერთი სხვა ხალხის საოჯახო ყოფის საკითხები საბჭოთა ეთნოგრაფიულ მეცნიერებაში	53
1. საოჯახო თემის გადმონაშთები სომხეთში	59
2. საოჯახო თემის გადმონაშთები აზერბაიჯანში	68
✓ III. აფხაზთა საოჯახო ყოფის საკითხები ეთნოგრაფიულ ლიტერატურაში	82
✓ IV. ჩრდილო-დასავლეთ კავკასიის ხალხთა საოჯახო ყოფის საკითხები ეთნოგრაფიულ ლიტერატურაში	99
V. ოსთა საოჯახო ყოფის კვლევის შედეგები	137
✓ VI. ვეინახების საოჯახო ყოფის კვლევის შედეგები	148
✓ VII. დაღესტნის მოსახლეობის საოჯახო ყოფის საკითხები ეთნოგრაფიულ ლიტერატურაში	156
დასკვნა	187
რეზიუმე	190
შემოკლებათა განმარტება	

СОДЕРЖАНИЕ

Введение	3
I. Вопросы семейного быта грузин в трудах грузинских историков	8
II. Вопросы семейного быта армян, азербайджанцев и некоторых других народов Закавказья в Советской этнографической науке	53
1. Пережитки семейной общины в Армении	59
3. Пережитки семейной общины в Азербайджане	68
III. Вопросы семейного быта абхазов в этнографической литературе	82
IV. Вопросы семейного быта народов Северо-Западного Кавказа в этнографической литературе	99
V. Итоги исследования семейного быта осетин	137
VI. Итоги исследования семейного быта вейнахов	148
VII. Вопросы семейного быта народов Дагестана в этнографической литературе	156
Заключение	187
Резюме	190
Список сокращений	

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

გამომცემლობის რედაქტორი ლ. ჯგებენავა
ტექნორედაქტორი ც. ქაშუშაძე
მხატვარი გ. ნადირაძე
კორექტორი ნ. შენგელია

გადაეცა წარმოებას 31.1.1977; ხელმოწერილია დასაბეჭდად 6.5.1976;
ქაღალდის ზომა 60X90¹/₁₆; ქაღალდი № 2; ნაბეჭდი თაბახი 12,50;
საალრიცხვო-საგამომცემლო თაბახი 10.85;
უე 01078; ტირაჟი 1500; შეკვეთა № 317;
ფასი 1 მან. 50 კაპ.

Издательство «Мецниереба», Тбилиси, 380060, ул. Кутузова, 19
Типография АН Груз. ССР, Тбилиси, 380060, ул. Кутузова, 19

გამომცემლობა „მეცნიერება“, თბილისი, 380060, კუტუზოვის ქ., 19
საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19

გვ
1. გ

✓ II.

✓ III

✓ IV.

V.

✓ VI.

✓ VII

და

გვ

გვ

B:

I

II

IV

V

V

3

P

C

Валериан Джамбулович Итонишвили
СЕМЕЙНЫЙ БЫТ НАРОДОВ КAVKAZA
Историографический очерк
(На грузинском языке)

